


〔重刊訂正本〕

中國醫學大成

錢肅劄題



〔重刊訂正本〕

中國醫學大成

〔三〕

上海科學技術出版社

中國醫學大成 (全套共五十冊)

上海科學技術出版社出版

(上海瑞金二路四五〇號)

新華書店上海發行所發行

上海市印刷十廠印刷

開本七八七×一〇九二

三十二開

精裝

總字數一二,七九〇,〇〇〇

總印張八六二

一九九〇年六月第一版 一九九〇年六月第一次印刷

靈樞識

〔日〕 丹波元簡 撰

原 編 曹炳章

總審定 裘沛然

總審閱 蕭敏材 朱邦賢 沈麗君

重刊訂正《中國醫學大成》序

《中國醫學大成》一書，我鄉先輩四明曹炳章先生所輯集，爲發揚中醫學，保存古醫籍，以饗同道並惠後學作也。曹氏纂集是書時，正值西學東漸，國內淺見倖進之徒，競尚浮華，大肆鞭撻我國文化固有之精英，如民族醫學，悉在消滅之列，中醫學不絕如縷。而先生乃在此時從事中醫叢書巨著之編輯，姑不論其學術價值，獨其保存民族文化精粹之苦心孤詣令人可敬，其卓識遠見，又何其可欽也。

楊志一在原書序中有說：『大凡學術之成立，歷久而不敗者，必有其真實之價值在。』善哉言乎！中華民族立國數千年而得以生存繁衍，如無優秀之文化及可貴之醫學，則亦何逃於優勝劣敗之例。尤

其在科學迅猛發展之今日，百技更新，而古老之中醫藥學日益引起國內外有識之士之重視。各類中醫藥研究所之建立，亦爲保護人民健康之需要，順應世界醫學發展之潮流而設。凡此種種，夫豈偶然。

惟中醫學歷史悠久，濫觴於炎黃，昌盛於漢唐，歷代醫家多有創見，其學術經驗載於文獻者浩如煙海，遺佚者可弗論，僅就先生纂集之時，存書尙達萬種，學者既不能盡讀，又無力購置，且諸書精粗雜糅，版本文字舛誤殊多，使學習中醫者常興望洋之嘆。先生乃爲之博採精選，上自先秦，下迄近代，凡理論、方藥、臨床各科咸備，別爲十三類，書計三百六十五種，分醫經、藥物、診斷、方劑、通治、外感病、內科、外科、婦科、兒科、針灸、醫案及外集雜著各類。其中傷科、眼科及五官病歸入外科，推拿、手術歸入針灸，醫論、醫話、醫史歸入雜著。所收各書，皆中醫要籍，大都內

容精粹，切合實用，版本亦從精選，並加句斷。各書之首，皆列著作校刊略歷及內容提要，以便讀者入門粗知梗之助。

中醫學歷來叢書頗少，是書搜羅廣而選擇精，洵爲前所未有之巨著。惜全書印刊未半而抗戰軍興，烽煙迷漫，醫籍出版被迫中輟。而已印行之一百三十六種，今亦散佚不全。上海科學技術出版社爲應學者需求，重爲付梓，並影印以存原貌。書中明顯錯訛者，由我院及中醫文獻研究所等有關單位專業人員校勘改正，使之益臻完善。

夫文以載道，中醫學爲我國醫學之重要財富，文獻則是寶庫中之重要內容。故有志斯道者，務求先通中醫之理論法則、方藥效用和臨床處置，使對中醫學有全面之理解，更須驗之臨床，以汲取其理論精華與豐富經驗。學問之事，原恃艱苦以求而非獵取可得。昔張仲景勤求古訓，博採衆方；孫思邈青衿之歲，高尚是典，白首之

年，未嘗釋卷；葉香岩以不讀破萬卷，不敢輕言醫。茲三人者，皆由勤奮好學而成一代高醫，故學習中醫宜下一番札實工夫。在此基礎上運用現代科學技術研究和整理中醫學，才有闡明和提高希望。中西醫結合，亦將另具特色。以務實精神，走中醫現代化循序而進之道路，勇於繼承，敢於創新，使傳統醫學有所發現與創造。苟能如此，不僅爲祖國爭光，並將爲人類造福。

本叢書一百三十六種，分爲五十冊；每冊後並皆附有全部書目。它的出版，爲中醫和愛好中醫者提供珍貴之醫學文獻，讀者勤習而深研之，必能奠定中醫學根柢，大有助於中醫事業之繼承與發展。

裘沛然

一九八八年六月作於
上海中醫學院

靈樞識提要

考靈樞之命名。起自唐中葉。王冰註素問。引本經文曰靈樞。馬玄臺云。靈樞者。正以樞爲門戶。闔闢所繫。而靈乃至神至玄之稱。此書之切。何以異是。張氏云。神靈之樞要。是謂靈樞。王九達亦云。樞。天樞也。天運於上。樞機無一息之停。人身如天之運樞。所謂守神守機是也。其初意在於捨藥而用鍼。故揭空中之機。以示人。空者。靈機者。樞也。既得其樞。則經度營衛。變化在我。何靈如之。考道藏中有靈軸。玉樞神樞等經。馬玄臺又云。晉皇甫士安。以鍼經名之。案本經首編九鍼十二原中。有先立鍼經一語。又素問八正神明論。亦有岐伯云。法往古者。先知鍼經也。是素問之書。亦出自靈樞首篇耳。後世王冰釋素問。以靈樞鍼經雜名之。宋成無己釋傷寒論。及引各醫籍。凡引靈樞者。皆不曰靈樞。而曰鍼經。實始於皇甫士安也。但鍼經二字。祇見於本經首篇。其餘所論營衛輸穴。關格脈體。經絡病證。三才萬象。靡不畢具。雖每篇各病。必有其鍼。自後世易靈樞以鍼經之名。遂使後之學者。視此書以訛傳訛。棄而勿學。深可痛也。不知素問諸篇。隨問隨答。頭緒紛繁。入徑不

易。惟靈樞則大體完全。細目咸具。誠治醫之南鍼也。日本丹波元簡。精究斯經。乃引據各家註本。再從心得經驗。闡發奧義。辨正訛誤。著爲靈樞識一書。實爲治內經學者必讀之書。原書用日本活字排印。初印僅百部。久已絕版。卽日本亦不易得。今以重值購致。重爲校讎。鉛槧行世。以供同好。

綜概

皇甫謐甲乙經序曰。按七略藝文志。黃帝內經十八卷。今有鍼經九卷。素問九卷。二九十八卷。卽內經也。案所謂鍼經九卷。卽指此經。而此經亦或單稱九卷。張仲景傷寒論序素問九卷是也。爾後王氏脈經甲乙及外臺祕要中引此經。並單稱九卷。蓋素問九卷。東漢以降。第七卷旣亡。甲乙序云。亦有亡失。隋經籍志載梁七錄亦云。止存八卷。則本經單稱九卷者。對素問八卷而言之。若靈樞之稱。昉於唐中葉王冰註素問。引本經文。或曰靈樞。或曰鍼經是也。林億等因謂王冰名爲靈樞。不可定然也。其命名之義。馬氏云。靈樞者。正以樞爲門戶闔闢所繫。而靈乃至神至玄之稱。此書之切。何以異是。張氏云。神靈之樞要。是謂靈樞。王九達亦云。樞。天樞也。天運於上。樞機無一息之停。人身如天之運樞。所謂守神守機是也。其初意在於捨藥而用鍼。故揭空中之機以示人。空者靈。機者樞也。旣得其樞。則經度營衛。變化在我。何靈如之。今攷道藏中有玉樞、神樞、靈軸等經。意者靈樞之稱。豈出於道流歟。

林億等云。隨經籍志。謂之九靈。案隋志只有黃帝鍼經九卷之目。無九靈。而唐藝文志載靈寶註黃帝九靈經十二卷。豈今本隋志有脫歟。

馬氏曰。晉皇甫士安以鍼經名之。案本經首篇九鍼十二原中有先立鍼經一語。又素問八正神明論亦有岐伯云。法往古者。先知鍼經也。是素問之言亦出自靈樞首篇耳。後世王冰釋素問以靈樞鍼經雜名。宋成無己釋傷寒論及各醫籍。凡引靈樞者。皆不曰靈樞而曰鍼經。其端皆始于皇甫士安也。但鍼經二字止見於本經首篇。其餘所論營衛輸穴。關格脈體。經絡病證。三才萬象。靡不森具。雖每篇各病必有其鍼。自後世易靈樞以鍼經之名。遂使後之學者視此書止爲用鍼棄而不習。深可痛惜。豈知素問諸篇隨問而答。頭緒頗多。入徑殊少。靈樞大體渾全。細目畢具。猶儒書之有大學。三綱八目。總言五發。真醫家之指南。其功當先於素問也。簡案朱子曰。素問語言深。靈樞淺較易。今攷本經亦成於衆手。猶素問也。然素問各篇文字多深奧。靈樞則不過數篇。馬說未可盡信焉。

趙希弁讀書後志曰。靈樞經九卷。右王冰謂此書卽漢志皇帝內經十八卷之九也。或謂好事者於皇甫謐所集內經倉公論中抄出之。名爲古書也。未知孰是。

王應麟玉海曰。書曰黃帝靈樞經九卷。黃帝、岐伯、雷公、少俞、伯高、答問之語。隋、楊上善序。凡八十一篇。鍼經九卷。大抵同。亦八十一篇。鍼經以九鍼十二原爲首。靈樞以精氣爲首。又間有詳略。王冰以鍼經爲靈樞。故席延賞云。靈樞之名。特最後出。簡案。今靈樞以九鍼十二原爲首。甲乙經以精氣爲首。不知當時有靈樞以精氣爲首者乎。宋藝文志亦載黃帝靈樞經九卷。黃帝鍼經九卷。豈同種而異名者歟。

江少虞宋朝類苑曰。哲宗時。臣寮言。竊見高麗獻到書內。有黃帝鍼經九卷。據素問序稱。漢書藝文志。黃帝內經十八卷。素問與此書各九卷。乃合本數。此書久經兵火。亡失幾盡。偶存於東夷。今此來獻。篇秩具存。不可不宣布海內。使學者誦習。伏望朝廷詳酌。下尙書工部彫刻印板。送國子監依例摹印施行。所貴濟衆之功。溥及天下。有旨。令祕書省選奏通曉醫書官三兩員校對。及令本省詳定訖。依所申施行。又宋史。哲宗紀。元祐八年正月庚子。詔頒高麗所獻黃帝鍼經於天下。簡案。林億等校正素問。在仁宗嘉祐中。乃距哲宗元祐八年。殆四十年。億輩不及視之。故註中間云。靈樞文不全爲是也。宋藝文志又載黃帝九虛內經五卷。攷億等

素問甲乙等註所引九虛文。今並見本經中。乃知九虛者。乃此經之別本。僅存五卷。非其全帙也。要之曰靈樞。曰九靈。曰九虛。出黃冠所稱。而九卷鍼經。乃爲舊題也。

醫史呂復云。內經靈樞。漢、隋、唐、藝文志皆不錄。隋有鍼經九經。唐有靈寶註黃帝九靈經十二卷而已。或謂王冰以九靈更名爲靈樞。又謂九靈尤詳於鍼。故皇甫謐名之爲鍼經。卽隨志鍼經九卷。苟一書而二名。不應唐志別出鍼經十二卷也。所謂靈寶註者。乃扁鵲大玄君所箋。世所罕傳。宋季有靈樞略一卷。今亦湮沒。紹興初。史崧併是書爲十二卷。而復其舊。較之他本頗善。學者當與素問並觀。蓋其旨意互相發明故也。案徐常吉諸家要指舉呂說云。後漢廣漢郭玉初有老父號涪翁著鍼經診脈法授弟子程高。高傳於玉。蓋徐意似以靈樞爲涪翁鍼經焉。

徐渭青藤山人路史曰。黃帝時。未聞有宦寺。而靈樞中問答。乃有宦者去其宗筋。固知此書非岐黃筆也。然其本旨授受。疑非岐黃則決不能。所謂夫有所受之也。可疑不特一宦寺。姑筆其易知者耳。

杭世駿道古堂集。靈樞跋曰。七略漢藝文志。黃帝內經十八篇。皇甫謐以鍼經九

卷。素問九卷。合十九篇當之。唐啓元子王冰遵而用之。素問之名。見張仲景傷寒卒病論。鍼經則謚所命名也。隋經籍志鍼經九卷。黃帝九靈十二卷。元滄州翁呂復云。苟一書而二名。不應唐志別出鍼經十二卷。據復所疑。九靈是九靈。鍼經是鍼經。不可合而爲一也。王冰以九靈名靈樞。靈樞之名。不知其何所本。卽用之以法素問。余觀其文義淺短。與素問歧伯之言不類。又似竊取素問之言而鋪張之。其爲王冰所僞託可知。自冰改靈樞後。後人莫有傳其書者。唐寶應至宋紹興。錦官史崧乃云家藏舊本靈樞九卷云云。是此書至宋中世而始出。未經高保衡林億等校定也。孰能辨其真僞哉。其中十二經水一篇。無論黃帝時無此名。而天下之水。何止十二。祇以十二經脈。而以十二水配。任意錯舉。水之大小。不詳計也。堯時作禹貢。九州之水始有名。湖水不見於禹貢。唐時荆湘文物最盛。洞庭一湖。屢詠歌於詩篇。徵引於雜記。冰特據身所見而妄臆度之耳。挂漏不待辨而自明矣。簡案。皇甫謐甲乙經序云。按七略藝文志。黃帝內經十八卷。今有鍼經九卷。素問九卷。則鍼經之名。豈謐所命乎。其云王冰改名靈樞者。以冰以前諸書不見有靈樞之名。故生此說。非有明證。况以本經爲冰之僞託者。尤爲疎妄。甲乙之書。撰集

素問、鍼經、明堂孔穴鍼灸治要三部。素問明堂之外，乃爲鍼經之文。今攷之悉具於本經。則本經卽爲古之鍼經。斷然無疑矣。其文字有大同小異者，傳寫之差異耳。其如十二經水，甲乙亦有之。若據杭言，甲乙亦爲唐人之僞託乎。蓋內經秦漢人所撰述。說具于素問解題則如宦者湖水之類。周禮闡人鄭註闡真氣藏者今謂之宦五湖之名出周禮夏官職方氏實亦有不容疑者矣。杭之言不足爲據也。

乾隆四庫全書總目提要載呂復及杭世駿之說曰：李杲精究醫理，而使羅天益作類經，兼採素問靈樞。呂復亦稱善學者，當與素問並觀。其旨義互相發明。蓋其書雖僞，而其言則綴合古經，具有源本。譬之梅賾古文，雜採逸書，聯成篇目，雖牴牾罅漏，贗託顯然，而先王遺訓，多賴其蒐輯以有傳，不可廢也。此本前有紹興乙亥史崧序，稱舊本九卷，八十一篇，增修音釋，附於卷末。又目錄首題，鰲峰熊宗立點校重刊，末題原二十四卷。今併爲十二卷，是此本爲熊氏重刊所併。呂復稱史崧併是書爲十二卷，以復其舊，殆誤以熊本爲史本歟。簡案史序云：勒爲二十四卷。蓋元時別有爲十二卷者。故呂不考史序而有此說也。呂爲元末人，豈有以熊本爲史本之理乎。呂說固誤，而清閣臣之誤，亦爲尤甚也。

校訂各本並引據諸家註本

周曰校重刊本二十四卷案此本于史氏舊帙今舉經文一依也

趙府居敬堂本十二卷此蓋明史所載趙簡王所刊大字此大板紙刻蠲潔尤爲善本

吳勉學校刊本十二卷收在醫統正脈中

熊宗立重刊本十二卷

道藏本二十三卷題云集註而其實原文耳

馬蒔註證發微八卷王九達合類全襲馬氏故不復錄

張介賓類經四十二卷薛雪醫經原旨全抄節張書故亦不復錄

張志聰集註九卷

汪昂類纂約註三卷

案黃帝內經四字及八十一篇之義詳具於素問識。凡本經義訓。素問識已解釋者。今並省之。學者宜參攷。

文化五年戊辰小春 丹波元簡廉夫識

靈樞經綜概

人

靈樞識目錄

綜概

卷一

九鍼十二原第一	一
本輸篇第二	一八
小鍼解第三	三四
邪氣藏府病形篇第四	三七
根結篇第五	五七
壽夭剛柔篇第六	六五
官鍼篇第七	七三

卷二

本神篇第八	一
終始篇第九	一〇
經脈第十	二四

卷二

經別篇第十一	一
經水篇第十二	五
經筋篇第十三	一三
骨度篇第十四	二七
五十營篇第十五	三二
營氣篇第十六	三五
脈度篇第十七	三七
營衛生會篇第十八	四二
四時氣篇第十九	五二

五邪篇第二十·····	六〇
寒熱病篇第二十一·····	六二
癲狂篇第二十二·····	七〇
熱病篇第二十三·····	七七

卷四

厥病篇第二十四·····	一
病本篇第二十五·····	八
雜病篇第二十六·····	九
周痺篇第二十七·····	一七
口問第二十八·····	二〇
師傅篇第二十九·····	二八
決氣篇第三十·····	三三
腸胃篇第三十一·····	三六

平人絕穀篇第三十二	三九
海論篇第三十三	四一
五亂篇第三十四	四三
脈論篇第三十五	四六
五癰津液別篇第三十六	五〇
五閱五使第三十七	五四
逆順肥瘦篇第三十八	五六
血絡論第三十九	六一
陰陽清濁篇第四十	六三
陰陽繫日月篇第四十一	六五
病傳篇第四十二	六九
淫邪髮夢篇第四十三	七四
順氣一日分爲四時篇第四十四	七七
外揣篇第四十五	八一

五變篇第四十六……………八三
本藏篇第四十七……………八七

卷五

禁服篇第四十八……………一
五色篇第四十九……………五
論勇篇第五十……………一七
背腧篇第五十一……………二一
衛氣篇第五十二……………二三
論痛篇第五十三……………二九
天年篇第五十四……………二九
逆順篇第五十五……………三四
五味篇第五十六……………三六
水脹篇第五十七……………四〇

賊風篇第五十八·····	四三
衛氣失常篇第五十九·····	四六
玉版篇第六十·····	五一
五禁篇第六十一·····	五七
動輸篇第六十二·····	五九
五味論篇第六十三·····	六三
陰陽二十五人篇第六十四·····	六六
五音五味篇第六十五·····	八三
百病始生篇第六十六·····	九〇
行鍼篇第六十七·····	九七
上膈篇第六十八·····	九九
憂恚無言篇第六十九·····	一〇二

寒熱篇第七十·····	一
邪客篇第七十一·····	四
通天篇第七十二·····	一五
官能第七十三·····	二一
論疾診尺篇第七十四·····	三〇
刺節真邪篇第七十五·····	三六
衛氣行篇第七十六·····	五一
九宮八風篇第七十七·····	五九
九鍼論第七十八·····	六八
歲露論篇第七十九·····	七六
大惑論篇第八十·····	八一
癰疽篇第八十一·····	八六

靈樞識目錄

人

靈樞識

日本 丹波元簡廉夫著
鄞縣 曹炳章赤電校

卷一

九鍼十二原第一

馬云。內有九鍼之名。又有十二原穴。故名篇。自篇內小鍼之要以下。岐伯盡解於第三篇小鍼解之內。素問有鍼解篇。亦與此二篇小同。當合三篇而觀之。其義無餘蘊矣。舊本以第一篇爲法天。第二篇爲法地。三篇法人。四篇法時。五篇法音。六篇法律。七篇法星。八篇法風。九篇法野。乃後人襲本經七十八篇九鍼論之意而分註之。殊不知彼乃論鍼而非論篇目也。甚爲無理。簡案本經多不下篇字論字。乃所以爲古書也。

余子萬民。馬云。按本紀。記帝經土設井。立步制。畝藝五穀。撫萬民。則子萬民。收

租稅信矣。

百姓。國語周語註。百姓百官有世功者。又書堯典孔傳。百姓百官。

租稅。租稅田賦也。又凡賦取者曰稅。史食貨志。食租衣稅。

不給而屬有疾病。給相足也。屬附也。

微鍼。志云。按篇名九鍼。而帝曰微鍼。伯曰小鍼。是九鍼之外。又立小鍼也。簡案。

微鍼小鍼。蓋謂九鍼中之毫鍼。下文曰。尖如蚊虻喙。靜以取往。微以久留之。是也。

營其逆順出入之會。志云。皮膚經脈之血氣。有逆順之行。有出入之會。簡案。營運也。

易用難忘。志云。明其理則易用。持於心則難忘。

經紀。志云。經。徑。紀。維也。月令鄭注。經紀。謂天文進退度數。

爲之終始。志云。九鍼者。聖人起天地之數。始于一而終于九。九而九之。九九八十一。以起黃鍾之數。

先立鍼經。張云。靈樞卽名鍼經。義本諸此。

易陳而難入。張云。易陳者。常法易計也。難入者。精微難及也。志云。易言而難著于人也。

羸守形。上守神。馬云。下工泥於形迹。徒守刺法。上工則守人之神。凡人之血氣虛實。可補可瀉。一以其神為主。不但用此鍼法而已也。

神乎。神客在門。馬云。所謂神者。人之正氣也。神乎哉。此正氣不可不守也。邪氣之所感。有時如客之往來有期。名之曰客。客在門者。邪客於各經之門戶也。張云。神乎神。言正氣盛衰。當辨於疑似也。客在門。言邪之往來。當識其出入也。簡案。小鍼解曰。神客者。正邪共會也。神者。正氣也。客者。邪氣也。在門者。邪循正氣之所出入也。據此。則神乎二字句。神客。謂神與客也。

刺之微。在速遲。馬云。刺之微妙。在於速遲。速遲者。即用鍼有疾徐之意也。

羸守關。上守機。張云。粗守關。守四肢之關節也。上守機。察氣至之動靜也。不離其空。馬云。素問有骨空論。指各經之穴言。簡案。據小鍼解。空下當有中字。清靜而微。張云。言察宜詳慎也。

其來不可逢。其往不可追。志云。如其氣方來。乃邪氣正盛。邪氣盛則正氣大虛。

不可乘其氣來。卽迎而補之。當避其邪氣之來。其銳氣已往。則邪氣已衰而正氣將復。不可乘其氣往。追而瀉之。恐傷其正氣。在於方來方去之微而發其機也。離合真邪論曰。俟邪不審。大氣已過。瀉之則真氣脫。脫則不復。邪氣復至。而病益蓄。故曰。其往不可追。此之謂也。

不可掛以髮。馬云。知機之道者。唯此一氣而已。猶不可掛一髮以間之。志云。靜守於來往之間而補瀉之。少差毫髮之間。則失矣。

工獨有之。甲乙工作上。

往者爲逆。來者爲順。張云。往。氣之去也。故爲之逆。來。氣之至也。故爲之順。

正行無間。志本問作間非。

逆而奪之。惡得無虛。追而濟之。惡得無實。甲乙。逆。作迎。張云。逆其氣至而奪之。瀉其實也。惡得無虛。隨其氣去而濟之。補其虛也。惡得無實。故瀉必因吸內鍼。補必因呼內鍼。此卽迎來隨去之義。高武云。迎者逢其氣之方來。如寅時氣來注於肺。卯時氣來注大腸。此時肺大腸氣方盛而奪瀉之也。隨者隨其氣之方去。如卯時氣去注大腸。辰時氣去注於胃。肺與大腸。此時正虛而補濟之也。餘

倣此。

大要。簡案、蓋古經篇名。

徐而疾則實。疾而徐則虛。

張云。徐出鍼而疾按之爲補。故虛者可實。疾出之而

徐按之爲瀉。故實者可虛。簡案、張據素鍼解篇釋之。與小鍼解之旨乖。

若有若無。

馬云。實者止於有氣。虛者止於無氣。氣本無形。似在有無之間耳。

察後與先。

張云。求病所急。而治分先後也。若存若亡。察氣之行與不行。以爲鍼

之去留也。

若得若失。

張云。欲虛而虛。欲實而實。是得法也。粗工妄爲。則失之矣。簡案、小鍼

解云。爲虛與實。若得若失者。言補者必然若有得也。瀉則恍然若有失也。知張
註失經旨矣。

補瀉之時。

鍼解篇曰。補瀉之時者。與氣開闔相合也。張云。當補當瀉。用有其時。

瀉曰。必持內之。放而出之。排陽得鍼。

甲乙作迎之。迎之意。必持而內之。放而出

之。排陽出鍼。張云。凡用瀉者。必持內之。謂因其氣來。出之疾而按之徐也。故可

排開陽道以泄邪氣。簡案、據下文補曰。甲乙近是。

按而引鍼。是謂內溫。簡案連下二句言補法。若病當用瀉法。而反按而引鍼以補之。是謂內溫。引鍼謂退其鍼。溫。蘊同。乃素問溫血之溫。謂血氣蘊畜於內。而不得散泄也。諸註並接下文補曰爲釋。恐誤。

意若妄之。志云。之往也。張云。妄。虛妄也。意若妄之。言意會於有無之間也。妄。甲乙作忘。

若行若按。若蚊虻止。張云。若行若按。言行其氣。按其處也。若蚊虻止。言當輕巧無跡。而用得其精也。

如留如還。去如弦絕。張云。留。留鍼也。還。出鍼也。去如弦絕。輕且捷也。故無損而能補。還。甲乙作環。

令左屬右。張云。右手出鍼。左手隨而按捫之。是令左屬右也。

必無留血。急取誅之。馬云。如有留血。當急取以責之。但此補法。必無留血者。張云。凡取血絡者。不可使有留血。宜急取之也。志云。此補正運邪之法。故必無留血。設有留血。急取而誅之。簡案。以理推之。此間恐有遺脫。

堅者爲寶。甲乙寶作實。王註素鍼解篇。手如握虎者。欲其壯也。云壯。謂持鍼堅

定也。鍼經曰。持鍼之道。堅者爲實。則其義也。新校正云。按甲乙經。實字作寶。乃與今本異。

正指直刺。簡案。鍼解篇云。義無邪下者。欲端以正也。王註正指直刺。鍼無左右。神在秋毫。張云。醫之神見。在悉秋毫。必精必確。

屬意病者。鍼解篇云。神無營於衆物者。靜志觀病人。無左右視也。王註。目絕妄視。心專一務。則用之必中。無或誤也。

審視血脈。馬云。審視其血脈之虛實而刺之。則無危殆矣。

必在懸陽。及與兩衛。甲乙必作心。衛作衡。註云。一作衝。張云。懸。猶言舉也。陽。神氣也。凡刺之時。必先舉神氣爲主。故曰懸陽。兩衛者。衛氣在陽。肌表之衛也。脾氣在陰。藏府之衛也。二者皆神氣所居。不可傷犯。凡用鍼者。首宜顧此。故曰兩衛。簡案。馬陽爲揚。志以懸陽爲心。並義難通。姑仍張註。

血脈者。甲乙血上有取字是。

在膻橫居。視之獨澄。切之獨堅。甲乙。澄。作滿。志云。膻。經膻也。刺節真邪篇曰。六經調者。謂之不病。一經上實下虛而不通者。此必有橫絡盛大加於經。令之不

通。視而瀉之。此取謂解結也。故有血絡橫在於經腠者。當視之獨清。切之獨確。而去之也。張云。視之獨澄者。必欲索其隱。切之獨堅者。欲拔其本也。

鑱鍼。

鑱。鉏銜切。犁鐵也。說文。銳器也。史扁鵲傳。鑱石註。鑱。石鍼也。

鍤鍼。

鍤。音時。又音低。鏹也。箭鏹也。

鋒鍼。

鋒。王本作蜂。非。

鉞鍼。

鉞。音皮。說文。大鍼也。

毫鍼。長三寸六分。九鍼論作一寸六分是。吳氏尊經集云。毫鍼又名小鍼。取用

益多。猶布帛菽粟。爲日用之所急也。馬云。此言九鍼之體。而及其所以爲用

也。大義見本經九鍼論第七十八篇。故此不詳解之。今亦從此。

介按。考鍼類有九種。分述如後。

一曰鑱鍼。卽今之箭頭鍼也。此鍼長一寸六分。上去末寸半。下祇留一分之鋒。

欲淺刺不令深入也。二曰員鍼。卽絮鍼也。長一寸六分。取其筭其身而卯其

鋒者。身直如竹筭。末鋒員如卵銳也。三曰鍤鍼。長三寸半。取法於黍粟之銳

者。圓而微尖。利於用補者也。四曰鋒鍼。卽今日之三稜鍼也。長一寸六分。是

上去八分。下留八分。取法於絮鍼。刃三隅者。謂直壯而銳。可以瀉熱出血也。
五曰鉞鍼。長四寸。廣二分半。取法於劍鋒。以其能開通也。六曰員利鍼。其形
微大。其末反小。其身長一寸六分。取法於鼈者。以毛之強者曰鼈。用其細健可
稍深也。七曰毫鍼。長二寸六分。其尖如蚊蟲喙者。取其微細徐緩也。八曰
長鍼。長七寸。取法於綦鍼。以能使深邪出遠痺也。九曰大鍼。長四寸。尖形如
挺。粗而且巨。其鋒微員。取法於鋒鍼。可以瀉通機關也。
如鼈。前王莽傳。師古註。毛之強曲者曰鼈。又後漢岑彭傳。註鼈。長毛也。
以取暴氣。甲乙云。痺氣暴發者。取以員利鍼。張云。暴氣。痺氣之暴發也。
靜以取往。諸本取作徐。當改。
如挺。道藏本挺作挺。簡案。挺挺同。杖也。
邪氣在上。馬云。邪氣之中人也高。凡風寒暑雨之邪。由上感之。故曰邪氣在上
也。此以下。當參考小鍼解。
陷脈。張云。諸經孔穴。多在陷者之中。故凡欲去寒邪。須刺各經陷脈。則經氣行
而邪氣出。乃所以取陽邪之在上者。志云。陷脈。額顙之脈。顯陷於骨中。故鍼陷

脈。則陽氣之表邪去矣。簡案。張註爲是。

中脈。小鍼解云。取之陽明合也。馬云。陽明合。卽足三里也。

病各有所宜。甲乙宜作舍是。

無實無虛。甲乙作無實實虛。虛是。

五脈。張云。五脈者。五藏五輪也。志云。五藏諸陰之脈也。義具小鍼解。

三脈。據小鍼解。當三陽之脈。

恒。馬云。曲王切。不足也。張云。音匡。衰殘也。志云。怯也。

奪陰者死。甲乙死作厥。簡案。與小鍼解之義不合。

若風之吹雲。志云。邪散而正氣光明也。

明乎若見蒼天。甲乙作昭然於天。

經脈十二。絡脈十五。凡二十七氣。張云。藏有五。府有六。而復有手厥陰心主一

經。是爲十二經。十二經各有絡脈。如手太陰別絡在列缺之類是也。此外又有

任脈之絡曰屏翳。督脈之絡曰長強。脾之大絡曰大包。共爲十五絡。十二十五

總二十七氣。以通周身上下也。

所出爲井。馬云。其始所出之穴名爲井穴。如水之所出。從山下之井始也。六十三難楊註云。凡藏府皆以井爲始。井者謂谷井爾。非謂掘作之井。山谷之中。泉水初出之處。名之曰井。井者主出之義也。馬云。如肺經少商之類。水從此而流。則爲榮穴。

所溜爲榮。史云溜。按難經當作流。馬云。如肺經魚際之類。又從此而注。則爲膈穴。張云。急流曰溜。小水曰榮。脈出於井而溜於榮。其氣尙微也。簡案。急流曰溜。未見所據。六十三難楊註云。泉水既生。留停於近榮。迂未成大流。故名之曰榮。榮。小水之狀也。此溜讀爲留也。然六十八難明言所流爲榮。今從史說。

所注爲膈。馬云。膈者注此而輸運之也。如肺經大淵之類。又從而經過之。則爲經穴。張云。注。灌注也。膈。輸運也。脈注於此而輸於彼。其氣漸盛也。

所行爲經。張云。脈氣大行。經營於此。其正盛也。六十三難楊註云。經者徑也。亦經營之義也。馬云。如肺經經渠之類。又從而水有所會。則爲合穴。

所入爲合。張云。脈氣至此。漸爲收藏。而入合於內也。馬云。如肺經尺澤之類。六十三難楊註云。經行既達。合會於海。故名之曰合。合者會也。

知其要者。馬云。凡節之所交。計三百六十五會。實經絡滲灌諸節者也。此節者。乃要之所在。張云。其要則在乎五臟而已。志云。血者神氣也。二十七氣。三百六十五會。總屬血氣之流行。故曰知其要者。一言而終。簡案。今從志註。

重竭。張云。藏氣已絕於內。陰虛也。反實其外。誤益陽也。益陽則愈損其陰。是重竭也。陰竭必死。死則靜也。

取腋與膺。張云。腋與膺皆藏脈所出。氣絕於內。而復取之。則致氣於外。而陰愈竭矣。

逆厥。張云。藏氣已絕於外。陽虛也。反實其內。誤補陰也。助陰則陽氣愈竭。故致四逆而厥逆。厥必死。死必躁也。

反取四末。張云。四末為諸陽之本。氣絕於外。而取其本。則陰氣至而陽愈陷矣。害中而去則致氣。張云。害中而不去。去鍼太遲也。不中而去。去鍼太蚤也。均足為害。此節與寒熱病篇文同。但彼云不中而去。則致氣者是。此云害中者誤也。簡案。害當作不。張注為是。

癰瘍。寒熱病篇作癰疽。張云。不中而去。則病未除而氣已致。故結聚而為癰疽。

皆刺之害也。

十二原出於四關。

張云。藏府之氣。表裏相通。故五藏之表有六府。六府之外有

十二原。十二原出於四關。四關者。卽兩肘兩膝。乃周身骨節之大關也。故凡井、

榮、腧、原、經、合、穴。皆手不過肘。足不過膝。而此十二原者。故可以治五藏之疾。

陽中之少陰。肺也。

張云。心肺居於膈上。皆爲陽藏。而肺則陽中之陰。故曰少陰。

太淵。

馬云。掌後陷中。肺脈所注。爲俞土。陰經無原。俞穴代之。餘倣此。

陽中之太陽。心也。

張云。心爲陽中之陽。故曰太陽。

大陵。

張云。按大陵係手厥陰心主腧穴也。邪客篇帝曰。手少陰之脈。獨無俞。何

也。岐伯曰。少陰心脈也。心者。五藏六府之大主也。精神之所舍也。其藏堅固。邪

弗能容也。容之則心傷。心傷則神去。神去則死矣。故諸邪之在於心者。皆在於

心之包絡。包絡者。心主之脈。故此言大陵也。大陵二穴。在掌後骨下兩筋間。

陰中之少陽。肝也。

張云。肝、脾、腎。居於膈下。皆爲陰藏。而肝則陰中之陽。故曰少

陽。

太衝。

馬云。足大指本節後二寸動脈應手陷中。肝脈所注。爲俞土。

陰中之至陰脾也。張云。脾屬土而象地。故爲陰中之至陰。

太白。馬云。足大指內側內踝前核骨下陷中。脾脈所注。爲俞土。

陰中之太陰腎也。張云。腎在下而屬水。故爲陰中之太陰。

太谿。馬云。足內踝後跟骨上動脈陷中。男子婦人病。有此脈則生。無則死。腎脈

所注。爲俞土。

膏之原。志云。中焦之氣。蒸津液。化其精微。發泄于腠理。淖澤注於骨。補益腦髓。

潤澤皮膚。是津液注于三百六十五節。而滲灌于皮膚肌腠者也。溢于外則皮肉膏肥。餘于內則膏育豐滿。蓋膏者藏府之膏膜。育者腸胃之募原也。簡案。左傳。成公十年。居育之上。膏之下。杜云。育。膏也。心下爲膏。正義曰。賈服何休諸儒等。皆以爲膏。雖凝者爲脂。釋者爲膏。其實凝者亦曰膏。內則云。小切狼臍膏。此膏爲連心脂膏也。獨劉炫以爲膏當作膏。改易傳文。以規杜之失。傳遜辨誤云。考素問刺禁論云。膏育之上。中有父母。楊上善說云。心下膏上爲育。心爲陽。父也。肺爲陰。母也。曾親諦觀猪臟心膏之處。方憶臍者隔也。自隔以上。皆心肺清潔之屬。自膏以下。皆腸胃污濁之屬。而心下有微脂爲膏。膏上有薄膜爲育也。

素問曰膏肓。則明云膏之肓也。膏之肓。非其膜而何。其痺論又云。皮膚之中。分肉之間。熏於肓膜。注云。肓膜謂五藏之間。膏中膜也。則正與心下之微脂相對。益明矣。二豎居膏肓之上下。則于腑臟略無所係。爲至虛之處。非經絡穴道所關。以故攻之不可。達之不及。藥不至焉也。春秋元命苞云。膏者神之液也。介按。膏肓之義。惟前哲唐容川時賢張錫純之解釋。甚爲詳晰。茲節錄如下。唐云。凡有膜網處。無論上中下及內外膜網。其上皆生膏油。左傳所謂膏肓也。肓言其膜。屬三焦之物。膏卽言其油。乃屬於脾。凡化水化穀。皆是膏油發力以薰吸之。所謂脾主利水化食者如此。而其路道。則總在中焦之膜中也。此膜着背脊處上行至肝。是爲肝膈。肝膈半在體上。半在膈下。膈發於肝。循肋骨而至胸前之鳩尾。下遮濁氣。上護心肺。爲陰陽之界限。肝氣之通於膈。以入腸胃。走血室。路道皆在膈膜與中下之油網中也。張云。素問刺禁篇曰。膈肓之上。中有父母。是肓卽膈也。又靈樞九鍼十原論曰。膏之原出於鳩尾。夫鳩尾之內。卽膈。乃三焦之上焦。爲手少陽之腑。與手厥陰心包臟腑相連。互爲配偶。心包者。卽心肺相連之系。其體質原係脂膜。脂卽膏也。傳旣云。居肓之上。膏之下。是其病

定在胸中無疑。特是胸中之地。大氣之所貯藏也。雖不禁鍼。然止可針三二分。不敢作透鍼。以瀉大氣。故曰攻之不可。其外又皆硬骨衛護。不能用砭。故曰達之不及。又其處爲空曠之府。上不通咽喉。下有膈膜承之。與膈下臟腑亦不相通。故曰藥不至焉。所以不可爲也。

鳩尾。馬云一名尾翳。一名鶻髀。蔽骨之端。在臆前蔽骨之下五分。人無蔽骨者。從歧骨下一寸。言其骨垂下如鳩尾。

肓之原。志云。肓者腸胃之募原也。簡案。腹中論云。此風根也。其氣溢于大腸。而著於肓。肓之原在臍下。刺禁論云。肓肓之上。中有父母。楊注。心下肓上爲肓。痺論云。陷於肓膜。王註。肓膜謂五藏之間。肓中之膜也。脹論云。熏於肉肓。而中氣穴。雜病篇云。上衝腸胃。熏肝。散於肓。結於臍。故取之肓原以散之。據以上經文考之。肓卽膈膜也。而藏府之間。悉有薄膜。其於軀殼中。遮隔濁氣。最有用者爲膈膜。故單言肓。則指膈膜。張注痺論云。肓者。凡腔腹肉理之間。上下空隙之處。皆謂之肓。然史扁鵲傳。擗荒說苑。作肓莫。卽肓膜也。空隙之處。安得擗之。肓自肓。原自原。安得釋肓以膜原。二張之解。俱不可從。

脾肭。馬云。一名下氣海。一名下育。臍下一寸半宛宛中。男子生氣之海。甲乙簡案。玉篇脾肭。臍也。猶天樞卽臍。而其穴則在俠臍兩膀各一寸邪。張云。上文五藏之原各二。并膏肓之原共爲十二。而藏府表裏之氣皆通於此。故可以治五藏六府之有疾者也。簡案。本篇止言五藏之原。而不言六腑。乃以鳩尾。脾肭足之。馬氏因引六十六難六腑之原以爲悉。然而此本于經文別發一義者。乃不可以彼律此。

脹取三陽。飧泄取三陰。甲乙飧泄作滯。張云。脹。腹脹也。飧泄。完穀不化也。病脹者。當取足之三陽。卽胃。膽。膀胱三經也。飧泄者。當取足之三陰。卽脾。肝。腎三經也。簡案。甲乙滯蓋謂滯下。亦作臍。釋名。臍。義之。卽痢病也。

閉。馬本作閑。云閑。讀爲閉。志云。閑音卞。搏也。簡案。玉篇閑。俗閉字。閑字書無攷。夫善用鍼者。止未得其術也。張云。此詳言疾雖久而血氣未敗者。猶可以用鍼治之。故善用鍼者。猶拔刺也。去刺於膚。貴輕捷也。猶雪污也。污染營衛。貴淨滌也。猶解結也。結留關節。貴釋散也。猶決閉也。閉塞道路。貴開通也。四者之用。各有精妙。要在輕摘其邪。而勿使略傷其正氣耳。故特舉此爲論。若能效而用之。則

疾雖久。未有不愈者矣。張兆璜云。汚在皮毛。刺在膚肉。結在血脈。閉在筋骨。簡案。雪洗也。莊子知北遊。澡雪而精神。

如以手探湯。張云。用在輕揚。熱屬陽。陽主於外。故治宜如此。

如人不欲行。張云。有留戀之意也。陰寒凝滯。得氣不易。故宜留鍼若此。

陰有陽疾者。張云。熱在陰分也。

下陵三里。馬云。足陽明胃經穴。卽三里。係四字一名。

無殆。張云。殆。怠同。簡案。老子周行而不怠。釋文殆。怠也。

氣下。張云。邪氣退也。

疾高而內者。張云。在上也。當下取之。然高而內者屬藏。故當取足太陰之陰陵

泉。

疾高而外。張云。屬府。故當取足少陽之陽陵泉也。

本輸篇第二

馬云。輸。俞。腧。三者古通用。輸者以其脈氣之轉輸也。俞者從省。腧從肉。本篇輸

字。是言推本谷經之有膈穴也。

十二經絡之所終始。張云。謂如十二經脈之起止有序也。

絡脈之所別處。志云。藏府之血氣。從大絡而外注于皮膚。復從指井而內注于

經脈。故曰。必通絡脈之所別處。

五輪之所留。張云。如下文井、榮、腧、經、合、穴。各有所留止也。

六府之所與合。志云。謂五藏之五俞。六府之六俞也。

四時之所出入。志云。血氣隨四時之氣而生長收藏也。

五藏之所溜處。志云。五藏之血氣。溜于皮膚經脈之外內者也。溜。張讀爲流。

闊數之度。志云。闊數寬窄也。經脈寬大。孫絡窄小。

淺深。志云。絡淺而經深也。

高下。志云。血氣之上下循行也。

其次。志云。次序也。

少商。志云。太陰主秋金之不及。故名少商。餘命名之義。各有所取。甲乙云。在手

大指端內側。去爪甲如韭葉。

爲井木。張云。肺經脈氣所出爲井也。其氣屬木。此下凡五藏之井。皆屬陰木。故六十四難謂之陰井木。志云。井者木上有水。乃澹滲皮膚之血。從井木而溜于脈中。注于膻。行于經。動而不居。行至于肘膝。而與經脈中之血氣相合者也。肺、心、肝、脾、腎內之五藏也。膽、胃、大腸、小腸、三焦、膀胱內之六府也。手足太陰、少陰、太陽、少陽外之經氣也。肺出于少商者。謂藏府之血氣。從大絡而注于孫絡。皮膚之間。肺藏所出之血氣。從少商而合于手太陰之經也。又云。十二藏府之脈出于井者。非經脈之貫通。是以十二經脈止論至肘膝而已。簡案。志註發前哲所未發。然而人身一氣脈而已。其云非經脈之貫通者。恐非也。張云。按本篇五藏止言井木。六府止言井金。其他皆無五行之分。考之六十四難分析陰陽十變。而五行始備矣。下倣此。

溜於魚際。馬云。溜者流也。流於魚際。即手之魚肉也。甲乙云。魚際者火也。在手大指本節後內側散脈中。

大淵。張云。此肺經之所注爲膻也。屬陰土。甲乙云水也。在掌後陷者中。簡案。爲水誤。

經渠。張云。此肺經之所行爲經也。屬陰金。經渠當寸口陷中。動而不止。故曰不居。居止也。

尺澤。張云。此肺經所入爲合也。甲乙云。在肘中約上動脈。

中衝。甲乙云。在手中指之端。去爪甲如韭葉陷者中。張云。按此下五腧。皆屬手

厥陰之穴。而本經直指爲心膻者。正以心與心胞本同一藏。其氣相通。皆心所主。故諸邪之在於心者。皆在於心之包絡。包絡者。心主之脈也。邪客篇曰。手少陰之脈獨無腧。正此之謂。詳義見前章。

勞宮。甲乙云。在掌中央動脈中。

大陵。甲乙云。在掌後兩筋間陷者中。

方下。張云。謂正當兩骨之下也。

間使。甲乙云。在掌後三寸兩筋間陷者中。

有過。馬云。有病也。有病則其脈至。無病則其脈止。

曲澤。甲乙云。在肘內廉下陷者中。屈肘得之。

大敦。甲乙云。在足大指端。去爪甲如韭葉及三毛中。

行間。

甲乙云。在足大指間動脈陷者中。

太衝。

甲乙云。在足大指本節後二寸。或曰一寸五分陷者中。

中封。

甲乙云。在足內踝前一寸。仰足取之陷者中。伸足乃得之。

使逆則宛。

張云。宛、鬱同。言用鍼治此者。逆其氣則鬱。和其氣則通也。簡案。馬爲

宛。宛中之宛。誤。

曲泉。

甲乙云。在膝內輔骨下大筋上小筋下陷者中。

隱白。

甲乙云。在足大指端內側。去爪甲如韭葉。

太白。

甲乙云。在足內側核骨下陷者中。簡案。經文腕骨。當作核骨。諸家不議及

者。誤。

商丘。

甲乙云。在足內踝下微前陷者中。

陰之陵泉。

甲乙云。在膝下內側輔骨下陷者中。伸足乃得之。

湧泉。

甲乙云。在足心陷者中。屈足捲指宛宛中。志云。地下之泉水。天一之所生

也。故少陰之始出。名曰湧泉。復溜者。復溜于地中。故合穴曰陰谷。

然谷。

甲乙云。在足內踝前起大骨下陷者中。

復留。

馬志作復溜。甲乙同。簡案、此穴諸書不言有動脈。

至陰。

甲乙云。在足小指外側。去爪甲如韭葉。張云。以下凡六府之井。皆屬陽金。

故六十四難謂之陽井金也。

通谷。

甲乙云。在足小指外側。本節前陷者中。

束骨。

甲乙云。在足小指外側。本節後陷者中。

京骨。

甲乙云。在足外側大骨下。赤白肉際陷者中。按而得之。

爲原。

張云。本篇惟六府有原。而五藏則無。前十二原篇所言五藏之原。即本篇

五藏之腧。然則陰經之腧即原也。陽經之原。自腧而過。本爲同氣。亦當屬陽木。

下倣此。

崑崙。

甲乙云。在足外踝後跟骨上陷中。細脈動應手。

委中。

甲乙云。在膕中央約文中動脈。素問骨空論注云。膕謂膝解之後。曲脚之處。背面取之。刺腰痛論注云。在膝後屈處。

委而取之。

簡案。委。曲也。前淮南王傳。飢天下之正法。師古註。飢。古委字。曲也。邪。

氣藏府病形篇。委中央。

竅陰。

甲乙云。在足小指次指之端。去爪甲如韭葉。

俠谿。

甲乙云。在足小指次指二歧骨間。本節前陷者中。

臨泣。

甲乙云。在足小指次指本節後間陷者中。去俠谿一寸五分。

丘墟。

甲乙云。在足外廉踝下如前陷者中。去臨泣一寸。

陽輔。

甲乙云。在足外踝上四寸。輔骨前。絕骨端如前三分。去丘墟七寸。沈彤釋

骨云。俠膝之骨曰輔骨。

陽之陵泉。

甲乙云。在膝下一寸。腓外廉陷者中。

厲兌。

甲乙云。在足大指次指之端。去爪甲角如韭葉。

陷谷。

甲乙云。在足大指次指間。本節後陷者中。去內庭二寸。

衝陽。

甲乙云。在足趺上五寸骨間動脈上。去陷谷三寸。

皆屬於胃。

張云。三里下三寸爲上廉。上廉下三寸爲下廉。大腸屬上廉。小腸屬

下廉。蓋胃爲六府之長。而大腸小腸皆與胃連。居胃之下。氣本一貫。故皆屬於

胃。而其下膻亦合於足陽明經也。張開之曰。大腸小腸受盛胃府水穀之餘。濟

泌別汁而生津液。故皆屬於胃。是以大腸受胃府之經氣。而屬于巨虛上廉。小

腸屬巨虛下廉。

上合手少陽。張云。按諸經皆不言上合。而此下三經獨言之者。蓋以三焦并中下而言。小腸大腸俱在下。而經則屬手。故皆言上合某經。簡按。三焦亦專指下焦。詳見下文註。

關衝。甲乙云。在手小指次指之端。去爪甲角如韭葉。

中渚。甲乙云。在手小指次指本節後陷者中。

三焦下膻。止是太陽絡也。張云。足大指當作足小指。蓋小指乃足太陽脈氣所行。而三焦下俞。則並足太陽經出小指之前。上行足少陽經之後。上出膈中外廉。委陽穴。是足太陽之絡也。按邪氣藏府病形篇曰。三焦病者。候在足太陽之外大絡。大絡在太陽少陽之間。則此爲小指無疑。簡案。此本馬註。然攷甲乙云。委陽三焦下輔俞也。在足太陽之前。少陽之後。出於膈中外廉兩筋間。承扶下六寸。此足太陽之別絡也。據邪氣藏府病形篇及甲乙。足大指之前。當作足太陽之前。張註未爲得矣。

手少陽經也。張云。以上三焦之膻。皆手少陽經也。

足少陽太陰之所將。簡案。一本作陽。註亦見道藏本。據上文陰作陽爲是。馬氏

仍此而張云陽陰二字互謬也。當作少陰太陽。蓋三焦屬腎與膀胱也。將領也。改少陽爲少陰亦未爲得矣。宣明五氣篇王註引本經云足三焦者太陽之別也。

上踝五寸。馬云。其上外踝計五寸。名光明穴。又足少陽膽經之絡穴別行者。三

焦與之別入貫膈腸。

膈腸。馬云。卽足腹也。簡案。刺腰痛論王註。膈踵魚腹之外。云膈形勢如臥魚之

腹。係膈以腸亦因此耶。

少澤。甲乙云。在手小指之端。去爪甲一分陷者中。

前谷。甲乙云。在手小指外側。本節前陷者中。

後谿。甲乙云。在手小指外側。本節後陷者中。

腕骨。甲乙云。在手外側腕前。起骨下陷者中。

陽谷。甲乙云。在手外側腕中。兌骨下陷者中。

伸臂。甲乙云。屈肘得之。

商陽。甲乙云。在手大指次指內側。去爪甲如韭葉。

二間。甲乙云。在手大指次指本節前內側陷者中。
三間。甲乙云。在手大指次指本節後內側陷者中。
合谷。甲乙云。在手大指次指間。
陽谿。甲乙云。在腕中上側兩傍間陷者中。
曲池。甲乙云。在肘外輔骨肘骨之中。沈彤釋骨云。肘大骨之兩起者。曰肘外輔骨。

三十六腧也。馬云。腧。從肉者穴之總名。非井、俞、榮、經、合之俞。張云。五藏各有井、榮、腧、經、合、五穴。共計二十五腧。六府復多一原穴。故共計三十六腧也。簡案。馬俞腧之別不必矣。

上合於手者也。張云。凡五藏六府之經。藏皆屬陰。府皆屬陽。雖六府皆屬三陽。然各有手足之分。故足有太陽膀胱經。則手有太陽小腸經。足有陽明胃經。則手有陽明大腸經。足有少陽膽經。則手有少陽三焦經。此所謂上合於手者也。不惟六府。六藏亦然。如足有太陰脾經。則手有太陰肺經。足有少陰腎經。則手有少陰心經。足有厥陰肝經。則手有厥陰心經。此藏府陰陽手足皆相半也。然

其所以分手足者。以經行有上下。故手經之膻在手。足經之膻在足也。

缺盆之中任脈也。名曰天突。

馬云。此舉諸經之穴。有列其行次而言之。有指其

穴所而言者。皆亦人以覓穴之法也。腹部中行。係任脈經。然在缺盆之中間。是

爲任脈。其穴曰天突。在頸前結喉下四寸宛宛中。乃腹中央第一行次之脈也。

缺盆係足陽明經穴。在肩下橫骨陷中。去中行二寸。故在脈當爲缺盆之中間。

一次。馬云。次字下。據下文當有一脈字。猶言脈之一行也。下倣此。張云。一次者。

次於中脈一行。足陽明也。簡案。今從張註。

人迎。

馬云。夾結喉兩傍一寸半。張云。頸中第二行脈也。

扶突。

張云。二次於足陽明之外者。手陽明也。穴名扶突。在頸。當曲頰下一寸。人

迎後一寸五分。卽第三行脈也。

天窗。

張云。在頸大筋前。曲頰下。扶突後。卽第四行脈也。

天容。

馬云。按天容係手太陽經。非足少陽經。疑是天衝穴。張云。四次於手太陽

之後者。足少陽也。上出天窗之外。而頸中無穴。是第五行脈也。此云天容者。係

手太陽經穴。疑誤。簡案。天衝雖爲足少陽經穴。然在耳上如前三分。無屬頸部

之理。馬註不可據。

天牖。張云。在頸大筋外。天容後。天柱前。完骨後。髮際上。是第六行脈也。

天柱。張云。在挾項後大筋外廉。髮際陷中。是第七行脈也。

風府。張云。在項後入髮際一寸。自前中行任脈至此。是爲第八行。而頸脈止於

此也。

腋內動脈。止名曰天池。張云。此言腋下二經之脈也。手太陰之穴名天府。手厥

陰之脈名天池。二穴俱在腋下三寸。然天府則在臂臑內廉。天池則在肋間乳

後一寸也。

刺上關者。止伸不能屈。馬云。此言取穴之法也。上關。卽客主人穴。係足少陽膽

經。呿大張口貌。欠撮口出氣也。刺上關者。必開口有空。故張口乃得之。所以呿

而不能欠也。骨在上耳後起下關。係足陽明胃經穴。刺下關者。必合口乃得之。故能

欠而不能呿也。廉在客主人下耳前動脈下。犢鼻。係足陽明胃經穴。上俠解大筋

牛鼻故名。刺犢鼻者。必屈足以取之。故屈而不能伸也。兩關者。內關。係手厥陰

心包絡經。筋間與外關相抵。外關。係手少陰三焦經。筋間陽池上二寸。刺兩關

者。必伸手以取之。故伸而不能屈也。

挾喉之動脈也。

張云。此下乃重言上文六陽經脈。以明其詳也。挾喉動脈。卽足

陽明人迎也。

其膺在膺中。

馬云。胸之兩旁。謂之膺也。張云。自挾喉而下行於胸膺。凡氣戶庫

房之類。皆陽明之膺。故曰其膺在膺中。

不至曲頰一寸。

張云。此復言扶突穴。在足陽明動脈之外。當曲頰下一寸也。

當曲頰。張云。此復言天窗穴也。

耳下曲頰之後。

馬云。足少陽經名天衝者爲五行。然穴在耳下曲頰之後。正耳

後髮際二寸。耳上如前三寸也。張云。仍如上文言手太陽之天容也。此非足少

陽之穴。而本篇重言在此。意者古以此穴屬足少陽經也。簡案。甲乙天衝在耳

上如前三分。銅人云。天衝在耳後入髮際二寸。知是馬註不可據。

上加完骨之上。

馬云。手少陽經名天牖者爲六行。然穴在耳後。上加完骨之上。

正以完骨在上。而天牖在下。則完骨加其上也。簡案。甲乙云。天牖在頸筋間。缺

盆上。天容後。天柱前。完骨後髮際上。今考文理。其穴在完骨下者。不宜言加完

骨之上。馬註未清晰。

挾項大筋之中。張云。此復言天柱穴。挾後項大筋中髮際。簡案。馬以下文陰字

接際字下爲句。註云。挾項後大筋之中髮際之陰也。不可從。志爲本句。

陰尺動脈。張云。言陰氣之所在也。小鍼解曰。奪陰者死。言取尺之五里。其義即

此。案。小鍼解。張註。尺之五里。馬云。尺澤之上三寸。有動脈。即肘上三寸向裏大脈

之中央。名五里穴。屬手陽明大腸經。志云。按皮膚之氣血。從手足之指井溜注

于脈中。而合于肘膝間。故曰尺動脈。右五里五膺之禁也。簡案。逆奪之凡五至

井榮俞經合。五膺之血氣盡。故言五膺之禁也。詳見素氣穴論。本經玉版論。

傳道之府。馬云。道導同。凡小腸已化之物。從此傳導而下也。志云。此節止論

五藏所合之六府者。本篇論十二經脈之所出。從井而入于合。蓋自外而內也。

中精之府。甲乙作清淨之府。馬云。他腑之所受者。皆至濁之物。而唯膽則受五

藏之精汁也。

少陽屬腎。甲乙作少陰。馬云。少陽三焦也。三焦之正脈至項散胸中。而腎脈亦

上連於肺。三焦之下膺。屬於膀胱。而膀胱爲腎之合。故三焦亦屬乎腎也。

故將兩藏。張云。三焦爲中瀆之府。膀胱爲津液之府。腎以水藏而領水府。理之當然。故腎得兼將兩藏。將領也。兩藏府亦可以言藏也。本藏篇曰。腎合三焦膀胱。其義卽此。

中瀆之府。張云。謂如川如瀆。源流皆出其中也。卽水穀之入於口。出於便。自上而下。必歷三焦。故曰中瀆之府。水道出焉。膀胱受三焦之水。而當其疏泄之道。氣本相依。體同一類。故三焦下膈。出於少陽。並太陽之正。入絡膀胱。約下焦也。孤之府也。簡案。肺合大腸。心合小腸。肝合膽。脾合胃。腎合膀胱。而三焦唯屬膀胱。無所配合。故謂孤之府也。蕭吉五行大義云。三焦處五藏之中。通上下行氣。故爲中瀆府也。又引河圖云。三焦孤立。爲內瀆之府。並與本節之旨符矣。而此所言三焦。專指下焦。張氏質疑錄。論之詳也。素問識靈蘭秘典六節藏象論註舉數證當參考

春取絡脈。張云。十二經之大絡。如手太陰列缺之類是也。

諸榮。張云。十二經之用穴。如手太陰魚際之類是也。

分肉之間。水熱穴論曰。春者木始治。肝氣始生。肝氣急。其風疾。經脈常深。其氣少。不能深入。故取絡脈分肉之間。簡案。四時之刺。諸篇所說有異同。甲乙類例

通會。殆爲明備。當參攷。

諸膻孫絡。張云。諸膻者十二經之膻穴。如手太陰經太淵之類是也。絡之小者爲孫絡。皆應夏氣。夏以老陽之令。陽盛於外。故宜淺刺於諸膻。孫絡及肌肉皮膚之上也。

諸合。張云。十二經之合穴。如手太陰尺澤之類是也。諸合應秋。故宜取之。秋以少陰之令。將降未降。氣亦在中。故餘如春法。謂亦宜中取於大經分肉之間。而可淺可深也。

諸井。張云。十二經之井穴。如手太陰少商之類是也。

諸膻。井云。卽前太淵三間之類。張云。藏府之膻。如肺膻、心膻之類是也。非上文

五膻之謂。諸井諸藏皆主冬氣。冬以老陰之令。陽氣伏藏。故宜取井膻。欲其深而久留之也。簡案。二說各異。未知孰是。

氣之所處。張云。處上聲。謂氣之所居也。轉筋者。止快也。張云。轉筋者必拘攣。立而取之。故筋可舒也。痿厥者必體廢。張其四支而取之。故血氣可令立快也。志云。張者。仰臥而張大其四肢。

小鍼解第三

馬云。九鍼十二原中。有小鍼之要。而此篇正以解其首篇。故名之曰小鍼解。素

問。又有鍼解篇。與此小同。

神客。張云。神正也。客邪也。邪正相干。故曰共會。

在門。張云。出入所由。故謂之門。

先知何經之病。張云。若不能先知。是爲未覩其疾。又曰。惡知其原。

速遲。馬本。志本作數遲。非。

守四肢。張云。手之兩肘。足之兩膝。謂之四關。

守氣。張云。往來逆順。至與不至。皆氣之機也。

鍼以得氣。張云。以已同。

氣易失地。張云。毫釐之差。卽失其氣之機也。

氣不下也。張云。補瀉不得其法。雖竭盡血氣。而病氣不應也。

小者逆也。張云。氣去故脈虛而小。

平者順也。張云。氣來故脈平而和。

氣口虛而當補之也。張云。此與鍼解篇皆釋九鍼十二原之義。但此以氣口言

虛實。彼以鍼下氣至言虛實。義雖若異。然互有發明。皆當察也。

徐而疾則止徐出也。張云。此二句釋義。其用似反。當鍼解篇者為得。鍼解篇曰。

徐而疾則實者。徐出鍼而疾按之。疾而徐則虛者。疾出鍼而徐按之。

已下。張云。言已退也。

忼然。史云。忼音必。滿貌。張云。音弼。詩曰。威儀忼忼。

忼然。史云。吁往切。狂貌。志云。忼、忼、忼、忼。又作忼、忼。不分明也。志

為是。字典忼然。失意貌。

邪氣之中人也高。張云。傷於風者。上先受之。故凡入風寒邪之中人。其氣必高

而在上。

濁氣在中止在中也。張云。水穀入胃。其清者化氣。上歸於肺。是為精氣。若寒溫

失宜。飲食過度。不能運化。則必留滯腸胃之間而為病。此濁氣在中也。簡案。溜

張讀為留。非也。所溜為榮。難經作流。知溜流古通。

鍼陷脈。則邪氣出者取之上。張云。諸經孔穴。多在陷者之中。如刺禁論所謂刺

缺盆中內陷之類是也。故凡欲去寒邪。須刺各經陷脈。則經氣行而邪氣出。乃所以取陽邪之在上者。簡案。志註十二原篇云。陷脈。額顙之脈。顙陷于骨中。故鍼陷脈。則陽之表邪去矣。據此。則取之上之上字。與下文陽明合對。殆爲穩貼。

但以顙額之脈爲陷脈者。未見所本。俟攷。

鍼中脈。則邪氣出。張本。邪作濁。據十二原。作濁爲是。

陽明合也。張云。足三里也。刺之可以清腸胃。故能取濁氣之在中者。

奪陰者死。止五往者也。張云。奪藏氣也。尺之五里。尺澤後之五里也。手陽明經

穴。禁刺者也。

正言也。張云。卽如上文取三陽之謂。

尺寸小大。緩急滑濇。簡案。邪氣藏府病形篇云。調其脈之緩急。小大滑濇。而病

變定矣。又論疾診尺篇云。審其尺之緩急。小大滑濇。肉之堅脆。而病形定矣。此

云小大。緩急滑濇者。乃兼寸口之脈。與尺之皮膚而言也。

在於終始。張云。終始本經篇名。

持心也。

張云。釋前文觀其形。聽其動靜。知其邪正者。皆主持於心也。

內絕。

張云。脈口浮虛。按之則無。是謂內絕。不至藏氣之虛也。

無氣以動故靜。

張云。外者陽之分。陰氣既虛。復留鍼於外。以致陽氣。則陰愈虛。

而氣竭於內。無氣以動。故其死也靜。

外絕。

張云。脈口沉微。輕取則無。是謂外絕。不至陽之虛也。

陰氣有餘故躁。

張云。陽氣既虛。復留鍼四末。以致陰氣。則陽氣愈竭。必病逆厥。

而死。陽并於陰。則陰氣有餘。故其死也躁。

五色循明。

馬云。六節藏象論。岐伯曰。五氣入鼻。藏于心肺。上使五色修明。音聲。

能彰。則循明當作修明。張云。五藏六府之精氣。皆上注於目。而爲之精。故能使。

五色循明。蓋色明於外者。由氣盛於內。故其聲音亦必彰大。與平生異矣。簡案。

仍張註循明。不必改字。志云。聲與平生異者。散敗之聲也。恐誤。

邪氣藏府病形篇第四

馬云。篇內首三節。論邪氣入于藏府。第四節論病形。故名篇。

邪氣之中人高也。志云。邪氣者。風雨寒暑。天之邪也。故中人也高。濕乃水土之

氣。故中于身半以下。此天地之邪。中于人身。而有上下之分。

溜於府。甲乙溜作留。馬云溜當作流。下文溜於經亦同。

異名同類。張云。經脈相貫合一。本同類也。然上下左右部位。各有所屬。則陰陽之名異矣。

諸陽之會。止則下少陽。張云。此言邪之中於陽經也。手足六陽。俱會於頭面。故

爲諸陽之會。凡足之三陽。從頭走足。故中於面。則自胸腹。下行於陽明經也。中於項。則自脊背。下行於太陽經也。中於頰。則自脅肋。下行於少陽經也。脈徧周身者。惟足六經耳。故但言足也。

若飲食。甲乙作熱。飲食足。

其中於膺背兩脅。亦中其經。史云。一作其中於肩背兩脅。亦下其經。張云。膺在

前。陽明經也。背在後。太陽經也。兩脅在側。少陽經也。中此三陽經。與上同。

其陰。張云。臂肘內廉曰陰。手足三陰之所行也。

淖澤。史云。淖澤也。澤液非。張云。柔潤也。

不能客。史云。客一本作容。簡案。甲乙作容。俱通。

邪之中人藏奈何。甲乙作邪之中藏者奈何。

愁憂恐懼止而上行。張云。此下言邪之中於五藏也。然必其內有所傷。而後外邪得以入之。心藏神。憂愁恐懼則神怯。故傷心也。肺合皮毛。其藏畏寒。形寒飲冷。故傷肺也。若內有所傷。而外復有感。則中外皆傷。故氣逆而上行。在表則爲寒熱疼痛。在裏則爲喘咳嘔噦等病。汪云。形寒傷外。飲寒傷內。素問欬論云。其寒飲食入胃。則肺寒。肺寒則外內合邪。與此文義正同。今人惟知形寒爲外傷。寒。而不知飲冷爲內傷寒。訛爲陰證非也。凡飲冷者。雖無房事。而亦每患傷寒也。若房事飲冷而患傷寒。亦有在三陽經者。當從陽症論治。不得便指爲陰症也。世醫不明。妄以熱劑投之。殺人多矣。特揭出以告人。氣逆上行。故有發熱頭痛諸證。簡案。氣逆。甲乙作氣迎。非。

傷肝。張云。肝藏血。其志爲怒。其經行脅下也。

有所擊仆。止則傷腎。百病始生。篇黃帝曰。其生於陰者奈何。岐伯曰。憂思傷心。重寒傷肺。忿怒傷肝。醉以入房。汗出當風。傷脾。用力過度。若入房汗出浴。則傷

腎。張云。脾主肌肉。飲食擊仆者。傷其肌肉。醉後入房。汗出當風者。因於酒食。故所傷皆在脾。腎主精與骨。用力舉重則傷骨。入房過度則傷精。汗出浴水。則水邪犯其本藏。故所傷在腎。簡案。擊仆與下文所謂異。

得往。張云。往進也。

卒寒。張云。卒。猝同。

空竅。張云。空。孔同。

精陽氣上走於目。張云。精陽氣者。陽氣之精華也。故曰。五藏六府之精氣。皆上

注於目而爲之精。

其別氣。張云。別氣者。旁行之氣也。氣自兩側上行於耳。氣達則竅聰。所以能聽。

其宗氣。張云。宗氣。大氣也。宗氣積於胸中。上通於鼻而行呼吸。所以能臭。

爲臭。簡案。臭。與同。許救切。說文以鼻就臭也。亦作嗅。臍。

其濁氣。張云。濁氣。穀氣也。穀入於胃。氣達於脣舌。所以知味。

皆上熏於面。張云。凡諸氣之津液。皆上熏於面。如脈度篇曰。五藏常內閱於上

七竅也。故肺氣通於鼻。心氣通於舌。肝氣通於目。脾氣通於口。腎氣通於耳。此

五藏之氣。皆上通于七竅。不獨諸陽經絡。乃得上頭也。

天氣甚寒。簡案諸本及甲乙作大熱甚寒。但張本與此同。上文曰天寒。而不曰天氣甚寒。則作天氣甚寒爲是。四十七難云。人面獨能耐寒者何也。然人頭者。諸陽之會也。諸陰脈皆至頸。胸中而還。獨諸陽脈皆上至頭耳。故令面耐寒也。張揭數證駁難經。今不繁引。

虛邪之中身也。八正神明論云。虛邪者。入正之虛邪氣也。正邪者。身形若用力汗出。腠理開。逢虛風。其中人也微。故莫知其情。莫見其形。又管能篇文。與本篇略同。

命曰明。止。命曰工。張云。六十一難曰。望而知之謂之神。聞而知之謂之聖。問而知之謂之工。切脈而知之謂之巧。蓋本諸此。

與尺之相應也。甲乙作與尺之皮膚相應也。據下文皮膚二字正係缺文。甲乙爲是。

桴鼓。簡案。桴。枹同。音浮。擊鼓槌也。漢李尋傳。猶枹鼓之相應是也。本末根葉之出候也。志云。夫精明五色者。氣之華也。乃五藏五行之神氣而見

于色也。脈者榮血之所循行也。尺者謂脈外之氣血。循手陽明之絡。而變見于尺膚。脈內之血氣。從手太陰之經。而變見于尺寸。此皆胃府五藏所生之氣血。本末根葉之出候也。

形肉。志云。謂尺膚也。知色脈與尺之三者。則神且明矣。

見其色止則已矣。張云。不得其脈。言不得其合色之正脈也。相勝之脈。如青色得毛脈。以金剋木之類是也。相生之脈。如青色得石脈。以水生木之類是也。

調其脈之緩急。小大滑濇。張云。緩急。以至數言。小大滑濇。以形體言。滑不濇也。

往來流利如盤走珠。濇不滑也。虛細而遲。往來覺難。如雨霑沙。如刀刮竹。六者相爲對待。調此六者。則病變可以定矣。調察也。

貴而起。甲乙作大字。更有脈沉者。尺之皮膚亦沉一句。據上文舉六者。則爲剩文。張云。貴。忿奔二音。大也。沸起也。論疾診尺篇曰。審其尺之緩急。小大滑濇。肉之堅脆。而病形定矣。義與此同。簡案。十三難云。脈數。尺之皮膚亦數。脈急。尺之皮膚亦急。脈緩。尺之皮膚亦緩。脈濇。尺之皮膚亦濇。脈滑。尺之皮膚亦滑。亦此義也。

故善調尺者。止十全六。張云。此正本末根葉之義也。以尺寸言則尺爲根本寸

爲枝葉。以脈色言則脈爲根本。色爲枝葉。故善調尺者不待於寸。善調脈者不待於色也。然必能參合三者而兼行之。更爲本末皆得。而萬無一失。簡案十三難云。經言知一爲下工。知二爲中工。知三爲上工。上工者十全九。中工者十全八。下工者十全六。周禮天官醫師職云。歲終稽其醫事。則以制其食。十全爲上。十失一次之。十失二次之。十失三次之。十失四爲下。

心脈急。樓氏綱目云。謂色赤脈鉤而急也。張云。急者弦之類。

瘕瘕。張云。急主風寒。心主血脈。故心脈急甚則爲瘕瘕。筋脈引急曰瘕。弛長曰瘕。瘕瘕。熾寄係三音。瘕音縱。

緩甚爲狂笑。張云。心氣熱則脈縱緩。故神散而爲狂笑。心在聲爲笑也。

微緩爲伏梁。止唾血。志云。伏梁乃心下有餘之積。故微主邪薄于心下也。心主血。熱則上溢而時唾血也。簡案。經筋篇云。手少陰之筋病。內急成伏梁。唾血膿者。死不治。

大甚爲喉呿。甲乙作喉呿。呿。脈經作喉介。馬云。心火充溢。喉中呿然有聲。簡案。

介字書無義。下文云。喉中介介然唾出。素欬論云。喉中介介如梗狀。介、芥古通。乃芥蒂之芥。喉間有物。有防礙之謂。介唯是介字從口者。必非有聲之義。

心痺。見五藏生成篇及痺論。

善淚出。張云。以手少陰之脈挾咽喉。連目系也。

小甚爲善噦。張云。陽張虛而胃土寒。故善噦。

微小爲消痺。馬云。血液枯燥。病爲消痺。志云。消痺者。三消之證。簡案。張爲肌膚

消瘦之義。非。

心疝。見脈要精微論。四時刺逆從篇大奇論。

瘖。張云。心脈瀦甚。則血氣滯於上。聲由陽發。滯則爲瘖。

血溢。張云。瀦當傷血也。簡案。吐衄血之屬。

維厥。史云。經絡有陽維。陰維。故有維厥。馬同。張云。四維厥逆也。以四肢爲諸陽

之本。而血衰氣滯也。

耳鳴顛疾。志云。南方赤色。入通于心。開竅于耳。心氣虛。故耳鳴顛疾。簡案。甲乙

顛作癲。顛、癲、瘖。三字並通。

肺脈急甚。樓氏云。謂色白脈毛而急也。

癰疾。張云。風邪勝也。木反乘金。故生癰疾。

微急。止息肉不通。馬云。皆肺氣不足。風邪有餘所致也。

多汗。張云。皮毛不固。故表虛而多汗。志云。緩則熱甚。故多汗。

痿癭。志云。肺熱葉焦。則為痿也。鼠瘻。寒熱病也。其本在藏。其末在脈。肺主百脈。

是以微緩之有熱。微瀋之有寒。皆為鼠瘻。在頸腋之間。簡案。脈經無瘻字。

偏風。志云。本經曰。偏枯身偏不用。病在分腠之間。蓋病在皮膚。則為寒熱。病在

血脈。為寒熱鼠瘻。在分腠。則為偏風。肺主周身之氣。而朝百脈也。腠理開。故頭

以下汗出不可止。頭以下者。頸項胸背之間。脈之外部也。簡案。脈經註云。一作

漏風。據汗出不可止。作漏風。近是。

脛腫。張云。心火燥肺。真陰必涸。故為脛腫。

肺痺。見痺論及五藏生成篇。喻氏法律云。肺痺。心膈窒塞。上氣不下。蓋肺為相

傳之官。治節行焉。管領周身之氣。無微不入。是肺痺。即為氣痺明矣。

起惡日光。張云。以氣分火盛。而陰精衰也。志云。日光太陽之火。陰血少。故惡日

光。金畏火也。脈經作起腰內三字。

爲泄。論疾診尺篇云。尺膚寒。其脈小者泄少氣。張云。陽氣虛而府不固。病當爲

泄。志云。肺與大腸爲表裏也。

消痺。張云。金衰則水弱。故爲消痺。志云。肺主津。水之生原也。

息賁。張云。氣血皆實熱。故爲息賁。上氣。息賁。喘急也。賁音奔。

上下出血。張云。上言口鼻。下言二陰也。

瀉甚止善瘥矣。張云。瀉脈因於傷血。肺在上焦。故瀉甚當爲嘔血。若其微瀉。氣

當有滯。故爲鼠瘻。在頸腋間。氣滯則陽病。血傷則陰虛。故下不勝其上。而足膝

當瘥軟也。瘥音酸。

肝脈急甚。樓氏云。謂色青。脈弦而急也。

惡言。甲乙註。一作妄言。志云。肝主語。在志爲怒。張云。言多嗔惡也。

肥氣。張云。以木邪傷土。故爲肥氣。在脇下。脇下者。肝之經也。五十六難楊註云。

肥氣者。肥盛也。言肥氣聚於左脇之下。如覆杯。突出如肉。肥盛之狀也。小兒多

有此病。

善嘔。志云。食氣入胃。散精于肝。緩主多熱。熱則肝氣逆。故善嘔。簡案。馬張以緩為脾脈。恐誤。

水瘕瘕也。甲乙無也字。是志云。水瘕瘕者。亦食飲之所積也。簡案。蓋水癖癖飲之類。瘕。閉也。

大甚為內癰。止為消瘕。志云。本經曰。喜怒不測。飲食不節。陰氣不足。陽氣有餘。榮氣不行。乃發為癰。大主肝氣盛。盛則鬱怒而不得疎達。故為內癰。嘔。紐。肝氣逆于上也。陰縮。肝氣逆于下也。肝脈抵少腹。上注肺。欬引小腹者。經氣逆于上下也。小者血氣皆少。少則木火盛。故多飲及為消瘕也。簡案。肝瘕見瘕論及五藏生成篇。

瘕。張云。熱壅於經。故為瘕。疝。

遺溺。張云。以肝火在下。而疏泄不禁也。

溢飲。志云。飲留于四肢。則經脈阻滯。故脈濇。脈經作淡飲。

癰。癰筋瘕。甲乙作瘕。癰筋。張云。皆血不足以養筋也。

脾脈急甚為瘕瘕。張云。木乘土也。脾主支體。而風氣客之。故為瘕瘕。

膈中。馬云。木邪侮土。其在上爲膈中。食飲入而還出。脾氣不上通也。本經上膈

篇云。氣爲上膈。食飲入而復出。

後沃沫。志云。不能遊溢津液。上歸于肺。四布于皮毛。故涎沫之從口出也。簡案。

馬云。在下爲去後沃沫。脾氣不下疏也。誤。

緩甚止若無病。張云。脾脈宜緩而緩甚則熱。脾主肌肉四支。故脾熱則爲肉痿。

及爲厥逆。若微緩而爲風痿。四支不用者。以土弱則生風也。痿弱在經而藏無

恙。故心慧然若無病。

擊仆。張云。脾主中氣。脾脈大甚爲陽極。陽極則陰脫。故如擊而仆地。樓氏云。凡

病偏枯。必先仆倒。故內經連名稱爲擊仆偏枯也。

疝氣。張云。以濕熱在經。而前陰爲太陰陽明之所合也。簡案。他四藏舉積名。而

此獨云疝氣可疑。脈經作痞氣。是五十六難云。脾之積名曰痞氣。在胃脘。覆大

如盤。久不愈。令人四肢不收。發黃疸。飲食不爲肌膚。楊註。痞。否也。言否結成積

也。

腹裏大膿血。張云。腹裏大者。以膿血在腸胃之外。亦脾氣壅滯所致。簡案。脈經

無腹字。裏作裏。素腹中論云。伏梁裏大膿血。居腸胃之外。此則痞氣而裏大膿血在腸胃之外也。

寒熱。張云。中焦之陽氣不足也。志云。血氣虛也。

消痺。志云。脾虛而不能爲胃行其津液。故爲消痺。

瘰癧。張云。脾脈滑甚。太陰實熱也。太陰合宗筋。故爲瘰癧。

蝨。張云。其微滑濕熱在脾。濕熱薰蒸。故生諸蟲。及爲腹熱。簡案。蝨、虻、蠅、並音

同。說文。蝨。腹中長蟲。爾雅註。蝨。木中蠹蟲。劉觀新論云。身之有慾。如樹之有蝨。

瀦甚。止下膿血。張云。脾脈瀦甚而爲腸瘕。微瀦而爲內瘕。及多下膿血者。以瀦

爲氣滯血傷。而足太陰之別入絡腸胃也。腸瘕。內瘕。遠近之分耳。一曰下腫病。

蓋卽疝漏之屬。簡案。脈經。腸瘕作腸頰。內瘕作內潰。注云。同類作瘕。蓋二證各

別。腸瘕。四種瘕病之一。見千金方。內瘕。則馬亦以潰字釋之。然不詳其爲何證。

張云。疝漏之屬。姑仍之。

腎脈急甚。樓氏云。謂色黑脈石而急也。

骨癰疾。見癰狂篇。甲乙作骨痿癰疾。

沉厥。

馬云。蓋風邪入腎則爲厥。而腎氣不足。則當沉滯而無知也。

奔豚。

志云。虛氣反逆。故爲奔豚。陰寒在下。故足不收。腎開竅于二陰。氣虛不化。

故不得前後也。張云。按五十六難曰。腎之積名曰奔豚。發於少腹。上至心下。若

豚狀。或上或下無時。其義本此。簡案。骨空論云。督脈生病。從少腹上衝心而痛。

不得前後。爲衝疝。又史倉公傳云。湧疝。令人不得前後洩。蓋皆奔豚也。

折脊。

志云。督脈屬腎。貫脊。緩則督脈懈弛。故脊折也。簡案。樓氏綱目脊痛門。引

本經文。知是脊痛之謂。猶折髀折腰之折。

洞。

甲乙作洞泄。脈經作洞下。簡案。根結篇。倉廩無所輸。膈洞。此謂洞泄與膈證

也。張則見下噎還出之文。以爲上出之義。則似爲膈證不可從。蓋洞卽史所謂

迴風。倉公云。迴風者。飲噎下倉而輒出不留。又云。迴風之狀。飲食下噎。輒後之。

又云。卽數十出。還出卽後之之謂。其爲洞泄。洞下。明矣。

陰痿。

馬云。火盛水衰。當爲陰痿也。

石水止不治。

張云。若其微大。腎陰亦虛。陰虛則不化。不化則氣停水積而爲石

水。若至胃脘。則水邪盛極。反乘土藏。泛濫無制。故死不治。石水義見素陰陽別

論大奇論。睡音垂。重墜也。腕當作腕。諸本並訛。

洞泄。消痺。馬云。腎氣甚衰。無以主下焦。而爲洞泄。亦水不配火。當爲消痺之

證也。

癰瘡。骨痿。志云。腎有熱。則爲小便閉癰。爲畢丸腫瘡。骨痿。坐不能起。熱傷腎

氣也。

目無所見。志云。熱傷骨精也。甲乙見下有見黑丸三字。脈經視見黑花四字。

大癰。志云。血氣皆始于腎。瀦則血氣阻滯。故爲大癰。

不月沉痔。志云。氣血不行。故爲女子不月。爲沉痔。簡案。沉痔蓋謂痔之沉滯不

已者。

諸急。張云。急者弦緊之謂。仲景曰。脈浮而緊者。名曰弦也。緊則爲寒。成無己曰。

緊則陰氣勝。故凡緊急之脈多風寒。而氣化從乎肝也。簡案。氣化從乎肝。不可

信據。下倣此。

緩者。張云。緩者縱緩之狀。非後世遲緩之謂。仲景曰。緩則陽氣長。又曰。緩者胃

氣有餘。故凡縱緩之脈多中熱。而氣化從乎脾胃也。

大者。張云。大爲陽有餘。陽盛則陰衰。故多氣少血。仲景曰。若脈浮大者。氣實血虛也。故脈之大者多浮陽。而氣化從乎心也。

小者。張云。近於微細。在陽爲陽虛。在陰爲陰弱。脈體屬陰。而氣化從乎腎也。

滑者。張云。滑脈爲陽。氣血實也。故爲陽氣盛而微有熱。仲景曰。滑者胃氣實。玉機真藏論曰。脈弱以滑。是有胃氣。故滑脈從乎胃也。

澹者。張云。澹爲氣滯。爲血少。氣血俱虛。則陽氣不足。故微有寒也。仲景曰。澹者榮氣不足。亦血少之謂。而此曰多血。似乎有誤。觀下文刺澹者。無令其血出。少可知矣。澹脈近毛。故氣化從乎肺也。

刺澹者止以和其脈。張云。脈澹者。氣澹俱少。難於得氣。故宜必中其脈。而察其逆順。久留疾按。而無出其血。較之諸刺。更宜詳慎者。以脈澹本虛。而恐傷其真氣耳。循音巡。摩按也。疇委。偉二音。刺癰也。

調以甘藥也。張云。愚按此節。陰陽形氣俱不足者。調以甘藥。甘之一字。聖人用意深矣。蓋藥食之入。必先脾胃。而後五藏得稟其氣。胃氣強則五藏俱盛。胃氣弱則五藏俱衰。胃屬土而喜甘。偉中氣不足者。非甘溫不可。土強則金王。金王

則水充。此所以土爲萬物之母。而陰陽俱虛者。必調以甘藥也。

入安連過。張云。五藏六府皆有五腧。五腧之所入爲合。卽各經之合穴也。然手

之三陽。復有連屬上下氣脈相通者。亦謂之合。故此以入安連過爲問。甲乙作入安從道。

屬於府者也。

張云。此下言六陽之經。內屬於府。因以明手之三陽。下合在足少

榮輪止治內府。

張云。榮腧氣輕浮淺。故可治外經之病。合則氣脈深入。故可治

內府之病。

巨虛上廉

馬云。此本足陽明胃經之穴。其實爲大腸之合。前本輪篇有云。復下

三里三寸爲巨虛上廉。復下上廉三寸爲巨虛下廉。大腸屬上廉。小腸屬下廉。

張云。大腸手陽明也。本經之合在曲池也。其下腧則合於足陽明之巨虛上廉也。

巨虛下廉。

張云。小腸手太陽也。本經之合在小海。其下腧則合於足陽明之巨

虛下廉。

委陽。

張云。三焦手少陽也。本經之合在天井。其下腧則合於足太陽之委陽穴。

按大腸小腸三焦皆手三陽之經。然大小腸爲下焦之府。連屬於胃。其經雖在上而氣脈不離於下。故合於足陽明之巨虛上下廉。三焦爲孤獨之府。其於三部九候無所不統。故經之在上者屬手。膻之在下者居足。所以十二經中惟此手之三陽乃有下膻。故本輸篇曰。大腸小腸皆屬於胃。三焦下膻在於足小指之前。少陽之後。出於膻中外廉。名曰委陽。卽此謂也。

屈伸而索之。馬云。屈其體以覓承扶之陰紋。伸其體以度委陽之分寸。委陽在肘臂下陷紋中。

正豎膝予之齊。張云。謂正身蹲坐。使兩膝齊也。

委陽之陽。馬云。古人謂外爲表。又名之曰陽。張云。當作委中之陽。蓋委中之外廉卽陽陵泉之穴也。

掄申而從之。馬云。必掄揚以申其手足善取之耳。張云。掄引也。申明也。取外經者在榮輸。然亦必引正詳明方可從而治也。掄音余。簡案掄引也。見說文。張註骨空論。折使掄臂亦同。今從之。志云。掄音于。引也。抒也。伸舒其四體。使經脈之流通也。

魚絡血。張云。手陽明之脈。行於手魚之表。簡案。血絡論云。血脈者盛。堅橫以赤。上下無常處。小者如鍼。大者如筋。則而瀉之。萬全也。豎陷者。甲乙作堅。若陷者是志。豎作堅。張云。兩跗之上。脈即衝陽也。豎者堅而實。陷者弱而虛。皆足陽明胃脈之病。切痛而鳴濯濯。馬云。切痛者痛之緊也。濯濯者腸中有水。而往來氣衝。則有聲也。

冬日重感。張本日作曰。註云當作月。

支兩脇。支甲乙作搯。

控睪而痛時窘之後。馬云。睪音聿。陰丸。小腸近小腹之內。後附腰脊。下連睪丸。故小腹痛。腰脊控引睪丸而痛。痛時窘甚。而欲往去後也。張云。不得大小便。而時窘之後。蓋即疝之屬也。

當耳前止此其候也。張云。皆手太陽之經。故其病如此。

腹氣滿。甲乙腹下有張字。亦見於脈。馬云。脈必下陷。當取此穴以刺之。志云。其脈亦見于皮部。當取之委。

陽。

小便偏腫。諸本作小腹是。但張與此同。

肩上熱。甲乙肩作眉。注云一作肩。

皆熱若脈陷。甲乙無若脈陷三字。簡案此係剩文。當刪。

善太息。志云。膽氣不升。故太息以伸出之。

口苦嘔宿汁。簡案即嘔膽。見奇病論。

心下澹澹。恐人將捕之。甲乙恐上有善字。恐下有如字。千金恐下有如字。張云。

澹澹。失意貌。簡案澹澹同。澹集韻動也。經脈篇。心主之脈。是動則心中澹澹大

動。又至真要大論。太陽司天。寒淫所勝。則心澹澹大動。並是跳動貌。張註非。

阶阶然數唾。阶阶。千金作介介。唾上甲乙有效字。簡案馬張並云。阶阶然有聲

也。非義。見上文喉阶註。

在足少陽之本末。甲乙在上有候字。張云。在府爲本。在經爲末也。志云。足少陽

經脈之本在下。其末在頸嗌之間。

陷下者灸之。經脈篇云。陷下則灸之。張云。陷下者爲不足。故宜灸。

其寒熱者。志云。少陽之樞證也。當以經取之。少陽之經氣。外內出入者也。

必中氣穴。志云。氣穴者。府氣所注之經穴。故中氣穴。則鍼遊于巷。即氣穴論之

所謂遊鍼之居。

肉節。張云。肉有節界。其謂肉節。

鍼染遊一作於巷。馬云。氣脈相通。即索問氣穴論遊鍼之居也。如名氣衝穴為氣街。則巷即街之義。皆有張云。染。着也。巷。道也。中其氣穴。則鍼着脈道而經絡通。簡

案。染作遊為是。

反還內著。馬云。與真氣相搏而亂。邪反內著。

根結篇第五

馬云。內有陰陽諸經。根於某穴。結於某穴。故名篇。

歧伯曰。甲乙作黃帝曰。

陰道偶。陽道奇。張云。奇者數之單。如一三五七九是也。偶者數之拆。如二四六八十是也。

發於春夏。馬云。凡病發於春夏者。則陰氣少而陽氣多。是謂陰陽不調也。志云。發者謂人之陰陽開闔。簡案。今從馬義。

故莖葉枯槁。濕雨下歸。簡案。此二句蓋謂上莖葉枯槁。則濕雨歸其下根而養之。乃秋冬之時候也。然與上文之例不同。或恐是衍文。

陰陽相移。甲乙移作離。

奇邪離經。馬云。奇邪。不正之邪也。感此入彼。謂之離經。張云。奇邪。非常之邪也。離經。流傳無定也。志云。奇邪離經者。邪不入于經。流于大絡而生奇病。言邪之變易。不可勝數也。

折關敗樞。馬云。素問離合真邪論曰。太陽爲開。陽明爲闔。少陽爲樞。太陰爲開。厥陰爲闔。少陰爲樞。正與下文相同。今日關者。是有關。乃所以開闔也。

開闔而走。陰陽大失。馬云。關折樞敗。門闔誤走其氣。陰陽大失。氣難復取。張云。敗折其關樞。走失其陰陽。簡案。據張註八字爲一句。今仍馬註。

九鍼之玄。要在終始。甲乙作九鍼之要。在於終始。馬云。九鍼玄妙之法。其要在終始篇中。張云。終始本末也。卽下文根結開闔之義。又本經有終始篇。所載者

皆鍼道。故不知終始。鍼道咸絕。

命門者目也。

張云。足太陽下者根於至陰穴。上者結於睛明穴。故曰命門者目

也。王氏曰。命門者藏精光照之所。則兩目也。志云。命門者太陽爲水火生命之

原。目竅乃經氣所出之門也。

王氏說見陰陽離合論註

額大者鉗耳也。

馬云。謂頭維穴也。張云。足陽明下者根於厲兌。上者結於承泣。

今曰額大者。意謂項額之上大迎穴也。大迎在頰下兩耳之傍。故曰鉗耳。志云。

額大者頤額也。在上腭之中。兩耳之間。故曰鉗耳。簡案。樓氏云。額大謂額角入

髮際。頭維二穴也。以其鉗束於耳上。故名鉗耳也。知馬依樓說。今從之。甲乙作

結於頤額。頤額者鉗大。鉗大者耳也。義未詳。

窗籠者耳中也。

馬云。謂聽宮穴也。按手太陽小腸經。有天窗穴。一名窗籠。出甲

去頸大筋前曲頰下扶突後。動脈應手陷中。觀下文腎經結于任脈經之廉泉。

肝經結任脈經之玉英。則本經有結之他經者。疑天窗爲足少陽經之所結歟。

張云。乃手太陽聽宮穴也。爲手足少陽手太陽之會。故足少陽結於此。志云。窗

籠者耳中也。如窗之通氣于上也。簡案。窗籠者耳也。亦出衛氣篇。

太陽爲開止爲樞。張云。所謂開闔樞者。不過欲明內外而分其辨治之法也。志

云。開闔如戶扉。樞猶轉牡。舍樞則不能開闔。舍開闔則無從運樞。此三陽之氣。

互相出入于經脈皮膚形身藏府之外內者也。開闔樞義具陰陽離合論

瀆而暴病起矣。甲乙瀆作瀆緩。張云。太陽爲陽中之表。故氣在肌肉。爲肉節瀆

也。表主在外。邪易入之。故多新暴病也。簡案。瀆。恩也。恩。擾也。

瀆者皮肉宛脹而弱也。甲乙作瀆緩者。皮肉緩脹而弱也。張云。卽消瘦乾枯之

謂。簡案。淮南子天文訓。高註。脹。肉不滿也。

痿疾。張云。陽明主潤宗筋。束骨而利機關。故爲痿疾。

骨繇。馬云。正以其節緩而不能收。卽骨之搖動故也。素問氣交變大論。有筋骨

繇復。王註亦以爲筋骨搖動。簡案。至真要大論。又有筋骨繇併。文亦同義。

當窮其本。甲乙窮作竅。張云。竅此三陽所在之本。或開或闔。或樞以治之也。

太倉。馬云。卽中脘。係任脈經。甲乙云中脘一名太倉。胃募也。志云。太倉者舌本

也。脾爲倉稟之官。其脈連舌本。散舌下。使之迎根。故結于舌本。名曰太倉。簡案。

以太倉爲舌本無所攷。

廉泉。簡案諸家爲任脈經穴非也。氣府論足少陰舌下各一。王註舌本左右二穴也。刺瘡論舌下兩脈者廉泉也。並謂腎經穴。

玉英。馬云卽玉堂穴。係任脈經。甲乙云玉堂一名玉英。張兆璜云。謂唇內之齦交英飭也。謂齒白如玉飭也。簡案以玉英爲齦交亦未見所據。

絡於臚中。志云肝脈貫膈也。簡案厥陰特多此一句。

膈洞。馬云開折則脾不運化。倉廩無所轉輸。其病爲膈證。爲洞泄。張云膈隔塞也。洞如邪氣藏府病形篇曰洞者食不化下嗝還出也。志云膈者上不開而不受納。洞者下關折而飧泄也。

氣絕面喜悲。甲乙絕作弛。馬云肝氣絕而喜悲。簡案絕謂阻絕也。

脈有所結而不通。馬云腎脈有所結而下焦不通。

取之不足。甲乙無不足二字。張云脈有結者皆不足之所致。簡案不足二字衍。甲乙爲是。

足太陽止飛揚也。張云此下言手足三陽之盛絡。凡治病者所當取也。足太陽之至陰井也。京骨原也。崑崙經也。天柱在頭。飛揚在足。皆本經之當取者。後效

此。

天容。

甲乙註云疑誤。馬云當作天衝。張同。陽經穴太

下陵。

馬云當作解谿經也。張同。

小海。

簡案他經舉原穴。此獨舉合穴者何。

一日一夜止曰狂生。

張云營運也。人之經脈運行於身者。一日一夜凡五十周。

以營五藏之精氣。如五十營篇者。即此之義。其數則周身上下左右前後。凡二十八脈。共長十六丈二尺。人之宗氣積於胸中。主呼吸而行經隧。一呼氣行三寸。一吸氣行三寸。呼吸定息。脈行六寸。以一息六寸推之。則一晝一夜凡一萬三千五百息。通計五十周於身。則脈行八百一十丈。其有大過不及。而不應此數者。名曰狂生。狂猶妄也。言雖生未可必也。簡案馬云狂生猶云僥倖而生也。非。

不一代者。

十一難代作止。脈輕作投。並文略不同。張云代更代之義。謂於平脈

之中。而忽見輟弱。或乍數乍疎。或斷而復起。蓋其藏有所損。則氣有所虧。故變易若此。均名爲代。若五十動而不一代者。五藏受氣皆足。乃爲和平之脈。簡案

脈要精微論云。代則氣衰。張守節史記正義云。候脈動不定曰代。卽此義也。楊玄操云。代者還尺中。停久方來。名曰代也。此本于傷寒論。不可從。予之短期。張云。子與同。短期死期也。李中梓云。短。近也。死期近矣。終始。馬云。其要法在本經終始篇中。其義甚詳。乍數乍疎。張云。此其時相變代。乃與常代者不同。蓋以藏氣衰敗。無所主持。而失常如此。故三部九候等論。皆云乍疎乍數者死。簡案。張圈外註甚詳。不復繁引。

逆順五體。馬云。五體者。卽陰陽二十五人篇。有五形之人也。張云。骨、節、皮、肉、血、氣、經、脈。稟有不齊。刺治亦異。所以有逆順之變。

慄悍。史上比昭切。下候岸切。勇健貌。張云。慄音飄。急也。

膏粱菽藿。張云。膏。脂肥也。粱。粟類。穀之良者也。菽。豆也。藿。豆葉也。貴者之用膏

粱。賤者之用菽藿。食味有厚薄。稟質所以不同也。

微以徐之。簡案。據上文疾遲留疾推之。似徐是疾之誤。此豈徐出而不留之謂歟。

形氣不足止急瀉之。張云。貌雖不足。而神氣病氣皆有餘。此外似虛而內則實。邪氣勝也。當急瀉之。東垣李氏云。氣謂口鼻中氣息也。形謂皮肉筋骨血脈也。出辨或論簡案。張帶說神氣却覺不允。

形氣有餘止急補之。張云。形雖壯偉。而病氣神氣則不足。此外似實而內則虛。正氣衰也。當急補之。志云。形氣謂皮肉筋骨之形氣。病氣者陰陽血氣之為病也。此雖分別形氣病氣。然重在病氣之有餘不足。

陰陽氣俱不足。張云。陽主外。陰主內。若形氣病氣俱不足。此表裏陰陽俱虛也。滿而補之。甲乙。滿作實。

充郭。素湯液醪醴論。津液充郭。王註云。郭。皮也。

內膜。甲乙。膜作脹。

倮辟。甲乙。倮作懾。馬云。倮積之意。張云。倮。畏怯也。倮。邪僻不正也。簡案。素調經

論。虛者倮辟氣不足。王註。倮。謂倮皺。倮。謂倮疊也。玉篇。倮。尺涉切。與倮通。依王註。倮皺與倮貂通。類篇。倮。謂衣襞積。馬意蓋亦同。

薄著。張云。瘦而濇也。

夭騰。

張云。夭、短折也。騰、焦同。見騰義。

乃光。

甲乙光作充。

亂脈。

甲乙脈作經。

五藏變化之病。

甲乙作五藏之變化。無之病二字。

五脈。

張云。五藏之脈應也。

皮之柔羸。

甲乙皮下有膚字。

壽夭剛柔篇第六

少師。

甲乙作歧伯。

陰中有陰。陽中有陽。

甲乙作陰中有陽。陽中有陰。據下文甲乙非是。張云。剛、柔、

強、弱、短、長。無非陰陽之化。然曰陰曰陽。人皆知之。至若陰中復有陰。陽中復有

陽。則人所不知也。故當詳審陰陽。則刺得其方矣。

得病所始。

張云。謂知其或始於陰。或始於陽。故刺之有理也。

謹度病端。

張云。謂察其風因木化。熱因火化。濕因土化。燥因金化。寒因水化。故

與時相應也。

故曰病在陰之陰者止刺絡脈。張云。陰之陰者。陰病在陰分也。當刺其榮輸。以

諸經榮輸氣微亦陰之類。如手太陰經魚際為榮。太淵為輸者是也。陽之陽者。陽病在陽分也。當刺其合穴。蓋所入為合。猶在陽分。刺此以防深入。如手陽明經曲池之類是也。陽之陰者。陽病在陰也。當刺陰之經穴。蓋所行為經。其氣正盛。即陰中之陽。如手太陰經渠之類是也。陰之陽者。陰病在陽也。當刺諸絡脈。蓋絡脈浮淺。皆在陽分。如手陽明經偏歷之類是也。簡案。絡脈甲乙作陽之絡。義尤明矣。馬以陰陽為五藏六府皮膚筋骨之義。覺不允當。

故曰病在陽者止命曰風痺。馬云。病在陽經者其名曰風。義見素問風論病在陰經者

其名曰痺。義見素問痺論陰陽兩經俱受其病。其名曰風痺。東垣李氏云。病在陽者命

曰風。此病在陽。因十二經各受風邪。以高言之氣分也。故身半以上風之中也。

病在陰者命曰痺。身半以下濕之中也。樓氏曰。陰陽俱病。言陰陽氣血俱病也。

簡案。二氏所取義各異。然以上文陰陽推之。馬註為得。張意亦同。張氏醫通云

無定風之用也。經云病在陽者命曰風。在陰者命曰痺。陰陽俱病命曰風痺。越脾加朮附湯。

病有形止陰之類也。張云。有形而不痛者病淺在外也。無形而痛者病深在內也。志云。有形者皮肉筋骨之有形。無形者五藏六府之氣也。病有形而不痛者。病在外之陽也。病無形而痛者。氣傷痛也。

其陽完而陰傷之也。馬云。陽經不傷。而陰經受傷耳。

急治其陰。無攻其陽。甲乙作急治其陽。無攻其陰。

其陰完而陽傷之也。甲乙註云。九墟完。作緩。馬云。陰經不傷。而陽經受傷耳。

急治其陽。無攻其陰。甲乙作急治其陰。無攻其陽。

陰陽俱動止其形不久。張云。陰陽俱動。表裏皆病也。乍有形。乍無形。往來不常也。加以煩心。陰病甚於陽也。大凡治病必求於本。若求其在表面裏亦病。求其在裏而表亦病。此以陰陽並傷。故曰不表不裏。治之爲難。形將不久矣。

形氣病之先後。張云。形見於外。氣運於中。病傷形氣。則或先或後。必各有所應。風寒傷形止相應也。張云。風寒外襲。故傷於形。情慾內勞。故傷於氣。內傷則病在藏府。外傷則應於皮毛。若風傷筋脈。則居於外內之間。故應於筋脈。此形氣表裏之有辨也。

病九日者止衰之。馬云。衰去聲。人之感病不同。日數各有多少遠近。以此大略。病三日而刺一次者之法。等而殺之。

久痺止出其血。馬云。惟久痺而其身不能往來者。則見其血絡盡出其血。不必拘于三日一刺之法也。簡案。不去身。謂留著而不退去也。馬及張並爲行去之去。恐非。

形先病止倍其日。馬云。風寒傷形。形先病而未入藏者。其病尙在于表。猶甚淺也。刺之日數。一半而已。如病九日而刺二次。病一月而刺五次之謂也。憂、恐、喜、怒、傷氣。氣傷藏而外形又應者。其病表裏皆然。殊爲深也。刺之日數。必加倍之。如病九日而刺三次。病一月而刺十次之謂也。

此月內難易之應也。月字甲乙道藏吳本並作外。是。張云。病有淺深。故治有難易耳。

相任則壽。張云。相任者。相當也。

相果則壽不相果則夭。二果字甲乙作裏。是。簡案。馬云。相果者。如果木之果。皮肉相稱。卽所謂堅果也。志云。果成也。並不可從。蔣示吉望色啓微云。果裏也。皮

所以裏肉。皮厚肉堅。則相果。若皮厚肉脆。皮薄肉堅。則不相果也。

血氣經絡止則夭。張云。血氣經絡者。內之根本也。形體者。外之枝葉也。根本勝者壽。枝葉勝者夭也。

形充而止則危矣。張云。形充而皮膚和緩者。氣脈從容。故當壽。形充而皮膚緊急者。氣脈促迫。故當夭。形充脈大者。表裏如一。故曰順。形充脈弱者。外實內虛。故曰危。

顴不起者。馬云。顴爲諸骨之宗。顴大則一身之骨皆大。而勝其形體之充大。張同志云。顴乃腎之外候。故顴不起者骨小。骨小則夭。此先天之氣薄也。簡案。顴者骨之標于面。尤易見者。可以此相周身之骨也。

大肉脰堅而有分者。張云。大肉臀肉也。脰者筋肉結聚之處。堅而厚者是也。有分者。肉中分理明顯也。此言形體雖充。又必以肉之堅脆分壽夭。其必驗於大肉者。以大肉爲諸肉之宗也。故凡形充而臀削者。必非福壽之兆。簡案。史音脰。渠永切。腹中脰脂。馬仍此。非也。玉篇脰。渠永切。腹中脰脂。玉機真藏論。說肉破脰。王註。脰。謂肘膝後肉如塊者。

牆基卑高不及其地。馬云。面部四旁爲牆。其基甚卑。不及明堂闕庭等地之高。張云。牆基者面部四旁骨骼也。地者面部之肉也。牆基不及其地者。骨衰肉勝也。志云。牆基者面部之四方也。地。地閣也。牆基卑高不及地者。四方之平陷也。蔣氏望色啓微云。耳邊爲牆基。耳前肉爲地。言耳卑小。高不及其肉也。簡案。諸說未知孰是。天年篇曰。基牆高以方。五閱五使篇曰。牆下無基垂角去外。如是者雖平常。殆乃蔣說似是。

有因加疾者。馬云。蓋不慎守。而或爲外感內傷也。

平人止危矣。張云。人之生死由乎氣。氣勝則神全。故平人以氣勝形者壽。設外貌雖充而中氣不足者。必非壽器。若病而至於形肉脫。雖其氣尙勝形。亦所必死。蓋氣爲陽。形爲陰。陰以配陽。形以寓氣。陰脫則陽無所附。形脫則氣難獨留。故不免於死。或形肉未脫。而元氣衰竭者。形雖勝氣。不過陰多於陽。病必危矣。刺有三變。馬云。法有不同。謂之變也。刺營者出血。馬云。正以血者營氣之所化。營衛生會篇云。營氣化血以奉生身。素問調經論云。取血于營。

刺衛者出氣。馬云。正以衛氣屬陽。痺論云。衛氣循於皮膚之中。分肉之間。熏於
肓膜。散於胸次。調經論云。取氣于衛。

寒熱少氣血上下行。張云。營主血。陰氣也。病在陰分。則陽勝之。故爲寒熱往來。
陰病則陰虛。陰虛則無氣。故爲少氣。邪在血。故爲上下妄行。所以刺營者。當刺
其血分。

氣痛止客於腸胃之中。張云。衛屬陽。爲水穀之悍氣。病在陽分。故爲氣痛。氣無
定形。故時來時去。怫鬱怒也。懽大息也。賁響腹鳴如奔也。皆氣分之病。風寒外
襲。而客於腸胃之間。以六府屬表。而陽氣歸之。故病亦生於衛氣。簡案。怫。史云
鬱也。懽。廣雅滿也。怫懽。蓋鬱懽之義。馬云。怒意也。張則以鬱怒大息釋之。並非。
千金方癰疽門云。身中忽有痛處。如遭打撲之狀。名曰氣痛。痛不可忍。遊走不
住。服五香連翹湯。蓋與此證自異。

內熱。張云。謂溫其經也。張氏醫通云。內。納同。謂溫其經。使熱氣內入。血脈流通
也。

刺布衣止熨之。馬云。布衣氣血濇濁。刺其寒痺之後。當以火焮之。大人氣血清

滑。刺其寒痺之後。當以藥熨之。張云。以火淬之。卽近世所用雷火鍼。及芥、蒜、蒸、灸之類。淬。音翠。灼也。

乾薑一斤。桂心一斤。甲乙。斤。作升。無心字。玉函經方藥炮製云。桂削去皮。用裏黑潤有味者爲佳。丹溪心法云。桂心者皮之肉厚。去其麤厚而無味者。止留近其木一層。而味辛甘者。故名之曰心。美之之辭也。

吹咀。馬云。以口淬藥如豆粒也。後世雖以刀代。而猶有吹咀之稱者。本此。漬酒中。馬云。漬。浸也。

馬矢煨中。張云。燃乾馬屎而煨之也。此西北方所常用者。前蘇武傳。置煨火。註。聚火無焱也。

蓋封塗勿使泄。甲乙。蓋。作善。使下有氣字。張云。塗。鹽泥封固也。晬。馬云。周日也。

複布爲複巾。張云。重布爲巾。如今之夾袋。所以盛貯綿絮藥滓也。滓。粗也。生桑灰炙巾。張云。炙巾以生桑炭者。桑能利關節。除風寒濕痺諸痛也。以巾拭身。甲乙作炙巾以拭身。王子接古方選註云。藥熨大人之寒痺。大人者

富貴之人也。寒痺者時痛而皮膚不仁也。其血脈、筋、骨、雖痺而稟氣清靈。但以藥熨導引。即可蠲痺。非若刺布衣而必以火淬之也。椒、酒、薑、桂、專通營氣以散血分之寒。清酒置馬矢。燼中馬矢。西北方常用之。取其微火。非有他義也。晬、盡日也。複巾、夾袋也。熨至於汗。庶營氣得通。熨凡三十遍者。欲其寒邪去盡。以巾拭身亦必三十遍者。恐汗液之氣留也。

起步內中。張云。刺後起步於密室內中。欲其血氣行而慎避風寒也。凡此者皆所謂內熱之法。

官鍼篇第七

官鍼最妙。馬云。官者任也。官鍼者。任九鍼之所宜也。張云。官、法也。公也。製有法而公於人。故曰官鍼。

病弗能移。張云。用不得法。則不能去病。

皮膚爲癰。張云。內傷良肉。則血流於內而潰於外。故皮膚爲癰。

支爲大膿。甲乙支作反。馬云。支當作皮。或作反。張云。病氣不瀉而傷其支絡。故

爲大膿。凡病有浮沉。刺分淺深。過之則內傷。不及則外壅。邪反從之。後生大病。簡案支字今從甲乙作反。

大者瀉。小者不移。張云。當小而大則瀉傷正氣。當大而小則病不能移。皆失鍼之宜也。

病在皮膚。止勿取。張云。病在皮膚無常處者。火之遊行也。用鑱鍼者主瀉陽氣也。膚白則無火可知。故不宜刺。

取之鑱鍼於井榮分輸。張云。此鍼宜於用補。分輸言各經也。

病在中者。張云中言其遠也。九鍼論八曰長鍼主取深邪遠痺者也。

痺氣暴發。九鍼論云。調陰陽四時而合十二經脈。虛邪客於經絡而爲暴痺者。

也。故爲之治。鍼必令尖如毫。且員且銳。中身微大。以取暴氣。知痺氣暴發。卽所謂暴痺也。

大鍼。九鍼十二原云。尖如挺。其鋒微圓。以瀉機關之水也。九鍼論云。主取大氣。不出關節者。

固居。馬本居作痺。註云。前云病在經絡痼痺者。取以鋒鍼。當同之也。但彼止取。

經取絡。而此則瀉其井榮與俞。及照五藏以取四時耳。簡案。居作痺。未見所據。日應九變。日諸本作以是當刪改。

諸經榮輸藏膺。張云。諸經榮輸。凡井榮經合之類皆膺也。藏膺背間之藏府膺也。本經輸膺俞三字皆通用。

遠道刺。甲乙無遠字。簡案。道導同。

府膺。張云。謂足太陽膀胱經。足陽明胃經。足少陽膽經。十二經中。惟此三經最遠。可以因下取上。故曰遠道刺。

大經。志云。五藏六府之大絡也。邪客于皮毛。入舍于孫絡。留而不去。閉結不通。則流溢于大經之分。而生奇病。故刺大經之結絡以通之。

小絡之血脈。張云。調經論曰。病在血。調之絡。經脈篇曰。諸刺絡脈者。必刺其結。上甚血者。雖無結急。取之以瀉其邪。而出其血。留之發爲痺也。

分刺。志云。分肉之間。谿谷之會。亦有三百六十五穴。會邪在肌肉者取之。

大瀉刺。甲乙註。一作大刺。

毛刺。志云。邪閉于皮毛之間。浮淺取之。所謂刺毫毛無傷皮。刺皮無傷肉也。

刺浮痺皮膚也。甲乙痺下有於字。

巨刺。馬云。素問繆刺論以刺經穴爲巨刺。刺絡穴爲繆刺。皆左取右。右取左。

焮刺。馬云。調經論曰。病在骨。焮刺藥熨。張云。卽後世火鍼之屬。取寒痺者用之。

以上謂之九變。

十二節。志云。節制也。言鍼有十二節制。以應十二經也。

偶刺。馬云。前後各用一鍼。有陰陽配合之義。故曰偶刺。張云。偶。兩也。前後各一。故曰偶刺也。

以手直心止。傍鍼之也。張曰。直。當也。以手直心。若背。謂前心後心。當其痛所。各

用一鍼治之。然須斜鍼以刺其傍。恐中心則死也。馬云。傍。當作旁。古蓋通用。

報刺。張云。重刺也。簡案。猶報灸之報。

無常處也。甲乙無也字。

無拔鍼。甲乙無無字。

恢刺。史云。恢。苦回切。大也。一本作怪。道藏本。怪作慳。恐誤。恢。大也。出說文。張云。

恢。恢廓也。志云。恢。大之也。前後恢蕩其筋之急。

恢刺直。諸本直作者當改。

傍之舉之前後。樓氏云。謂直刺入郄。轉鍼頭從傍挑舉其筋也。張云。不刺筋而

刺其傍。必數舉其鍼。或前或後。以恢其氣。則筋痺可舒也。

齊刺。張云。齊者。三鍼齊用也。故又曰三刺。甲乙作參刺。

以治寒氣小深者。甲乙寒下有熱字。

揚刺。張云。揚。散也。中外共五鍼。而用在浮泛。故能祛散博大之寒氣。志云。從中

而發揚于四旁也。

治寒氣之博大者。甲乙寒下有熱字。無氣字。

直鍼刺。張云。直入無避也。引起其皮而刺之。則所用不深。

輪刺。張云。輪。委輪也。言能輪瀉其邪。非上榮文輪之謂。直入直出。用其銳也。稀

發鍼。留之久也。久而且深。故可以去盛熱之氣。志云。直入直出。如轉輪也。

短刺。張云。短者。入之漸也。故稍搖鍼而深致骨。所以摩骨痺。摩。迫切也。志云。短

刺者。用短鍼深入而至骨。

浮刺。馬云。似前揚刺。但彼有正納旁納。而此則止有旁入之鍼耳。張云。浮。輕浮

也。傍入其鍼而浮舉之。故可治肌膚之寒。此與上文毛刺義大同。陰刺。馬云。以其刺陰經也。張云。刺陰寒也。志云。刺少陰之寒厥也。

率刺之。張云。率。統也。

中寒厥。足踝後少陰也。

甲乙厥足作者取。似是馬云。中。去聲。簡案。上文言十二

刺應十二經。然特舉足踝後少陰。不及他經。其義今無可考。

傍鍼刺。甲乙無鍼字。張云。一正一傍也。正者刺其經。傍者刺其絡。故可以刺久

居之留痺。

贊刺。張云。贊。助也。數發鍼而淺之。以後助前。故可使之出血而治癰腫。志云。助

癰腫之外散也。

致其空脈氣也。甲乙作致其脈空也。張云。蓋恐太過。反傷正氣。故但久留而引

致之。使其空中之脈氣上行也。張兆璜云。致五藏之神機。非營衛血氣。故曰空

脈氣。

脈淺者勿刺。甲乙脈下有氣字。張云。脈淺者。最易泄氣。

穀氣出。馬云。終始篇曰。凡刺之屬。三刺至穀氣。故一刺則陽邪出。再刺則陰邪

出。三刺則穀氣至。正與此節同。張云。穀氣即正氣。亦曰神氣。出至也。終始篇曰。所謂穀氣至者。已補而實。已瀉而虛。故以知穀氣至也。志云。穀氣者。通會于肌腠之元真。脾胃之所主也。故曰穀氣。

陰邪出。張云。絕皮及肌。邪氣稍深。故曰陰邪。

未入分肉間也。甲乙無也字。間下有後刺深之一句。馬云。肌肉分肉之辨。肌肉在皮內肉上。而分肉則近于骨者也。分肉有二。各部在外之肉曰分肉。其在內近骨之肉與骨根分。亦曰分肉。張云。大肉深處。各有分理。是謂分肉間也。

逐邪氣而來血氣。甲乙作逐陽邪之氣。無而來血氣四字。

致陰氣之邪止此之謂也。甲乙作致陰邪之氣。張云。凡刺之淺深。其法有三。先刺絕皮。取衛中之陽邪也。再刺稍深。取營中之陰邪也。三刺最深。及於分肉之間。則穀氣始下。下言見也。按終始篇之義。與此互有發明。

年之所加止不可以爲工也。張云。年之所加。如天元紀至真要等論是也。氣之盛衰。如八正神明論。陰陽繫日月等篇是也。知天地之氣候。則人有五虛五實。皆可因而知矣。此數句。又見六節藏象論簡案。此五句。疑後人所闕。

半刺。

張云。此即前章毛刺之義。淺入而疾發。故可取皮分以應肺。

豹文刺。

張云。豹文者。言其多也。主取血脈。所以應心。

關刺。

張云。關。關節也。左右四肢也。盡筋。即關節之處也。慎無出血。血以養筋也。

肝主筋。刺筋所以應肝。

或曰淵刺。一曰豈刺。

甲乙此二句在四曰合谷刺下。

合谷刺。

張云。言三四攢合。如雞足也。邪在肉間。其氣廣大。非合刺不可。脾主肌

肉。故取肌痺者。所以應脾。簡案。張戴人治郛城梁賈麻痺。鍼用雞足法。向上臥

鍼。三進三引。復向下臥。鍼送入。見儒門事親。

輪刺。

張云。義見前章。腎主骨。刺深至骨。所以應腎。

靈樞識

日本 丹波元簡廉夫著
鄞縣 曹炳章赤電校

卷二

本神篇第八

馬云。此篇推本五藏之神。故名篇。簡案。篇首有凡刺之法。必先本於神語。故命篇。

愧亂。

史音愧音悶。簡案。懣悶並通。道藏本及馬張志作恍誤。

天之罪與人之過乎。志與下句簡案依志意與平聲。

天之在我者止生者也。張云。人稟天地之氣以生。天地者。陰陽之道也。自太極而生兩儀。則清陽爲天。濁陰爲地。自兩儀而生萬物。則乾知大始。坤作成物。故易曰。天地之大德曰生。寶命全形論曰。人生於地。懸命於天。然則陽先陰後。陽

施陰受。肇生之德本乎天。成形之氣本乎地。故天之在我者德也。地之在我者氣也。德流氣薄而生者。言理賦形全。而生成之道斯備矣。

故生之來謂之精。張云。所謂精者。天之一。地之六也。天以一生水。地以六成之。而爲五行之最先。故萬物初生。其來皆水。如果核未實。猶水也。胎卵未成。猶水也。卽凡人之有生。以及昆蟲草木。無不皆然。易曰。男女構精。萬物化生。此之謂也。志云。決氣篇曰。常先身生是謂精。蓋未成形。而先受天一之精。故所生之來謂之精。簡案。此以下止于謂之智。見子華子。

兩精相搏謂之神。張云。兩精者。陰陽之精也。搏。交結也。易曰。天數五。地數五。五位相得。而各有合。周子曰。二五之精。妙合而凝。是皆兩精相搏之謂。凡萬物生成之道。莫不陰陽交而後神明見。故人之生也。必合陰陽之氣。構父母之精。兩精相搏。形神乃成。所謂天地合氣。命之曰人也。又決氣篇曰。兩神相搏。合而成形。常先身生。是謂精。志云。平人絕穀篇曰。神者水穀之精氣也。蓋本于先天所生之精。後天水穀之精。而生此神。故曰。兩精相搏謂之神。真邪章曰。真者所受于天。與穀氣并而充身者也。簡案。兩精之解。張義似長矣。馬云。相搏之搏音博。

禮、儒行、鷙蟲攫搏不程勇者。亦讀爲博。此恐非也。博、子華子作薄。乃易所謂雷風相薄之薄。二字古通用。見通雅。

隨神往來者謂之魂。並精而出入者謂之魄。張云。精對神而言。則神爲陽而精爲陰。魄對魂而言。則魂爲陽而魄爲陰。故魂則隨神而往來。魄則並精而出入。愚按。精神魂魄雖有陰陽之別。而陰陽之中復有陰陽之別焉。如神之與魂皆陽也。何謂魂隨神而往來。蓋神之爲德。如光明爽朗。聰慧靈通之類皆是也。魂之爲言。如夢寐恍惚。變幻遊行之境皆是也。神藏於心。故心靜則神清。魂隨於神。故神昏則魂蕩。此則神魂之義。可想象而悟矣。精之與魄皆陰也。何謂魄並精而出入。蓋精之爲物。重濁有質。形體因之而成也。魄之爲用。能動能作。痛癢由之而覺也。精生於氣。故氣聚則精盈。魄並於精。故形強則魄壯。此則精魄之狀。亦可默會而知也。然則神爲陽中之陽。而魂則陽中之陰也。精爲陰中之陰。而魄則陰中之陽者乎。雖然。此特其陰陽之別耳。至若魂魄真境。猶有顯然可鞫者。則在夢寐之際。如夢有作爲而身不應者。乃魂魄之動靜。動在魂而靜在魄也。夢能變化而寤不能者。乃陰陽之離合。離從虛而合從實也。此雖皆魂魄

之證。而實卽死生之幾。苟能致心如太虛。而必清必靜。則夢覺死生之關。知必有洞達者矣。諸家得理之論。再附於左。以詳其義。唐孔氏曰。人之生也。始變化爲形。形之靈曰魄。魄內自有陽氣。氣之神曰魂。魂魄神靈之名。初生時。耳目心識。手足運動。此魄之靈也。及其精神性識。漸有知覺。此則氣之神也。樂祁曰。心之精爽。是謂魂魄。魄屬形體。魂屬精神。精又是魄。魄是精之神。神又是魂。魂是氣之神。邵子曰。氣形盛則魂魄盛。氣形衰則魂魄亦從而衰。魂隨氣而變。魄隨形而化。故形存則魄存。形化則魄散。朱子曰。魂神而魄靈。魂陽而魄陰。魂動而魄靜。生則魂載於魄。而魄檢其魂。死則魂遊散而歸於天。魄淪墜而歸於地。運用動作底是魂。不運用動作底是魄。魄盛則耳目聰明。能記憶。老人目昏耳聵。記事不得者。魄衰也。又曰。人生則魂魄相交。死則各相離去。月之黑暈是魄。其光是魂。魂是魄之光燄。魄是魂之根柢。火是魂鏡。其魄燈有光燄。物來便燒。鏡雖照見。却在裏面。火日外景。金水內景。火日是魂。金水是魄。陰主藏受。故魄能記憶在內。陽主運用。故魂能發用出來。二物本不相離。精聚則魄聚。氣聚則魂聚。是爲人物之體。至於精竭魄降。則氣散魂遊而無知矣。

所以任物者謂之心。

馬云。其所謂心意。志思。智慮。舉不外于一心焉耳。故凡所

以任物者謂之心。素問靈蘭秘典論曰。心者君主之官。神明出焉。則萬物之機。孰非吾心之所任者乎。簡案。白虎通云。心之爲言任也。任於思也。

心有所憶謂之意。張云。憶。思憶也。謂一念之生。心有所嚮而未定者曰意。李云。心已起而未有定屬者意也。簡案。禮大學疏。總包萬慮謂之心。爲情所意念謂之意。又禮運註。意。心所無慮也。

意之所存謂之志。甲乙意下之字作有。張云。意之所存。謂意已決。而卓有所立者曰志。李云。意已決而確然不變者志也。

因志而存變謂之思。張云。因志而存變。謂意志雖定。而復有反覆計度者曰思。因思而遠慕謂之慮。張云。深志遠慕。必生憂疑。故曰慮。簡案。子華子。遠慕作有所顧。荀子禮論。禮之中焉能思索。謂之能慮。說文。慮。謀思也。大學朱註。處事精詳也。

因慮而處物謂之智。張云。疑慮既生。而處得其善者曰智。按此數者。各有所主之藏。今皆生之於心。此正諸藏爲之相使。而心則爲之主宰耳。簡案。子華子處

物。作有所決擇。

長生久視。老子五十九章云。是謂深根固抵。長生久視之道。

怵惕。史云。悚懼也。張云。怵。恐也。惕。驚也。簡案。書。罔命。怵惕惟厲。孔註。言常悚懼惟危。

流淫而不止。甲乙止。作正。張云。流淫。謂流泄淫溢。如下文所云恐懼而不解則

傷精。精時自下者是也。

竭絕而失生。張云。悲則氣消。悲哀太甚則胞絡絕。故至失生。竭者。絕之漸。絕則盡絕無餘矣。

神憚散而不藏。張云。喜發於心。樂散在外。暴喜傷陽。故神氣憚散而不藏。憚。驚

惕也。簡案。詩。雲漢。我心憚暑。箋。憚。猶畏也。國語。周語。憚其犧也。注。憚。懼也。文選

西京賦。驚蝮蝮。憚蛟蛇。薛綜注。驚。憚。謂皆使駭怖也。

迷惑而不治。張云。怒則氣逆。甚者心亂。故至昏迷皇惑而不治。不治。亂也。

蕩憚而不收。甲乙注云。不收。太素作失守。張云。恐懼則神志驚散。故蕩憚而不收。上文言喜樂者。神憚散而不藏。與此稍同。但彼云不藏者。神不能持而流蕩

也。此云不收者。神爲恐懼而散失也。所當詳辨。

心怵惕止死於冬。張云。此下言情志所傷之病而死各有時也。心藏神。神傷則心怯。故恐懼自失。腦者筋肉結聚之處。心虛則脾弱。故破腦脫肉。毛悴者。皮毛憔悴也。下文準此。色夭者。心之色。赤欲如白裹朱。不欲如赭也。火衰畏水。故死於冬。

脾愁憂止死於春。張云。憂本肺之志。而亦傷脾者。母子氣通也。憂則脾氣不舒。不舒則不能運行。故惋悶而亂。四肢皆稟氣於胃。而不得至經。必因於脾。乃得稟也。故脾傷則四肢不舉。脾色之夭者。黃欲如羅裹雄黃。不欲如黃土也。土衰畏木。故死於春。

肝悲哀止死於秋。甲乙作狂妄。其精不守。令人陰縮而筋攣。張云。肝藏魂。悲哀過甚則傷魂。魂傷則爲狂爲妄而不精明。精明失則邪妄不正。其人當陰縮筋攣。兩脅骨不舉者。皆肝經之敗也。肝色之夭者。青欲如蒼璧之澤。不欲如藍也。木衰畏金。故死於秋。李云。悲哀亦肺之志。而傷肝者。金伐木也。肺喜樂止死於夏。甲乙作意不存其人。簡案。其人接下句似是。張云。喜本心之

志。而亦傷肺者。暴喜傷陽。火邪乘金也。肺藏魄。魄傷則神亂而爲狂。意不存人者。傍若無人也。五藏之傷。無不毛悴。而此獨云皮革焦者。以皮毛爲肺之合。而更甚於他也。肺色之夭者。白欲如鵝羽。不欲如鹽也。金衰畏火。故死於夏。

腎盛怒。止死於季夏。張云。怒本肝之志。而亦傷腎者。肝腎爲子母。其氣相通也。腎藏志。志傷則意失。而善忘其前言也。腰脊不可僂仰屈伸者。腰爲腎之府也。腎色之夭者。黑欲如重漆色。不欲如地蒼也。水衰畏土。故死於季夏。

恐懼而不解。止精時自下。張云。此亦言心腎之受傷也。蓋盛怒雖云傷腎。而恐懼則腎藏之本。志恐則氣下而陷。故能傷精。腎主骨。故精傷則骨痠。痿者陽之痿。厥者陽之衰。命門不守。則精時自下。是雖腎藏受傷之爲病。然邪氣藏府。病形篇曰。愁憂恐懼則傷心。上文曰。神傷則恐懼。流淫而不止。義與此通。李云。此亦腎傷也。特傷於本藏之志。爲異於前耳。閉藏失職。則不因交感。精自下。志云。上節論傷腎藏之志。此論傷腎藏之精。蓋魂、魄、智、意。本於心腎精神之所生。故首言怵惕思慮者。則傷神。末言恐懼而不解。則傷精。神生於精。而精歸於神也。是故五藏止不可以治之也。張云。此承篇首之問而言。凡用鍼者。必當察病者。

之形態。以酌其可刺不可刺也。設或五藏精神已損。必不可妄用鍼矣。故邪氣藏府病形篇曰。諸小者。陰陽形氣俱不足。勿取以鍼。而調以甘藥也。根結篇曰。形氣不足。病氣不足。此陰陽氣俱不足也。不可刺之。

肝藏血。張云。宣明五氣篇曰。肝藏魂。五藏生成篇曰。人臥則血歸於肝。調經論曰。肝藏血。血有餘則怒。不足則恐。

脾藏營。止經洩不利。張云。營出中焦。受氣取汁。變化而赤。是爲血。故曰。脾藏營。營舍意。卽脾藏意也。脾虛則四肢不用。五藏不安。以脾主四肢。而脾爲五藏之原也。太陰脈入腹絡胃。故脾實則腹脹。經洩不利。調經論曰。形有餘則腹脹。經洩不利。經當作涇。簡案。甲乙經。作涇。厥論亦作涇。

心藏脈。張云。宣明五氣篇曰。心主脈。調經論曰。心藏神。神有餘則笑不休。神不足則悲。

肺藏氣。止胸盈仰息。張云。喘喝者。氣促聲麤也。胸盈。脹滿也。仰息。仰面而喘也。宣明五氣篇曰。肺藏魄。調經論曰。氣有餘則喘欬上氣。不足則息利少氣。甲乙盈。作憑。注云。九墟作盈。

腎藏精止實則脹。張云。九鍼論曰。腎藏精志也。調經論曰。腎藏志。志有餘則腹脹。飧泄不足則厥。

五藏不安止調之也。張云。前章言情志損傷。此分五藏虛實。故凡五藏有不安者。必審其病形虛實。情志所屬。乃可隨其藏以調之。此總結前章而言其治方也。

終始篇第九

馬云。終始本古經篇名。而伯乃述之。故前根結篇有云。九鍼之玄。要在終始。此又曰。畢於終始。故知其爲古經篇名也。按首無起句。當同前篇。俱爲歧伯言也。畢於終始。張云。終始本篇名。詳載陰陽鍼刺之道。今散類各章。志云。終始者。始於五藏。次於經脈。終於六氣。蓋五藏內生六絡。六經外合六氣。蓋五藏又本於六氣之所生。故曰。人生於地。懸命於天。簡案。終始。其義未詳。姑仍馬張。陽受氣於四末。止可令和。馬云。陽在外。受氣於四肢。陰在內。受氣於五藏。故因其氣之來而迎之者。瀉之法也。因其氣之往而隨之者。補之法也。知迎隨爲補。

瀉。則陰陽諸經之氣可和調矣。

和氣之方。

論語。雍也。集解引孔注云。方。道也。

無道行私。

張云。不明至道而強不知以爲知。即無道行私也。伐人長命。殃必及

之。天道不爽。當知所畏。

謹奉天道止經脈爲紀。

張云。天道陰陽有十二辰次爲之紀。人身血氣有十二

經脈爲之紀。循環無端。終而復始。故曰終始。

持其脈口人迎。

張云。脈口在手。太陰脈也。可候五臟之陰。人迎在頸。陽明脈也。

可候六府之陽。人之血氣經脈。所以應天地陰陽之盛衰者。畢露於此。故曰天

道畢矣。

應四時也。

張云。春夏人迎微大。秋冬寸口微大。簡案出應四時也。上謂人迎。下

謂脈口。相應往來。即如下篇所謂俱往俱來。若引繩大小齊等也。簡案馬以上

爲寸口。以下爲尺。恐非。

不結動也。

張云。結瀯則不足。動疾則有餘。皆非平脈也。

本末之寒溫之相守司也。

甲乙作本末相遇。寒溫相守司。似是。禁服篇曰。察其

本末之寒溫。以驗其臟府之病。張云。藏氣爲本。肌體爲末。表裏寒溫司守。不致相失。故必外之形肉。內之血氣。皆相稱者。謂之平人。志。本末之寒溫之兩之字。下句。註云。本末者。有本標之出入。寒溫者。應寒暑之往來。各相守司也。簡案。志註。義未明晰。

少氣者。止不稱尺寸。張云。少氣者。元氣虛也。兼陰陽而言。故上之人迎。下之脈口。必皆衰少無力。而兩手之尺寸。亦不相稱也。簡案。尺寸。諸家爲寸關尺之尺寸。然內經無此義。今言不稱尺寸者。其脈短少。不稱常時之尺寸。

可將以甘藥。不可飲以至劑。張云。但可將以甘藥。甘藥之謂。最有深意。蓋欲補虛羸。非甘純不可也。至劑。剛毒之劑也。正氣衰者。不可攻。故不宜用也。志云。甘藥者。調胃之藥。謂三陰三陽之氣。本于中焦胃府所生。宣補其生氣之原。道之流行。故不可飲以至劑。謂甘味太過。反留中也。簡案。以至劑爲至甘之劑。殆乖經旨。

弗灸。張云。以火能傷陰也。志云。謂陰陽之氣不足于外。非經脈之陷下也。人迎一盛。止病在手陽明。張云。人迎。足陽明脈也。一盛二盛。謂大於氣口一倍。

二倍也。陽明主表。而行氣於三陽。故人迎一盛。病在足經之少陽。若大一倍而加以躁動。則爲陽中之陽。而上在手經之少陽矣。凡二盛三盛。病皆在足。而躁則皆在手也。下倣此。簡案禁服篇曰。人迎大一倍於寸口。病在足少陽。以下文例同。故張以一盛爲一倍也。馬志以人迎氣口。爲左右寸口而釋之。此王叔和以降之說。非古之義。不可從。

人迎四盛止爲外格。張云。人迎盛至四倍。且大且數者。乃六陽偏盛之極。盈溢於府。格拒六陰。是爲外格。按下文曰。溢陰爲內關。內關不通。死不治。則此外格者。亦死無疑。簡案禁服篇云。溢陽爲外格。死不治。志云。陽可盛而陰不可盛也。故溢陽不曰死。蓋不考耳。

脈口一盛止在手太陰。張云。脈口。手太陰脈也。太陰主裏。而行氣於三陰。故脈口一盛。病在足經之厥陰。若加以躁。則爲陰中之陽。而上在手厥陰心主矣。凡二盛三盛皆在足。而躁則皆在手也。志本厥陰之下。更多厥陰二字。誤。脈口四盛止死不治。張云。脈口四盛。且大且數者。乃六陰偏盛。盈溢於藏。表裏隔絕。是爲內關。主死不治。

命曰關格。張云。人迎主陽。脈口主陰。若俱盛至四倍以上。則各盛其盛。陰陽不交。故曰關格。可與言死期也。馬云。後世醫籍皆以飲食不下爲關格。視此節大義。可深慚云。關格義詳於素問識六節藏象論當互閱

人迎一盛瀉足少陽止上氣和乃止。張云。人迎主府。故其一盛。病在膽經。肝膽相爲表裏。陽實而陰虛。故當瀉足少陽之府。補足厥陰之藏也。瀉者二。補者一。瀉倍於補也。疎取之者。欲其從容。不宜急也。上氣言氣之至也。氣至而和。穀氣至矣。故可止鍼。下倣此。馬云。必切其脈而驗其病之退否。疎而取穴于膽肝二經之上。蓋彼此之穴相間之謂疎也。候至氣和乃止鍼。由此推之。則一盛而躁。病在手少陽。當瀉手少陽三焦經。而補手厥陰心包絡經矣。志云。疎當作躁。謂一盛而躁。二盛而躁。當取手之陰陽也。簡案。據馬志。上氣之上。接上句。且志改疎作躁。並不允。

太陽主胃。甲乙陽作陰。馬云。太陽作陽明。張云。太言太陰。陽言陽明。脾與胃爲表裏。故曰太陽主胃。簡案。甲乙爲是。此蓋該上文足陽明日二取之而言。張云。上文人迎之治。治三陽也。皆日二瀉一補。氣口之治。治三陰也。皆日二補一

瀉。蓋以三陽主表。病在表者。宜瀉。倍於補也。三陰在裏。病在裏者。宜補。倍於瀉也。皆以藏氣爲重。惟恐其或傷耳。又如厥陰少陽。肝膽木臟也。東方多實。故可日二取之。太陰陽明。脾與胃也。脾胃大富於穀氣。故可日二取之。惟少陰太陽。則二日一取之。蓋腎與膀胱爲天一之藏。真陰之原。故宜保重如此。聖人之顧根本。豈惟鍼刺爲然哉。

三倍以上止爲他病矣。甲乙三作四。張云。俱盛三倍以上。卽四盛也。陰陽俱溢。卽溢陰溢陽也。不開。卽外關內格也。如此者。血氣閉塞無所行。五盛真陰傷於內。刺之已不可。灸之則愈。亡其陰而變生他病。必至不能治也。志云。若不以鍼開之。則血脈閉塞。氣無所行。流溢於中。則內傷五藏矣。夫盛則瀉之。虛則補之。陷下則灸之。此陰陽之氣偏盛不和。非陷下也。故灸之則生他病矣。

凡刺之道。止血氣不行。志云。謂陰陽之氣偏盛。刺之和調則止矣。然又當補陰瀉陽。補陰者。補五藏之衰陰。瀉陽者。導六氣之外出。六節藏象論曰。五氣入鼻。藏於心肺。上使五色修明。音聲能彰。順氣篇曰。五者音也。音主長夏。是補其藏陰。則心肺脾藏之氣和。而音聲益彰矣。肝開竅於目。腎開竅於耳。肝腎之氣盛。

則耳目聰明矣。甲乙音氣作音聲。

適雖言故。馬云。苟堅如其初。則適纔雖言病去復舊。其病未去也。張云。脈堅如舊者。雖欲文飾其故而病實未除也。簡案。據下文言快而推之。故乃病去而復其故之謂。馬註爲是。

夫如其故。甲乙夫作大。是。

痛雖不隨鍼。甲乙痛作病下同。鍼下有減字。下文同。馬云。雖不隨鍼而即去。然亦必以漸而衰矣。

十二經脈之所生病。馬云。欲通十二經脈之所生病。及虛實補瀉。必明於本經經脈第十篇而後可。

可得傳於終始矣。張云。終始。本篇名。即本末之謂。

故陰陽不相移止。取之其經。張云。移。移易也。傾。相傷也。或陰或陽。無所改易。不相移也。虛者自虛。實者自實。不相傾也。此則無所從生。而各病其病。但求其經而取之。

邪辟妄合。辟。甲乙作澼。馬志作澼。張云。邪辟妄合等六句。詳言病變也。凡此者

皆須用鍼。治以三刺之法。則諸病可去也。

沉浮異處。四時不得。馬云。脈氣浮沉。似所處各異。志云。浮沉異處者。陰陽之氣與經脈不相合也。四時不得者。不得其升降浮沉也。

故一刺止穀氣至也。張云。初刺之在於淺近。故可出陽分之邪。再刺之在於深遠。故可出陰分之邪。三刺之在候穀氣。穀氣者。元氣也。止出鍼也。蓋邪氣來也。緊而疾。穀氣來也。徐而和。必邪氣去而後穀氣至。故已補而實則虛者堅。已瀉而虛則堅者更。是以知穀氣之至也。馬云。此節大意。見前官鍼篇。

陰盛而陽虛止和之。張云。此以脈口人迎言陰陽也。脈口盛者。陰經盛而陽經虛也。當先補其陰。後瀉其陽而和之。何也。以治病者。皆宜先顧正氣。後治邪氣。蓋攻實無難。伐虛當畏。於此節之義。可見用鍼用藥。其道皆然。

三脈動於足大指之間。馬云。陽明動於大指次指之間。凡厲兌、陷谷、衝陽、解谿、皆在足跗上也。厥陰動於大指次指之間。正以大敦行間、太衝、中封、在足跗內也。少陰則動於足心。其穴湧泉。乃足跗之下也。

其動也。甲乙作三脈動於大指者八字。

陽明止少陰在下。樓氏綱目曰。陽明在上。衝陽脈也。厥陰在中。太衝脈也。少陰在下。太谿脈也。馬云。陽明則在手足之上。厥陰則在於二經之中。少陰則在於足之下耳。

膺膪中膺止取之上。馬云。此言凡取穴者。必當各中其所也。胸之兩傍謂之膺。故膺內有膪。如胃經氣戶。庫房屋翳。膺窗。腎經或中。神藏。靈墟。神封之類。凡刺膺膪者。當中其膺可也。背內有膪。如督脈經諸穴。居脊之中。膀胱經諸穴。居脊之四行之類。凡刺背膪者。當中其背與肩膊可也。凡按分肉虛。虛則取之耳。張云。凡肩膊之虛軟而痛者。病有陰經陽經之異。陰經在膺。故治陰病者。當取膺膪而必中其膺。陽經在背。故治陽病者。當取背膪而必中其背。病在手經故取之上。上者手也。如手太陰之中府。雲門。手厥陰之天池。皆膺膪也。手少陽之肩髃。天髃。手太陽之天宗。曲垣。肩外膪。皆背膪也。咸主肩膊虛痛等病。簡案。二家所取義各異。未審孰是。然張添痛字釋之。似於原文未允當。但馬以肩膊二字接上句。以上字接次節重字上。非。

重舌刺舌柱。以鉞鍼也。張云。舌下生小舌。謂之重舌。舌柱即舌下之節如柱者也。當用第五鉞曰鉞鍼者。刺之。九鉞論曰。鉞鍼主大癰膿兩熱爭者。官鉞篇曰。病爲大膿者。取以鉞鍼。簡案。刺出惡血也。

手屈止守筋。張云。屈而不伸者。筋之拘攣也。故治當守筋。不可誤求於骨。伸而不屈者。骨之廢弛也。故治當守骨。不可誤求於筋也。

補須一方實。止無使邪氣得入。張云。補當作刺。刺法雖多。其要惟二。則補瀉而已。一者因其方實。故當深取之。勿按其痛。欲以出其邪氣。此瀉法也。一者因其方虛。故當淺刺之。以養其血脈。疾按其穴。以拒其邪氣。此補法也。馬云。方猶俗云。纔方也。

邪氣來也。止徐而和。馬云。邪氣之來。其鍼下必緊而疾。穀氣之來。其鍼下必徐而和。可得而驗也。

刺諸痛者。其脈皆實。甲乙者。下有深刺之諸痛者六字。張云。此言痛而可刺者。脈必皆實者也。然則脈虛者。其不宜刺可知矣。

從腰以上止足太陰陽明皆主之。張云。此近取之法也。腰以上者。天之氣也。故

當取肺與大腸二經。蓋肺經自胸行手。大腸經自手上頭也。腰以下者。地之氣也。故當取脾胃二經。蓋脾經自足入腹。胃經自頭下足也。病之在陰在陽。各察其所主而刺之。

病在上者止取之膈。

張云。此遠取之法也。有病在上而脈通於下者。當取於下。

病在下而脈通於上者。當取於上。故在頭者取之足。在腰者取之膈。蓋疏其源而流自通。故諸經皆有井榮俞原經合之辨。

春氣在毛止以春夏之齊。

甲乙毛上有毫字。馬云。齊劑同。素問有刺齊論。張云。

此言病氣之中人。隨時氣而為深淺也。春夏陽氣在上。故取毫毛皮膚。則淺其鍼。秋冬陽氣在下。故取分肉筋骨。則深其鍼。是以時為齊也。按四時刺逆從論曰。春氣在經脈。夏氣在孫絡。長夏氣在肌肉。秋氣在皮膚。冬氣在骨髓。中與本篇若異者何也。蓋本篇言病邪之應時令。有表有裏。四時刺逆從論言人氣之合天地。有升有降。義本不同。非矛盾也。肥人肉厚。淺之則不及。故宜秋冬之齊。瘦人肉薄。深之則太過。故宜春夏之齊。志云。齊者與時一之也。簡案。志註非是。七十難與本篇之義合。

病痛者陰也。止深刺之。張云。凡病痛者。多由寒邪滯逆於經。及深居筋骨之間。凝聚不散。故病痛者爲陰也。按之不得者。隱藏深處也。是爲陰邪。故刺亦宜深。然則痛在浮淺者。由屬陽邪可知也。但諸痛屬陰者多耳。

病在上者陽也。止淺刺之。張云。陽主升。故在上者爲陽。陰主降。故在下者爲陰。癢者散動於膚腠。故爲陽。凡病在陽者。皆宜淺刺之。其在下者。自當深刺無疑也。志云。此論表裏上下之陰陽。夫表爲陽。裏爲陰。身半以上爲陽。身半以下爲陰。病在陽者名曰風。故癢者陽也。病在皮膚之表。陽也。病在陰者名曰痺。痺者痛也。故病痛者陰也。以手按之不得者。留痺之在內也。此言表裏之爲陰陽也。簡案。四十八難曰。癢者爲虛。痛者爲實。義似相反。

病先起陰者。止治其陰。張云。此以經絡部位言陰陽也。病之在陰在陽。起有先後。先者病之本。後者病之標。治必先其本。卽上文所謂先刺其病所從生之義。熱厥。寒厥。馬云。素問明有厥論。本經寒熱病篇。亦有刺寒熱厥法。二陰一陽。止一刺陽也。張云。二刺陰。一刺陽者。謂補其陰經二次。瀉其陽經一次。則陰氣盛而陽邪退。故可以治熱厥。其二陽一陰者。亦猶是也。故可以治寒

厥。

久病者止刺道畢矣。張云。久遠之疾。其氣必深。鍼不深。則隱伏之病不能及。留不久。則固結之邪不得散也。一刺未盡。故當間日復刺之。再刺未盡。故再間日而又刺之。必至病除而後已。然當先察其在經在絡。在經者直刺其經。在絡者繆刺其絡。是謂調其左右。去其血脈也。志云。病久者邪氣入深。邪與正爭。則氣留於陰。間日而後出於陽。是以間日復刺之者。俟氣至而取之也。

凡刺之法。止聚氣可布。甲乙。躁厥者。註云。一作疾字。張云。病少氣而形肉未脫。其脈躁急。其病躁而厥逆者。氣虛於內。邪實於經也。當繆刺之。左病取右。右病取左。所刺在絡。其用輕淺。則精氣之散者可收。邪氣之聚者可散也。簡案。躁厥。作躁疾是。

深居靜處。止氣至乃休。馬云。此言用鍼者。當預養其神。以行鍼也。凡用鍼者。雖占病者之神氣往來。然必先自養其神氣。故深居靜處。閉戶塞牖。魂魄神意。精氣皆會於一。令志已在鍼。方淺而留之。或微而浮之。以移病者之神。候其真氣已至。而乃止鍼也。

男內女外止是謂得氣。張云。既刺之後。尤當戒慎。男子忌內。女子忌外。忌外者。堅拒勿出。忌內者。謹守勿內。則邪氣必去。正氣必復。是謂得氣。道藏本釋音云。難經作男外女內。簡案。七十八難云。男外女內。乃言鍼法。與本篇之義自別。出行來者。甲乙出。作步。

凡此十二禁者。簡案。馬張連男內女外爲十二禁。然凡刺之禁。有後節則必不然。甲乙無此十二三字。蓋古經之脫文也。

介按。凡十二禁者。如風雨晦明之四時。人之氣血。凝滯不調。共計四禁也。大飽則氣虛。五禁也。新飽則氣盛。六禁也。大醉則氣亂。七禁也。大怒則氣逆。八禁也。大渴則液少。九禁也。大勞則氣乏。十禁也。大驚則氣散。十一禁也。人神所在之處。恐傷其生氣。十二禁也。夫所謂人神所在之處。以四時言之。則春在左脅。秋在右脅。冬在腰。夏在臍。此四者。係是肝肺腎脾所司之時也。故亦須禁之。

淫泆。道藏本甲乙作淫瀦。張云。淫泆。蕩散也。淫瀦詳於素問識骨空論

脫其五味。志云。五味入口。藏於腸胃。味有所藏。以養五氣。氣和而生。津液相成。神乃自生。鍼刺之道。貴在得神致氣。犯此禁者。則脫其五味所生之神氣。是謂

失氣也。

絕皮乃絕汗。

太陽之脈以下。文與素問診要經終論同。今特舉其異同。不復詮

釋。診要經終無絕皮二字。作絕汗乃出。

不行。診要經終作不仁。

經脈第十

馬云。凡內經全書之經絡。皆自此而推之耳。

禁脈。馬云。按當作禁服。本經第四十八禁服篇云。凡刺之理。經脈爲始。營其所

行。知其度量。內刺五臟。外刺六腑。則此篇數語。乃出於禁服篇也。張志同。

營其所行。張云。言經絡之營行也。簡案。營與制對言。疑非營行之義。營度也。見

玉篇。當以此釋之。

先成精。張云。精者人之水也。萬物之生。其初皆水。故易曰。天一生水。道家曰。水

是三戈之母。精爲元氣之根。本神篇曰。故生之來。謂之精。決氣篇曰。兩神相搏。合而成形。常先身生。是謂精。故人始生。先成精也。

精成而腦髓生。張云。精藏於腎。腎通於腦。腦者陰也。髓者骨之充也。諸髓皆屬

於腦。故精成而後腦髓生。

骨爲幹。張云。猶木之有幹。土之有石。故能立其身。

脈爲營。馬云。猶將之營。史記云。以師兵爲營衛。張云。脈絡經營一身。故血氣周

流不息。

筋爲剛。張云。筋力剛勁。故能約束骨骼。動作強健。

肉爲牆。張云。肉象牆垣。故能蓄藏血氣。志云。肉生於土。猶城牆之外衛也。

穀入於胃。脈道以通。張云。前言成形始於精。此言養形在於穀。如營衛生會篇

曰。人受氣於穀。穀入於胃。以傳於肺。五藏六府皆以受氣。其清者爲營。濁者爲

衛。故脈道通。血氣行。此經脈之謂。明經脈之道。則可以決死生。處百病。調虛實。

施治療矣。

筋脈之始生。筋。諸本作經。當改。

起於中焦。馬云。起發也。中焦者中脘也。在臍上四寸。楊珣鍼灸集書云。起者興

也。發也。簡案。銅人註。高承德云。中焦乃臍中也。此說甚異。張云。愚按此十二

經者。即營氣也。管行脈中。而序必始於肺經者。以脈氣流經。經氣歸於肺。肺朝百脈。以行陰陽。而五藏六府皆以受氣。故十二經以肺經爲首。循序相傳。盡於足厥陰肝經。而又傳於肺。終而復始。是爲一周。

下絡大腸。馬云。絡猶兜也。如今人橫線爲絡而兜物也。張云。絡。聯絡也。當任脈水分穴之分。肺脈絡於大腸。以肺與大腸爲表裏也。按十二經相通。各有表裏。凡在本經者皆曰屬。以此通彼者皆曰絡。故在手太陰。則曰屬肺絡大腸。在手陽明。則曰屬大腸絡肺。彼此互更。皆以本經爲主也。下文十二經皆倣此。

還循胃口。張云。還。復也。循。巡繞也。自大腸而上復循胃口。滑氏十四經發揮云。胃口。胃上下口也。胃上口。在臍上五寸上脘穴。下口。在臍上二寸下脘穴之分也。銅人註云。胃口。謂胃之上口。賁門之位也。

上膈屬肺。滑氏云。屬。會也。膈者。隔也。凡人心下有膈膜。與脊脅周回相着。所以遮隔濁氣。不使上熏於心肺也。張云。屬者。所部之謂。

從肺系橫出腋下。滑氏云。肺系。謂喉嚨也。喉以候氣。下接於肺。肩下脇上際曰腋。自肺藏循肺系出而橫行。循胸部第四行之中府雲門。以出腋下。

臑內。滑氏云。膊下對腋處爲臑。肩肘之間也。張云。膊之內側。上至腋。下至肘。嫩
軟白肉曰臑。天府俠白之次也。臑。儒軟二音。又奴刀。奴到二切。簡案。臑。廣韻臂
節。那到切。

行少陰。心主之前。張云。少陰。心經也。心主。手厥陰經也。手之三陰。太陰在前。厥
陰在中。少陰在後也。

下肘中循臂內。上骨下廉入寸口。銅人註云。肘中。尺澤穴分也。上骨。謂臂之上
骨也。經渠穴在此寸口中。甲乙經渠在楊珣云。肘臂節也。臑盡處爲肘。臂者。要
旨論云。肘下爲臂。上骨者。謂臂之上骨也。廉者。邊也。滑氏云。肘以下爲臂。廉。隅
也。邊也。手掌後高骨傍動脈爲關。關前動脈爲寸口。樓氏綱目云。臑下掌上名
曰臂。臂有二骨。今太陰脈循臂上骨之下廉也。張云。膊臂之交曰肘中。穴名尺
澤。肘以下爲臂內。內側也。行孔最。列缺。經渠。之次。骨掌後高骨也。下廉。骨下側
也。寸口。關前動脈也。卽太淵穴處。簡案。據張註。上字上聲。非也。寸口通寸關尺
而言。諸註以寸部釋之。失古義矣。

上魚循魚際。滑氏云。掌骨之前。大指本節之後。其肥肉隆起處。統謂之魚。魚際

則其間之穴名也。

大指之端。滑氏云。出大指之端。至少商穴而終也。端。杪也。張云。端。指尖也。

其支者止出其端。銅人註云。鍼經曰。支而橫者爲絡。此手太陰之絡。別走陽明

者也。穴名列缺。張云。支者如木之有枝。此以正經之外。而復有旁通之絡也。臂

掌之交曰腕。此本經別絡。從腕後上側列缺穴。直出次指之端。交商陽穴而接

乎手陽明經也。

黃帝曰。肺。手太陰也。諸本無此八字。原文本於類經。宜刪去。

是動。張云。動。言變也。變則變常而爲病也。如陰陽應象大論曰。在變動爲握。爲

噦之類。卽此之謂。

膨膨。銅人註云。謂氣不宣暢也。馬云。俗云膨脝。脹論曰。肺脹者。虛滿而喘欬。

缺盆中痛。張云。缺盆雖十二經之道路。而肺爲尤近。故肺病則痛。

瞀。銅人註云。太素註曰。瞀。低目也。馬云。交兩手而掣瞀。張云。木痛不仁也。志云。

目垂貌。簡案。玉篇。目不明貌。又楚辭九章。中悶瞀之惛惛。註。煩亂也。諸註俱誤。

臂厥。銅人註云。肘前曰臂。氣逆曰厥。

是主肺所生病者。馬云。是皆肺經所生之病耳。按。難經二十二難。以是動爲氣。所生爲血。卽動生二字。分爲氣血。乃難經之臆說耳。張云。按二十二難云云。若乎近理。然細察本篇之義。凡在五藏。則各言藏所生病。凡在六府。則或言氣。或言血。或脈。或筋。或骨。或津液。其所生病。本各有所主。非以血氣二字。統言十二經者也。難經之言。似非經旨。志云。是動者。病因於外。所生者。病因於內。凡病有因於外者。有因於內者。有因於外而及於內者。有因於內而及於外者。有外內之兼病者。本篇統論藏府經氣。故曰肺手太陰之脈。曰是動。曰所生。治病者。當隨其所見之證。以別外內之因。又不必先爲是動。後及所生。而病證之畢具也。簡案。馬以此一句爲結文。張則按下節爲解。楊珣則肺下爲句。蓋是動所生。其義不明晰。亦未知孰是。

喘渴。甲乙銅人作喘喝。張云。渴當作喝。聲麤急也。

臑臂內前廉痛厥掌中熱。張。厥一字句。馬。志。痛下句。銅人無厥字。

風寒汗出中風。張云。肺主皮毛。而風寒在表。故汗出中風。簡案。氣盛有餘。謂肺藏氣盛而有餘。非外感邪氣之盛也。而云風寒汗出中風。則似肺藏氣盛而有

餘者。必病風寒。汗出中風。此必理之所無。或恐六字衍文。諸家順文詮釋。未曾有疑及者何。

小便數而欠。銅人註云。數。頻也。欠。少也。言小便頻而少也。馬云。小便頻數而發之爲欠。母病及腎。簡案。欠。呵欠也。宣明五氣篇云。腎爲欠。馬註爲是。溺色變。甲乙註云。一作卒遺失無變。馬云。邪及子。張云。金衰則水涸。故溺色變而黃赤。志云。氣虛而不化也。

盛則瀉之。止以經取之。張云。盛瀉虛補。雖以鍼言。藥亦然也。熱則疾之。氣至速也。寒則留之。氣至遲也。陷下則灸之。陽氣內衰。脈不起也。不盛不虛。以病有不因血氣之虛實。而惟逆於經者。則當隨經所在。或飲藥。或刺灸。以取之也。下文諸經之治。義與此同。

盛者止。小於人迎也。張云。寸口主陰。肺爲大腸之藏。手太陰經也。故肺氣盛者。寸口大三倍於人迎。虛則反少也。人迎者。足陽明之動脈。在結喉旁一寸五分。乃三陽脈氣所至也。陰陽別篇曰。三陽在頭。三陰在手者。其義卽此。下同。簡案。何夢瑤醫編云。人迎脈。恆大於兩手寸脈數倍。從無寸口反大於人迎者。今驗

之此言。殆信矣。

起於大指次指之端。

端下。甲乙有外側二字。銅人作內側。誤。張云。即食指之端

也。穴名商陽。

循指上廉。張云。上廉。上側也。凡經脈陽行於外。陰行於內。後諸經皆同。循指上

廉。二間三間也。

合谷。張云。穴名。兩骨。即大指次指後歧骨間也。俗名虎口。

兩筋之中。張云。腕中上側。兩筋陷中。陽谿穴也。

循臂上廉入肘外廉。滑氏云。自陽谿而上。循臂上廉之偏歷、溫溜、下廉、上廉、三

里。入肘外廉之曲池。

上臑外前廉。臑上甲乙銅人有循字。張云。行肘髁五里臂臑也。

髁骨。楊珣云。髁。肩前也。肩端兩骨間為髁骨。張云。肩端骨竅為髁骨。以上肩髁

巨骨也。髁。隅同。

柱骨之會上。銅人註云。氣府論註曰。柱骨之會。乃天鼎穴也。在頸缺盆上直扶

突。氣舍後。同身寸之半寸是也。楊珣云。要旨曰。脾上際會處為三柱骨。此經自

肩髃穴。上出柱骨之上。張云。肩背之上。頸項之根。爲天柱骨。六陽皆會於督脈之大椎。是爲會上。簡案。氣府論。手陽明脈氣所發。柱骨之會各一。又氣穴論。大椎上兩傍各一柱骨會上。乃大椎兩傍。必有本經之穴。其名今無攷。銅人註爲天鼎。非也。

下入缺盆。楊珣云。經曰。胸兩傍高處爲膺。膺上橫骨爲巨骨。巨骨上爲缺盆。志云。缺盆在結喉兩傍之高骨。形圓而踝。如缺盆然。

屬大腸。滑氏云。當天樞之分會。屬於大腸。

上頸貫頰。甲乙作直上至頸貫頰六字。滑氏云。頭莖爲頸。耳以下曲處爲頰。自缺盆上行於頸。循天鼎。扶突。上貫於頰。

入下齒中。發揮。齒下補縫字。楊珣云。口內前小者爲齒。大者爲牙。滑氏云。旣入下齒縫中。復出夾兩口吻。相交於人中之分。

人中。張云。卽督脈之水溝穴。由人中而左右互交。上挾鼻孔者。自禾髎以交於迎香穴也。簡案。老子釋略云。鼻爲天門。口爲地戶。天地之間。人中是也。大腸手陽明也。諸本無此六字。當刪。下並同。

頸腫。頸、甲乙作頰。銅人作頰。註云。頰謂準之秀骨也。並非。

是主津液所生病者。張云。大腸與肺為表裏。肺主氣。而津液由於氣化。故凡大

腸之或泄或秘。皆津液所生之病。而主在大腸也。志云。大腸傳導水穀。變化精

微。故主所生津液。病則津液竭而火熱盛。故為目黃、口乾、飢衄、喉痺。諸證。

飢衄。銅人註云。王砮曰。鼻中水出曰飢。血出曰衄。

寒慄不復。張云。不易溫也。銅人註云。慄戰也。

起於鼻之交頰中。甲乙銅人及十四經發揮並無之字。當是衍文。滑氏云。頰、鼻

莖也。說文出鼻山根為頰。足陽明起於鼻兩旁迎香穴。由是而上。左右相交於頰

中。銅人註云。兩目之間。鼻凹深處謂之頰中。張云。交頰其脈左右互交也。簡案

張註非是。

旁納太陽之脈。納、甲乙千金銅人發揮馬志並作約。銅人註云。足太陽起於目

眦。睛明穴。睛而陽明旁行約之。張云。納入也。簡案。約作約為是。太陽甲乙作大腸。

下循鼻外。滑氏云。歷承泣、四白、巨髎。

入上齒中。入上。甲乙馬志作上入。

前爲髮際。髮際前爲額顙。

其支者。發揮集書支下有別字。汪云。此乃正經。何以反屬支脈。

下人迎循喉嚨。銅人註云。人迎在結喉兩旁大脈動應手是也。滑氏云。循喉嚨。

歷水突。氣舍入缺盆。簡案。憂恚無言篇云。咽喉者。水穀之道也。喉嚨者。氣之所

上下者也。

缺盆。張云。本經穴也。甲乙云。在肩上橫骨陷者中。

屬胃絡脾。張云。胃與脾爲表裏也。此支自缺盆入內下膈。當上脘中脘之分。屬

胃絡脾。

下乳內廉。張云。從缺盆下行。氣戶等穴。案指庫房以至乳中。乳中。根也。

下挾臍。馬云。不容承滿梁門關門太乙滑肉門下挾臍。歷天樞外陵大巨水道。

歸來諸穴而入氣衝中。

氣街。銅人發揮街作衝。銅人註云。在股下挾兩旁。相去同身寸之四寸鼠蹊上。

或云在毛際兩傍鼠蹊上。乃三焦之道路。故云氣衝。或曰在歸來下。同身寸之

一寸。汪云。衛氣篇云。胸氣有街。腹氣有街。頭氣有街。脛氣有街。街猶路也。

胃口。張云。胃之下口。當下脘之分。難經謂之幽門者是也。

循腹裏。張云。過足少陰肓膈之外。此即上文支者之脈。由胃下行。而與直者復合於氣街之中也。

以下髀關止入中指內間。滑氏云。抵至也。股外爲髀。髀前膝上起肉處爲伏兔。

伏兔後交文爲髀關。挾膝解中爲臑。脛骨爲跗。跗足面也。既相合氣衝中。乃下髀關。抵伏兔。歷陰市。梁丘。下入膝臑中。經犢鼻。下循胕。外廉之三里。巨虛上廉。條口。巨虛下廉。豐隆。解谿。下足跗之衝陽。陷谷。入中指外間之內庭。至厲兌而終也。滑馬內間作外間。非。

下廉三寸。廉甲乙銅人發揮作膝。滑氏云。此支自膝下三寸。循三里穴之外。別行而下。入中指外間。與前之內庭厲兌合也。馬云。自膝下三寸。循三里穴之外。別下歷上廉。條口。下廉。豐隆。解谿。衝陽。陷谷。以至內庭。厲兌而合也。張云。廉上廉也。下廉三寸即豐隆穴。是爲陽明別絡。故下入中指外間。簡案。馬以上廉等六穴。爲支別所屬者。誤。

入大指間出其端。滑氏云。此支自跗上衝陽穴。別行入大指間。斜出足厥陰行

間穴之外。循大指下出其端。以交於足太陰。汪云。至厲兌穴而終。以交於足太陰經。昂按。凡交經授受。皆屬支脈。經別篇又云。上通於心。循咽出口上額頰。還繫目系。

洒洒振寒。洒。甲乙作淒。銅人作淒。脈解篇云。陽明所謂洒洒振寒者。陽明者午也。五月盛陽之陰也。陽盛而陰氣加之。故洒洒然振寒也。簡案。馬引瘧論。陽明虛則寒慄鼓頷。恐非。

善呻善欠。甲乙銅人伸作呬。銅人註云。伸謂伸努筋骨也。張云。胃之鬱也。志云。善呻者。陽氣鬱而欲伸出之。數欠者。陽欲引而上也。

顏黑。銅人註云。顏額也。張云。黑。水色也。土病則水無所畏。故黑色反見於顏面。病至止棄衣而走。陽明脈解篇云。陽明主肉。其脈血氣盛。邪客之則熱。熱甚則惡火。又云。陽明厥則喘而惋。惋則惡人。又云。胃者土也。故聞木音而驚者。土惡木也。又云。四支者。諸陽之本也。陽盛則四支實。實則能登高也。又云。熱盛於身。故棄衣欲走也。脈解篇云。所謂甚則厥。惡人與火。聞木音則惕然而驚者。陽氣與陰氣相薄。水火相惡。故惕然而驚也。所謂欲獨閉戶牖而處者。陰陽相薄也。

陽盡而陰盛。故欲閉戶牖而居。

賁響。張云。腸胃雷鳴也。簡案。壽夭剛柔篇。佛懷賁響。義同。

肝厥。張云。肝足脛也。陽明之脈。自膝臑下脛骨外廉。故爲脛肝厥逆。肝音幹。

是主血所生病者。張云。中焦受穀。變化而赤爲血。故陽明爲多氣多血之經。而

主血所生病者。志云。本經曰。穀入於胃。脈道以通。血氣乃行。平脈篇曰。水入於

經。而血乃成。胃爲水穀之海。主生此營血。故是主血所生病者。

狂瘧溫淫汗出。甲乙。瘧作瘕。張云。陽明熱勝則狂。風勝則瘧。溫氣淫洩則汗出。

脣胗。志云。胗。疹同。脣瘍也。簡案。志註。本於說文。甲乙。胗作緊。

大腹水腫。張云。胃在中焦。土病則不能制水也。

身以前皆熱。銅人註云。腹爲陰。背爲陽。足陽明行身之陰。其氣盛。故身以前皆

熱。其氣不足。故身以前皆寒慄。

消穀善饑。志云。陽明氣盛於外。則身以前皆熱。盛於內。則有餘於胃。而消穀善

饑。溺色黃。

起於大指之端。滑氏云。起大指之端隱白穴。受足陽明之交也。

循指內側白肉際。張云。行大都、太白等穴。

核骨。核。發揮作覈。滑氏云。俗云孤拐骨是也。樓氏云。核骨在足大指本節後。約

二寸。內踝骨前約三寸。如棗核。橫於足內側。赤白肉際者是也。竇大師指爲孤拐骨者非是也。張云。核骨即大指本節後內側圓骨也。滑氏言爲孤拐骨者非。蓋孤拐即名踝骨。古有擊踝之說。即今北人所謂打孤拐也。

上內踝前廉。滑氏云。過核骨後歷太白、公孫、商丘。上內踝前廉之三陰交也。足

跟後兩旁起骨爲踝骨。張云。滑氏以足跟骨爲踝者亦非。蓋彼曰跟踵非踝也。踰內。銅人註云。踰謂脛之魚腹也。滑氏云。踰腓腸也。由三陰交上踰內。循胛骨

後之漏谷。上行二寸。交出足厥陰經之前。至地機、陰陵泉。張云。踰足肚也。亦名腓腸。本經與踰通用。音篆。蓋踰本音煨。玉篇以足跟爲踰。簡案。踰說文。腓腸也。

上膝股內前廉入腹屬脾。滑氏云。脾內爲股。臍上下爲腹。自陰陵泉上循膝股

內前廉之血海、箕門。迤邐入腹。經衝門、府舍、會中極、關元。復循腹結、大橫、會下脘。歷腹哀。過日月、期門之分。循本經之裏。下至中脘。下脘之際。以屬脾絡胃也。上膈止散舌下。滑氏云。咽所以嚥物者。居喉之前。舌本。舌根也。由腹哀上膈。循

食竇、天谿、胸鄉、周榮。由周榮外曲折向下。至大包上行。行人迎之裏。挾咽連舌本。散舌下。

其支者止注心下。

張云。足太陰經外行者。由腹之四行上府舍、腹結等穴。散於

胸中而止於大包。其內行而支者。自胃脘別上膈。注心中而接乎手少陰經也。食則嘔止。快然如衰。脈解篇曰。太陰所謂食則嘔者。物盛滿而上溢。故嘔也。所

謂病脹者。太陰子也。十一月萬物之氣皆藏於中。故曰病脹。所謂上走心爲噫者。陰盛而上走於陽明。陽明絡屬心。故曰上走心爲噫也。所謂得後與氣則快然如衰者。十一月陰氣下衰。而陽氣且出。故曰得後與氣則快然如衰也。如衰。甲乙作而衰。簡案。而如古通。李云。後大便也。氣轉矢氣也。

身體皆重。銅人註云。以脾主肉。故脹病則身體重。

舌本痛。馬云。上舌本強。而此則甚。

體不能動搖。馬云。卽上文重而甚。

煩心。心下急痛。甲乙。痛作寒瘧二字。馬云。脈注心中。

瘧瘕泄水閉黃疸。馬云。瘧。脾氣不實。瘕泄。難經五十七難。有大瘕泄。水閉。六元

正紀大論。有甚則水閉跗腫。言水畜於內。而大小便皆閉也。黃疸。素問平人氣象論。本經論疾診尺篇。皆有黃疸。張云。脾寒則爲漇瀉。脾滯則爲癥瘕。脾病不能制水。則爲泄。爲水閉。黃疸。不能臥。李云。漇者水泄也。瘕者痢疾也。水閉者上病不能治水也。水閉則濕熱壅而爲疸。爲不臥。

不能臥。甲乙臥作食。食下有脣青二字。銅人註云。甲乙經作好臥不能食肉。脣青強立。與今本異。

強立。諸家不釋。簡案。蓋謂勉強而起立。則股膝內腫。甲乙腫下有痛字。

足大指不用。張云。脾脈起於足拇以上。膝股內廉。故爲腫。爲厥。爲大指不用諸病。

起於心中。楊珣云。經曰。心在肺下。又云。心狀如蓮花未開。在膈上附第五椎也。簡案。據楊註。心中直指心藏而言。

心系。道藏本脫系字。滑氏云。心系有二。一則上與肺相通。而入肺兩大葉間。一則由肺葉而下。曲折向後。並脊膂細絡相連。貫脊髓與腎相通。正當七節之間。蓋五藏系皆通於心。而心通五藏系也。手少陰經起於心。循任脈之外屬心系。

下膈。當臍上二寸之分。絡小腸。張云。其系有五。上系連肺。肺下系心。心下三系連脾、肝、腎。故心通五藏之氣而爲之主也。

目系。楊珣云。要旨論曰。目內連深處爲目系。此經已絡小腸。從心系支而橫出。循任脈之外。上挾咽系。而行至於目系也。

其直者止出腋下。滑氏云。直者復從心系直上至肺藏之分。出循腋下抵極泉也。穴在臂內腋下筋間動脈。張云。手少陰經行於外者始此。

下循臑內後廉。止下肘內。甲乙作肘中內廉。滑氏云。自極泉下循臑內後廉。行太陰心主兩經之後。歷青靈穴。下肘內廉。抵少海。

循臂內止出其端。滑氏云。腕下踝爲兌骨。自少海而下循臂內後廉。歷靈道。通里。至掌後銳骨之端。經陰郄。神門。入掌內廉。至少府。循小指端之少衝。而終以交於手太陽也。心爲君主之官。示尊於它藏。故其交經授受。不假於支別云。

嗑乾止臂厥。張云。本經支者從心系上挾咽。故爲嗑乾心痛。心火炎則心液耗。故渴而欲飲。手少陰循臂內後廉。出小指之端。故爲臂厥。

目黃脇痛止掌中熱痛。張云。少陰之脈。繫目系。故目黃。出腋下。故脅痛。循臑臂

內入掌內後廉。故爲熱痛諸病。甲乙。脅下有滿字。

起於小指之端。止出踝中。滑氏云。臂骨盡處爲腕。腕下兌骨爲踝。本經起小指

端少澤穴。由是循手之外側之前谷、後谿、上腕、出踝中、歷腕骨、陽谷、養老穴也。

直上循臂骨下廉止交肩上。滑氏云。脊兩旁爲膂。膂上兩角爲肩解。肩解下成

片骨爲肩胛。膊一名自養老穴直上循臂骨下廉支正穴。出肘內側兩骨之間。歷

小海穴。上循臑外後廉。行手陽明少陽之外。上肩循肩貞、臑俞、天宗、乘風、曲垣、

肩外俞、肩中俞諸穴。乃上會大椎。因左右相交於兩肩之上。張云。循臂骨下廉、

陽谷等穴。出肘內側兩骨尖陷中小海穴也。此處捺之。應於小指之上。簡案。兩

筋甲乙、千金、銅人等作兩骨。滑氏從之。今捺之而痠麻。應於小指之上者。觸筋

也。其穴則在肘骨臂骨之間。知是作骨爲是。

入缺盆止屬小腸。甲乙。缺盆下有向腋下三字。銅人同。張云。自缺盆由胸下行。

入膻中絡心。心與小腸爲表裏也。自缺盆之下。循咽下膈抵胃下行。當臍上二

寸之分。屬小腸。此本經之行於內者。

其支者止入耳中。滑氏云。目外角爲銳眥。支者別從缺盆。循頸之天窗、天容、上

頰。抵顴。上至目銳眥。過瞳子。却入耳中。循聽宮而終也。

其支者。止斜絡於顴。發揮。無斜絡於顴四字。蓋依金蘭循經文集書同。張云。目下爲頰。目內角爲內眥。顴卽顴骨。下顴。手太陽自此交目內眥。而接乎足太陽經也。簡案。刺禁論。王註。手太陽脈。自顴而斜行至目內眥。發揮無四字者。蓋係於脫文。

頰腫。銅人註云。頰。謂頰下也。張云。本經之脈。循咽下膈。其支者循頸上頰。故爲是病。

是主液所生病者。張云。小腸主泌別清濁。病則水穀不分。而流衍無制。是主液所生病也。志云。小腸爲受盛之官。化水穀之精微。故主液。

起於目內眥上額交巔。滑氏云。目大角爲內眥。髮際前爲額。腦上爲巔。巔。頂也。足太陽起目內眥。睛明穴。上額循攢竹。過神庭。歷曲差。五處。承光。通天。自通天斜行左右。相交於巔上之百會也。銅人註云。內眥。謂目之大眥也。介按。目內眥外一分。宛宛中。是睛明穴也。上行眉。眉頭陷中。卽攢竹穴也。再上行髮際間。俠督脈之神庭穴。傍開一寸五分。正頭取之。是曲差穴也。後行五分。

傍開一寸五分。五處穴也。從此後行一寸五分。承光穴也。由承光後行一寸五分。俠督脈之百會穴。傍開一寸五分。即通天穴也。

其支者從巔至耳上角。滑氏云。抵耳上角。過率谷。浮白。竅陰穴。所以散養於經脈也。張云。由百會旁行至耳上角。過足少陽之曲鬢。率谷。天衝。浮白。竅陰。完骨。故此六穴者。皆爲足太陽少陽之會。

介按。從懸釐後行耳前。入髮際。曲隅陷中。鼓領有空。即曲鬢穴也。後行耳上。入髮際。寸半陷者。宛宛中。嚙牙取之。即率谷穴也。從此後行耳後三分許。入髮際二寸。天衝穴也。下行耳後。入髮際一寸。浮白穴也。由此下行耳後。高上枕骨下。搖動有穴。竅陰穴也。從竅陰行耳後。入髮際四分。即完骨穴也。

其直者從顛入絡腦。銅人註云。項爲中項。前曰顛項。後曰腦頂。左右曰角。滑氏云。腦。頭髓也。頸上爲腦。腦後爲項。此直行者。由通天穴後循絡却。玉枕。入絡腦。還出別下項。止抵腰中。張云。自腦復出別下項。由天柱而下。會於督脈之大椎。陶道。却循肩膊內。分作四行而下。此節言內兩行者。夾脊兩旁各相去一寸半。自大杼。行風門。及藏府諸膈。而抵腰中等穴也。中行椎骨曰脊。臀骨上曰腰。

入循脊絡腎屬膀胱。張云。自腰中入脊絡。腎前屬膀胱。腎與膀胱爲表裏也。夾脊兩旁之肉曰脊。

從腰中下挾脊貫臀入臍中。甲乙。銅人挾脊。作會於後陰四字。發揮集書。無挾脊二字。馬云。從腰中循腰髁下挾脊。歷上髁。次髁。中髁。下髁。會陽。下貫臀。至承扶。殷門。浮郄。委陽。入臍中之委中穴。滑氏云。臀尻也。挾腰髁骨兩旁爲機。機後爲臀。腓腸上膝後曲處爲臍。

介按。從腰踝骨下一寸。挾脊兩旁。第一空陷中。卽上髁穴也。第二空陷中。次髁穴也。第三空陷中。中髁穴也。第四空陷中。下髁穴也。從下髁行陰尾。尻骨兩旁五分許。卽會陽穴也。又有尻臀下陰股上約紋中。卽承扶穴也。從殷門外循斜上一寸。屈膝而得之。卽浮郄穴也。從浮郄下行。仍在承扶下六寸。屈伸取之。委陽穴也。從委陽下行臍中。約紋動脈陷中。伏臥取之。卽委中穴也。以上諸穴。皆屬足太陽膀胱經。

其支者止挾脊內。脾。甲乙註云。一作髁。繆刺論王註。銅人發揮作脾。滑氏云。脊肉曰脾。夾脊肉也。其支者爲挾脊。兩傍第三行相去各三寸之諸穴。自天柱而

下。從髀內左右。別行下貫脾膂。歷附分、魄戶、膏肓、神堂、譙譙、膈關、魂門、陽綱、意舍、胃倉、育門、志室、胞育、秩邊。下歷尻臀。過髀樞也。

介按。膀胱經穴。自大杼別脈。其支者從肩膊內循行。第二椎下附項內廉兩旁。相去脊中各三寸半。正坐取之。卽是附分穴。由附分至秩邊穴。共計十四穴。左右歷次而下。共二十八穴。

過髀樞止合膈中。甲乙、銅人。髀外下無從字。滑氏云。股外爲髀。捷骨之下爲髀樞。循髀外後廉髀樞之裏。本經承扶之外一寸五分之間。而下與前之入膈中者相合。

以下貫腓內止至小指外側。馬云。腓、腓同。滑氏云。腓、腓腸也。下行循合陽穴。下貫腓內。歷承筋、承山、飛陽、跗陽。出外踝後之崑崙、僕參、申脈、金門。循京骨、束骨、通谷。至小指外側端之至陰穴。以交於足少陰也。楊珣云。跗骨之下爲立骨。左右各有內外踝骨者共四。踝骨之後。各有京骨者。左右共二。張云。小指本節後大骨曰京骨。

髀不可以曲。甲乙無髀字。似是張以髀爲髀樞。未知是否。

踝厥。張云。足太陽脈出外踝之後。筋結於外踝也。

是主筋所生病者。張云。周身筋脈。惟足太陽爲多。爲巨。其下者結於踵。結於臑。結於臑。結於臀。其上者挾腰脊。絡肩項。上頭爲目上綱。下結於頰。故凡爲攣。爲弛。爲反張。載眼之類。皆足太陽之水虧。而主筋所生病者。汪云。主筋。義未詳。按。太陽病多瘧。急如上症。皆風傷筋也。

痔瘡狂癲疾。張云。脈入肛。故爲痔。經屬表。故爲瘡。邪入於陽。故爲狂癲疾。馬云。刺瘡篇有太陽之瘡。癲狂篇二十二有刺太陽經者。

項痛。甲乙。項下有頸間二字。

邪走足心。甲乙。銅人發揮。走。作趨。馬作趨。滑氏云。趣。向也。足少陰起小指之下。斜向足心之湧泉穴。在足心陷中。屈足捲指。宛宛中。馬云。邪斜同。

出於然谷之下。止出臑內廉。脈經。千金。谷作骨。滑氏云。由湧泉轉出足內踝。然谷穴。下循內踝後。太谿穴。別入踝中之太鍾。照海。水泉。乃折自太鍾之外。上循內踝。行厥陰。太陰之後。經復溜。交信。過三陰。交上臑內。循築賓。出臑內廉。抵陰谷也。

介按 足少陰腎經之湧泉穴。在足心陷中。伸腿屈足卷指宛宛中。從湧泉上行足內踝前。起大骨陷中。卽然谷穴也。又行足內踝後五分跟骨上動脈陷中。太谿穴也。足跟後跟中。大骨上兩筋間。太鍾穴也。再從太鍾行太谿下一寸內踝下。水泉穴也。足內踝下四分前後有筋。上有踝骨。下有輭骨之中陷中。照海穴也。從照海行足內踝後。除踝上二寸許。前傍骨陷中。卽復溜穴也。從此斜外上行復溜穴之後。二寸許。後傍筋。卽交信穴也。再斜外上行過三陰交穴。上腿肚中。卽築賓穴也。再上行膝下。內輔骨後。大筋下。小筋上。按之應手。屈膝得之。卽陰谷也。

上股內後廉貫脊屬腎絡膀胱。滑氏云。出陰谷。上股內後廉。貫脊會脊之長強穴。還出於前。循橫骨。大赫氣穴。四滿中注。育俞。當育俞之所。臍之左右屬腎。下臍下。過關元。中極。而絡膀胱也。

其直者止挾舌本。甲乙註一本云。從橫骨中挾臍循復裏。上行而入肺。滑氏云。其直行者從育俞屬腎處。上行循商曲。石關。陰都。通谷諸穴。貫肝上。循幽門。上膈。歷步廊。入肺中。循神封。靈墟。神藏。或中俞府。而上循喉嚨。並人迎。挾舌本而

終也。張云。按足少陰一經。考之本篇及經別、經筋等篇。皆言由脊裏上注心肺。而散於胸中。惟骨空論曰。衝脈者。起於氣街。並少陰之經。俠臍上行。至胸中而散。故甲乙經於俞府。或中神藏、靈墟、神封、步廊等穴。皆云足少陰脈氣所發。幽門、通谷、陰都、石關、商曲、肓俞、中注、四滿、氣穴、大赫、橫骨十一穴。皆云衝脈足少陰之會。故滑氏之注如此。實本於甲乙、銅人諸書。而甲乙等書實本之骨空論也。

介按。從橫骨上行一寸。中行旁開五分。即大赫穴也。再上行一寸。中行旁開五分。氣穴也。再上行一寸。中行旁開五分。四滿穴也。再上行一寸。中行旁開五分。中注穴也。再上行一寸。直臍旁去五分。肓俞穴也。再上行二寸。中行旁開五分。商曲穴也。再上行一寸。中行旁開五分。石關穴也。再上行一寸。中行旁開五分。陰都穴也。再上行一寸。陷中。中行旁開五分。通谷穴也。再上行一寸。陷中。中行旁開五分。幽門穴也。再上行一寸。陷中。中行旁開二寸。仰而取之。步廊穴也。再上行一寸六分。靈墟穴也。再上一寸六分。神封穴也。再上行一寸六分。或中穴也。從或中上行巨骨。下俠任脈一寸六分。神藏穴也。再上行一寸六分。或中穴也。從或中上行巨骨。下俠任脈

之璇璣。中行旁開二寸。陷中。仰而取之。即俞府穴也。

其支者止注胸中。滑氏云。兩乳間爲胸中。支者自神藏。別出繞心。注胸之膻中。

以交於手厥陰也。

病饑不欲食。

馬云。蓋虛火盛則饑。而不欲食者。脾氣弱也。張云。腎雖陰藏。元陽

所居。水中有火。爲脾胃之母。陰動則陽衰。陽衰則脾困。故病雖饑。而不欲食。

面如漆柴。

甲乙。銅人作面黑如炭色。銅人註云。一作地色。素問曰。所謂面黑如

地者。和氣內奪。故變於色也。

案出脈解篇

發揮作地色。本之也。馬云。漆則腎之色黑

者。形于外。而如漆柴。則腎主骨者瘦矣。張云。水色黑。陰邪色見於面。故如漆。腎

藏精。精衰則枯。故如柴。楊玄操二十四難註云。漆柴者。恆山苗也。其草色黃黑

無潤澤。故以爲喻。簡案。據楊說。漆卽蜀漆。然本草中無所攷。

欬唾則有血。

馬云。脈入肺中。則爲欬。而唾中有血。則腎主有損。

喝喝而喘。

甲乙註。一作喉鳴。銅人亦作喉鳴而喘。

坐而欲起。

馬云。陰虛不能寧靜。

眊眊。馬云。水虧肝弱。張云。目之明在瞳子。瞳子者。骨之精也。腎氣內奪。則目眊

眊如無所見。故凡目多昏黑者。必真水虧於腎也。

心如懸若饑狀。張云。心腎不交。則精神離散。故心如懸。陰虛則內餒。故常若饑

狀。

善恐。馬云。陰陽應象大論曰。腎在志爲恐。張云。腎氣怯。故惕惕如人將捕之。甲

乙無氣不足以下十四字。

黃疸腸澼。馬云。五疸有女勞疸。通評虛實論。大奇論。皆有腸澼。張云。陰虛陽實。

故爲黃疸。腎開竅於二陰。故爲腸澼。

痿厥嗜臥。銅人註云。人冒暑熱之毒。舍於腎。腎乃水藏也。水不勝火。則骨與髓虛。故足不任身。而痿厥生焉。痿則無力。故嗜臥也。馬云。脈有骨痿。義見痿論。張云。嗜臥者。多陰少陽。精神匱也。逆調論曰。腎者水藏。主津液。主臥與喘也。

灸則強食。生肉止重履而步。灸則以下十六字。甲乙移足下熱而痛下。馬云。如灸者。則當勉強進食。必生長其肉。又寬緩其帶。散披其髮。扶大杖。着重履。以緩步之。蓋不太勞動。以腎氣之衰弱也。餘經不言此法。而唯腎經詳言者。以腎經屬水。爲身之本。而病人多犯其戒。故獨言之詳。張云。生肉厚味也。味厚所以補

精志云。生當作牲。周禮云。始養之謂畜。將用之謂牲。又牛羊豕曰三牲。夫羊爲火畜。牛爲土畜。豕爲水畜。其性躁善奔。強食牲肉。以助腎氣上升。而與火土之相合也。緩帶者。取其伸舒也。夫腎藏之精。奉心神化赤而爲血。髮乃血之餘也。披髮者。使神氣之下交也。大杖重履者。運筋骨之氣也。夫陰陽之氣。有厥於臂者。有厥於肝者。有厥於踝者。有厥於骨者。此章論少陰之氣厥逆於下。而曰強食牲肉。曰緩帶披髮。蓋少陰爲陰陽生氣之原也。簡案重諸家無解。當讀如字。心包絡。甲乙銅人無此三字。發揮絡一字無。張云。心主者。心之所主也。心本手少陰。而復有手厥陰者。心包絡之經也。如邪客篇曰。心者五藏六府之大主也。諸邪之在心者。皆在心之包絡。包絡者。心主之脈也。其脈之出入屈折。行之疾徐。皆如手少陰。心主之脈行也。故曰。心主手厥陰。心包絡之脈。續醫說孫景思醫論云。或謂心包絡乃胸中之脂膜。或又謂之裏心之肉。皆非也。乃裏心之黃脂膜。包於心外。似脂非脂。似肉非肉。外則有細筋膜如系。與心肺相連者。此則是心包絡也。余謂諸獸之內景。大概亦與人相同。觀其心形。亦略可見矣。介按。唐容川云。心之上面。週圍有夾膜裹之。卽包絡也。包絡上連肺系。由肺系

連及於胸內之四面。皆是油膜。又下爲網油膜。所謂膜者。皆三焦也。三焦與包絡相通。其迹如此。故包絡之脈。下膈歷三焦也。

出屬心包絡。止歷絡三膻。張云。心包絡。包心之膜絡也。包絡爲心主之外衛。三膻爲藏府之外衛。故爲表裏而相絡。諸經皆無歷字。獨此有之。蓋指上中下而言。上卽膻中。中卽中脘。下卽臍下。故任脈之陰交穴。爲三膻募也。

其支者止肘中。滑氏云。脅上際爲腋。自屬心包。上循胸出脅下腋三寸天池穴。上行抵腋下。下循膈內之天泉穴。以介乎太陰少陰兩經之中間。入肘中之曲澤也。

下臂止出其端。滑氏云。由肘中下臂。行臂兩筋之間。循郄門。間使。內關。大陵。入掌中勞宮穴。循中指出其端之中衝云。

介按。行臂兩筋之間。卽是曲澤穴。由此下行掌後。去腕五寸。卽郄門穴也。再下行掌後。去腕三寸。兩筋間陷中。卽間使穴也。從此下行掌後。去腕二寸。兩筋間內關穴也。再下行掌後。骨下橫紋中。兩筋間陷中。大陵穴也。由此下行掌中央動脈。屈無名指取之。卽勞宮穴也。從勞宮下行手中指之端。去爪甲角。如韭葉

許陷中。卽中衝穴也。

其支者止出其端。滑氏云。小指次指無名指也。自小指逆數之。則爲次指。云支

別者。自掌中勞宮穴別行。循小指次指出其端。而交於手少陽也。

心中憺憺。銅人作澹澹。註。席延賞云。淡淡。水搖也。張云。憺音淡。動而不寧貌。

面赤目黃。張云。心之華在面。目者心之使。故病則面赤目黃。

喜笑不休。馬云。心在聲爲笑。

是主脈所生病者。甲乙註。脈一作心包絡。銅人作心包脈。志云。心主血。而包絡

代君行令。故主脈。

起於小指次指之端。止上貫肘。兩指發揮作次指。滑氏云。臂骨盡處爲腕。臑盡

處爲肘。手少陽起小指次指端。關衝穴上出次指之間。歷液門。中渚。循手表腕

之陽池。出臂外兩骨之間。循外關。支溝。會宗。三陽絡。四瀆。乃上貫肘。抵天井穴。

介按。從關上行。手小指次指歧骨間陷中。握拳取之。卽液門穴也。由此上行一

寸。陷中是中渚穴也。由四指本節直上行。手表腕上陷中。卽陽池穴也。再上行

手腕後二寸。兩骨間陷中。是外關穴也。由此上行一寸。兩骨間陷中。卽支溝穴

也。從此外開一寸。卽會宗穴也。由此內斜上行一寸。臂上大交脈。三陽絡穴也。再上行肘前五寸。外廉陷中。四瀆穴也。從四瀆斜外上行。肘外大骨尖後。肘上一寸兩筋又骨罅中。屈肘拱胸取之。卽天井穴也。

循臑外止。循屬三焦。下循字甲乙。銅人作偏。張云。上貫肘之天井。循臑外行手太陽之前。手陽明之後。歷清冷淵。消爍。臑會。上肩髃。過足少陽之肩井。自天髃而交出。足少陽之後也。其內行者入缺盆。復由足陽明之外。下布臑中。散絡心包。相爲表裏。乃自上焦下膈。循中焦下行。並足太陽之正。入絡膀胱。以約下焦。故足太陽經委陽穴。爲三焦下輔臑也。

其支者止至顙。張云。其支行於外者。自臑中上行出缺盆。循天髃。上項。會於督脈之大椎。天牖。繫耳後之翳風。瘻脈。顙息。出耳上角之角孫。過足少陽之懸釐。頷厭。下行耳頰至顙。會於手太陽顙髃之分。顙音拙。目下也。

其支者止至目銳眦。出走耳前。以下十一字。發揮無。張云。此支從耳後翳風入耳中。過手太陽之聽宮。出走耳前之耳門。過足少陽之客主人。交頰。循和髃。上絲竹空。至目銳眦。會於瞳子髃穴。手少陽經止於此。而接乎足少陽經也。

渾渾惇惇。馬云。渾渾然。惇惇然。甚覺不聽也。張云。不明貌。簡案。明堂灸經。作惇惇。渾渇渇。孫子兵勢篇。渾渇渇渇。形圓而不可敗。即混沌也。

是主氣所生病者。張云。三焦爲水瀆之府。水必由於氣也。

汗出。張云。三焦出氣。以溫肌肉。充皮膚。故爲汗出。其他諸病。皆本經之脈所及。起於目銳眥。上抵頭角。下耳後。滑氏云。足少陽經起目銳眥之瞳子膠。於是循聽會。客主人。上抵頭角。循頰厭。下懸顙。懸釐。由懸釐外循耳上髮際。至曲鬢。率谷。由率谷外折下耳後。循天衝。浮白。竅陰。完骨。又自完骨外折。上過角。孫循本神。過曲差。下至陽白。會精明。復從精明上行。循臨泣。目窗。正營。承靈。腦空。風池。云。滑又云。此經頭部。自瞳子膠至風池。凡二十穴。作三折向外而行。始瞳子膠至完骨。是一折。又自完骨外折上至陽白。會精明。是一折。又自精明上行。循臨泣。風池。是一折。汪機續註云。若依內經直行。則少陽頭部二十穴。無從安頓。若依伯仁三折。則穴可安。似又戾於經旨。此愚所未解也。俟明者正焉。

介按。去目銳眥五分。是童子膠穴也。由此下外斜行耳前。起骨上面下一寸耳珠下。動脈宛宛中。開口有空側。張口取之。即聽會穴也。從此上直行一寸。開口

有空。側臥張口取之。即客主人穴也。由此上內斜行兩太陽曲角上廉。即頷厭穴也。由此後行耳前。曲角上兩太陽之中。即懸顙穴也。從此後行耳前。曲角上兩太陽下廉。即懸釐穴也。由此後行耳前。入髮際曲隅陷中。鼓頷有空。即曲鬢穴也。從此後行耳上。入髮際寸半。陷者宛宛中。嚙牙取之。即率谷穴也。由此後行耳後三分許。入髮際二寸。即天衝穴也。由此下行耳後。入髮際一寸。即浮白穴也。從此下行耳後。高上枕骨下。搖動有空。即竅陰穴也。由此行耳後。入髮際四分。即完骨穴也。從完骨折上行。神庭旁三寸。直耳上。入髮際四分。即本神穴也。從此行眉上一寸。直瞳子。即陽白穴也。再上直行。入髮際五分。陷中正睛取之。即臨泣穴也。由此後行一寸。即目窗穴也。再後行一寸。即正營穴也。再後行一寸五分。即承靈穴也。由此後行一寸五分。即腦空穴也。從腦穴空下行耳後。下髮際陷中。大筋外廉。按之引於耳中。即風池穴也。

循頸止入缺盆。滑氏云。自風池循頸過天牖穴。行手少陽之前。下至肩。上循肩井。却左右相交。出手少陽之後。過大椎。大杼。秉風。當秉風前入缺盆之外。其支者止至目銳眥後。滑氏云。其支者從耳後顙顙間。過翳風之分。入耳中過

聽宮。出走耳前。復自聽會。至目銳眦。瞳子膠之分也。簡案。此十八字與前三焦經文重。恐此剩文。

其支者止屬膽。甲乙加字上注云。一本云別兌眦。上迎手少陽於頰。滑氏云。其支者別自目外瞳子膠而下大迎。合手少陽於頰。當顴膠穴之分。下臨頰車。下頸循本經之前。與前之入缺盆者相合。下胸中天池之外。貫膈卽期門之所絡。肝下至日月之分。屬於膽也。

循脅裏止入髀厭中。滑氏云。脇。肱也。腋下爲脇。曲骨之分爲毛際。毛際兩旁動脈中爲氣衝。捷骨之下爲髀厭。卽髀樞也。自屬膽處循脅內章門之裏。出氣衝。繞毛際。遂橫入髀厭中之環跳也。

其直者止出膝外廉。滑氏云。脇骨之下爲季脇。此直者從缺盆直下腋。循胸歷淵腋。輒筋。日月穴。過季脅。循京門。帶脈。五樞。維道。居膠。由居膠入上膠。中膠。長強。而下與前之入髀厭者相合。乃下循髀。外行太陽。陽明之間。歷中瀆。陽關。出膝外廉。抵陽陵泉也。張云。髀陽。髀之外側也。

下外輔骨之前止入小指次指之間。滑氏云。斷外爲輔骨。外踝以上爲絕骨。足

面爲跗。自陽陵泉。下外輔骨。前歷陽交。外丘。光明。直下抵絕骨之端。循陽輔。懸鍾。而下出外踝之前。至丘墟。循足面之臨泣地。五會。俠谿。乃上入小指次指之間。至竅陰而終也。張云。輔骨。膝下兩旁高骨也。外踝上骨際曰絕骨。絕骨之端。陽輔穴也。銅人註云。輔骨謂輔佐斷骨之骨。左斷之外。簡案。輔骨取義於車輔。銅人註。非也。輔字義詳于素問識骨空論滑氏足跗爲句。張上字下爲句。今攷文例不宜云。從跗上而上於指間。且下文有別跗上語。張句爲是。

其支者止出三毛。滑氏云。足大指本節後爲歧骨。大指爪甲後爲三毛。其支者自足跗上臨泣穴。別行入大指。循歧骨內出大指端。還貫入爪甲。出三毛。交於足厥陰也。張云。足大指次指本節後骨縫爲歧骨。大指爪甲後二節間爲三毛。口苦善太息。張云。膽病則液泄。故口苦。膽鬱則不舒。故善太息。銅人註。素問云。口苦者。病名膽痺也。

心脅痛。馬云。脈循脅裏出氣街。

面微有塵。銅人註云。謂面如微塵。有觸冒塵土之色也。張云。足少陽之別散於面。膽木爲病。燥金勝之。故面微有塵。體無膏澤。

足外反熱是爲陽厥。張云。本經循髀陽。出膝外廉。下出外踝之前。故足外反熱。

木病從火。故爲陽厥。

是主骨所生病者。張云。膽味苦。苦走骨。故膽主骨所生病。又骨爲幹。其質剛。膽爲中正之官。其氣亦剛。膽病則失其剛。故病及於骨。凡驚傷膽者。骨必軟。卽其明證。汪云。骨病未詳。按全元起云。少陽者肝之表。肝主筋。筋會於骨。是少陽之經氣所榮。故云簡案。素問熱論。少陽主膽。甲乙。太素。全元起。病源。並作骨。汪所引乃出熱論新校正。

頭痛領痛。甲乙作頭面領痛。銅人作頭痛角領痛。

馬刀俠癭。癰疽篇。俠癭作挾纓。詳於彼註。

汗出振寒瘧。張云。少陽居三陽之中。半表半裏者也。故陽勝則汗出。風勝則振

寒爲瘧。

胸脅肋脾止外踝前。汪云。皆經脈所過。按少陽行身側。故本篇多用外字。

諸節皆痛。志云。少陽主骨。故諸節皆痛也。

叢毛之際。千金。銅人。發揮。叢作聚。滑氏云。足大指爪甲後爲三毛。三毛後橫文

爲聚毛。足厥陰起於大指聚毛之大敦穴。張云。肝爲足厥陰經也。起於足大指。去爪甲橫紋後叢毛際大敦穴。叢毛卽上文所謂三毛也。簡案。今從張註。

上循足跗上廉去內踝一寸。滑氏云。循足跗上廉。歷行間。太衝。抵內踝一寸之中封也。

上踝八寸止上脰內廉。滑氏云。自中封上踝過三陰。交歷蠡溝。中都。復上一寸交出太陰之後上脰內廉至膝關。曲泉。

循股陰止屬肝絡膽。過。甲乙作環。銅人發揮同。滑氏云。脾內爲股。臍下爲小腹。由曲泉上行循股內之陰包五里陰廉。遂當衝門府舍之分入陰毛中。左右相交環遶陰器抵小腹而上會曲骨中極關元。復循章門至期門之所。挾胃屬肝。下日月之分絡於膽也。張云。入陰毛中之急脈。遂左右相交環遶陰器而會於任脈之曲骨。簡案。急脈穴在陰髦中。陰上兩旁相去同身寸之二寸半。見氣府論。王註。乃本經穴發揮漏之。

上貫膈止會於巔。甲乙註。一云其支者從小腹與太陰少陽結於腰踝夾脊下第三第四骨孔中。滑氏云。目內連深處爲目系。頰頰咽頰也。自期門上貫膈行

食竇之外。大包之裏。散布脅肋。上雲門、淵腋之間。人迎之外。循喉嚨之後。上入頰頰。行大迎、地倉、四白、陽白之外。連目系上出額。行臨泣之裏。與督脈相會於巔頂之百會也。志云。頰頰、睛上竅也。循喉嚨之後。上入頰頰。連目系。是頰頰在會厭之上。上睛與鼻相通之竅是也。故曰頰頰不開。則洞涕不收。分氣失也。分氣者。口鼻兩分之氣。簡案。頰頰得志聰註而始明矣。義更詳於憂恚無言篇註。其支者。止環脣內。滑氏云。前此連目系上出額。此支從目系下行任脈之外。本經之裏。下頰裏交環於口脣之內。

其支者。止注肺。滑氏云。此交經之支。從期門屬肝處別貫膈。行食竇之外。本經之裏。上注肺中。下行至中焦。挾中脘之分。以交於手太陰也。張云。盡十二經之一週。終而復始也。

腰痛。馬云。肝與腎通。則膂筋之脈通於肝。張云。足厥陰支別者。與太陰少陽之脈同結於腰踝下中髁、下髁之間。故爲腰痛。刺腰痛篇曰。厥陰之脈。令人腰痛。腰中如張弓弩弦。

丈夫癰疝。婦人少腹腫。張云。足厥陰氣逆則爲癰腫卒疝。婦人少腹腫。卽疝病。

也。汪云。脈抵少腹。婦人亦有疝。但不名疝而名瘕。

面塵脫色。馬云。膽病面有微塵。肝爲之裏。主病同。

胸滿止閉癰。張云。本經上行者。挾胃貫鬲。下行者。過陰器抵小腹。故爲此諸病。

志云。肝氣厥逆。不能行散穀精。故胸滿嘔逆也。肝主疎泄。肝氣虛則飧泄遺溺。

實則閉癰。狐疝。隨經脈晝夜出入之疝也。銅人註云。狐夜不得尿。日出方得。人

之所病。與狐同候。故曰狐疝。簡案。銅人註。本於四時刺逆從論。楊上善註。非是。

遺溺。甲乙作遺精。

手太陰氣絕。此下六節。與難經二十四難文。皆大同小異。滑註云。肺者氣之本。

其華在毛。其充在皮。肺絕則皮毛焦而津液去。皮節傷。以諸液皆會於節也。王

文潔云。津液者。賴肺氣運用而滋皮節毛者也。難經。爪枯作皮枯。甲乙作皮毛

焦則津液去。津液去則皮節着。皮節着則爪枯毛折。

手少陰氣絕。滑註云。心之合脈也。其榮色也。其華在面。其充在血脈。心絕則脈

不通。血不流。色澤去也。甲乙。髦作髮。說文。髦。髮也。釋名云。髦。冒也。覆冒頭頸也。

足太陰氣絕。甲乙。肌肉作口脣。脣。舌作口脣。無舌萎二字。難經同。滑註云。脾其

華在脣四白。其充在肌。脾絕則肉滿脣反也。肉滿謂肌肉不滑澤而緊急膜腠也。張云。萎音威。色薄枯也。

足少陰氣絕。難經濡作溫下同。不能着下有骨字。甲乙亦有骨字。垢作枯。楊註云。腎主內榮骨髓。故云伏行而溫骨髓也。却結縮也。謂齒齦之肉結縮而齒漸長而枯燥也。滑註云。腎其榮在髮。其充在骨。

足厥陰氣絕。筋絕。難經作筋縮。甲乙作筋弛。據下文卯縮。難經似是。陰氣。難經作陰器。諸註並從之。素問診要經終論。王註引本篇亦作陰器。知今本誤耳。滑註云。肝者筋之合。其華在爪。其充在筋。筋者聚於陰器。而絡於舌本。肝絕則筋縮。引卯與舌也。王充論衡云。甲乙病者。生死之期。當在庚申。

五陰氣俱絕。止一日半死矣。張云。五藏之精。皆上注於目。故五陰氣絕。則目轉而運。志先死矣。蓋志藏於腎。陰之神也。真陰已竭。死在周日間耳。今有病劇而忽爾目無所見者。正陰氣竭絕之候。

六陽氣絕。止旦死。絕汗乃出下。甲乙有大如貫珠。轉出不流。則氣先死矣。十三字。旦死下有此十二經之敗也。七字。張云。汗本陰精。固於陽氣。陽氣絕則陰陽

相離而腠理不閉。脫汗乃出。其死在頃刻間也。

黃帝曰。諸本無此三字。唯張本有。當刪。

足太陰。甲乙陰下有脈字。張云。足太陰當作手太陰經。脈深而直行。故手足十二經脈。皆伏行分肉之間。不可得見。其有見者。惟手太陰一經。過於手外踝之上。因其骨露皮淺。故不能隱。下文云。經脈者常不可見也。其虛實也。以氣口知之。正謂此耳。此外諸脈。凡浮露於外而可見者。皆絡脈也。分肉言肉中之分理也。馬云。脾經之脈。過於外踝之上。與胃脈相通。無所隱焉。故耳。簡案。今從張註。六經絡止上合肘中。張云。此舉手絡之最大者。以明視絡之法也。手足各有六經。而手六經之絡。則惟陽明少陽之絡爲最大。手陽明之絡名偏歷。在腕後三寸上側間。別走太陰。手少陽之絡名外關。在臂表腕後二寸兩筋間。斜行向內。歷陽明太陰。別走厥陰二絡之下行者。陽明出合谷之次。分絡於大食二指。少陽出陽池之次。散絡於中名小三指。故起於五指間。其上行者。總合於肘中內廉。厥陰曲澤之次。凡人手背之露筋者。皆顯然可察。俗謂之青筋。此本非筋非脈。卽畜血之大絡也。凡浮絡之在外者。皆可推此而知耳。

飲酒者止經脈大盛。甲乙盛下有也字。張云。衛氣者。水穀之悍氣也。其氣慄疾滑利。不入於經。酒亦水穀之悍氣。其慄疾之性亦然。故飲酒者必隨衛氣先達皮膚。先充絡脈。絡脈先盛。則衛氣已平。而後營氣滿。經脈乃盛矣。平猶潮平也。卽盛滿之謂。愚按。脈有經絡。經在內。絡有外。氣有營衛。營在內。衛在外。今飲酒者。其氣自內達外。似宜先經而後絡。茲乃先絡而後經者何也。蓋營氣者。猶源泉之混混。循行地中。周流不息者也。故曰營行脈中。衛氣者。猶雨霧之鬱蒸。透徹上下。徧及萬物者也。故曰衛行脈外。是以雨霧之出於地。必先入百川而後歸河海。衛氣之出胃。必先充絡脈而後達諸經。故經水篇以十二經分配十二水。然則經卽大地之江河。絡猶原野之百川也。此經絡營衛之辨。脈之卒然止脈之動也。志云。假邪以分別經脈。與絡脈各別。如十二經脈之卒然盛者。皆邪氣居於脈中也。本末者。謂十二經脈之有本標也。如留於脈而不動則熱。不留於脈則脈不堅。而外陷於膚空矣。此十二經脈之流行出入。不與絡脈大絡之衆同也。是以知何脈之動也。簡案。馬張以邪氣爲酒邪之氣。不允。氣口。張云。氣口者。手太陰肺經也。肺朝百脈。氣口爲脈之大會。凡十二經脈。深

不可見。而其虛實。惟於氣口可知之。因其無所隱也。若其他浮露在外而可見者。皆絡脈而非經也。

諸絡脈止皆見於外。張云。大節大關節也。絕道間道也。凡經脈所行。必由谿谷。大節之間。絡脈所行。乃不經大節。而於經脈不到之處。出入聯絡。以爲流通之用。然絡有大小。大者曰大絡。小者曰孫絡。大絡猶木之幹。行有出入。孫絡猶木之枝。散於膚腠。故其會皆見於外。志云。絕道者。別道也。

故諸刺絡脈者。止發爲痺也。張云。凡刺絡脈者。必刺其結上。此以血之所聚。其結羸突倍常。是爲結上。即當刺處也。若血聚已甚。雖無結絡。亦必急取之。以去其邪血。否則發爲痺痛之病。今西北之俗。但遇風寒痛痺等疾。即以繩帶緊束上臂。令手肘青筋脹突。乃用磁鋒於肘中曲澤穴。次合絡結上。砭取其血。謂之放寒。即此節之遺法。勿謂其無所據也。

凡診絡脈。止少氣也。手魚之下。甲乙有際字。留久痺。作久留痺。張云。診視也。此診絡脈之色。可以察病。而手魚之絡。尤爲顯淺易見也。寒則氣血凝滯。凝滯則青黑。故青則寒且痛。熱則氣血淖澤。淖澤則黃赤。故赤則有熱。手魚者。大指本

節間之豐肉也。魚雖手太陰之部。而胃氣至於手太陰。故可以候胃氣。五色之病。惟黑爲甚。其暴黑者。以痺之留久而致也。其赤黑青色不常者。寒熱氣之往來也。其青而短者。青爲陰勝。短爲陽不足。故爲少氣也。簡案。漢藝文志師古註云。診視驗。謂視其脈及色候也。

其小而短者。止急坐之也。樓馬志。小作青。張云。視其絡脈之小而短者。氣少故也。不可刺之。虛甚而瀉其氣。重虛必致昏悶。甚則運仆暴脫。不能出言。急扶坐之。使得氣轉。以漸而甦。若偃臥則氣滯。恐致不救也。簡案。此卽後世所謂鍼暈也。金鍼賦云。其或暈鍼者。神氣虛也。以鍼補之。以袖掩之。口鼻氣回。熱湯與之。略停少頃。依前再施。諸註不及之者何。

手太陽之別。止散入於魚際。馬云。此下十二節。詳言十二絡穴。而此先以肺經言之也。夫不曰絡而曰別者。以此穴由本經而別走鄰經也。手太陰肺經之別穴。名曰列缺。去腕側上一寸半起於腕上分肉之間。並本經太陰之經。入手陽明大腸經。以直入掌中。而散入於魚際。張云。人或有一寸關尺三部脈不見。自列缺至陽谿見者。俗謂之反關脈。此經脈虛而絡脈滿。千金翼謂陽脈逆。反大於氣口三

倍者是也。

其病甚止別走陽明也。

甚諸本作實。依下節文例。當改作實。甲乙銳下有骨字。

半寸作一寸。馬云。欸。去腕半寸。當作寸半。張云。掌後高骨爲手銳骨。欠欸。

張口伸腰也。通俗文曰。體倦則伸。志倦則欸也。治此者取列缺。謂實可瀉之。虛

可補之。後諸經皆準此。半寸當作寸半。此太陰之絡。別走陽明。而陽明之絡曰

偏歷。亦入太陰。以其相爲表裏。故互爲注絡以相通也。他經皆然。簡案。正脈本

音註。欸。音去。開口也。藏經音義引桂苑珠叢云。引氣而張口曰欠欸。

手少陰之別止屬目系。

馬云。去腕一寸半。其半字衍。觀下掌後一寸可見。此言

心經之絡穴也。通里穴爲絡。去腕一寸。別而上行。循本經入于心中。繫舌本。屬

目系。

支膈。馬云。膈間若有所支而不暢也。

手心主之別止絡心系。

馬云。此言心包絡經之絡穴也。

三三脈經心包絡經

謂之手心主者。以其代心經以行事也。

本經邪客篇云。心者五藏六府之大主。

少陰心主之脈也。皆如手其別名曰內關。去手腕上兼二寸之兩筋間。循本經以上。

繫于心包絡。如心系間邪氣盛而實。則心必痛。簡案、張本心系下句。據前後文例。張註爲是。

頭強。甲乙作煩心。張云。此經繫心包絡心系。又出耳後。合少陽完骨之下。故邪實則心痛。虛則頭強不利也。志云。此不曰別走少陽。或簡脫也。

手太陽之別止絡肩髃。馬云。此言小腸經之絡穴也。支正上手腕外廉五寸。內

注于手少陰心經。以心于小腸爲表裏也。

節弛肘廢。甲乙節作筋。張云。脈絡壅滯而節弛肘廢。志云。手太陽小腸主液。實

則津液留滯。不能淖澤與骨。是以節弛肘廢。

肱。馬云。海篇釋爲贅。蓋贅留之類。張云。肱音尤。贅也。瘤也。簡案。肱與瘤自別。巢

源疣目候云。疣目者。人手足邊忽生如豆。粗強於肉。樓氏綱目云。肱俗稱雞眼。子藏經音義。肱疣同。埤蒼云。皮上結也。莊子云。附贅懸肱。或作黠。今俗謂之候。志云。卽鼓座之類。誤也。

如指痂疥。馬云。小者爲指間痂疥之類。張同。簡案。此謂肱之多生。如指間痂疥之狀。馬張以爲痂疥。誤也。

手陽明之別止合于宗脈。

馬云。此言大腸經之絡穴也。偏歷去手腕後三寸。別

走入于手太陰肺經。其支別者。上循臂之溫溜。下廉。上廉。三里。曲池。以乘肩髃。

上曲頰。入上齒縫中。又其支別者。入耳合于宗脈。

脈篇言大氣爲宗脈也。本經口張云。按本經筋脈皆無入耳上目之文。惟此別

問篇有云。目者宗脈之所聚。張云。按本經筋脈皆無入耳上目之文。惟此別

絡有之。宗脈者。脈聚於耳目之間者也。偏齒之偏。馬本作徧。志同。簡案。此蓋謂

本經偏止于曲頰之處。而非言徧循上下齒也。馬本恐非。

齟齬。甲乙作齟齬耳聾。說文。齟。齒齬也。

痺隔。馬云。爲內痺。爲隔塞不便。志云。痺閉阻隔也。

取之所別也。尙綱云。謂徧齒入耳之別絡。非徧歷也。十二絡皆同。

手少陽之別止合心主。馬云。此言三焦經之絡穴也。外關去手腕外廉二寸。外

繞于臂。注于胸中。以合手厥陰心主之脈。以三焦與心包絡爲表裏也。

足太陽之別止別走少陰。馬云。此言膀胱經之絡穴也。飛揚去足外踝上七寸。

別走少陰腎經。以膀胱與腎爲表裏也。

鼽窒。甲乙作窒鼻。張云。鼽。鼻塞也。此經起於目內眥。絡腦行頭背。故其爲病如

此。

足少陽之別止下絡足跗。馬云。此言膽經之絡穴也。光明穴去外踝上五寸。別走足厥陰肝經。以膽與肝爲表裏也。下絡足之跗面。卽俠谿地五會臨泣等處也。

足陽明之別止下絡喉嗑。馬云。此言胃經之經穴也。豐隆去外踝上八寸。別走足太陰脾經。以胃與脾爲表裏也。循脛骨外廉之上下巨虛等穴。上至頭項而絡之。以合于諸經之氣。蓋胃爲五藏六府之大海也。其頭項之下。則絡于喉嗑。張云。喉嗑。缺盆。爲諸經之孔道。故合諸經之氣。下絡喉嗑。

痺瘖。馬云。痺當作猝。張云。痺。悴同。病乏也。志作卒痛。簡案。馬註是。

足太陰之別止入絡腸胃。馬云。此言脾經之絡穴也。公孫去足大指本節後一寸。別走足陽明胃經。以脾與胃爲表裏也。其別者。入絡于腸胃之中。

足少陰之別止外貫腰脊。馬云。此言腎經之絡穴也。大鐘穴當內踝後繞跟處。別走足太陽膀胱經。以腎與膀胱爲表裏也。又其別者。并本經脈氣之行。以上走於手厥陰心包絡經之下。而外則貫於腰脊間。

足厥陰之別止結于莖。循脛甲乙作循經。馬云。此言肝經之絡穴也。蠡溝去內踝上五寸陷中。別走足少陽膽經。以肝與膽爲表裏也。經于足脛。以上于睪丸。

陰丸俗結于莖垂。見邪客篇。

挺長。志云。莖陰莖乃前之宗筋。挺即陰莖也。簡案。此註似未允。經筋篇云。足厥陰傷於寒。則陰縮入。傷於熱。則縱挺不收。治法詳見蓋此指睪丸而言。

任脈之別止取之所別也。志云。按任脈起于中極之下。以上毛際。循腹裏。上關元。至咽喉。上頤循面入目。所謂尾翳者。即鳩尾之上。蓋任脈之別絡出于下極并經而上。復下于鳩尾。以散于腹絡。氣寶則腸皮急。虛則癢搔。當取之所別絡也。簡案。甲乙云。鳩尾一名尾翳。一名髑髏。在臆前蔽骨下五分。任脈之別由此攷之。尾翳即蔽骨。猶髑髏即蔽骨。而又爲鳩尾一名也。張改屏翳爲會陰穴。非也。

督脈之別止入貫脊。馬云。此言督脈經之有絡穴也。長強脊端挾脊上項。散于頭上。下則當于肩脾之左右。其別者。則走于足太陽膀胱經。以入貫于脊筋之間。

高搖之。甲乙註云。高以下九字九壚無。張云。頭重高搖之謂。力弱不勝而顛掉也。

脾之大絡止百節盡皆縱。張云。脾之大絡。名大包。在淵腋下三寸。布胸脅。出九肋間。總統陰陽諸絡。由脾灌漑五藏者也。故其爲病如此。

此脈若羅絡之血者。皆取之脾之大絡脈也。馬云。此脈若羅紋之絡。其絡中必有血。皆當取此穴以治之耳。張云。羅絡之血者。言此大絡包羅諸絡之血。故皆取脾之大絡以去之。大絡卽大包也。簡案。據馬註羅字下句爲是。

凡此十五絡止絡脈異所別也。張云。十二經共十二絡。而外有任督之絡。及脾之大絡。是爲十五絡也。凡人之十二經脈。伏行分肉之間。深不可見。其脈之浮而可見者。皆絡脈也。然又必邪氣盛者。脈乃壅盛。故實則必見。正氣虛者。脈乃陷下。而視之不見矣。故當求上下諸穴。以相印證而察之。何也。蓋以人經有肥瘦長短之不同。絡脈亦異其所別。故不可執一而求也。愚按。本篇足太陰之別。脈曰公孫。而復有脾之大絡。脈曰大包。足陽明之別。名曰豐隆。而平人氣象論。復有胃之大絡。名曰虛里。然則諸經之絡惟一。而脾胃之絡各二。蓋以脾胃爲

藏府之本。而十二經皆以受氣者也。馬云。按此篇以督之長強。任之尾翳。爲十五絡。難經以陽蹻陰蹻之絡爲十五絡。殊不知督脈所以統諸陽。任脈所以統諸陰。還以靈樞爲的也。

靈樞識

日本 丹波元簡廉夫著
鄞縣 曹炳章赤電校

卷二

經別篇第十一

諸本無篇字當刪。

五位。志云。五方之定位。

六律建陰陽諸經。甲乙建。作主持二字。志云。建立六陰六陽。以合諸經。

十二辰十二節。周禮蕤簇氏十有二辰註。辰。謂從子至亥。左傳成王九年。浹辰之間。註。浹。辰十二日也。邪客篇云。辰有十二。人有足十指。莖垂以應之。又云。歲有十二月。人有十二節。又生氣通天論。五藏十二節。十二經水。詳于經水篇。

十二時。顧炎武日知錄云。古無所謂時。凡言時。若堯典之四時。左氏傳之三時。桓公六年三時不害。皆謂春夏秋冬也。自漢以下。曆法漸密。於是以一日分爲十二時。蓋不知始於何人。而至今遵用不廢。

離合出入奈何。張云。十二經脈已具前經脈篇。但其上下離合。內外出入之道。猶有未備。故此復明其詳。然經脈篇以首尾循環言。故上下起止有別。此以離合言。故但從四末始。雖此略彼詳。然義有不同。所當參閱。
羸之所過上之所息也。張云。過猶經過。謂忽略不察也。息如止息。謂必所留心也。

足太陽之正。止皆爲正也。張云。此膀胱與腎爲表裏。故其經脈相爲一合也。足太陽之正。入臍中。與少陰合而上行。其別一道下尻五寸。當承扶之次。上入肛門。內行腹中。屬於膀胱。散於腎。循脊當心入散。上出於項。而復屬於本經太陽。此內外同爲一經也。足少陰之正。自臍中合於太陽。內行上至腎。當十四椎旁。腎俞之次。出屬帶脈。其直者上繫舌本。復出於項。合於太陽。是爲六合之一也。然有表必有裏。有陽必有陰。故諸陽之正。必成於諸陰之別。此皆正脈相爲離

合。非旁通交會之謂也。餘倣此。志云。正者謂經脈之外。別有正經。非支絡也。蓋從經而別行。復屬于太陽之經脈。故名。經別謂經脈之別經也。馬氏以正爲正。經宜與經脈篇之直行者相合。別者爲絡。宜與經脈篇之其支者其別者相合。噫。經脈血氣之生始出入。頭緒紛紜。不易疏也。甲乙無成。以以下九字。註云。九墟曰。或以諸陰之別者。皆爲正也。

足少陽之正。止此爲二合也。張云。此膽肝二經爲表裏。經脈相爲一合也。足少

陽繞髀陽入毛際。與足厥陰合。其內行而別者。乃自季脅入胸屬膽。散之上肝。

由肝之上系貫心。上挾咽。自頤頰中。

圖翼云。頰中爲頤頰。下也。虎頭燕頰。義卽此出。

散於面上。繫目

系。復合少陽本經於目外眥。瞳子膠也。足厥陰之正。別足跗內行。上至陰毛之

際。合於足少陽。與別者俱行。上布脅肋。是爲六合之二也。簡案。肝上之上衍。

足陽明之正。止此爲三合也。甲乙。太陰之正。下有則別二字。結作絡。舌中作舌

本。額頰。正脈道藏熊本張本並作頰頰。馬本志本作額顙。張云。此胃脾二經表

裏相爲一合也。足陽明上至髀關。其內行者。由氣街入腹裏。屬於胃。散於脾。上通於心。循咽出於口。上頰頰入承泣之次。繫目系。爲目下綱。以合陽明本經也。

足太陰之正。上股內。合於足陽明。與別者俱行。上咽貫舌。是爲六合之三也。

手太陽之正。止此爲四合也。張云。此小腸與心表裏。經脈相爲一合也。指地者。地屬陰。居天之內。手太陽內行之脈。別於肩解。入腋走心。繫於小腸。皆自上而下。自外而內。故曰指地。經脈篇言交肩。上入缺盆。絡心。此言別於肩解。入腋走心。蓋前後皆有入心之脈。手少陰之正。自腋下三寸。足少陽淵腋之次。行兩筋之間。內屬於心。與手太陽入腋走心者合。乃上行挾於咽。出於面。合於目內眥。是當與足太陽精明相會矣。此六合之四也。

手少陽之正。止此爲五合也。張云。此三焦心主表裏。經脈相爲一合也。指天者。天屬陽。運於地之外。手少陽之正。上別於顛。入缺盆。下走三焦。散於胸中。包羅藏府之外。故曰指天。手厥陰之正。其別面內行者。與少陰之脈同。自腋下三寸。足少陽淵腋之次。入胸中。屬於三焦。乃出循喉嚨。行耳後。合手足少陽於完骨之下。此六合之五也。志云。少陽初陽也。從陽而生。自下而上。故曰指天。曰指地者。謂手合于足也。曰指天者。謂足合于手也。蓋分手足于二經。則爲六合。論陰陽之氣。止三合矣。簡案。別下淵腋三寸。馬云。別于腋下之天池穴。攷本輸篇云。

腋下三寸。手心主也。名曰天池。馬似是。

手陽明之正止此六合也。道藏馬志本大腸作太陽。誤也。張云。此大腸與肺爲表裏。經脈相爲一合也。手陽明之正。循胸前膺乳之間。其內行者別於肩髃。入柱骨。由缺盆下走大腸。屬於肺。其上者。循喉嚨。復出缺盆。而合於陽明本經也。手太陽之正。其內行者。自天府別入淵腋。出手少陰心經之前。入內走肺。散之大腸。其上行者。出缺盆。循喉嚨。復合於手陽明經。以上共十二經。是爲六合也。

經水篇第十二

馬云。內論十二經脈。合于十二經水。故名篇。簡案。管子水地篇云。水者地之血氣。如筋脈之流通者也。酈道元水經註。引經脈誌。蓋其書誌經水之流通者。夫經水者。止可得聞乎。張云。經水者。受水而行於地也。人之五藏者。所以藏精神魂魄者也。六府者。所以受水穀。化其精微之氣。而布揚於內外者也。經脈猶江河也。血猶水也。江河受水而經營於天下。經脈受血而運行於周身。合經水之道以施治。則其源流遠近。固自不同。而刺之淺深。灸之壯數。亦當有所辨也。

八尺之士。簡案周禮考工記。人長八尺。又淮南天文訓。人脩八尺。而周禮卿大夫國中七尺。以及七十七尺。謂二十。又淮南修務訓。吾生也有七尺之形。則與考工記天文訓異。荀子曷足以美七尺之軀哉。又家語六七尺之體。今據本經骨度篇。人長其實七尺五寸。而泛言其脩。或云七尺。或云八尺。舉其大概耳。其死可解剖而視之。簡案漢書王莽傳云。翟義黨王孫慶捕得莽使。大醫尙方與巧屠共剝剝之。量度五藏。以竹筵導其脈。知所絡。始云可以治病。宋楊介存真圖。歐希範五藏圖。蓋其遺也。而與本節之旨符矣。

其藏之堅脆。止其常有合乎。張云。如藏之堅脆。則見於本藏篇。府之大小。穀之多少。則見於平人絕穀篇。脈之長短。則見於脈度篇。血之清濁。則見於根結篇。十二經血氣多少。各有大數。則見於血氣形志等篇。此其鍼灸淺深多寡。故各有所宜。如下文也。甲乙大數作定數。

足太陽外合於清水。張云。此下以經脈配經水。蓋欲因其象。以辨血氣之盛衰也。馬云。按古今輿地圖。清水遺籍無之。黃河合淮處。謂之清河。今有清河。懸疑是清水也。張云。按清水卽大小清河。輿地圖志曰。大清河卽濟水之故道。自充

州府東北流。出長清等縣。由利津等界入海。小清河一名濼水。源發濟南府趵突泉。經章丘受濼河之水。由新城入海。禹貢曰。浮於濟。濼達於河者。必此河也。今俱屬山東省濟南府。簡案。今攷水經無清水。王昶註離合真邪論。引本節作涇水。蓋古本有如此者。書禹貢。涇屬渭汭。詩谷風。涇以渭濁。通水道焉。志云。肺屬天而主氣。膀胱爲津液之府。受氣化而出。六府皆濁。而膀胱之水獨清。故足太陽外合於清水。內屬於膀胱。而通水道焉。足少陽外合於渭水。張云。足少陽經內屬於膽。常少血多氣。故外合於渭水。按地志。渭水出隴西郡渭源縣西南鳥鼠山。至同州入河。今俱隸陝西省。渭源屬臨洮府。同州屬西安府也。志云。渭水獨清。諸陽皆濁。而膽爲中精之府。獨受其清。故足少陽外合於渭水。內屬於膽。簡案。張註義未允當。志云。渭水獨清。與古說乖矣。以渭合膽。必有別所據。今不可得而攷也。下節諸水。亦多不可解者。足陽明外合於海水。張云。足陽明經內屬於胃。常多氣多血。爲五藏六府之海。故外合於海水。按海包地外。地在海中。海水周流。實一而已。今云四海者。以東西南北而分言之也。故東曰渤海。南曰漲海。西曰青海。北曰瀚海。

足太陰外合於湖水。志云。湖水有五湖。卽洞庭、彭澤、震澤之類。脾位中央。而灌

漑於四旁。故足太陰外合於湖水。而內屬於脾。又云。土數五。故合五湖。張云。五湖皆在東南。周禮職方氏。揚州澤藪曰具區。簡案。湖水與五湖各異。水經註。湖水出桃林塞之夸父山。又五湖謂長塘湖、太湖、射黃湖、上湖、滬湖。

足少陰外合於汝水。張云。足少陰經內屬於腎。常少血多氣。故外合於汝水。按

汝水源出汝州天息山。出西平上蔡汝陽等縣入淮。今屬河南省汝寧府。

足厥陰外合於澠水。志云。澠水出於青州之臨淄。而西入於淮。天下之水皆從

東去。澠水自東而來。故應足厥陰東方之肝木。簡案。澠。史音彌善切。張音免。志音成。廣韻食陵切。又泯。泯二音。集韻神陵切。音繩。

手太陽外合於淮水。合下諸本有於字。當補。張云。手太陽經內屬小腸。常多血少氣。故外合於淮水。按淮水出唐州桐柏山。繞徐揚之界。東入於海。今屬河南省南陽府。改名唐縣。

水道出焉。簡案。膀胱通水道。而小腸受盛胃之水液。而濟泌於膀胱。故二府特言及之。

手少陽外合於漯水。張云。手少陽經內屬三焦。常少血多氣。故外合於漯水。按渭水源出章丘長白山。入小清河歸海。今屬山東省濟南府。漯音磊。又太合切。手陽明外合於江水。張云。手陽明經內屬大腸。常多血多氣。故外合於江水。按江源出西蜀之岷山。今屬四川省成都府茂州。其長萬里。至吳地入海。此卽所以限南北也。

手太陰外合於河水。張云。手太陰經內屬於肺。常多氣少血。肺爲藏府之蓋。其經最高而朝百脈。故外合於河水。按河有兩源。一出蔥嶺。一出于闐。合流東注滿昌海。潛行地中。南出積石。以入中國。一說黃河源出星宿海。在中國西南直四川馬湖府之正西三千餘里。雲南麗江府之西北一千五百餘里。合諸流自西而東。行二十日至崑崙。繞崑崙之西南。折而東北。又折而西北。又轉而東北。又行二十餘日。歷雲中九原至大寧。始入中國。是爲四瀆之宗。手少陰外合於濟水。張云。手少陰經內屬於心。常少血多氣。故外合於濟水。按江源初發王屋山下曰沆水。旣見而伏。復出爲濟。濟截河而流。不混其清。故又曰清。濟流雖微而獨尊。故居四瀆之一。今屬河南省懷慶府濟源縣。

手心主外合於漳水。張云。手厥陰經內屬心主。常多血少氣。故外合於漳水。按

漳水有二。一出上黨沽縣大齔谷曰清漳。一出上黨長子縣發鳩山曰濁漳。皆入於河。今俱隸山西省沽縣。卽樂平縣。屬太原府。長子縣屬潞安府。

凡此五藏六府止腰以下爲地。張云。夫經水者。河海行於外。而源泉出於地。經脈者。脈絡行於表。而藏府主於中。故內外相貫。如環無端也。然經水經脈各有陰陽之分。如天以輕清在上。故天爲陽。地以重濁在下。故地爲陰。六微旨大論曰。天樞之上。天氣主之。天樞之下。地氣主之。人身應天地。故腰以上爲天屬陽。腰以下爲地屬陰。而經脈藏府之應於經水者亦然。

故海以北止此一隅之陰陽也。陽中之太陽。甲乙作陽中之陽。一隅作一州。張云。如海合於胃。湖合於脾。脾胃居於中州。腰之分也。海以北者爲陰。就胃府言。自胃而下則小腸。膽與膀胱皆屬府。居胃之北而爲陰也。湖以北者爲陰中之陰。就脾藏言。自脾而下則肝腎皆屬藏。居脾之北而爲陰中之陰也。腰以上者如漳。合於心主。心主之上。惟心與肺。故漳以南者爲陽也。河合於肺。肺之下亦惟心與心主。故河以北至漳者。爲陽中之陰也。凡此皆以上南下北。言陰陽耳。

然更有其陽者。則藏府之外爲三焦。三焦之外爲皮毛。本藏篇曰。肺合大腸。大腸者皮其應。今三焦合於漯水。大腸合於江水。故曰漯以南至江者。爲陽中之太陽也。此天地人相合之道。天地至廣。而茲所言合者。特舉中國之水耳。故曰此一隅之陰陽也。所以人與天地相參也。簡案。自海以北者。至河以北至漳者。則以上南下北言陰陽。其義自明矣。惟至漯以南至江者。則以三焦大腸爲陽中之太陽。其義未詳。張註似牽強。志云。河以北至漳者。謂從上焦而後行於背也。漯以南至江者。謂從中焦而前行於腹也。此以人之面南而背北也。此說亦難據。

足陽明刺止留二呼。甲乙陽明下有多血氣三字。太陽下有多血氣刺四字。少陽下有少血氣刺四字。太陰下有多血少氣刺五字。少陰下有少血多氣刺五字。厥陰下有多血少氣刺五字。張云。此足六經之刺度也。出氣曰呼。入氣曰吸。曰十呼七呼之類。則吸在其中矣。蓋一呼卽一息也。但刺有補瀉之異。呼吸有先後之分。故凡用瀉者。必候病者之吸而入鍼。再吸轉鍼。候呼出鍼。凡用補者。必因其呼而入鍼。再呼輔鍼。俟吸出鍼。故鍼賦曰。補者先呼後吸。瀉者先吸後

呼。正此義也。後世令病人咳嗽以代呼。收氣以代吸。氣有出入。亦與呼吸相同耳。

皆無過二分。張云。手之六經。皆在於上。肌肉薄而谿谷淺。故刺不宜深。經脈短而氣易泄。故留不宜久。

肥瘦。終始篇云。刺肥人者以秋冬之齊。刺瘦人者以春夏之齊。

撩之。甲乙作料之。史音云。一本作以意料之。馬云。撩料同。張云。撩音遼。又上去二聲。通俗文理亂謂之撩理。簡案。說文。撩理也。玉篇。料理也。知是二字音義並同。

灸之亦然。止脫氣。張云。刺有淺深遲速之度。灸有壯數大小之度。刺有補瀉。灸亦有補瀉。凡以火補者。毋吹其火。以火瀉者。疾吹其火。血實氣壅。病深肉厚者。宜瀉。陽衰氣怯。元虛體弱者。宜補。背腹股髀。道遠勢緩者。宜大而多。頭面臂臑。羸弱幼小者。宜小而少。此其大法也。設不知此。而灸過其度。非惟無益。反以害之。是惡火也。故灸失其宜。則骨枯脈瀦。刺失其宜。則脫泄元氣。均致人之夭殃矣。

臃之大小。甲乙。臃作臃。是。

可爲度量乎。馬云。度量俱去聲。

若夫度之人。甲乙。夫作失。是與中度相反。文脈貫穿。

瘠瘦。張云。瘠通作消。

切循捫按。簡案。切謂診寸口。循謂循尺膚。蓋經脈之大小。膚之厚薄。當寸尺度之。如肉之堅脆。臃之大小。非一一捫按。不能知之。故舉此四字。以見其義。

因適而爲之真也。張云。因其情。適其宜。必出於心。應於手。斯得病治之真訣矣。志云。適從也。真正也。是謂適其中。而爲度之正也。簡案。真猶知毒藥爲真之真。言因其各所適而爲治法之真也。

經筋篇第十二

馬云。各經皆有筋。而筋又有病。及各有治法。故名篇。張云。凡十二經筋所起所行之次。與十二經脈多相合。其中有小異者。乃其支別。亦互相發明耳。獨足之三陰。則始同而終不同也。所當並考。愚按。十二經脈之外。而復有所謂經筋者。

何也。蓋經脈營行表裏。故出入藏府。以次相傳。經筋聯綴百骸。故維絡周身。各有定位。雖經筋所行之部。多與經脈相同。然其所結所盛之處。則惟四肢谿谷之間爲最。以筋會於節也。筋屬木。其華在爪。故十二經筋皆起於四指爪之間。而後盛於輔骨。結於肘腕。繫於膝關。聯於肌肉。上與頸項。終於頭面。此人身經筋之大略也。筋有剛柔。剛者所以束骨。柔者所以相維。亦猶經之有略。綱之有紀。故手足項背直行附骨之筋皆堅大。而胸腹頭面支別橫絡之筋皆柔細也。但手足十二經之筋。又各有不同者。如手足三陽行於外。其筋多剛。手足三陰行於內。其筋多柔。而足三陰陽明之筋皆聚於陰器。故曰前陰者。宗筋之所聚。此又筋之大會也。然一身之筋。又皆肝之所生。故惟足厥陰之筋絡諸筋。而肝曰罷極之本。此經脈經筋之所以異也。

起於足小指。張云。卽足太陽經脈所止之處。至陰穴次也。

邪上。甲乙邪。作斜。馬云。邪斜同。

結於踵上循跟。張云。踵卽足跟之突出者。跟卽踵上之韃筋處也。乃僕參申脈之分。

其別者止與膈中并。張云。此即大筋之旁出者。別爲柔輓短筋。亦猶木之有枝也。後凡言別者支者。皆倣此。此支自外踝別行。由足膈肚之下尖處。行少陽之後。結於膈之外側絡穴。飛陽之分。乃上膈內廉。合大筋於委中而一之也。上挾脊上項。張云。夾脊背分左右。上項會於督脈之陶道。大椎。此皆附脊之剛筋也。

爲目上網下結於頰。張云。網。網維也。所以約束目睫。司開闔者也。目下曰頰。即顴也。志云。網當作綱。簡案。上網。蓋謂睫上細筋。網羅目窠者。頰甲乙作𦵏。下同。小指支跟腫痛。簡案。支字諸家不釋。蓋支枝通。謂小指枝梧於跟而腫痛。下文

支缺盆小指次指支並同。

紐痛。說文。紐。系也。楚辭注。結束也。

燔鍼劫刺。張云。燔鍼。燒鍼也。劫刺。因火氣而劫散寒邪也。

以知爲數。方言云。南楚病愈者。謂之差。或謂之間。或謂之知。知。通語也。

以痛爲輔。馬云。其所取之俞穴。即痛處是也。俗云天應穴者。

名曰仲春痺。張云。足太陽之經。應二月之氣也。此與陰陽繫日月篇義同。但彼

以左足右足分十二經。以主十二月。此以手六經足六經分主十二月。蓋以辨陰陽盛衰之義也。志云。在外者皮膚爲陽。筋骨爲陰。病在陰者名曰痺。痺者血氣留閉而爲痛也。卯者二月。主左足之太陽。故爲仲春之痺。蓋手足陰陽之筋。應天之四時。歲之十二月。故其爲病亦應時而生。非由外感也。

足少陽之筋止結於膝外廉。張云。小指次指卽第四指竅陰之次也。外踝、丘墟之次。脛外廉外丘、陽交之次。膝外廉、陽陵泉、陽關之次。此皆剛筋也。

其支者止結於尻。張云。此支自外輔骨上走於髀。分爲二歧。前結於陽明之伏兔。後結於督脈之尻。至此剛柔相制。所以聯臀膝而運樞機也。

上乘眇季脅。張云。季脅下兩旁輭處曰眇。五音篇曰少也。蓋其處少骨之義。

支者止爲外維。張云。此支者從顴上斜趨。結於目外眥。而爲目之外維。凡人能左右盼視者。正以此筋爲之伸縮也。

頸維筋急。馬云。頸維之筋皆急。張云。維者牽繫之謂。志云。維筋左右之交維也。簡案。張註誤。

從左之右止。命曰維筋相交。張云。從左之右。則右目不開。是右病由左也。然則

左目不開者。病由於右可知矣。角、額角也。並躋脈而行者。陰躋陽躋。陰陽相交。陽入陰。陰出陽。交於目銳眦。故左絡於右。傷左角之筋而右足不用。則其從右之左者亦然。蓋筋之維絡相交如此也。

孟春痺。志云。寅者正月之生陽也。主左足之少陽。故爲孟春之痺。

起於中三指。馬云。蓋厲兌穴起於次指。而其筋則自次指以連三指。張云。卽足之中指。厲兌之旁也。

循肝結於尻。尻字。道藏正脈熊馬志本並缺。馬一本作缺盆。案此因小註有缺

從甲乙樓氏綱目並作膝。張仍之。爲是。張云。肝足脛骨也。其直者自跗循肝結於膝下外廉。三里之次。

聚於陰器。張云。上行聚於陰器。陰陽總宗筋之會。會於氣街。而陽明爲之長也。

太陽爲目上網。陽明爲目下網。張云。太陽細筋散於目上。故爲目上網。陽明細筋散於目下。故爲目下網。論疾診尺云。診目痛赤脈。從上下者太陽病。從下上者陽明病。

結於耳前。張云。其支者自頤頰間上結耳前。會於足少陽之上關。頷厭。上至頭

維而終也。

脚跳堅。張云。跳者跳動。堅者堅強也。

卒口僻。

止故僻。

張云。僻。歪斜也。

其筋自缺盆上頸頰。挾口上合於太陽。太陽爲

目上網。陽明爲目下網。故凡目之不合不開。口之急縱歪僻者。皆足陽明之筋

病。寒則急而熱則緩也。志云。蓋左筋急則口僻于左。左筋緩則口僻于右也。

治之以馬膏。

止三拊而已。

甲乙。炭作灰。

綱目。

以坐作與坐。並似是。張云。馬膏。馬

脂也。其性味甘平柔潤。能養筋治痺。故可以膏其急者。白酒辣桂。性味辛溫。能

通經絡行血脈。故可以塗其緩者。桑之性平。能利關節。除風寒濕痺諸痛。故以

桑鈎鈎之者。鈎正其口也。復以生桑火炭。置之地坎之中。高下以坐等者。欲其

深淺適中。便於坐而得其煖也。然後以前膏熨其急頰。且飲之美酒。噉之肥肉。

皆助血舒筋之法也。雖不善飲。亦自強之。三拊而已。言再三拊摩其患處。則病

自已矣。簡案。李時珍。馬髻膏。

髻項上。

發明。載本法云。靈樞無註本。世多不知此方

之妙。竊謂口頰喎僻。乃風中血脈也。手足陽明之筋。絡於口。會太陽之筋。絡於

目。寒則筋急而僻。熱則筋緩而縱。故左中寒。則逼熱於右。右中寒。則逼熱於左。

寒者急而熱者緩也。急者皮膚頑痺。營衛凝滯。治法急者緩之。緩者急之。故用馬膏之甘平柔緩。以摩其急。以潤其痺。以通其血脈。用桂酒之辛熱急束。以塗其緩。以和其營衛。以通其經絡。桑能治風痺。通節竅也。病在上者酒以行之。甘以助之。故飲美酒噉炙肉云。樓氏綱目云。以水調生桑灰于鈎柄之坎縫處。連頰塗之。以收其弛。其桑鈎柄別線繫於肩後。使勿走作也。王子接古方選註云。坎頰間之坎陷也。以桑灰置之坎中。務使高下厚薄相等也。攷坎字三說不同。然張註于高下以坐等。似爲妥帖。李杲脾胃論有清陽湯。治口喎頰顙急緊。乃爲此證設焉。當並考。志云。此治口頰喎僻之法也。其轉筋癢疝諸證。治在燔鍼劫刺。

治在燔鍼劫刺。樓氏云。治在燔鍼之上。當有其病轉筋者五字。如足厥陰筋行水清陰氣之下所言也。蓋燔鍼但宜施于筋寒轉筋之病。其筋熱緩縱者。則不宜也。

名曰季春痺。張云。足陽明正盛之經。應三月之氣也。志云。辰者三月。主左足之陽明。故爲季春之痺。

足太陰之筋止上結於內踝。張云。大指之端內側隱白也。循覈骨而上結於內踝。下商丘之次。

其直者絡於膝內輔骨。張云。絡當作結。此自內踝直上結於膝內。輔骨。陰陵泉之次。簡案。有直者必有支者。疑脫之。

循陰股結於髀。張云。股之內側曰陰股。結於髀。箕門之次也。

下引臍兩脅痛。甲乙下作上是。

孟秋痺。張云。孟秋當作仲秋。此與下文足少陰條謬誤。當迭更之。蓋足太陰之經。應八月之氣也。志云。孟當作仲。酉者八月。主左足之太陰。故爲仲秋之痺。

起於小指之下止結於內輔之下。甲乙下下有入足心三字。張云。起小指之下。

邪趨足心。又邪趨內側上然谷。並足太陰。商丘之次。走內踝之下。結於跟踵之間。與太陽之筋合。由踵內側上行結於內輔骨。下陰谷之次。

主癰癰及瘰。張云。癰。癰癰也。瘰。牽急也。瘰。堅強反張。尤甚於癰者也。足少陰爲天一之經。真陰受傷。故爲此病。

在外者止不能仰。張云。在外者與太陽之筋合。故不能俛。在內者循脊內挾膂。

上至項。故不能仰。陽病者即在外者也。陰病者即在內者也。余伯榮云。足少陰之筋與足太陽之筋。上合于頸項。此藏府陰陽之氣交也。病在外在陽者。病太陽之氣。故腰反折不能俯。在內在陰者。病少陰之氣。故不能仰。如傷寒病。在太陽則有反折之痙強。在少陰則蹠臥矣。簡案。小兒痙病。有內釣外釣之別。亦此理也。

熨引飲藥。

張云。熨引所以舒筋。飲藥所以養血。

所紐。所。諸本作折。是也。當改。張云。折紐者。即轉筋之甚。發日數。病日甚者。陰虧之極也。故當死不治。志云。紐折者。痙瘳強痙也。如紐發頻數而甚者。死不治。仲秋痺。張云。仲秋誤也。當作孟秋。蓋足少陰爲生陰之經。應七月之氣也。志云。仲當作孟。申者七月之生陰也。主左足之少陰。故爲孟秋之痺。足厥陰之筋止結於內踝之前。張云。大指上三毛際大敦次也。行跗上。與足太陰之筋並行。結於內踝前中封之次。結於陰器。張云。陰器者。合太陰、厥陰、陽明、少陰之筋。以及衝、任、督之脈。皆聚於此。故曰宗筋。厥陰屬肝。肝主筋。故絡諸筋而一之。以成健運之用。

治在行水清陰氣。甲乙氣作器。張云。清理也。此言當以藥治之。在通行水藏而調陰氣。蓋水則肝之母也。志云。厥陰之木。氣本于水。故治在行水。以清厥陰之氣。

季秋痺。張云。足厥陰者。陰盡之經也。故應九月之氣。志云。戌者九月。主右足之厥陰。

手太陽之筋。止應小指之上。張云。手小指之上外側。少澤穴也。上行結於手腕外側。腕骨。陽谷之次。上循臂內側。結於肘下銳骨之後。小海之次。但於肘尖下兩骨罅中。以指捺其筋。則痠麻應於小指之上。是其驗也。

後走腋後廉。甲乙作從腋走後廉。上繞臑外廉。

走太陽之前。甲乙作出足太陽之筋前。張云。自腋下與足太陽之筋合。走腋後廉。上繞肩胛。行肩外臑。肩中臑。循頸中天窗之分。出走太陽經筋。自缺盆出者之前。同上結於耳後完骨之次也。簡案。張註爲足太陽。乃與甲乙符矣。馬爲手太陽誤。

痛應耳止。乃得視。甲乙得作能。馬云。其頸痛應耳中鳴而痛。其頸痛。又引于頷

而痛。且其痛時。目瞑良久。乃得開視。

筋癭頸腫。甲乙作筋痿頸腫。諸本亦作頸腫。但張本作瘡。簡案、瘡腫同。足腫也。

後世爲腫脹之腫。非張云筋癭頸腫。卽鼠瘻之屬。

復而銳之。張云。刺而腫不退者。復刺之。當用銳鍼。卽鑱鍼也。

本支者。止以痛爲輸。甲乙無此四十一字。與下節手少陽之筋文重。當從甲乙

刪之。

仲夏痺。張云。手太陽之經。應五月之氣也。

少手陽之筋。止結於腕上循臂。上。張本作中。云小指次指之端。無名指關衝之

次也。上結於手腕之陽池。循臂外關。支溝之次。馬志腕字下句。上。上聲。

曲牙。沉氏釋骨云。齒左右勢轉微曲者曰曲牙。簡案。氣穴論云。曲牙二穴。謂地

倉穴。

上乘領結於角。張云。領當作額。蓋此筋自耳前行目外眦。與三陽交會。上出兩

額之左右。以結於額之上角也。

季夏痺。張云。手少陽之經。應六月之氣也。

手陽明之筋止結於腕。張云。大指次指之端。食指尖商陽之次也。歷合谷。結於

腕上陽谿之次。

上左角絡頭下右領。張云。此直者。自頸出手太陽天窗。天容之前。行耳前上額左角絡頭。以下右領。此舉左而言。則右在其中。亦如經脈之左之右。右之左也。故右行者。亦上額右角。交絡於頭下左領。以合於太陽少陽之筋。簡案。繆刺論。邪客於手足少陰太陰足陽明之絡。此五絡皆會於耳中。上絡左角。又虛里之動。獨應於左。則經筋之有偏於左者。不可言無也。張註難憑。

孟夏痺。張云。手陽明爲兩陽合明之經。故應四月之氣。
手太陰之筋止結於魚後。甲乙。魚下有際字。張云。手大指上少商之次也。魚後。魚際也。

散貫貫合貫。下抵季脅。甲乙。合貫。作合脅。季脅。作季肋。是。張云。散貫於胃上口貫門之分。與手厥陰之筋合。下行抵季脅。與足少陽厥陰之筋合也。按。四十四難。七衝門者。胃爲貫門。楊玄操云。貫者。膈也。胃氣之所出。胃出穀氣。以傳於肺。肺在膈上。故胃爲貫門。詳此則經絡之行於三焦。藏府之列於五內。其脈絡相

貫之處在上焦則聯於咽喉。中焦則聯於貫膈。下焦則聯於二陰。舍此三處。無所連屬矣。

息貫。馬云。本經邪氣藏府病形篇。有肺脈滑甚爲息貫。

仲冬痺。張云。手太陰之經。應十一月之氣也。

手心主之筋止結於肘內廉。張云。中指端中衝之次也。循指入掌中。至掌後大

陵之次。並手太陰之筋。上結於肘中廉。曲澤之次。

上臂陰止挾脅。張云。上臂陰天泉之次。由曲腋間並太陰之筋。結於腋下。當天

池之次。下行前後。布散挾脅。聯於手太陰足少陽之筋。

結於臂。張云。臂當作貫。蓋此支並太陰之筋。入散胸中。故同結於貫也。志云。臂

當作貫。貫叶臂。散于胸中。結于貫門。故成息奔也。

支轉筋。甲乙筋下有痛手心主四字。

孟冬痺。張云。手厥陰以兩陰交盡之經。故應十月之氣。

手少陰之筋止結肘內廉。張云。少指內側。少衝次也。結於銳骨。神門次也。肘內

廉。少海次也。

循臂。張云。臂字亦當作貫。蓋心主少陰之筋。皆與太陰合於貫而下行也。樓氏云。臂當作胸。

心承伏梁。下爲肘網。張云。承。承於下也。伏梁。堅伏之積也。網。如羅網之牽急也。手少陰之筋。起於小指內側。結於銳骨上。結肘內廉。上入腋。挾乳裏。結於胸中。下繫於臍。故在內則爲內急。爲伏梁。在外則爲肘網。及當其所過之處。則爲轉筋等病。

經筋之病。止無用燔鍼。張云。此以下皆結上文經筋爲病而總言之也。馬云。寒急有陰陽之分。背爲陽。陽急則反折。腹爲陰。陰急則俛不伸。故制爲焮刺者。正爲寒也。焮刺卽燔鍼簡案。張以陽急陰急爲足太陽少陰。非。

名曰季冬痺。樓氏以此五字。移前段唾血膿者死不治下。張同。云手少陰之經。應十二月之氣也。此節舊在後無用燔鍼之下。蓋誤次也。今移正於此。足之陽明止。皆如右方也。甲乙。痺作僻。馬云。痺僻同。口僻之義。此申言胃與小腸二經之筋。其有病當治法如前也。足之陽明胃經。手之太陽小腸經。其筋若急。則口與目皆爲喎僻。其目眦亦急。不能猝然視物。治之者。用燔鍼以劫刺之。

以知病爲刺數。以痛處爲輸穴。故曰治法如右方也。前俱詳言。而又申言之。叮嚀之意也。簡案志以右方爲右喁之方。誤甚。

骨度篇第十四

諸本無篇字。

伯高曰。止脈度定矣。志云。此言經脈之長短。從骨節之大小廣狹長短而定其

度數。故曰骨爲幹。脈爲營。如藤蔓之營附于木幹也。

衆人之度。人長七尺五寸。張云。此言欲知脈度者。必先求骨度以察其詳也。衆

人者。衆人之常度也。常人之長。多以七尺五寸爲率。如經水篇岐伯云。八尺之

士。周禮考工記亦曰。人長八尺。乃指偉人之度而言。皆古黍尺數也。黍尺一尺。

得今曲尺八寸。志云。長七尺五寸者。上古適中之人也。

頭之大骨。圍二尺六寸。張云。圍。周圍也。簡案。頭骨於耳尖上周圍而度之。

胸圍。張云。此兼胸脅而言也。缺盆之下。兩乳之間爲胸。

腰圍。張云。平臍周圍曰腰。志云。此胸骨。腰骨圍轉一周之總數也。簡案。平臍周

圍無骨。此蓋謂腰髀骨之周圍。

髮所覆者顙至項尺二寸。馬云。此言仰人之骨度。蓋縱而數之也。顙。頭顙也。顙之皮生髮。髮所覆者即顙也。張云。髮所覆者。謂髮際也。前髮際爲額顙。後髮際以下爲項。前自顙。後至項。長一尺二寸。圖翼云。如髮際不明。則取眉心直上。後至大杼骨。折作一尺八寸。

髮以下至頤。馬云。頤下爲頤。髮際以下至頤。長一尺。

男子終折。男諸本作君。當改甲乙作君子參折。註云。一作三。又作終。馬云。言士君子之面部。三停齊等。可以始中終而三折之也。衆人未必然耳。張云。終。終始也。折。折衷也。言上文之約數雖如此。然人有大小不同。故君子當約其終始。而因人以折衷之。此雖指頭胸爲言。則下部亦然矣。簡案。據甲乙馬三停之解。似是。

結喉以下至缺盆中。張云。舌根之下。肺之上系。屈曲外凸者爲結喉。膺上橫骨爲巨骨。巨骨上陷中爲缺盆。圖翼云。即天突穴處。

缺盆以下止肺小。張云。鬲。鬲一名鳩尾。一名尾翳。蔽心骨也。缺盆之下。鳩尾之

上。是爲胸。肺藏所居。故胸大則肺亦大。胸小則肺亦小也。

髀髁以下至天樞。張云。天樞在臍傍二寸。足陽明經穴。自髀髁之下。臍之上。是爲中焦。胃之所居。故上腹長大者。胃亦大。上腹短小者。胃亦小也。圖翼云。天樞足陽明穴名。在臍旁。此指平臍而言。簡案。至真要大論云。半。所謂天樞也。王冰註。身之半。正謂臍中也。

天樞以下至橫骨。張云。橫骨陰毛中曲骨也。自天樞下至橫骨。是爲下焦。迴腸所居也。故小腹長大者。迴腸亦大。小腹短狹者。迴腸亦小也。

橫骨長六寸半。止長一尺八寸。張云。橫骨橫長六寸半。一曰七寸半。廉隅際也。

內輔。膝間內側大骨也。亦曰輔骨。

三寸半。張云。此言輔骨之上下隅也。

內輔下廉下至內踝。馬云。足跟前兩旁起骨爲踝。在外爲外踝骨。在內爲內踝骨。李時珍云。踝足螺螄骨也。志云。內輔內踝者。以足八字分立。則內骨偏向于面也。

膝臑以下至跗屬。圖翼云。臑。腿灣也。跗。足面也。膝在前。臑在後。跗屬者。凡兩踝

前後脛掌所交之處。皆爲跗之屬也。

故骨橫止不及。

張云。凡上文所言。皆中人之度。其有大者過之。小者不及也。下

文同法。

角以下至柱骨。

張云。此下言側人之縱度也。角。頭側大骨耳上高角也。柱骨。肩

骨之上頸項之根也。

行腋中不見者。

張云。此自柱骨下通腋中。隱伏不見之處。

季脅。

張云。脅下盡處。短小之肋。是爲季脅。季。小也。

髀樞。

張云。足股曰髀。髀上外側骨縫曰樞。此運動之機也。志云。在臀之兩旁。卽

足少陽之環跳穴處。

膝中。

張云。言膝外側骨縫之次。志云。膝蓋骨內之中分。

京骨。

張云。足太陽穴名。在足小指本節後。大骨下赤白肉際陷中。

耳後當完骨。

張云。此言耳後之橫度也。耳後高骨曰完骨。足少陽穴名。入髮際

四分左右。相去廣九寸。志云。從耳以至于腦後也。廣。橫闊也。

耳前當耳門。止廣六寸半。

張云。此言仰人之橫度也。耳門者。卽手太陽聽宮之

分。目下高骨爲顴。兩髀之間。言兩股之中橫骨兩頭盡處也。圖翼云。橫骨兩頭之處。俗名髀縫。七寸。甲乙作九寸半。註云。九墟作七寸。

肩至肘。張云。肩。肩端也。臂之中節曰肘。

肘至腕。張云。臂掌之節曰腕。

中指本節。志云。本節者指掌交接之骨節。末者。指尖也。

項髮以下至背骨。背甲乙作脊。二寸半作三寸半。馬云。此言伏人之骨度也。張

云。項髮。項後髮際也。背骨。除項骨之外。以第一節大椎骨爲言也。

脊骨以下。止分之七。甲乙。脊作脊。四分之。一作。四分之七。奇分之一。張云。

脊骨。脊骨也。項脊骨共二十四椎。內除項骨三節。脊骨自大椎而下至尾骶。計

二十一節。共長三尺。上節各長一寸四分。分之一。即一寸四分一釐也。故上之

七節。共長九寸八分七釐。其有餘不盡之奇分。皆在下部諸節也。簡案。本節詳

論上七節之度數。而不及八節以下。攷神應經云。中七椎。每椎一寸六分一釐。

十四椎與臍平。共二尺一寸一分四釐。圖翼作七釐。是下七椎。每椎一寸二分

六釐。圖翼云。共八寸八分二釐。總共二尺九寸九分六釐。不足四釐者。有零未盡也。

此衆人骨之度也。簡案計其大概。伏人八尺二寸五分。仰人七尺五寸。側人七尺一寸。

是故止多氣也。甲乙氣下有乃經之長短五字。張云。此結首節而言。因骨度以辨經絡。乃可察其血氣之盛衰也。簡案此一節與骨度不相涉。疑是他篇錯簡。

五十營篇第十五

諸本無篇字。馬云。營者運也。脈之營行有五十度。故名篇。

天周二十八宿。甲乙作周天。簡案詳見衛氣行篇。

人氣行一周。周甲乙作週。樓氏云。人氣行一周之下。當有與十分身之八六字。

千八分之上。當有宿字。下當有人氣行五十周于身八字。蓋天周二十八宿。宿三十六分。人氣行一周於身。與十分身之八。宿三百六十分。人氣行一十八周於身。宿千八分。人氣行五十周於身也。簡案樓說本于衛氣行篇。

千八分。張云。以周天二十八宿。宿三十六分相因。共得一千零八分。人之脈氣晝夜運行一周。亦合此數。馬云。積而推之。十宿得三百六十分。二十宿得七百

二十分。八宿三八得二百四十分。六八得四十八分。共得一千八分。

日行二十八宿。甲乙無此六字。似是。

二十八脈。馬云。十二經有十二脈。而左右相同。則爲二十四脈。加以陽蹻、陰蹻、督脈、任脈。共計二十八脈。以應天之二十八宿。以分晝夜之百刻也。

漏水下百刻。日知錄云。周禮絜壺氏註。漏箭晝夜共百刻。禮記樂記百度得數而有常。註。百度百刻也。靈樞經漏水下百刻。以分晝夜。說文。漏以銅受水。刻箭晝夜百節。隋書天文志。昔黃帝創觀漏水。制品取則。以分晝夜。其後因以命官。周禮絜壺氏。則其職也。其法總以百刻分於晝夜。

氣行六尺。日行二分。氣。甲乙作脈。六尺下。樓補二十七息。氣行一丈六尺二寸十二字。馬云。積至十息。則其脈氣行六尺。而天之日其行爲七釐五毫。按正文本云。二分。今細推之。其所謂二分者誤也。假如曰二分。則百息當行二十分。千息當行二百分。萬息當行二千分。加三千五百息。又當行七百分。原數止得一千八分。今反多得一千六百九十二分。想此經向無明註。遂致誤傳未正。今考其數。當云日行七釐半。則一萬三千五百息。正合日行一千八分之數。張云。其

日行之數。當以每日千八分之數爲實。以一萬三千五百息爲法除之。則每十息日行止七釐四毫六絲六忽不盡。此云日行二分者。傳久之誤也。

二百七十息止日行二十五分。甲乙二十五分作二十分有奇。樓以五字爲衍。馬云。其下水計二刻。日行二十分一釐二毫。按正文曰。二十五分者。蓋誤寫一釐二毫爲五分也。張云。凡一百三十五息。水下一刻之度也。人氣當半周於身。脈行八丈一尺。故二百七十息。氣行於身一周。水下當二刻。日行當得二十分一釐六毫爲正。

五百四十息止日行四十分。甲乙分下有有奇二字。馬云。下水四刻。日行四十分二釐二毫。正文闕二釐二毫。張云。氣行一周。脈行三十二丈四尺。日行當得四十分三釐二毫爲正。上文言二十五分者太多。本節言四十分者太少。此其所以有誤也。

二千七百息止五宿二十分。甲乙二十五分作二十分有奇。馬云。日行五宿二十一分六釐。正文闕一分六釐。自此以下。當云五千四百息。氣行二十周于身。下水四十刻。日行十一宿七分二釐。又當云八千一百息。氣行三十周于身。下

水六十刻。日行十六宿二十八分八釐。又當云一萬八百息。氣行四十周於身。下水八十刻。日行二十二宿一十四分四釐。

皆盡脈終矣。甲乙註王砮曰。此略而言之也。細言之。則常以一千周加一分。又十分分之六。乃奇分盡也。

并行一數也。張云。此釋上文交通二字之義。并行一數。謂并二十八脈通行一周之數也。

凡行八百一十丈也。甲乙。凡上有氣字。也下有一日一夜五十營。以營五藏之精。不應數者。謂之狂生。所謂五十營者。五藏皆受氣也。三十三字。註云。此段舊在經脈根結之末。今移在此。

營氣篇第十六

諸本無篇字。

營氣之道。內穀爲寶。馬云。此言營氣之運行。一如宗氣之所行也。宗氣所行。之脈篇此篇論營氣所行與宗氣無異辭。雖不同而其次同也。宗氣者。大氣也。大氣積于胸中。出喉嚨。司呼吸。

以行經隧。始于手太陰肺經。絡于肝經。積至一萬三千五百息。脈行八百一十丈。如前篇五十營之所論者是也。營氣者。陰氣也。由中焦之氣。陽中有陰者。隨中焦之氣以降于下焦。而生此陰氣。故謂之清者爲營。又謂之營氣出于中焦者是也。然此營氣者。必成于水穀所化精微之氣。故曰營氣之道。穀氣爲寶。非穀氣不能生此營氣。非營氣不能生血也。道者。脈氣所由行之經隧也。張云。內納同。穀不入則營氣衰。故云內穀爲寶。

精專者。志云。精專者。中焦之汁。卽化而爲赤。布散之血。流溢于下焦。水火交濟而化赤者也。

故氣從太陰出。甲乙。出下有循臂內上廉五字。張云。此下言營氣運行之次。卽前十二經脈之序也。

至跗上注大指間。馬上字接下句。恐非。

抵髀。甲乙。髀作脾。馬云。卽陰陵泉、血海、箕門等穴。俱在髀之內廉。屬脾經穴。簡案。據下文注腎從腎注心外之例。甲乙似是。

出顙內。甲乙註。一作項內。馬以內字接下句。恐非。馬云。目下爲顙顙髁等處。

從肝上注肺。

甲乙。肺作鬲。

入頄顙之竅。

志云。頄顙鼻之內竅。憂恚章曰。人之鼻洞。涕出不收者。頄顙不開。

分氣。氣失也。

究於畜門。

張云。究。深也。畜門。即喉屋上通鼻之竅門也。如評熱病論。啓玄子有

云。氣衝突於畜門。而出於鼻。即此謂也。畜。鼻同。許救切。志云。畜門。鼻之外竅。究。終也。簡案。張所謂畜門。即頄顙耳。蓋頄顙者。喉屋上通于鼻之竅門。畜門者。鼻

孔中通於腦之門戶。畜。嗅同。以鼻吸氣也。亦作𪔐。嗅。並許救切。

上循腹裏入缺盆。

簡案。據上文之例。此下當有是任脈也四字。然骨空論。任督

互稱。以其爲一源也。故不別著任脈耶。

逆順之常也。

志云。逆順者。謂經脈內外之血氣。交相逆順而行也。馬云。或逆數。

或順數。皆合常脈。其運行之次。無相失也。張云。前經脈篇。未及任督。而此始全

備。是十四經營氣之序。樓氏全錄此篇。末引東垣云。十二經一脈也。略爲十二

分而已。

脈度篇第十七

諸本無篇字。

手之六陽。張云。手有三陽。以左右言之。則爲六陽。凡後六陰。及足之六陰。六陽皆倣此。

五六三丈。六下甲乙有合字。下文五六三丈。六八四丈八。六六三丈六尺並同。簡案管子云。伏戲作九九之數。以合天道。

從足上至頭。甲乙作從頭至足。張云。按手足十二經脈。手之三陰從臍走手。手之三陽從手走頭。足之三陽從頭走足。足之三陰從足走腹。此其起止之度。今云手之六陰從手至胸中。蓋但計其丈尺之數。俱以四末爲始而言。非謂其行度如此也。後倣此。

躋脈止合一丈五尺。馬云。躋脈有陽躋。陰躋。陽躋自足申脈行于目。陰躋自足照海行于目。然陽躋左右相同。陰躋亦左右相同。則躋脈宜乎有四。今日二七一丈四尺。二五一尺。則止于二脈者何也。觀本篇末云。躋脈有陰陽。何脈當其數。歧伯答曰。男子數其陽。女子數其陰。則知男子之所數者。左右陽躋。女子之所數者。左右陰躋也。

合一十六丈二尺。潘氏醫燈續焰云。據越人二十三難云。脈數總長十六丈二尺。任督二躋在內。其始從中焦注于手太陰。終于足厥陰。厥陰復還注手太陰。所謂如環無端者。不知二躋任督從何處接入。豈附行於足少陰太陽耶。附則不能在循環注接之內。當俟知者。

爲孫盛而血者疾誅之。甲乙。孫下有絡孫絡之四字。而下有有字。張云。凡人徧體細脈。卽皆膚腠之孫絡也。絡脈有血而盛者。不去之則壅而爲患。故當疾誅之。誅除也。

飲藥以補之。張云。邪氣藏府病形篇曰。陰陽形氣俱不足。勿取以鍼。而調以甘藥。卽虛者飲藥以補之之謂。

閱於上七竅也。簡案。馬訓閱爲通。本于謝堅白。三十七難註。張云。閱。歷也。五藏位次於內。而氣達於外。故云云。漢文帝紀註。閱。猶更歷也。又車千秋傳註。閱。經歷也。

五藏不和。馬云。二句結上起下之辭。

陽氣太盛則陰不利。三十七難及甲乙作邪在藏。則陰脈不和。下不利亦作不

和並是。

不能榮也。

張云、本經榮、營通用。不能榮。謂陰陽乖亂。不能營行。彼此格拒不相

通也。

故曰關。

三十七難。關作格。簡案、六節藏象。亦以陰盛爲關。

故曰格。

三十七難。格作關。簡案、六節藏象。亦以陽盛爲格。終始禁服並同。馬云。

難經三十七難。誤以六陰脈盛爲格。六陽脈盛爲關。致後世不曰脈體。而指曰
鬲症。尤誤之誤也。汪云。按關格二字。字面雖殊。而意義則一。難經雖顛倒。疑無
傷也。如素問脈要精微論。陰陽不相應。病名曰關格。是明以關格屬之病矣。又
仲景平脈篇。下微本大者。則爲關格不通。不得尿。又曰。趺陽脈伏而濇。伏則吐
逆。水穀不化。濇則食不得入。名曰關格。是仲景亦以關格爲病證。而二字之義。
內經與仲景均未嘗細分也。又難經第三難曰。關之前者。陽之動也。遂上魚爲
溢。爲外關內格。此陰乘之脈也。關以後者。陰之動也。遂入尺爲覆。爲內關外格。
此陽乘之脈也。是亦以溢覆言脈。而以關格言病也。今馬氏既訾難經。復以仲
景、東垣、丹溪爲非是。而指關格爲脈體。不亦併背內經乎。又曰。關爲陽不得入。

格爲陰不得出。是兩脈共爲一病矣。于義亦難分也。

何氣榮水。甲乙水作也。馬云。人身氣血如水之流。帝遂以躄脈起止。何氣營水爲問。簡案。榮水不成義。今從甲乙。

躄脈者少陰之別。樓氏云。躄脈始終獨言陰躄。而不及陽躄者。有脫簡。張云。繆刺論曰。邪客於足陽躄之脈。刺外踝之下半寸所。蓋陽躄爲太陽之別。故二十八難曰。陽躄脈者起於跟中。循外踝上行入風池。陰躄者亦起於跟中。循內踝上行至咽喉。交貫衝脈。故陰躄爲足少陰之別。起於照海。陽躄爲足太陽之別。起於申脈。庶得其詳也。

濡目。張云。陰躄陽躄之氣。并行迴還。而濡潤於目。若躄氣不榮。則目不能合。故寒熱病篇曰。陰躄陽躄。陰陽相交。陽入陰。陰出陽。交於目銳眥。陽氣盛則瞑目。陰氣盛則瞑目。此所以目之瞑與不瞑。皆躄脈爲之主也。

氣獨行五藏。張云。帝以躄脈爲少陰之別。因疑其氣獨行五藏。不榮六府也。故有此問。

如水之流。止外濡腠理。張云。如水之流。如日月之行。皆言不得無行也。陰榮其

藏。指陰蹻也。陽榮其府。指陽蹻也。言無分藏府蹻脈。皆所必至也。流者流於內。溢者溢於外。故曰流溢之氣。內溉藏府。外濡腠理。謂其不獨在藏也。按此蹻脈之義。陰出陽則交於足太陽。陽入陰則交於足少陰。陽盛則目張。陰盛則目瞑。似皆隨衛氣爲言者。故陰脈榮其藏。陽脈榮其府也。簡案。馬以陰脈陽脈爲手足三陰三陽之義。然攷前後章之旨。張註爲得矣。當數者。樓氏云。當數爲當脈度。一十六丈二尺之數也。張云。蹻脈陰陽之數。男女各有所屬。男屬陽。當數其陽。女屬陰。當數其陰。故男子以陽蹻爲經。陰蹻爲絡。女子以陰蹻爲經。陽蹻爲絡也。

營衛生會篇第十八

諸本無篇字。

衛於焉會。甲乙於焉作安從。

老壯。張云。五十已上爲老。二十已上爲壯。見營氣失常篇與曲禮所言異

人受氣於穀止皆以受氣。張云。人之生由乎氣。氣者所受於天。與穀氣并而充

身者也。故穀食入胃。化而爲氣。是爲穀氣。亦曰胃氣。此氣由自中焦傳化於脾。上歸於肺。積於胸中氣海之間。乃爲宗氣。宗氣之行。以息往來。通達三焦。而五藏六府。皆以受氣。是以胃爲水穀血氣之海。而人所受氣者。又唯穀而已。故穀不入。半日則氣衰。一日則氣少矣。

其清者止衛在脈外。張云。穀氣出於胃。而氣有清濁之分。清者水穀之精氣也。濁者水穀之悍氣也。諸家以上下焦言清濁者。皆非。清者屬陰。其性精專。故化生血脈。而周行於經隨之中。是爲營氣。濁者屬陽。其性慄疾滑利。故不循經絡。而直達肌表。充實於皮毛分肉之間。是爲衛氣。然營氣衛氣。無非資藉於宗氣。故宗氣盛則營衛和。宗氣衰則營衛弱矣。營。營運於中也。衛。護衛於外也。脈者。非氣非血。其猶氣血之橐籥也。營屬陰而主裏。衛屬陽而主表。故營在脈中。衛在脈外。衛氣篇曰。其浮氣之不循經者爲衛氣。其精氣之行於經者爲營氣。正此之謂。

介按。衛在脈外者。謂衛氣上輸於肺。走於臟腑。外達皮毛。以爲護衛營血之作。用故三十二難曰。心者血。肺者氣。血爲營。氣爲衛。相隨上下。謂之營衛。通行經

絡。營周於外。亦卽此意也。

陽隴。馬云。隴當作隆。素問生氣通天論。有日中而陽隆。蓋古以隆、隴通用。張云。隴盛也。方以智通雅云。陽隴陰隴。子午之橋起闕也。猶言擁起爲隴。而過此漸平。迤也。莊子曰。于是橋起。簡案。素離合真邪論。經之動脈。其至也。亦時隴起。義

正同。

太陰主內。太陽主外。張云。太陰手太陰也。太陽足太陽也。內言營氣。外言衛氣。營氣始於手太陰。而復會於太陰。故太陰主內。衛氣始於足太陽。而復會於太陽。故太陽主外。營氣周流十二經。晝夜各二十五度。衛氣晝則行陽。夜則行陰。亦各二十五度。營衛各爲五十度。以分晝夜也。

夜半爲陰隴。止陰受氣矣。張云。夜半後爲陰衰。陽生於子也。日西而陽衰。陰生於午也。如金匱真言論曰。平旦至日中。天之陽。陽中之陽也。日中至黃昏。天之陽。陽中之陰也。合夜至雞鳴。天之陰。陰中之陰也。雞鳴至平旦。天之陰。陰中之陽也。故人亦應之。卽此節之義。

夜半而大會。止與天地同紀。張云。大會言營衛陰陽之會也。營衛之行。表裏異

度。故嘗不相值。惟於夜半子時。陰氣已極。陽氣將生。營氣在陰。衛氣亦在陰。故萬民皆瞑而臥。命曰合陰。合陰者。營衛皆歸於藏。而會於天一之中也。平旦陰盡而陽受氣。故民皆張目而起。此陰陽消息之道。常如是無已。而與天地同其紀。所謂天地之紀者。如天地日月。各有所會之紀也。

晝瞑。甲乙作夜寤。

晝精。熊氏俗解難經四十六難註云。精。清爽也。

相搏。甲乙搏作薄。

從來。甲乙來作始。

營出於中焦。衛出於下焦。張云。營氣者。由穀入於胃。中焦受氣。取汁。化其精微。

而上注於肺。乃自手太陰始。周行於經隨之中。故營氣出於中焦。衛氣者。出其悍氣之慄疾。而先行於四末。分肉皮膚之間。不入於脈。故於平旦陰盡。陽氣出於目。循頭項下行。始於足太陽膀胱經。而行於陽分。日西陽盡。則始於足少陰腎經。而行於陰分。其氣自膀胱與腎由下而出。故衛氣出於下焦。又云。衛氣屬陽。乃出於下焦。下者必升。故其氣自下而上。亦猶地氣上爲雲也。營本屬陰。乃

自中焦而出於上焦。上者必降。故營氣自上而下。亦猶天氣降爲雨也。雖衛主氣而在外。然亦何嘗無血。營主血而在內。然亦何嘗無氣。故營中未必無衛。衛中未必無營。但行於內者便謂之營。行於外者便謂之衛。此人身陰陽交感之道。分之則二。合之則一而已。志云。下當作上。決氣篇曰。上焦開發。宣五穀味。熏膚充身澤毛。若霧露之漑。是謂氣。五味篇曰。辛入於胃。其氣走於上焦。上焦者。受氣而榮諸陽者也。衛者陽明水穀之悍氣。從上焦而出。衛於表陽。故曰衛出上焦。簡案。千金方三焦病論云。榮出中焦。衛出上焦。榮者絡脈之氣道也。衛者經脈之氣道也。外臺引刪繁論亦同。志註。不可言無據也。明理論引亦作上焦。上焦出於胃上口。止下足陽明。千金及外臺引刪繁作胃上脘。張云。胃上口卽上脘也。咽爲胃系。水穀之道路也。膈上曰胸中。卽膻中也。其旁行者走兩腋。出天池之次。循手太陰肺經之分。而還於手陽明。其上行者至於舌。其下行者交於足陽明。以行於中下二焦。凡此皆上焦之部分也。志云。按金匱要略曰。若五藏元真通暢。人卽安和。病則無由入其腠理。腠者是三焦通會元真之處。爲血氣所注。理者是皮膚藏府之文理也。蓋三焦乃初陽之氣。運行于上下。通合于

肌腠不入於經俞。是以上焦之氣。常與榮俱行。陽二十五度。行陰二十五度者。與充膚熱肉之榮血。間行于皮膚藏府之文理也。上焦出胃上口。上貫膈。布胸中。走腋。下至陽明。上至舌。此論上焦氣之所出。與經脈之循臂肘。上肩胛。入缺盆。出耳頰之不同也。

常與榮止大會於手太陰矣。張云。上焦者。肺之所居。宗氣之所聚。營氣者。隨宗氣以行於十四經脈之中。故上焦之氣。常與營氣俱行於陽二十五度。陰亦二十五度。陽陰者。言晝夜也。晝夜周行五十度。至次日寅時。復會於手太陰肺經。是爲一周。然則營氣雖出於中焦。而施化則由於上焦也。馬云。難經營字下誤多一衛字。簡案。千金及外臺引刪繁。並有衛字。蓋據難經矣。

其不循衛氣之道而出。何也。張云。衛氣之道。晝行於陽。夜行於陰。有常度也。今有熟飲食者。方入於胃。其氣之留行未定。而汗輒外泄。出無方所。是不循衛氣之道也。故以爲問。

此外傷於風。止。命曰漏泄。張云。風爲陽邪。有外熱也。熱食氣悍。因內熱也。熱之所聚。則開發腠理。所以毛蒸理泄。而衛氣走之。故不循其常道也。此卽熱食之

氣也。出不由度。故曰漏泄。志云。衛氣者。水穀之悍氣。其性慄悍滑疾。如腠理不密。即見開而出。簡案。志以此氣爲衛氣。是外臺引刪繁。載療上焦實熱。飲食下胃。其氣未定。汗出而背身中皆熱。名曰漏氣。通脈瀉熱。澤瀉湯。甘藷生地石膏皮參胡扶苓生薑竹葉人即爲此證所立也。

中焦亦並胃中出上焦之後。千金及外臺引刪繁。作其氣起於胃。中脘在上焦之後。甲乙。巢源作胃口。

此所受氣者。止。命曰營氣。者下千金有主化水穀之味六字。甲乙無肺脈之脈字。張云。胃中。中脘之分也。後。下也。受氣者。受穀食之氣也。五穀入胃。其糟粕。津液。宗氣。分爲三隧。以注於三焦。而中焦者。泌糟粕。蒸津液。受氣取汁。變化而赤。是謂血。以奉生身。而行於經隧。是爲營氣。故曰營出中焦。按下文云。下焦者。別迴腸。注膀胱。然則自膈膜之下。至臍上一寸。水分穴之上。皆中焦之部分也。隧。音遂。伏道也。簡案。必。說文。俠流也。奉。俸古通。養也。故馬云。凡心中所生之血。賴此營氣而化以奉養生活之身。

夫血之與氣。止無兩生。張云。營衛之氣。雖分清濁。然皆水穀之精華。故曰榮衛。

者。精氣也。血由化而赤。莫測其妙。故曰血者神氣也。然血化於液。液化於氣。是血之與氣。本爲同類。而血之爲汗。亦非兩種。但血主營。爲陰爲裏。汗屬衛。爲陽爲表。一表一裏。無可並攻。故奪血者無取其汗。奪汗者無取其血。若表裏俱奪。則不脫於陰。必脫於陽。脫陽亦死。脫陰亦死。故曰人生有兩死。然而人之生也。志陰陽之氣。皆不可無。未有孤陽能生者。亦未有孤陰能生者。故曰無兩生也。志云。營衛者。水穀之精氣也。血者中焦之精汁。奉心神而化赤。神氣之所化也。血與營衛。皆生于精。故異名而同類也。簡案外臺引刪繁論云。夫血與氣。異形而同類。衛是精氣。營是神氣。故血與氣。異形而同類焉。奪血無汗。此是奪汗無血。此是精氣。故人有一死。而無再生也。千金再視之正文。覺稍明備。下焦者。止滲入膀胱焉。張云。迴腸大腸也。濟。涕同。猶醴濾也。字典醴古文泌。如狹流也。別汁。分別清濁也。別迴腸者。謂水穀并居於胃中。傳化於小腸。當臍上一寸水分穴處。糟粕由此別行迴腸。從後而出。津液由此別滲膀胱。從前而出。膀胱無上口。故云滲入。凡自水分穴而下。皆下焦之部分也。按三十一難曰。下焦者當膀胱上口。主分別清濁。其言上口者。以滲入之處爲言。非真謂有口也。

如果有口。則不言滲入矣。何後世不解其意。而爭言膀胱有上口。其謬爲甚。志云迴腸大腸也。有九迴。因以爲名。簡案外臺引刪繁論云。下焦如瀆。起胃下管。別迴腸。注於膀胱。而滲入焉。故水穀常并居於胃中。成糟粕而俱下於大腸。主足陽明。千金作足太陽灌滲津液。合膀胱。主出不主入。別於清濁。亦本節之義也。但本節似脫起胃下管三十一難云。下焦者。當膀胱上口。主分清濁。亦可以見耳。介按唐容川曰。近說膀胱有上口。無下口。非也。內經明言下焦當膀胱上口。近人不知三焦實有其物。焦古作瞧。即人身之油膜。西醫名爲連網。乃行水之路。道內經所謂三焦者。決瀆之官。水道出焉。蓋水之路道。全在三焦油膜之中。凡人飲水入胃。胃之通體有微絲管。將水散出。走入油膜。其能散者。肺氣布之也。故肺爲水之上源。水散入油膜。走入膀胱。其水未散盡者。至小腸中。又有微絲管。將水散出。走下焦。以入膀胱。膀胱上口。即在下焦連網之中。此皆下行之水。未化爲氣者也。

黃帝曰。人飲酒。止液出焉。馬云。此言酒之所以先穀氣而出也。承上文有滲膀胱之語。故遂以酒之先穀而下者問之。正以酒爲熟穀之液。其氣至悍而清。故

雖後穀而入。必先穀而下也。熟者腐也。

上焦如霧止此之謂也。

張云。如霧者。氣浮於上也。言宗氣積於胸中。司呼吸而

布濩於經隧之間。如天之霧。故曰上焦如霧也。漚者。水上之泡。水得氣而不沉

者也。言營血化於中焦。隨氣流行。以奉生身。如漚處浮沉之間。故曰中焦如漚

也。瀆者。水所注泄。言下焦主出而不納。逝而不反。故曰下焦如瀆也。然而肺象

天而居上。故司霧之化。脾象地而在中。故司漚之化。大腸、膀胱象江河淮泗而

在下。故司川瀆之化也。千金及外臺引刪繁論云。上焦如霧。霧者。霏霏起上也。中焦如

漚。漚者。在胃也。下焦如瀆。瀆者。如溝也。白虎通引禮運記云。三焦者。包絡府也。水穀

之道路。氣之所終始也。故上焦如竅。中焦如編。下焦如瀆。俞氏續醫說詳解之。當考參。張氏

質疑錄載三焦有三。三焦之論云。靈樞云。上焦如霧。中焦如漚。下焦如瀆。此三

焦為一氣之所主。故三十一難因之曰。上焦在胃上口。主內而不出。其治在膻

中。中焦在胃中脘。主腐熟水穀。其治在臍傍。下焦在臍下。主分別清濁。出而不

內。此三焦者。即靈樞所謂如霧如漚如瀆之三焦也。故難經又繼言之。三焦為

水穀之道路。氣之所以終始。三焦者。原氣之別使。原氣在兩腎中間之動氣。為

人之生命。十二經之根本。主通行三氣。經歷于五藏六府。此所謂三焦者。屬之于氣。正王叔和所謂有名無狀之三焦也。

四時氣篇第十九

諸本無篇字。

爲定。甲乙定作實下同。

春取經。馬云。經當作絡。義見素問水熱穴論。張云。春取經。卽本輪篇。大經分肉之間也。

夏取盛經孫絡。

馬云。水熱穴論云。夏取盛經分腠。又曰。絕膚而病去者。邪居淺

也。蓋言夏氣在表。故病在表。止於皮膚。絕而不深入以刺之。正以邪之所居。爲甚淺也。又曰。所謂盛經者。陽經也。則止取手足六陽經之經穴耳。

取之合。

馬云。水熱穴論曰。取合以虛陽邪。則知是六陽經之合穴也。

冬取井榮。

馬云。水熱穴論云。取井以瀉陰逆。則陰經當刺井穴。如手太陰肺經

少商爲井之類。取榮以實陽氣。則陽經當刺榮穴。如手陽明大腸經二間爲榮

之類。

溫瘧。素瘧論云。先傷于風。而後傷于寒。故先熱而後寒也。亦以時作。故曰溫瘧。

五十九刺。詳後熱病篇。刺諸本作瘡。唯張作刺。

風疔膚脹。馬云。疔。即水。以水爲疾。故加以疾之首。風水。見素奇病論。水熱穴論。

評熱論。本經論疾診尺篇。膚脹者。即本經水脹論之所謂膚脹也。簡案。外臺引肘後方云。療卒大腹疔病諸方。此病本由水來。應水字而經方皆水爲病。故施疾狀。此乃與馬說符矣。吳音水。病貌。集韻貳類切。音稅。腫病並非。

五十七疔。詳見素水熱穴論。

三陰之上。甲乙之作交。馬云。補三陰之上者。補三陰交。乃足三陰血氣之所交。

宜補之。因有二穴。故用二補字。及有一皆字。張志同。

熱行。馬云。候鍼下熱行。乃止鍼。張云。陽氣至而熱行。熱行則泄止矣。

轉筋於陽。止卒刺之。馬云。卒。猝同。凡手足之外廉。皆屬陽經。若轉筋于陽。則治

其陽經。凡手足之內廉。皆屬陰經。若轉筋于陰。則治其陰經。皆當猝然刺之。張云。卒。病也。故不必拘於時日。但隨其病而卒刺之。志云。卒。猝同。猝刺者。燒鍼劫

刺。以取筋痺。簡案、樓氏綱目亦作痺。蓋本於經筋篇。亦當備一說。

徒。張云。徒。但也。有水無風。故曰徒水。簡案。馬云。徒。但也。上文言風水者。有風有水也。此曰徒水。則有風無水也。若無水。則下文何得云。水盡乃止。必是字之誤。志云。徒。衆也。土爲中央之灌漑于四傍。土氣虛。則四方之衆水。反乘侮其土。而爲水病也。此解尤爲牽強。

環谷。馬云。按各經無環谷穴。止足少陽膽經有環跳穴。今曰下三寸。意者風市穴乎。理亦甚的。張同志云。環谷者。取手足之分肉。以瀉其水也。谿谷有三百六十五穴。會肉之大會爲谷。大會者。手足股肱之大肉也。簡案。據志註。則三寸二字。竟不穩妥。

筩。馬云。筩。直也。已刺而直其鍼以納之。張云。筩。箭室也。已刺而筩之。而內之。入而復之。以盡其水。謂用鍼如箭之歸筩。出入頻復。開通其道。以盡其水也。志云。筩。筒也。以如筒之鍼而內之。入而復出。簡案。筩之義。諸註未明。九鍼論。員針筩。其身如是。筩。筒同。又樓氏綱目載本節文云。筩。鍼。鍼中有空竅。如筩出水也。今據志以筒釋之。蓋此似言以筩納鍼孔內。使水自筩中泄出者。世有用此術得

效者。然不可妄施。張云。鍼要曰。凡水氣。惟得鍼水溝。若鍼餘穴。水盡即死。是又不可不知也。

必堅來緩則煩悒。來急則安靜。

馬云。必欲盡去其水。水力盡時。其肉必堅。且水

來緩。則內必煩悶。來急。則內必安靜。張云。痲在膚中。其候必堅。志云。水腫于肌肉。則浮而軟。水盡則肉必堅矣。餘與馬同。簡案。徒痲以下。其義未詳。甲乙文有異同。然亦未明晰。錄左備考。甲乙云。徒水先取環谷下三寸。以排鍼刺之。而藏之。引而內之。入而復出。以盡其水。必堅束之。束緩則煩悶。束急則安靜。

飲閉藥。馬云。必飲通閉之藥。以利其水。防其再腫。志云。謂水乃盡。當飲充實脾土之藥。勿使水之復乘也。簡案。馬爲是。

方飲無食。止百三十五日。

張云。藥食不宜相混。混則難於取效。水腫既消。當忌

傷脾發濕等物。至一百三十五日之外。方保其不復矣。

著痺不去。張云。痺論云。濕氣勝者爲著痺。謂其重著難動。故云不去。若寒濕相搏。久而不已。當猝取足陽明之三里穴。溫補胃氣。則寒濕散而痺可愈也。沈亮宸曰。谿谷屬骨。此承上文肌腠未盡之水。流于關節。則爲著痺。故取陽明之三

里。從府以瀉藏也。

骨爲幹。馬云。此句與上下文不相蒙。意者乃經脈篇之說簡歟。沈亮宸云。此承

上文而言。骨之爲病。在骨之髓節也。幹者。如木幹之堅勁。是故溫瘧之邪。藏于骨髓。濕痺之氣。流于關節。其骨如幹。而不受邪之所傷。簡案。今仍馬註。

腸中不便。張云。小腸不便者。不能化物。大腸不便者。不能傳道。大腸小腸。皆屬

於胃。故當取足陽明之三里穴。邪氣盛則瀉之。正氣虛則補之。

癰風者。止無食他食。甲乙素作索。銳鍼鍼三字作吮一字。惡氣之氣作血。馬云。

癰癰同。此言刺厲風之法也。按素問風論云。癰者有營衛熱腑。其氣不清。故使鼻柱壞而色敗。皮膚瘍潰。風寒客于脈而不去。名曰癰風。骨空論長刺節論皆謂之大風也。張云。食得其法。謂之方食。無食他食。忌動風發毒等物也。

介按。癰風卽癰病。又名麻風。屬於慢性傳染病。故凡傳染之後。要過數年。方纔顯露。其病狀則遍體麻木不仁。甚至四肢週身。逐漸毀滅。先由手指。繼而足趾。終至鼻柱。均現毀壞。面上狀若頑癬。搔破則流稠水。其未破之處。皮膚片片脫落。奇癢難當。此病可分二種。如面部臀部四肢等處。俱發紅色結節。繼卽潰穿。

後且知覺麻痺。毛竅脫落。容貌奇醜者。斑紋癩也。如初則神經過敏。發神經痛。後則知覺漸次脫失。營養障害。神經肥厚。面部麻痺者。神經癩也。

腹中常鳴。氣上衝胸。止三里。甲乙常作雷。上作常。志云。此邪在大腸而爲病也。大腸爲傳導之官。病則其氣反逆。是以腹中常鳴。氣上衝胸。張云。九鍼十二原篇曰。育之原出于腓腴。卽任脈之下。氣海也。巨虛上廉三里。皆足陽明經穴。按本輸篇曰。大腸屬上廉。此以邪在大腸。故當刺巨虛上廉。若下文之邪在小腸者。則當取巨虛下廉也。

小腸控臍。止以調之。甲乙熏肝下有肺字。簡案。據下文刺太陰。甲乙似是。沈亮宸云。控臍引腰脊。上衝心者。小腸之疝氣也。張云。控引也。臍陰丸也。小腸連於小腹。若其邪盛。則厥逆自下上衝心肺。熏於肝胃。引於腰脊。下及育。臍系之間也。取育原以散之。散臍腹之結也。刺太陰以予之。補肺經之虛也。取厥陰以下之。瀉肝經之實也。取巨虛下廉以去之。求小腸之所屬也。按其所過之經。謂察其邪之所在以調之也。

長太息。志云。膽氣欲升。故長太息以伸之。

憺憺。張云。心虛貌。簡案。馬釋為靜。誤。

嘔苦。甲乙。千金。苦下有汁字。

則刺少陽血絡。馬云。則當作側。膽之經絡。在肋之後旁。故曰側。張云。又刺足少

陽血絡以平其木。千金無則字。

閉膽逆。馬云。閉者止也。孟子云。陳善閉邪。朱註云。閉。止也。

在上腕則刺止去之。馬云。則側同。胃腕。上下腕之總名。如在上腕。臥鍼刺之。當

抑而下之。即本經上膈篇之所謂氣為上膈。故治之者如此。如在下腕。則刺下

腕。當散而去之。即上膈篇之所謂蟲為下膈。故治之者如此。張云。刺抑而下之。

謂刺上腕以瀉其至高之食氣。散而去之。謂溫下腕以散其停積之寒滯也。

邪在三焦約止取三里。志云。此邪在膀胱而為病也。三焦下俞。出于委陽。並太

陽之正。入絡膀胱約下焦。實則閉癰。虛則遺溺。小腹腫痛。不得小便。邪在三焦

約也。故當取足太陽之大絡。即取大絡經脈也。委小絡。孫絡也。足太陽厥陰之絡。交

絡於跗臑之間。視其結而血者去之。蓋肝主疎泄。結在厥陰之絡。亦不得小便

矣。如小腹腫。上及胃腕。取足三里。聖濟總錄云。黃帝三部鍼灸經。言少腹腫痛。

不得小便。邪在三焦。病名曰三焦約。營衛不調。風邪入客。則決瀆之官。約而不通。所以不得大小便也。刺法取足少陰太陽之經。輔以湯劑。則三焦疎導。清濁判矣。方載枳殼丸等六首。方中多用大黃。牽牛。郁李之類。簡案。本節三焦。卽指膀胱。上文列六府之病。而不及膀胱。知是三焦爲膀胱明矣。千金云。三焦名中清之府。別號玉海。水道出。屬膀胱是也。詳見素問識靈蘭秘典註。蓋約卽脾約之約。而喬世寧校本千金以約字屬下句。亦似有理。張云。太陽大絡。飛陽穴也。攷甲乙。委陽。三焦下輔俞也。在足太陽之前。少陽之後云云。此足太陽之別絡也。則志註爲是。觀其色。察其目。以知其散復。諸本無目字。但張本有焉。馬云。以爲也。論語云。視其所以。志云。察其以者。察其所以然之病。簡案。張補目字。據九鍼十二原小鍼解。今從之。

一其形。馬云。曰一者。肥瘦各相等否。志云。靜守其神形。與俱也。

病將下。張云。下退也。

諸經實者。病三日已。張云。凡邪氣未解者。最忌脈弱無力。如平人氣象論曰。病在中。脈虛。玉機真藏論曰。病在外。脈不實堅者。皆難治。邪客篇曰。虛而細者久。

以持。皆不實之謂也。若病在諸經。而脈實有力者。邪將外達也。故可三日而已矣。

氣口候陰。人迎候陽也。張云。氣口在手太陰。肺脈也。氣口獨爲五藏主。故以候陰。人迎在頭。陽明胃脈也。胃爲六府之大源。故以候陽。

五邪篇第二十一

諸本無篇字。馬云。內論五藏之邪。故名篇。

上氣喘。汗出。志云。上氣喘者。肺氣逆也。

膺中外膺。馬云。雲門、中府等穴。

背三節五藏之傍。藏。張本作節。馬云。背三節旁之肺俞。及五椎旁之心俞穴。志

云。乃肺俞旁之魄戶也。簡案。甲乙作背三椎之傍。乃謂肺俞。甲乙爲是。原註顙字當作顙。史音顙。音椎可證。

按之快然。張云。覺快爽者。卽其真穴。

取之缺盆中以越之。張云。缺盆。足陽明經穴也。手太陰之脈。上出於此。故當取

之。以散越肺邪。但忌大深。令人逆息。志云。缺盆中者。手陽明經之扶突。蓋從府以越陰藏之邪。

邪在肝。止時脚腫。

張云。兩脅中痛。肝之經也。寒中水乘脾胃也。惡血在內。肝所

主也。行善牽掣其關節。肝主筋而邪居之也。肝經自足大指上行內踝。故時爲脚腫。甲乙掣作瘕。簡案。掣縱又作瘕癢。知二字義同。

取耳間青脈。以去其掣。

甲乙掣作瘕。張云。足少陽經循耳前後。足厥陰主諸筋。

而與少陽爲表裏。故取耳間青脈。可以去掣節。志云。耳間青脈一名雞足青。簡案。甲乙瘕脈一名資脈。在耳本後。雞足青絡脈。蓋謂此穴。

陽氣有餘。陰氣不足。簡案。諸註以陰陽分說脾胃。恐非。

陰痺。馬云。陰痺者。痛無定所。按之而不可得。卽痺論之所謂以寒勝者爲痛痺。

也。後世又以爲白虎歷節風。又曰痛風。志云。在外者筋骨爲陰。病在陰者名曰痺。陰痺者。病在骨

也。按之而不得者。邪在骨髓也。簡案。至真要大論云。陰痺者。按之不得。卽是。

肩背頸項痛時眩。馬云。此皆膀胱經脈所行。以腎與膀胱爲表裏也。且時時眩暈。亦兼膀胱與腎邪也。

喜悲。馬云。本神篇曰。心氣虛則悲。然實則亦然。

調之其輸也。馬云。邪客篇曰。少陰心脈也。心者五藏六府之大主也。精神之所舍也。其藏堅固。邪弗能容也。容之則心傷。心傷則神去。神去則死矣。故諸邪之在心者。皆在心之包絡。包絡者。心主之脈也。故獨無腧焉。其外經病而內不病。故獨取其經于掌後銳骨之端。

寒熱病篇第二十一

諸本無篇字。馬云。篇內所謂諸證。不止寒熱。然首節所論在寒熱。故名篇。但此寒熱主外感言。與瘰癧之寒熱不同。

不可附席。張云。邪在外。故畏於近席。

鼻槁臘。馬云。鼻孔枯臘。臘者乾也。

取三陽之絡。馬云。當取足太陽膀胱經之絡穴。飛揚以瀉之。蓋太陽爲三陽也。取三陽於下。馬云。不言穴者。必俱是絡穴。

病無所安。止死不治。病甲乙作痛。張云。陰騰者必躁。故無所安也。陰傷則液脫。

故汗注不休也。齒者骨之餘。若齒未稿者。陰氣尙充。獨爲可治。當取足少陰之絡穴大鍾以刺之。若齒有枯色。則陰氣竭矣。其死無疑。近以愚見。則不獨在齒。凡爪枯者亦危候也。骨寒而厥者皆然。簡案馬以從皮寒熱。至骨寒熱。爲從淺而及深。遂至死之證。恐非也。又攷文例。不及脈寒熱。筋寒熱者。豈其脫漏乎。骨厥。志云。謂腎藏爲病。而腎氣厥熱也。簡案足少陰之病爲骨厥者。經脈篇。骨痺止補之。張云。骨痺者。病在陰分也。支節不用而痛。汗注煩心者。亦病在陰分也。真陰不足。則邪氣得留於其間。故當取三陰之經。察病所在而補之。按五邪篇曰。邪在腎。則病骨痛陰痺。取之湧泉。崑崙。視見血者盡取之。與此互有發明。所當參閱。簡案舉合也。謂支節盡痛。馬云骨痺已成節。不能舉而痛。非也。馬又依一本改陰作陽。志仍之。亦非。

身有所傷止關元也。懈隋。甲乙作解休。馬云。身有所傷。出血已多。而傷處中于風寒。此證近于後世或有破傷風。或有所墜墮。不必身傷出血也。四支懈惰。其名曰體惰。當取小腹臍下三結交之穴以刺之。蓋本經爲任脈。而足陽明胃足太陰脾經之脈亦結于此。故謂之三結交也。卽臍下三寸之關元穴耳。簡案張亦云。破傷風

之屬。此恐不然。甲乙云。關元。足三陰任脈之會。故曰三結交。

厥痺者。止補陰經也。張云。厥必起於四支。厥而兼痺。其氣上及於腹者。當取足太陰之絡穴公孫。足陽明之絡穴豐隆。以腹與四支。治在脾胃也。然必視其主病者。或陰或陽而取之。陽明多實。故宜瀉。太陰多虛。故宜補。簡案。馬至名曰天府。爲一節。並爲治厥痺之穴。恐非。

頸側之動脈人迎。張云。頸前中行任脈也。二行動脈。卽足陽明之人迎穴。

嬰筋。張云。說文曰。嬰。頸飾也。故頸側之筋曰嬰筋。通評虛實論。癰疽不知所刺。纓脈。王注云。纓脈亦足陽明脈也。近纓之脈。故曰纓脈。纓。謂冠帶也。

扶突。張云。在頸之第三行。

足少陽脈。馬云。當作手少陽。觀前本輪篇第十三節云。手少陽也。名曰天牖。六次脈可證。張同。

天牖。張云。在頸之第六行。

天柱。張云。在頸之第七行。

臂太陰。張云。卽手太陰也。以上五穴。本輪篇言之尤詳。卽所以治下文之病者。

也。

陽迎頭痛。

甲乙迎作逆。張云迎逆也。陽邪逆於陽經而爲頭痛胸滿者當取之。

人迎也。簡案張本于樓氏綱目馬改陽明誤。

暴瘖氣鞭。

甲乙鞭作硬。張云瘖聲症不能言也。氣鞭喉舌強鞭也。凡言暴者皆

一時之氣逆。非宿病也。馬云鞭當作梗。志云鞭梗同。簡案今從張註。

暴聾氣蒙。

張云經氣蒙蔽而耳目暴有不明者當取天牖。

暴攣癰眩足不任身。甲乙足下有痛欲折三字。馬云暴攣者拘攣也。暴癰者癰

癰也。暴眩者眩暈也。合三證而足不任身當取天柱。

暴痺內逆。

甲乙痺作痺。馬云暴時大熱而在內氣逆乃肝肺兩經之火邪相爲

搏擊以致血溢於鼻口。張云痺熱病也。志云痺消痺暴痺暴渴也。肝脈貫肺故

手太陰之氣逆則肝肺相搏。肺主氣而肝主血。氣逆于中則血亦留聚而上溢

矣。肺乃水之生原。搏則津液不生而暴痺矣。皆當取手太陰之天府以疎其搏

逆。夫暴疾一時之厥證也。此因于氣厥故用數暴字。簡案志暴渴之解不可從。

此爲大牖五部。甲乙作此爲胃之大膺五部也。馬云大當作天。此句總結上文

五節。其穴爲天牖五部也。曰天牖五部者。舉一穴以統五穴耳。猶後世立湯藥之方。舉一品以概衆品也。張云。以天牖居中。統前後上下而言也。志云。牖窗也。頭面之穴竅。如樓閣之大牖。所以通氣者也。簡案。志註尤牽強。

臂陽明止不惡寒瀉之。馬云。臂陽明卽手陽明大腸經也。以其脈行于臂。故不稱曰手而曰臂也。手陽明之脈。其支者從缺盆上頸循天鼎扶突。上貫于頰。入下齒縫中。還出挾口。交人中。左之右。右之左。上挾鼻孔。循和髎迎香。以交于足陽明。故曰臂陽明。有入頰徧齒者。其名曰大迎。正以大迎出足陽明穴。而手陽明之脈。則入而交之也。齒有痛病。謂之齲。故下齒病齲者。當取此臂陽明之穴。商陽二間三間皆治痛齒如惡寒飲者虛也。宜補之。不惡寒飲者實也。宜瀉之。張云。頰音求。顙也。但臂惡寒者多虛。故宜補。不惡寒者多實。故宜瀉。簡案。馬以臂字接上句。似是。然以惡寒爲惡寒飲。亦未允妥。

足太陽止出鼻外。甲乙足作手。一曰取之出鼻外。作一曰取之出眉外。方病之時。盛瀉虛補。馬云。足太陽膀胱經之脈。亦入頰徧齒。其所入之脈。乃手少陽三焦經之角孫穴。其上齒齲者。正足陽明胃經脈氣之所歷。取之在鼻與頰前。乃

地倉、巨膠等穴也。如正痛之時，其脈必盛。盛則宜瀉之。或虛則宜補之。一曰當取之。出于鼻外，即本經之和膠、迎香等穴也。

足陽明止益不足。諸本不足，下有反者，益其四字。甲乙其作甚。張云：其當作甚。馬志以其字接下節，非也。張云：足陽明之脈有挾鼻入於面者，道出於足少陽之懸顙。其下行者屬於口，其上行者對口入繫目本。或目或口，凡有過者皆可取之。然必察其有餘不足，以施補瀉。若反用之，病必益甚。簡案：志云：足陽明當作手太陽，非也。對口蓋指玉枕下邊而言。腦疸有對口發之稱，可以見耳。

足太陽止盛則瞑目。馬云：此言頭目痛者當取玉枕。而又言精明爲陰陽二蹻之所交，乃寤寐之所以分病也。足太陽膀胱經有通項入于腦者，名曰玉枕。開脈上一寸半，腦戶二寸，此正屬于目之根。兩眼中之系皆繫于此，故名之曰眼系。凡苦頭痛，或苦目痛者，皆取之。其脈在項中兩筋間，入於腦，與陰蹻、陽蹻相別。實各陰陽諸經交會之所也。又陽蹻之脈入于陰，陰蹻之脈出于陽，交于目銳眥之精明穴。陽蹻之氣盛則目瞑而不得閉，陰蹻之氣盛則目瞑而不得開也。張云：按脈度篇言蹻脈屬目內眥，合於太陽。下文熱病篇曰：目中赤痛，從內眥始。

取之陰蹻。然則此云銳眚者。當作內眚也。志云。目之尖角曰銳。故外內皆名銳眚。簡案。志註誤。癲狂篇云。目眚外決於面者爲銳目。張註。本于樓氏綱目。今從之。

熱厥止皆留之。

張云。熱厥者。陽邪有餘。陰氣不足也。故當取足太陰而補之。足

少陽而瀉之。寒厥者。陰邪有餘。陽氣不足也。故當取足陽明而補之。足少陰而瀉之。補者補脾胃二經以實四支。瀉者瀉水火二經以泄邪氣。然必皆久留其鍼。則瀉者可去。補者乃至矣。此當與終始篇義相參爲用。簡案。馬云。少陽當作少陰。少陰當作少陽。未爲得矣。

舌縱涎下。

張云。此下三節。皆兼寒熱二厥而言也。舌縱不收。及涎下煩悶者。腎

陰不足。不能收攝也。故當取足少陰經而補之。

振寒洒洒止取手太陰。

張云。鼓頤振寒鼓頤也。凡此諸證。皆陽氣不足之候。故

當取手太陰肺經而補之。

刺虛者止刺其來也。

張云。刺其去。追而濟之也。刺其來。迎而奪之也。衛氣行篇。

亦有此二句。

春取絡脈止治骨髓。張云。春夏之取與前四時氣篇水熱穴論皆同。秋取氣口者。手太陰肺脈應秋金也。冬取經俞者。經穴通藏氣。藏主冬也。絡脈浮淺。故治皮膚。分腠有理。故治肌肉。氣口者脈之大會。故治筋脈。經輸連藏。故治骨髓。按此言經輸者。總言經穴也。非諸經之經穴俞穴。蓋水熱穴論以五輸言。故云秋取經俞。冬取井榮。此以內外言。故云絡脈治皮膚。經輸治骨髓也。當解其意。齊劑同。藥曰藥劑。鍼曰砭劑也。

五臟身有五部止有癰疽者死。簡案。五臟在內。而關係于身者有五部。其一在

伏兔。在膝上六寸起肉間足陽明胃經之要害也。其二在腓脛。即小腿肚也。足太陽少陰及三焦其

三在背。背之中行曰督脈。而背傍四行皆足太陽膀胱經穴。藏氣所繫之要害

也。其四在五藏之俞。肺俞三椎旁心俞五椎旁肝俞九椎旁脾俞其五在項亦

係督脈。統諸陽之綱領也。凡上五部皆要害之所。忌生癰疽。生者多死。以上係

註節汪云。按陽毒起發者尙可治。若陰毒不起者。斷難治也。劉氏玉機微義云。

大抵所言地分。皆脈絡所會。內系府藏。然患者得而早言。醫者審證案法治之。

則皆爲不死矣。

介按、癰之與疽。截然兩途。陽症爲癰。陰症爲疽。治法迥殊。若以癰疽連稱。未免貽害。惟王洪緒之全生集。分辨甚明。可參考焉。至於此條。原註是係陰疽。其一卽伏兔疽。其二爲腓脛發。其三是發背。其四是脾發疽。腎俞發之類。其五卽天柱疽之類也。

病始手臂止止之於陰。簡案、甲乙此一節。載傷寒熱病中。又從病始手臂。至取足陽明而汗出。見素刺熱篇。馬張以爲承上文刺癰疽法。誤也。張云。臂太陰肺經也。足陽明胃經也。按熱病篇曰。脈順可汗者。取之魚際、太淵、大都、太白。瀉之則熱去。補之則汗出。按以上四穴。皆手足太陰經之榮輸也。此言臂太陰者。卽魚際、太淵二穴。然則足陽明者。亦當取之榮輸。則內庭、陷谷是也。補太陰而汗出甚者。陰之勝也。當補陽明。可以止之。瀉太陰而汗出甚者。陽之勝也。當瀉陽明。可以止之。蓋以陰陽平而汗自止也。取陽而汗出甚者。其止法亦然。凡刺之害。止生爲癰疽也。此一節。見九鍼十二原篇。

諸本無篇字。

目皆止下爲內眥。

馬云。眥。眼角也。目眥外決于面者爲銳眥。

俗云外眥。在內近鼻。

者爲內眥。

俗云內眥。

眼之上胞屬于外眥。眼之下胞屬于內眥也。志云。太陽爲目

上綱。陽明爲目下綱。上爲外眥。下爲內眥者。乃太陽陽明之氣主于上下之目

眥也。簡案。此節與癰狂不相涉。必是古經殘文。

癰疾始生止陽明太陰。

張云。先不樂。神志將亂也。頭重痛。視舉目赤。厥氣上行

也。甚作極已而煩心。躁急不寧也。此皆癰疾將作之兆。顏。天庭也。候之於顏。邪

色必見於此也。當取手太陽支正。小海。手陽明偏歷。溫溜。手太陰太淵。列缺等

穴。瀉去邪血。必待其血色變而後止。鍼也。甲乙。視上有直字。

血甚作極已而煩心。

諸本作血變而止。癰疾始作。當改。

引口啼呼。止血變而止。

張云。引口者。牽引歪斜也。或爲啼呼。或爲喘悸。當候於

手陽明太陽二經。察病所在而刺之。穴如前。強。堅強也。左右牽引。病多在絡。故

左強者當攻右。右強者當攻左。必候其血變而止。此繆刺之法也。

足太陽陽明太陰太陽。

諸本陰下有手字。下太陽。吳本作手太陰。非。張云。足太

陽之委陽、飛陽、僕參、金門、足陽明三里、解谿、足太陰隱白、公孫等穴皆主之。手陽明經穴同前。

置其血於瓠壺之中，止氐骨也。志云：瓠壺，葫蘆也。致其血于壺中，發時而血獨動者，氣相感召也。如厥氣搏于手太陰太陽，則血于壺中獨動。感天氣太陽之運動也。不動者，病入于地水之中，故當灸氐骨二十壯。經云：陷下則灸之。此疾陷于足太陽太陰，故當灸足太陽之氐骨。馬云：氐骨穴名長強。

顙齒諸膾分肉，止不治。甲乙：顙作頤，居作倨。馬云：顙，苦感切。舊釋以爲饑黃起行。今此篇與雜病篇有曰：顙痛當有定所，想頤與顙可通用。屈原賦離騷云：長顙領亦何傷。又可總稱。張云：顙之釋義云：饑而面黃色，乃與經旨不相合。動輪篇言：自腦出顙下客主人，則此當在腦之下，髮之前，客主人之上，其即髮骨之上。兩太陽之間爲顙也。骨癰疾者，病深在骨也。其顙齒諸穴分肉之間，皆邪氣壅閉，故爲脹滿。形則尪羸，唯骨獨居，汗出於外，煩悶於內，已爲危證。若嘔多沫，氣泄於下者，尤爲脾腎俱敗，必不可治。志云：顙，叶坎面也。分肉谿谷也。谿谷屬骨，骨居者，骨肉不相親也。簡案：顙，馬與甲乙符爲是。考工記：矩之直者爲倨。

骨倨卽強直之義。當從甲乙。

身倦攣急大。甲乙作身卷攣急脈大。簡案馬張並云。其脈急大。甲乙爲是。

暴仆止不治。張云。暴仆。猝倒也。縱弛縱也。治此者。如脈脹滿。則盡刺之以出其

血。如脈不滿。則灸足太陽經。挾項之天柱。大杼穴。又灸足少陽經之帶脈穴。此

穴相去於腰計三寸許。諸分肉。本輪謂諸經分肉之間。及四肢之輪。凡脹縱之

所。皆當取也。王氏證治準繩云。氣下泄。則自腎間正氣虛脫於下。故死。癲發如

狂者。由心之陽不勝陰氣之逆。神明散亂。陽氣暴絕。故如狂。猶燈將滅而明也。

狂始生。止陽明。甲乙始上有之字。苦怒作善怒。張云。神不足則悲。魂傷則狂妄。

不精。志傷則喜忘其前言。肝乘脾則苦怒。血不足則善恐。皆得之憂而且饑。致

傷藏氣也。取手太陰之太淵。列缺。手陽明之偏歷。溫溜。足太陰之隱白。公孫。足

陽明之三里。解谿等穴。並可治之。必候其血色變而止鍼也。

狂始發。馬云。上節言始生。而此曰始發。則病已成而發也。

舌下少陰。張云。手陽明太陽太陰經穴俱如前。舌下者。任脈之廉泉也。少陰者。

心經之神門。少衝也。簡案。手太陽上文不言取之。張偶誤耳。舌下少陰。蓋謂足

少陰廉泉穴。

不盛釋之也。甲乙盛下有者字。馬云。如不盛。則釋之而不取也。張云。當釋之無論也。

狂言驚。甲乙言作喜是。

少氣之所生也。張云。氣衰則神怯。所以妄見妄聞而驚呼也。

兩頤。甲乙頤作頤。簡案。諸家不註經穴。

狂者多食。止不發于外者。張云。多食見鬼。善暗笑者。以大善傷神所致。難經曰。

脫陽者見鬼。脫陰者目盲也。志云。不發于外者。冷笑而無聲也。心氣虛故冷笑。心氣實則大笑矣。

未應如此者。張云。謂狂病新起。未有如上文五節之見證也。

曲泉。簡案。此穴屬厥陰肝經。見本輸篇。而甲乙諸書。未有言及動脈者。唯外臺云。橫向脛二寸。當脈中是也。

以法取之。馬云。如前置血于瓠之中。而驗之也。張云。如不已。則當照前五節求法以取之。

灸骨骹二十壯。甲乙作灸骹骨二十壯。骹骨者尾屈也。志云。骹骨乃督脈之所循。督脈與肝脈會于頭項。故灸骨骹引厥陰之脈氣復從下散也。

風逆止取井經也。張云。風感於外。厥氣內逆。是爲風逆。身皯皯。皮毛寒栗也。唏然。時寒氣咽。抽息而噤也。饑則煩。飽則變動不寧。風邪逆於內也。手太陰表裏。肺與大腸也。足少陰腎也。足陽明胃也。清寒冷也。取榮取井取經。卽指四經諸穴爲言。皯音磊。唏音希。志云。風淫未疾。故暴腫。四肢皯皯。寒濕也。唏然。寒兢貌。乃風動水寒之氣。而見此證也。簡案。皯皯。蓋瀦皯之義。水攢聚貌。見木華海賦。此狀四肢暴腫也。張注雜病篇。脣皯皯然。云腫起貌是也。下文身皯皯亦同。唏蓋唏噓之唏。唏噓又懼貌。故狀寒栗也。

足暴清止溫則瀉之。甲乙煩作膜。無小字。諸本緩作煖。當改。張云。足暴清。暴冷也。胸若將裂。腸若刀切。懊懣痛楚也。煩不能食。氣逆於中也。脈大小皆瀦。邪逆於經也。如身體溫暖。則當取足少陰以瀉之。身體清冷。則當取足陽明以補之。按足少陰則湧泉。然谷。足陽明則厲兌。內庭。解谿。豐隆。皆主厥逆。簡案。胸若將裂。腸若將以刀切之。乃膜脹之甚故也。甲乙爲是。

下胸二脅止立快者是也。甲乙二脅作三肋間。動手間有應字。張云。下胸二脅。

謂胸之下左右二脅之間也。蓋卽足厥陰之章門期門。令病人欬。其脈動而應手者。是其穴也。又當取之背。以手按之。其病立快者。乃其當刺之處。蓋足太陽經。肺膈膻之間也。志云。胸下二脅。乃手太陰中府。雲門之動脈處。簡案。胸下二字。若以爲中府。雲門。則不穩當焉。

內閉不得洩。止以長鍼。張云。此下四節。皆言厥逆兼證也。內閉不得洩者。病在水藏。故當刺足少陰經之湧泉。築賓。足太陽經之委陽。飛揚。僕參。金門等穴。臍上卽督脈尾骶骨之上。穴名長強。刺以長鍼。第八鍼也。

氣逆止動者之經也。張云。太陰脾經。取隱白。公孫。陽明胃經。取三里。解谿。厥陰肝經。取章門。期門。甚則兼少陰。陽明而取之。動者之經。謂察其所病之經而刺之。以上二節。甲乙載三焦約內閉發不得大小便篇中。

少氣身漻漻也。止補足少陰。馬云。身漻漻然而無所拘束。言吸吸然而無所接續。張云。身漻漻。寒栗也。言吸吸。氣怯也。此皆精虛不能化氣。故當補足少陰腎經。志云。氣不响則體重。

短氣止去血絡也。志云。短氣者。氣上而短。故息短而不能連屬。若有動作。則氣更消索矣。張云。此亦氣虛也。故宜補腎。但察有血絡。則當去之。按此二節。皆屬氣虛。不補手太陰而補足少陰者。陽根於陰。氣化於精也。治必求本。於此可見。用鍼用藥。其道皆然。簡案。以上六節。馬志並爲指癲狂而言。非也。風逆以下三節。張以爲厥逆之兼證。然以甲乙推之。各章異義。亦不必癲狂厥逆也。

熱病篇第一一十二

諸本無篇字。馬云。篇內所言諸病不一。然論熱病更多。故名篇。

偏枯止乃可復也。

志云。經曰。虛邪偏客于身半。其入深。內居榮衛。榮衛稍衰。故

真氣去。邪氣獨留。故爲偏枯。

案出刺節真邪論

是風寒之邪。偏中于形身。則身偏不用

而痛。夫心主言。腎藏志。言不變。志不亂。此病在于分腠之間。而不傷于內也。以巨鍼取之。益其正氣之不足。損其邪氣之有餘。而偏傷之正氣。乃可復也。巨鍼。大鍼也。取大氣不出關節。大氣。虛風也。巨鍼取之。千金作溫臥取汗。

痲之爲病也。止不可治也。

簡案。據巢源。外臺。痛下衍者字。張云。痲亦風寒屬。猶

言廢也。上節言身偏不用而痛。此言身不知痛。而四肢不收。是偏枯痺病之辨也。智亂不甚。其言微有知者。神氣未為全去。猶可治也。神失則無能為矣。聖濟總錄云。字書謂病痺而廢。肉非其肉者。以身體無痛。四肢不收。而無所用也。樓氏綱目云。右內經論中風之淺深也。其偏枯。身偏痛。而言不變。志不亂者。邪在分腠之間。即仲景東垣所謂邪中腑是也。痺病無痛。手足不收。而言瘖。志亂者。邪入于裏。即仲景東垣所謂邪中臟是也。痺廢也。痺即偏枯之邪氣深者。痺與偏枯是二疾。以其半身無氣榮運。故名偏枯。以其手足廢而不收。或名痺。或偏廢。或全廢。皆曰痺也。樓又云。中風世俗之稱也。其症卒然。仆倒口眼喎斜。半身不遂。或舌強不言。唇吻不收。是也。然名各有不同。其卒然者。經稱爲經。稱爲擊。仆世又稱爲左癱右瘓。及腰腿風。乃中倒後之證。邪之淺者如此。此也。其舌強不言。唇吻不收者。經稱爲痺。病世又稱爲風。熱風氣亦中倒後之症。邪之深者如此也。

病先起於陽。止浮而取之。甲乙淨而取之。作必審其氣之淨沉而取之。張云。此治必先其本也。病先起於陽分。故當先刺其表。浮而取之。而後取其陰。此下不言先起於陰者。然病始於陰。直中藏也。多不可治。故不復言之。
介按。吳鞠通曰。實其陰以補其不足。此一句實治溫熱之喫緊大綱。蓋熱病未

有不耗陰者。其耗之未盡則生。盡則陽無留戀。必脫而死也。而葉子雨謂吳註頗明析。治溫暑。保津液。固爲第一義。知瀉其陽之有餘。卽所以補其陰之不足。則進乎道矣。

熱病三日。止以補其不足者。張云。此下所言熱病。卽傷寒時疫也。熱病三日。邪猶居表。若氣口靜而人迎躁者。正病在三陽。而未入陰分。故當取諸陽經。爲五十九刺。以瀉陽邪之實。仍補三陰之不足也。

身熱甚。止有死徵也。張云。身熱甚而陰陽之脈皆靜者。陽證得脈陰也。故不宜刺。若察其可刺者。當急取之。雖不汗出。則邪亦從而泄矣。此言勿刺者。以其脈證相反。有死徵也。下文皆然。

脈口動喘而短。止淺刺手大指間。甲乙。短。作眩。張從一本作弦。馬云。其脈口之脈甚動。證則喘而短氣。當急取手太陰肺經之少商。張云。熱病七八日。邪必深至陰分。故脈口之脈當動。疾如喘而且弦。志云。按素問有喘脈。喘而短者。謂脈之喘動於寸口。而不及於尺。故知其可汗解也。王師曰。喘者喘滑如珠也。簡案。據下文喘且復熱。又喘甚者死。及甲乙喘卽證而非脈也。

脈微小止一日死。張云。脈微小者。正氣虛也。洩血口中乾者。傷其陰也。皆爲死

證。若脈來變亂失常。是爲代脈。其死尤促。

熱病已得汗出。止喘甚者死。甲乙。勿刺膚。作勿庸刺。張云。熱病已得汗。邪當退

矣。若脈尙躁。氣尙喘。身復熱者。是謂不爲汗衰。乃反證也。故勿刺其膚。刺而重

傷其氣。若喘甚者。則必死也。

躁不散數。止勿腠刺之。甲乙。腠刺之。作庸刺。巢源同。馬云。脈雖不躁。然亦不散

且帶數。是邪尙未退。當再過三日之中。宜有汗出而愈。若不汗出。乃正氣衰而

不能爲汗。至於四日當死也。且未曾汗出。勿刺其膚。腠刺之無益也。張云。脈猶

不躁。則陰之類也。卽有躁意。而力不散大。至不數疾。皆正氣衰微。不能鼓動。亦

陰之類也。必且未能解散。故當再俟三日。庶得有汗。若三日不汗。又逾四日。則

病在旬日外矣。陰陽不應期。當死也。志云。熱病七八日。脈不躁者。外已解也。脈

卽躁而不散數。此邪熱雖未去。而正氣不傷。後三日乃再經之。十一日。此復傳

於裏陰。必得陰液之汗而解。故未曾汗者。勿腠刺之。當取汗於陰也。若三日不

汗。乃陽熱盛而陰氣已絕。故至四日而死。簡案。三說未知孰是。志註似允當。

窒鼻充面止五十九。

甲乙九下有刺字。下並同。馬云。肺屬金。其合在皮。今熱病

之始。膚痛鼻塞。而亦充然而浮。乃病在於皮也。當取之皮以瀉之。所謂刺皮無

傷肉之義也。用第一鍼。名鑱鍼者。以刺五十九穴之皮。

苛軫鼻止火者心也。

甲乙。苛軫鼻。作苛鼻乾。註。靈樞作診鼻乾。馬云。軫當作癰。

海篇有此字。身體苛重。鼻上生疹。皆皮病也。此其求之於皮。即所以求之於肺也。如刺之而病不得退。則當求之於火。所謂火者心也。補其心經。以致火王。則金衰。肺熱自可退耳。張云。苛。深也。軫。車上前後兩端橫木也。言鼻塞之甚。內外不通。亦猶軫之橫塞也。簡案。苛軫。謂小疹也。苛。疥也。本小草之謂。故假爲疥之義。禮記。疾痛苛養。素問。苛疾肉苛。義並同。軫。本作疹。見釋名。又作癰。病源多用軫字。乃癰疹之疹也。張註尤誤。

身瀦倚止水者腎也。

甲乙。倚。作煩。挽。作悶。乾。唇口嗌。作唇嗌乾。馬張志。取之皮。

作取之脈是也。馬云。其身瀦滯。倚着而熱。心則煩悶。唇口與嗌皆乾。乃病在於脈也。當取之脈以瀉之。所謂刺脈無傷皮也。用第一鍼。名曰鑱鍼者。以刺五十九穴之脈。正以膚脹。口乾。冷汗出。皆脈病也。此其求之於脈。即所以求之於心。

也。如刺之而病不得退。則當求之於水。所謂水者腎也。補其腎經。致水王則火衰。心熱自可退耳。張云。瀦燥瀦也。倚身無力也。簡案。瀦倚未詳其義。千金有傷寒勅瀦語。巢源作勑。亦不知何謂。

熱病噤乾止木者肝也。甲乙。目眥青。作目眥赤。馬云。熱病而噤乾故多飲。且善驚悸。四肢懈倦。臥不能起。乃病在於肉也。當取之膚肉以瀉之。所謂刺肉無傷筋也。用第六鍼名曰員利鍼者。以刺五十九穴之肉。正以目眥色青。乃木來尅土。主肉病也。此其求之於肉。即所以求之於脾也。如刺之而病不得退。則當求之於木。所謂木者肝也。補其肝木。以致木王則土衰。脾熱自可退耳。志云。此當以第四鍼取膚肉。

面青腦痛止金者肺也。甲乙。面青腦。作而胸脅。第四鍼下更有鍼字。張云。熱病面青。肝色見也。腦痛。厥陰肝經與督脈會於顛也。手足躁者。肝之榮在爪。木病在四末也。皆肝經之病。故當取之筋結之間。用第四鍼曰鋒鍼者。以瀉其四逆等證。四逆者。肝邪盛而四肢厥也。筋蹇者。足不能行也。目浸者。淚出不收也。皆爲肝病。肝屬木。其合在筋。故但求之於筋。即所以求於肝也。若求肝不得其效。

則當求之於金。金者肺也。補肺之氣。則金能勝木。而肝熱可平矣。簡案。手足躁。其義未詳。馬云。以脾主四肢。而肝熱有餘。四肢熱也。志云。肝主筋。諸筋皆起於四肢之指并並經。而循於形身。故手足爲之躁擾。志註稍通。數驚。止水者腎也。志云。心病熱。故數驚。本經曰。心脈急甚爲瘈瘲。心氣實則狂也。當取之脈。以第四鍼急瀉其血絡之有餘者。癰疾。脈癰疾也。髮者。血之餘。若癰疾而毛髮去。當索血於心。不得索之水。水者腎也。取腎水之氣以勝制其心火。

身重。止土者脾也。甲乙。耳青。作耳青赤。志云。腎爲生氣之原。熱傷氣。故身重。腎主骨。故骨痛也。骨開竅於耳。腎氣逆。故耳聾。病在少陰。故欲寐也。當取之骨。以第四鍼爲五十九刺之法。以刺骨。若病而不欲食者。腎氣實也。經曰。腎是動。病飢不欲食。齧齒者。熱盛而咬牙也。齒者骨之餘。耳者腎之竅。若齧齒耳青。當索骨於腎。不得索之土。土者脾也。取脾土之氣。以勝制其水焉。夫五藏者。形藏也。五行者。五藏之氣也。病氣出於外。合之皮肉筋骨。故先治其外。不得。故復內索於五藏五行之氣焉。簡案。刺字下句。

熱病不知所痛止死不可治。甲乙。痛作病。張云。凡熱病有痛而不得其所。耳聾寂無所聞。體重不能收持。口液乾涸。值陽勝之時則熱甚。陰勝之時頗有寒者。此以邪居陰分。熱深在髓。乃死證之簡案。陰陽馬以爲陰經陽經。志以爲內外。並非。

顙目痺脈痛止寒熱痔。甲乙無痺字。痛作緊痔。下註云。一作痛。脈經作病。張

云。顙顙卽足少陽腦空穴。一曰鬢骨也。案現廣韻又集韻耳前顙也目痺脈痛。目脈抽掣而

痛也。衄鼻血也。厥熱病熱逆於上也。取以第三鍼錐鍼也。視有餘不足。察所病

之經脈虛實而爲補瀉也。寒熱痔三字。於上下文義不相續。似爲衍文。

熱病體重止得氣也。甲乙。脗作絡。馬云。脗音各。釋文云。腋。下也。胃之經脈。與腋

下無着。疑當作絡。張云。脾主肌肉四肢。邪在脾故體重。大腸小腸皆屬於胃。邪

在胃則腸中熱。故當用第四鍼。曰鋒鍼者。取脾胃二經之脗。曰太白。曰陷谷也。

及下諸指間者。謂在足諸脗也。下文曰五指間各一。凡八疔。足亦如是者。其義

卽此。索氣於胃脗得氣者。陽明之絡曰豐隆。別走太陰。故取此可以得脾氣。脗

當作絡。

熱病挾臍急。止鍼嗇裏。張云。挾臍急痛。足少陰腎經取行也。胸脅滿。足太陰脾經取行也。故在少陰則取湧泉。在太陰則取陰陵泉。用第四鍼曰鋒鍼者刺之。鍼嗇裏者。以少陰太陰之脈。俱上絡咽嗇。卽下文所謂廉泉也。

熱病而汗且出。止以止之。張云。熱病陽氣外達。脈躁盛者。汗且出也。陽證得陽脈者。脈之順也。皆爲可汗。當取手太陰之魚際。太淵。足太陰之大都。太白。瀉之。則熱可去。補之則汗可出也。若汗出太甚。則當取內踝上橫脈。卽脾經之三陰交也。瀉之則汗自止矣。上三節所言胃絡。湧泉。陰陵泉。魚際。太淵。大都。內踝。上橫脈。凡十四穴。皆不在下文五十九穴之數內者。故特表見於此也。

熱病已得汗。止脈靜者生。張云。熱病已得汗。則邪當退。脈當靜矣。如汗後脈尙躁盛者。孤陽不斂也。此以陰脈之虛極。有陽無陰耳。乃爲逆證。若汗後卽脈靜者。邪去正復也。乃爲順證。得逆者死。得順者生。

熱病者脈尙盛躁。止靜者生。甲乙。外臺引九卷。尙作常。靜上有而脈二字。張云。熱病脈尙躁盛者。必當邪解汗出也。若脈雖盛而汗不得出。以陽脈之亢極。而陰虛不能外達也。故死。若得汗而靜。則爲順證。故生。按此二節。一曰陰極。一曰

陽極。義若有二。然脈之躁盛者。皆陽勝之候也。汗者液之所化。其發在陽。其原在陰也。若既得汗而脈猶躁盛者。以陽無所歸。由陰虛也。脈躁盛而汗不得出者。以陰竭於中。亦陰虛也。故脈之盛與不盛。當責其陽。汗之出與不出。當責之陰。觀本神篇曰。陰虛則無氣。無氣則死矣。其所重者。正此陰字。陰爲生氣之本。無根則氣脫。故必死也。簡案。張註雖如此。然以理推之。前節陰脈之極。謂亡陽。陰寒之極。反見躁盛之脈。本節陽脈之極。謂亡陰。陽熱之極。尙見盛躁之脈。蓋二證有冰炭之別矣。

熱病不可刺者有九。甲乙及外臺引九卷。作熱病死候有九。外臺註太素云。不可刺者九。

一曰。止噦者死。甲乙註太素云。汗不出。大顴發赤者。必不反而死。外臺引九卷作汗不出。大瀦發者死。註太素云。汗不出。大瀦發赤。噦者死。張云。汗不得出。陰無力也。大瀦發赤。謂之戴陽。面戴陽者。陰不足也。噦者。邪犯陽明。胃虛甚也。本原虧極。難乎免矣。

二曰。外臺註甚。一作黃。張云。以邪傷太陰。脾氣敗也。故死。

三曰。張云。五藏六府之精氣。皆上注於目而爲之精。目不明者。藏府之精氣竭也。熱不已者。表裏之陰氣竭也。故死。

四曰。張云。邪傷脾藏也。老人嬰兒。尤以脾氣爲本。故犯之者死。志云。夫老人者。外內之血氣已衰。嬰兒者。表裏之陰陽未足。腹滿者。熱逆於中。不得從外內散也。

五曰。張云。汗不出者。陰之虧也。再或嘔而下血。陰傷尤甚。

六曰。張云。心、肝、脾、腎之脈。皆繫於舌本。舌本爛。加之熱不已者。三陰俱損也。故不免於死。

七曰。張云。邪在肺經。動陰血也。汗不出或出。不至足。尤爲真陰潰竭。故死。

八曰。張云。髓者至陰之精。骨之充也。邪入最深。乃爲髓熱。腎氣敗竭。故死。簡案、熱在髓。見前。

九曰。止齒噤齬也。甲乙腰下有反字。外臺同。張云。瘛。風強病也。凡脊背反張曰腰折。肢體抽掣曰瘛。牙關不開曰噤。切齒曰齬。卽皆瘛之謂也。此以熱極生風。大傷陰血而然。旣熱且瘛。乃爲死證。瘛音敬。瘛。翅寄係三音。瘛音縱。

凡此九者不可刺也。張云刺之無益。必反招嫌。

介按。吳鞠通曰。此節歷敘熱病之死徵。以禁人之刺。爲刺則必死也。然刺固不可。亦有可藥而愈者。蓋刺法能泄能通。開熱邪之閉結最速。至於益陰以存津。實刺法之所短。而湯藥之所長也。

兩手外內側各三。張云。兩手外內側。卽太陽之少澤。少陽之關衝。陽明之商陽也。三陰俱在內側。卽太陰之少商。厥陰之中衝。少陰之少衝也。左右共十二穴。疔刺瘡也。有刺必有癰。故卽以疔爲數。

五指間止。足亦如是。張云。五指間者。總言手五指也。各一者。本節之後。各一穴也。觀上文第十五節云。取之於其膈及下諸指間。正謂此也。蓋諸經膈穴。皆在指之本節後。如手經則太陽之後谿。少陽之中渚。陽明之三間。獨少陰之在本節後者。則少府之榮也。手之六經。惟太陰厥陰則本節後俱無穴。故左右四經。凡八疔也。其在足經之膈。則太陽曰束骨。少陽曰臨泣。陽明曰陷谷。太陰曰太白。皆在本節之後。其少陰之脈。不行於指。厥陰之脈。則本節後亦無穴。左右四經止共八穴。故曰足亦如是。

頭入髮止凡六疳。甲乙髮下有際字。註靈樞無分字。馬云。此分字作去聲。猶言三處也。若平聲則三分旁無穴。張云。頭入髮一寸。即督脈上星之次。其傍穴分而爲三。則足太陽之五處、承光、通天也。左右各三。故凡六疳。更入髮止凡十疳。張云。更入髮者。自上星之次向後也。三寸邊五者。去中行三寸許。兩邊各五也。即足少陽之臨泣、目窗、正營、承靈、腦空。左右二行。凡十疳。耳前後止凡六疳。甲乙口下註靈樞作已下。張云。耳前者。聽會也。耳後者。完骨也。俱足少陽經穴各二。口下者。任脈之承漿也。一穴。項中者。督脈之痙門也。一穴。共凡六疳。

顛上一。張云。百會也。督脈穴。

髮際一。張云。前髮際神庭也。後髮際風府也。俱督脈穴。凡二疳。按本篇所載者。熱病五十九俞也。水熱穴論所載者。亦熱病五十九俞也。考二篇之異同。則惟百會、顛會五處、承光、通天、臨泣、目窗、正營、承靈、腦空等十八穴相合。其餘皆異。然觀本篇所言者。多在四肢。蓋以瀉熱之本也。水熱穴論所言者。多隨邪之所。在。蓋以瀉熱之標也。義自不同。各有取用。且本經靈樞在前。素問在後。後者所

以補前之略耳。故皆謂之熱病五十九俞。非謬異也。今總計二篇之數。再加以上文所言胃絡、湧泉等穴。原不在五十九數之內者。凡十四穴。仍除去重複十八穴。則總得一百一十四穴。皆熱俞也。均不可廢。凡刺熱者。當總求二篇之義。各隨其宜而取用之。庶乎盡刺熱之善矣。簡案甲乙載本經及水熱穴論五十九俞云。按二經雖不同。皆瀉熱之要穴也。乃與張之意符矣。馬云。彼之五十九穴。所以刺水病。而此則刺熱病。病有不同。故穴因以異。成無已註傷寒論。乃兩入之。蓋不考諸穴所在耳。考水熱穴論。水俞五十七穴。熱俞五十九穴。極為分明。不知馬何因而有此說。成氏非失考也。

氣滿胸中。止氣下乃正。非道藏本。元本、趙藏本、張本作薤。溜諸本作留。當改。馬云。此已下七節。另言雜證。與上熱病無涉。而此一節。則言氣證者之有刺法也。凡氣滿於胸中。而其息喘促者。為呼吸則病在上者取之下。當刺足太陰脾經之隱白穴。候其氣下不喘。乃止鍼也。張云。內寒者氣至遲。故宜久留其鍼。內熱者氣至速。故宜疾去其鍼。志註本輸篇云。上古如韭葉。今時如大米許。心疝止去其血絡。張云。心疝者。如脈要精微論曰。診得心脈而急。病名心疝。少

腹當有形也。取足太陰厥陰。盡刺去其血絡者。以二經皆聚於少腹。去其絡血。即所以散其邪也。

喉痺舌卷。止如韭菜。

甲乙作臂表痛。注。靈樞及太素作臂內廉痛。馬云。陰陽別

論曰。一陰一陽結。謂之喉痺。則喉痺明係手厥陰心包絡。手少陽三焦經也。其病舌卷而短。口中作乾。心煩且痛。臂之內廉亦痛。不能舉之。以上及於頭。當取手小指之次指。即第四指也。係手少陽三焦經。其穴在次指之端。名關衝。去爪甲如韭葉者是也。

目中赤痛。止取之陰蹻。

張云。陰蹻之脈。屬於目內眥。足少陰之照海。即陰蹻之

所生也。故當刺之。

風瘰。止取三里。

張云。瘰。強直也。身反折。反張向後也。此風證之在膀胱經者。故

當取足太陽經穴。膈中委中穴也。血絡浮淺之絡也。皆當刺出其血。若中氣有寒。仍當取足陽明之三里。溫補胃氣。而風寒可除也。

癰取之陰蹻。止出血。甲乙。癰。作瘰。馬云。膀胱不利為癰。謂小便不通也。膀胱與腎為表裏。當取腎經之照海穴以刺之。乃陰蹻脈氣所發也。及肝經之大敦穴。

在足大指外側之三毛上。及二經之有血絡者。皆取之出血。李東垣曰。腎主閉藏。肝主疎洩。則取之兩經也宜矣。張云。腎與膀胱爲表裏。肝經行於少腹。故當取此二經。

男子如蠱止。盡見血也。怛。甲乙作阻。馬云。怛。秦呂切。又子銜功。玉篇云。驕也。但義不甚通。疑當作疽。男子有脹病。如犯蠱毒相似。女子有鬱病。如成疽疾相似。其身體腰脊俱如解分。不相連屬。又不欲飲食。此病在上者當取之下。宜先取腎經湧泉穴以見血。又視足而之爲跗上者。其血絡盛處。盡取之以見血。蓋指足陽明胃經也。張云。怛當作胎。如蠱與馬如胎。無是病而形相似也。志云。怛當作阻。女子如阻者。如月經之阻隔也。男子無月事之留阻。故曰如蠱。簡案。玉機真藏論云。脾傳之腎。病名曰疝瘕。少腹冤熱而痛。出白。一名曰蠱。蓋男子如蠱。謂如疝瘕而非疝瘕也。怛作阻爲是。阻卽妊娠阻病。謂其證如惡阻而非惡阻也。此乃腎胃二經之病。故刺湧泉及跗上以見血耳。

靈樞識

日本 丹波元簡廉夫著
鄞縣 曹炳章赤電校

卷四

厥病篇第二十四

諸本無篇字。馬云。篇內所論。不止厥病。然首節有厥頭痛、厥心痛等病。故名篇。然此厥之爲義。乃氣逆而以此連彼之謂。實與素問之厥論不同。

厥頭痛止太陰。張云。厥逆也。邪逆於經。上千頭腦而爲痛者。曰厥頭痛也。下倣此。足陽明之脈。上行於面。其悍氣上衝頭者。循眼系入絡腦。足太陰支者注心中。故以頭痛而兼面腫煩心者。當取足之陽明太陰也。

頭脈痛止調足厥陰。張云。頭脈痛者。痛在皮肉血脈之間也。心悲善泣者。氣逆在肝也。故當先視頭脈之動而盛者。刺去其血。以泄其邪。然後取足厥陰肝經。

而調補之。以肝脈會於顛也。

貞貞頭重而痛止取足少陰。甲乙貞貞作員員。張云貞貞堅固貌。其痛不移也。頭上五行行五即前篇五十九俞之穴。所以散諸陽之熱逆也。先取手少陰心經。瀉南方以去火也。後取足少陰腎經。補北方以壯水也。簡案刺熱篇頭痛員員知貞貞字訛。甲乙爲是。志注員員周轉也。

介按員員頭重而痛即頭痛而眩暈也。蓋以腦爲髓海。其髓由腎系貫脊。通於脊髓。腎精足則入脊化髓。上循入腦。而爲腦髓。茲以腎精不足。未能化髓。上循於腦。而爲眩暈。故宜取足少陰即虛則補之之義。

意善忘止取足太陰。甲乙意作噫。註九墟作意。太陰作太陽。張云脾藏意。意傷則善忘。陽邪在頭而無定所。則按之不得。故當先取頭面左右動脈。以泄其邪。後取足太陰經。以補脾氣也。莫雲從云頭面左右之動脈。足陽明之脈也。

脈湧有熱止後取足少陽。甲乙脈湧有熱作脈骨先熱。張云耳之前後足少陽經也。其脈湧而熱者。當瀉出熱血。仍取本經之穴。

真頭痛止死不治。張云頭痛有二。上文言厥頭痛者可治。此言真頭痛者不可。

治。蓋頭爲諸陽之會。四肢爲諸陽之本。若頭痛甚。而偏盡於腦。手足寒至節者。以元陽敗竭。陰邪直中髓海。故最爲凶兆。六十難云。手三陽之脈受風寒。伏留而不去者。則名厥頭痛。入連在腦者。名真頭痛。

若肉傷痛未已。可則刺。甲乙。肉作內。則作卽。刺下有之字。馬云。可取鍼以側刺其頭痛之處。志云。有所擊墮。惡血在于內。若肉傷痛未已。則可在此痛處而刺之。不可遠取之。俞也。簡案。則馬讀爲側。然甲乙作卽。則志註爲是。

人痺爲惡。日作者。甲乙。日上有風字。張云。痺之甚者。謂之大痺。其證則風寒濕三氣雜至。合成惡患。令人頭痛不可刺也。若日作者。則猶有間止。故刺之可令少愈。終亦不能全已也。簡案。此謂大痺爲患。每逢風日必作者。今世多頭風。如是者可令少愈。而不可令全愈。經文必脫風字。

頭半寒痛止陽明。甲乙。無半字。張云。頭半寒痛者。偏頭冷痛也。手足少陽陽明之脈。皆循耳上。行頭角。故當先取手經以取其標。後取足經以去其本也。

厥心痛止取然谷。甲乙。發鍼下有立已二字。六十難云。五藏氣相干。名厥心痛。楊註。諸經絡皆屬於心。若一經有病。其脈逆行。逆則乘心。乘心則心痛。故曰厥

心痛。是五藏氣衝逆致痛。非心家自痛也。張云。控、引也。善瘳、拘急如風也。偃僂、背曲不伸也。足少陰之經。由股內後廉。貫脊屬腎。其直者從腎上貫肝膈。入肺中。凡疼痛如從脊後。觸其心而偃僂者。以腎邪干心。是爲腎心痛也。腎與膀胱爲表裏。故當先取足太陽之京骨、崑崙。如痛不已。仍當取腎經之然谷。介按。從湧泉上行。足內踝前。起大骨下陷之中。卽然谷穴也。凡取此穴。主治實熱之症。然則厥心痛者。係是熱厥。而非寒厥可知矣。宜鍼三分。留三呼。灸三壯。而不宜見血。

腹脹胸滿止大白。甲乙。腹上有暴泄二字。張云。足陽明之經。由缺盆下膈。屬胃絡脾。其支者下循腹裏。凡腹脹胸滿而爲痛者。以胃邪干心。是爲胃心痛也。胃與脾爲表裏。故當取足太陰之大都、太白二穴。簡案。外臺引小品云。厥心痛。腹脹滿。不欲食。食則不消。心痛尤甚者。胃心痛也。出甲乙經與本節及甲乙文。少異。

脾心痛也止大谿。甲乙。然谷作後谷。張云。脾之支脈。注於心中。若脾不能運。而逆氣攻心。其痛必甚。有如錐刺者。是爲脾心痛也。但然谷、大谿。皆足少陰之穴。

取此治脾。其義何居。蓋濕因寒滯。則相挾乘心。須泄腎邪。當刺此也。志云。然谷當作漏谷。大谿當作天谿。蓋上古之文。不無魯魚之誤。樓氏云。脾心痛而取然谷。大谿者。故孫真人。張潔古。謂之忘經也。簡案。志攷作漏谷。天谿似是。如死狀。止太衝。千金。外臺。作如死灰狀。張云。蒼蒼。肝色也。如死狀。肝氣逆也。終日不得太息。肝系急。氣道約而不利也。是皆肝邪上逆。所謂肝心痛也。行間太衝。皆足厥陰經穴。故當取以治之。

臥若徒居。止大淵。甲乙。閒上有乃字。樓氏云。徒居謂閒居。閒謂痛緩。心痛臥與閒居。則痛緩。動作則益甚者。取肺。其兼短氣者。亦取肺。經云。心痛但短氣。不足以息。刺手太陰者是也。

真心痛。手足青。脈經。千金。外臺。青。作清。熊本同。趙府本。張本作清。張云。真心痛者。邪氣直犯心主也。毒深陰甚。故手足之清至節。其死之速如此。清音倩。寒冷也。

中有盛聚。不可取於臑。千金。盛。作成。張云。中有盛聚。謂有形之癥。或積或血。停聚於中。病在藏而不在經。故不可取於臑穴。當從內以調治之也。志云。盛聚者。

五藏之逆氣太盛。聚於中而爲心痛。非循脈之上乘也。

蟲瘕及蛟蛭止乃出鍼也。

甲乙作腸中有蟲瘕有蛟蛭。

心腸作心腹。懷作痛。作

發作二字。涎作羨。蛟蛭也。

作蛭蛟也。脈經千金作心腹痛懷懷。

發作腫聚。是蛟

蛭也。作蛭蛟也。

外臺引甲乙左無懷懷字。

張云此言蟲瘕在腸胃中亦爲心腹

痛也。瘕結聚也。蛟即蛭屬蛭蛭也。不可取以小鍼。謂其力小不能制也。蟲瘕之

證其痛則懷懷難忍。

或肚腹腫起而結聚於內。

或往來上下而行無定處。

或蟲

動則痛。靜則不痛。

而有時休止。

或腹熱喜渴而口涎出者。

是皆蛟蛭之爲患也。

簡案蛭蛭同音。

說文腹中長蟲也。

口問篇云胃中有熱則蟲動。

蟲動則胃

緩胃緩則廉泉開。

故涎下。巢源云蛭蟲者是九蟲內之一蟲也。

長一尺亦有長

五六寸。蛟張註未見所據。當是蛟誤。說文蛟龍之屬。則非蛭屬。

悲腹懷痛。形中上者。

甲乙無此八字。

張云悲滿也。此重言證之如此。

其形自中

自上而漸升者。

即當以蟲治之也。

悲併同音烹。簡案悲字典併重文。悲玉篇普

行切。滿也。龍龕手鑑心悶也。形中上者一句疑有脫誤。義不明晰。

耳中。

馬云聽宮穴係手太陽小腸經。

耳前動脈。馬云。耳門穴係手少陽三焦經。

乾聃聃。甲乙作乾聃抵。史云上都領切。耳中垢也。下乃頂切。巢源云。耳聃聃者。

耳裏津液結聚所成。人耳皆有之。輕者不能爲患。若加以風熱乘之。則結聃成

丸核塞耳。亦令耳暴聾。張云。或痛或無聞者。皆不可刺之。膿垢去而耳自愈矣。

耳聾止後取足。馬云。當取手小指之次指爪甲上與肉交者。即手少陽三焦經

關衝穴也。先取之後。又取足少陽膽經之竅陰。耳鳴止後取足。馬云。當取手之中指爪甲上。即手厥陰心包絡經中衝穴後。取

足厥陰肝經大敦穴。

足髀止不可刺。甲乙合。作闔。張云。髀。足股也。側側臥也。樞合。中髀樞中也。即足

少陽經之環跳穴。宜治以員利鍼。第六鍼也。忌用大鍼。

病注下血。馬云。此言下血者。有當刺之穴也。凡病注下血者。以肝不能納血也。

當取肝經之曲泉以刺之。

風痺淫癢止死也。甲乙淫癢。作注一字。恐作怒。履水。諸本作履冰。當改。馬云。已。

以同。風痺者其邪氣淫洩消癢。病難得愈。張云。病在陽命曰風。病作陰命曰痺。

陰陽俱病。命曰風痺。淫樂者。浸淫日深之謂。足如履冰之寒。又如入湯之熱。下而股脛中而腹心。上而頭目。無所不病。在表則汗出。在裏則短氣不樂。或爲悲哀。或爲喜恐。此陰陽俱病之候。雖尙可支持。然不能出三年也。簡案。素骨空論。淫樂脛痠。不能久立。王注。淫樂謂似酸疼而無力也。攷之原文。張註似是。詳素問識

病本篇第二十五

馬云。此與素問標本病傳論相同。然凡病必先治其本。若中滿與大小不利。則不分標本。而必先治之。本經以本篇論標本。後論病傳。分爲二篇。素問合標本病傳論。共爲一篇。詳義見於素問識當攷

先病而後逆者。治其本。馬云。先病曰本。後病曰標。故凡先生初病。而後病勢逆者。必先治其初病之爲本。若先病勢逆。而後生他病者。則必以病勢逆之爲本。而先治之也。

必且調之。素問必上有先熱而後生中滿者。治其標一句。

先病而後中滿者。素問。病作熱。志云。中滿者。腹中脹滿。脾胃之所生也。先病而後中滿者。因病而致中滿也。則當先治中滿之標病。而後治其本病。有客氣。有同氣。馬云。正以人之病氣有二。病本不相同。而乃彼此相傳者。謂之客氣也。有二病之氣。本相同類。而乃彼此相傳者。謂之同氣也。簡案。素新校正云。全元起本。同作司。近是。

間者止爲獨行。志云。間者邪正實虛之相間。故當并行其治。甚者又當獨行其治。先小便大便不利。諸本小下無便字。素問作先小大不利。

雜病篇第二十六

沉沉然。馬云。頭則昏沉而不能舉。眊眊然。馬云。眊音荒。目不明。

脣皸皸然。甲乙。作者肩中熱。馬云。其脣則皸皸然。而有涎出。唾下之意。張云。腫起貌。病而在面。在胸。及不能言者。以胃脈行於頰頰。挾口環脣。循喉嚨。下胸膈。

也。

厥氣走喉止大便不利。志云。此邪病足少陰之氣。而爲厥逆也。足少陰腎脈。循喉嚨挾舌本。厥氣上逆於喉。故不能言。腎爲生氣之原。氣逆故手足清。腎開竅於二陰。故大便不利。

嚮嚮然止穀穀。甲乙。嚮嚮作膨膨。穀穀作嬰嬰。九墟作穀。馬云。腹中嚮嚮然。而氣喜走布且多有寒氣。又穀穀然而有聲。張云。腹嚮嚮然。寒氣滯於脾也。又穀穀然。水穀不分之聲也。便溲難。脾脈聚於陰器也。簡案。穀字典。穀同。水名。無他義。唯龍龕手鑑云。胡谷切。水聲。志作穀。非。

噤乾止取足少陰。馬云。噤咽乾燥。口中甚熱。其津液如膠之稠。當取足少陰腎經之穴以補之。水王則火衰也。

犢鼻。甲乙云。在膝下脰上俠解大筋中。足陽明脈氣所發。簡案。骨空論。犢鼻空在輔骨之上端。王註云。謂犢鼻穴也。

發而間之。馬云。必發其鍼而又間刺之。非止一次而已也。
鼈。志云。音厘。牛尾也。說文。

刺膝無疑。馬云。刺膝用之無疑也。

喉痺止取手陽明。張云。手足陽明之脈。皆循喉嚨。能言者輕。但取之上。不能言者重。當瀉其下也。

瘧不渴止取手陽明。甲乙云。瘧不渴。間日而作。九卷曰。取足陽明。素問。刺太陰渴而間日作。九卷曰。取手少陽。素問。刺足少陽。志云。瘧氣隨經絡。沉以內薄。間日而作者。其氣舍深。內薄於陰而不得出。足陽明之脈。屬胃絡脾。應地氣之在下。其道遠。故間日而作。地爲陰。故不渴。手陽明之脈。屬大腸絡肺。應天氣之在上。其道近。故曰作天爲陽。故渴也。

齒痛止取手陽明。甲乙。齒下有動字。張云。手足陽明之脈。皆入齒中。然胃經多實熱。故不畏寒飲者。當瀉足陽明。大腸經多虛寒。故畏寒飲者。當補手陽明也。此與上文寒熱臂陽明節。義有所關。當互求之。志云。足陽明主悍熱之氣。故不惡寒飲。手陽明主清秋之氣。故惡寒飲。聾而不痛止取手陽明。張云。足少陽之脈。下耳後支耳中出耳前。手陽明之別者入耳。故當分痛與不痛而補瀉之。志云。陽明當作少陽。

衄而不止止出血。甲乙下衄血上。有大衄二字。似是馬云。宛、腕同。鼻中出血曰衄。血至敗惡凝聚。其色赤黑者曰衄。衄血成流。則血去多而不止於衄血也。當取足太陽膀胱經以刺之。其膈中出血。仍是膀胱經之委中穴也。若止曰衄血。則不成流而去之似少也。當取手太陽小腸經穴以刺之。其腕骨下。即手少陰心經之通里穴。正以心與小腸爲表裏也。

腰痛止取足少陽。刺腰痛論。上寒上熱上并無痛字。張云。上寒上熱皆以上體言也。寒刺陽經。去陽分之陰邪。熱刺厥陰。去陰中之風熱也。少陽脈行身之兩側。故俛仰不利者當刺之。

中熱而喘止血絡。張云。熱在中上二焦也。取足少陰者。壯水以制火也。膈中血絡。即足太陽委中穴。取之可以瀉火。簡案。刺腰痛論。中熱而喘。刺足少陰。王註云。湧泉大鍾。悉主之。

喜怒止刺足少陽。甲乙。小作少。足少陽作足少陰。註云。太素作少陽。志云。暴怒傷肝。食氣入胃。散精於心。肝。食飲下節。肝心氣逆。故不欲食也。肝心氣逆。則中氣不舒。故言益小也。當取足太陰以疎脾氣。則食氣得以轉輸。而音聲益彰矣。

肝主語而在志爲怒。怒而多言。厥陰之逆氣太甚。故當取足之少陽。以疎厥陰之氣。

顙痛止出血。甲乙顙作領。下同。馬云。顙。領同。手陽明當是商陽穴。顙之盛脈。是胃經頰車穴。簡案。張以顙爲鬢前兩太陽。未知何據。

項痛止刺手太陽也。馬云。俛仰屬背與腰。故曰足太陽。而顙則屬肩與項。故曰手太陽也。

小腹滿大止取足厥陰。甲乙胃作胃。淅淅作索索然。張云。淅淅寒肅貌。肝經之脈抵小腹挾胃。其支者從肝別貫膈。故爲病如此。當取足厥陰經以刺之。

腹滿止取足少陰。甲乙無亦字。及喘息二字。少陰作少陽。張云。腎開竅於二陰。其經脈從腎上貫肝膈。入肺中循喉嚨。故其爲病如此。當取足少陰經以刺之。

喝喝喘急貌。腹滿止取足太陰。張云。脾失其職。則食不能化。腹滿而鳴。氣滯於中。大便不調。當取足太陰經以刺之。

心痛止取足少陰。張云。此腎邪上逆也。

心痛止足太陰。甲乙、嗇嗇作瀼瀼。志云。嗇嗇、畏寒貌。太陰爲陰中之至陰。陰寒故腹脹而嗇嗇然。大便不化者。土氣不化也。此足太陰之氣厥而爲心痛。故當取本經以疎逆氣。

心痛止取手少陽。張云。足少陰之脈貫脊。故痛引於背。手少陽之脈布臚中。故不得息。宜刺此二經也。

心痛止刺足厥陰。張云。足厥陰之脈抵小腹。結於陰器。凡心痛而下引小腹者。當刺之也。

心痛止刺手太陰。志云。肺主氣而司呼吸。心系上連於肺。心痛但短氣不足以息者。但逆在肺而爲心痛也。當刺手太陰以通肺氣之逆。沈亮辰云。足太陰、少陰、厥陰而爲心痛者。藏氣上逆而爲痛也。肺乃心之蓋。故但短氣不足以息。此病在本藏而應于心也。四藏皆然。故無真心痛之死證。

心痛止得之立已。趙府本、張本。次之作刺之。吳本。按已刺。作按已次。甲乙無此條。馬云。其痛當背。第九節以刺之。乃督脈經筋縮穴之處也。宜先按之。按已而刺。刺後按之。其痛當立已。如不已則上而入椎。無下而十椎。無又復求之。其痛

必立已矣。張云。上而手經。下而足經。求得其故而刺之。則立已矣。
顙痛止立已。甲乙。顙作頤。按人迎於經。作按經刺人迎。馬云。頤痛者。當取足陽
明胃經頰車穴以刺之。此穴在耳下曲頰端。動脈環繞一周。故曰曲周也。張云。
以其周繞曲頰。故曰曲周。見血立已。如不已。當按人迎於本經而淺刺之。可立
已也。

氣逆上止下胸動脈。甲乙。下胸作脅下。馬云。上刺膺中陷者中。即足陽明胃經
膺窗穴也。及下胸前之動脈。當是任脈經之臆中穴也。蓋在中謂之胸。胸之旁
爲膺耳。張云。膺中陷者。足陽明之屋翳也。下胸動脈。手太陰之中府也。蓋在中
曰胸。胸之旁即謂之下耳。簡案。臆中無動脈。中府不在下胸。可疑。

腹痛止立已。馬云。當刺足陽明胃經之天樞穴。如不已。又刺本經之氣衝也。張
云。臍之左右動脈。如足少陰之育俞。足陽明之天樞。皆主腹痛。簡案。二穴未有
言有動脈者。可疑。

痿厥止病已止。甲乙。挽作悶。馬云。凡痿病厥病。而手足四肢攣束縛亂。當刺四
肢之穴以速解之。張同。朱永年云。挽悶也。爲四末束挽者。束縛其手足。使滿悶。

而疾解之。導其氣之通達也。夫按之束之。皆導引之法。猶尺蠖之欲信而先屈也。身半以上爲陽。身半以下爲陰。晝已前爲陽。晝已後爲陰。日二者。使上下陰陽之氣。表章而交通也。不仁者。榮血不行也。卜日者。陰數之周也。簡案。朱註爲是。簡往往親觀痿疾。以布束縛四肢。經久復故者。尺蠖之喻。殆妙。

噦以草止亦可已。噦。諸本作歲。馬不知其誤。文云。疑作藏。唯張志作噦。張云。噦。

呃逆也。治之之法。用艸刺鼻則嚏。嚏則氣達而噦可已。此一法也。或閉口鼻之氣。使之無息。乃迎其氣而引散之。勿令上逆。乃可立已。此二法也。又或以他事驚之。則亦可已。此治噦之三法也。志云。歲作噦。噦。呃逆也。言其發聲如車鑾之聲。而有輪序。故名曰噦。案詩小雅。鑾聲。噦。毛傳。噦。徐行有節也。簡案。噦。亦

志註蓋本於此。然似牽強說文。噦。氣悟也。作碗。十六難。掌中熱而碗。肘後方。治卒碗不止。以物刺鼻中各一分。末少許皂莢內鼻中。令嚏差。又但閉氣仰引之是也。樓氏云。詳此經文三法。正乃治吃逆之法。按。吃逆用紙撚刺鼻便嚏。嚏則吃逆立止。或閉口鼻氣。使之無息亦立已。或作寃盜賊。大驚駭之亦已。此予所以取成許二家之論。噦爲吃逆。爲得經旨也。又云。有病傷寒將愈。忽患吃逆。予與古人治吃逆之藥殆遍。皆不愈。計出無

藥。遂用皂角末吹入鼻中。得嚏而吃逆止。少時又吃。又與皂角末。嚏而止者。凡數百次。其嚏時出痰涕漸多。自是吃逆漸疎。至二三日而止。此是合經刺鼻嚏之法。故書之。

介按。噦者。呃忒也。因其呃呃連聲。故今人以呃逆名之。朱丹溪謂氣由臍下直升而上。出於口而作聲也。徐春甫謂其氣由丹田而逆上。出於咽喉。如有繫逆而然也。

周痺篇第二十七

馬云。痺病之痛。隨脈以上下。則周身而爲痺。故名。此篇當與素問痺論參看。此痛在血脈之中邪。張云。邪耶同。

痿痛之時。不及定治。甲乙。痿作蓄。張云。痿痛動而痛也。間不及下鍼。卽不及定治之謂。言移易之速也。簡案。馬融。廣成。頌疏。越蘊痿註。痿。畜通。蘊痿。猶積聚也。蓋痿痛謂聚痛也。言其間時痛差。不及下鍼。方其聚痛之時。痛劇甚。不及定治。倏忽而痛止也。

此衆痺也。非周痺也。

馬云。衆痺者病在一處。則痛亦在一處。隨發隨止。隨止隨

起。特以左右之脈相同。故左可應右。右可應左耳。非能周身而痛也。周痺者在於血脈之中。隨脈以上。或隨脈以下。非比衆痺之在於左右。各當一處者之有定所也。張云。各在其處。謂隨聚而發也。不能周徧上下。但或左或右。更發更休。患無定所。故曰衆痺。能上能下。但隨血脈而周徧於身。故曰周痺。非若衆痺之左右移易也。志云。痺者風寒濕邪。雜合於皮膚分肉之間。邪在於皮膚。血流溢於大絡者。爲衆痺。在於分肉而厥逆於經脈者。爲周痺。帝以上下左右。血脈分肉。概而問之。然雖總屬於陰陽血氣。而有皮膚肌肉之淺深。經脈絡脈之繆處。故伯有周痺衆痺之分焉。簡案。樓氏綱目云。行痺卽走注疼痛。而其方載歷節諸方。以本節文列於其後。知樓氏以衆痺周痺。爲歷節風也。

以過之。甲乙過作通。註一作遏。下同。張云。過者去之之謂。志云。過者使邪氣過在分肉皮膚以外出。

以脫之。張云。脫者拔絕之謂。先刺以過之。去其標也。後刺以脫之。拔其本也。黃帝曰。善。此痛安生。止。命曰周痺。樓氏移此一節於上文更發休也。下云。周痺

當作衆痺。夫周痺邪在分肉血脈。今云邪獨居分肉之間。而命曰周痺者。是衆痺之誤爲周痺也明矣。神歸之則熱。熱則痛解者。所謂更止更居也。痛解則厥。厥則它痺發者。所謂更發更起也。自黃帝曰善此痛安生。至此一百十四字。元誤在後刺其下以脫之上。今移於此。且刪帝曰善余已得其意矣九字。張云九字乃下文之誤。複於此者。今刪去之。邪氣客於肌表。漸入分肉之間。則迫切津液而爲汁沫。沫得寒則聚而不散。故排裂肉埋爲痛。痛則心注其處。故神歸之。神歸卽氣歸也。氣歸則熱。熱則寒散而痛暫解。然其逆氣仍在。故痛雖解而厥未除。則別有所聚。故或自上而下。或自下而上。他痺發矣。真氣不能周。卽氣閉不行也。故曰痺者閉也。志云。帝曰善。余已得其意矣。此句宜衍。當以下文接上節。簡案。馬得其意矣。下註云。岐伯曰非也。周痺諸方。見于聖濟總錄二十卷中。當參考。

其下之六經。甲乙作上下之大經。

其痠堅。轉引而行之。甲乙作其痠緊者。轉引而行之。馬云。其行痠且堅者。乃轉引而行之。張云。其痠堅轉者。痠急轉筋之謂。當鍼引其氣而行之也。簡案。志註

同。馬乃與甲乙符矣。今從之。

九者。經巽之理。馬云。九鍼爲用最大。故嘆九者乃至恆至順之理。凡十二經之病。不可不用者也。張云。意者病之情也。事者治之法也。九者鍼也。巽者具也。言其意其法在乎九鍼。而經具其理。凡十二經脈陰陽之病。無不盡於是也。志云。經當巽順之理。所以明十二經脈陰陽之病也。簡案。巽訓順。見於易疏。巽具也。出說文。

口問第二十八

辟左右。馬云。辟。闢同。孟子云。辟土地。張云。此下十二問。既非風寒之外感。又

非情志之內傷。論不在經。所當口傳者也。故曰口問。

欠。馬云。欠。音牽。江左謂之呵欠。張云。欠者張口呵吸。成伸辟展腰。以陰陽相引

而然也。夫陽主晝。陰主夜。陽主升。陰主降。凡人之寤寐。由於衛氣。衛氣者晝行於陽。則動而爲寤。夜行於陰。則靜而爲寐。故人於欲臥未臥之際。欠必先之者。正以陽氣將入陰分。陰積於下。陽猶未靜。故陽欲引而升。陰欲引而降。上下相

引而欠出生也。今人有神疲勞倦而爲欠者。卽陽不勝陰之候。

陽氣盡止寤矣。張云。大惑論曰。衛氣不得入於陰。常留於陽。留於陽則陽氣滿。陽氣滿則陽躋盛。不得入於陰則陰氣虛。故目不瞑矣。衛氣留於陰。不得行於陽。留於陰則陰氣盛。陰氣盛則陰躋滿。不得入於陽。則陽氣虛。故目閉也。吳玄綱曰。覺與陽合。寐與陰并。覺多者魂強。寐久者魄壯。魂強者生之徒。魄壯者死之徒。是皆陰陽盛衰之義。

瀉足少陰。補足太陽。張云。衛氣之行於陽者。自足太陽始。陰盛陽衰。所以爲欠。故當瀉少陰之照海。陰躋所出也。補太陽之申脈。陽躋所出也。

真邪相攻。氣并相逆。甲乙無氣并二字。馬云。真氣卽胃氣。邪氣卽寒氣。

補手太陰。瀉足少陰。張云。手太陰肺經也。足少陰腎經也。寒氣自下而升逆。則

爲噦。故當補肺於上以壯其氣。瀉腎於下以引其寒。蓋寒從水化。噦之標在胃。噦之本在腎也。汪云。呃逆有實有虛。有寒有熱。病源病候。種種不同。此特言其一端耳。若以噦作嘔吐。則呃逆亦病中要症。二經者。豈漫無一字及之哉。馬云。唏。許几切。釋文言哀痛不泣曰唏。張云。唏。欬同。欬。欬也。釋義云。悲泣氣

咽而抽息也。一云泣餘聲。一云哀而不泣曰唏。悲憂之氣生於陰慘。故爲陰盛陽虛之候。

補足太陽瀉足少陰。馬云。當於足太陽膀胱經。陽蹻脈氣所出者補之。足少陰

腎經。陰蹻脈氣所出者瀉之。

振寒止補諸陽。張云。振寒者。身怯寒而振慄也。補諸陽者。凡手足三陽之原合。及陽蹻等穴。皆可酌而用之。

噫。張云。噫氣也。釋義曰。飽食息也。按此節與上文之噦。皆以寒氣在胃而然。但彼云故寒氣者。以久寒在胃。言其深也。此云寒客於胃者。如客之寄。言其淺也。故厥逆之氣。從下上散。則復出於胃而爲噫。簡案。噫。說文飽食息也。而馬云。噫。不平聲也。此爲五噫之噫者。誤甚。

補足太陰止眉本也。張云。補足太陰陽明二經。使脾胃氣溫。則客寒自散。而噫可徐。眉本。卽足太陽經攢竹穴。是亦補陽氣也。

嚏。張云。陽氣和平。順利而滿溢於心。必上達於肺。故出於鼻而爲嚏。然人有感於風寒而爲嚏者。以寒邪束於皮毛。則陽氣無從泄越。故噴而上出。是嚏從陽

氣而發。益又可知。仲景曰。欲嚏不能。此人肚中寒。正謂其陽虛也。故人病陽虛等證者。久無嚏而忽得之。則陽氣漸回之佳兆也。簡案嚏。說文悟解氣也。玉篇噴鼻也。

補足太陽止眉上也。

張云。凡陽虛於下。則不能上達而為嚏。補足太陽之榮於

眉本者。其名攢竹。一曰眉上。亦即此穴。蓋太陽與腎為表裏。所以補陰中之陽也。觀宣明五氣篇曰。腎為欠為嚏。其義正與此通。

釋。

甲乙作𦨇。馬云音妥。釋云。下垂貌。則是首身下垂而不能舉也。觀本經下文。

有因其所在補分肉間。則𦨇必有定所。且有分部。彼以避為釋者。案熊音了是

乃以讀之為躲。而遂釋之為避也。義甚不通。簡案𦨇。廣韻垂下貌。𦨇。正字通。為

𦨇之譌。巢源風𦨇曳候云。肢體弛緩不收攝也。人以胃氣養於肌肉經絡也。胃

若衰損。其氣不實。經脈虛則筋肉懈惰。故風邪搏於筋而使𦨇曳也。即本節之

𦨇也。千金小兒門。𦨇痿僻不能行步。中風門作痿曳。並同。而張云。俗語有戰𦨇

之說。即古人之遺言。意者𦨇即戰之屬也。但因寒而戰者。謂之寒戰。其有戰不

因寒者。由氣虛耳。此因樓氏綱目顫振門。治𦨇曳之方而誤。不可從也。志云。𦨇

者。垂首斜傾。懈惰之態。古樂府云。髻半髴。此說雖是。而唯以垂首釋之。不若馬說允當。

行陰用力。志云。陽明主潤宗筋。陽明虛則宗筋縱。是以筋脈懈惰。則陽明之氣行於宗筋。而用力於陰器矣。行陰用力。則陽明之氣不能復養於筋脈。故爲髴。目者宗脈之所聚也。張云。宗總也。凡五藏六府之精氣。皆上注於目而爲之精。故目爲宗脈之所聚。馬云。此節可與素問解精微論參看。

目無所見矣。張云。世之因泣而喪目者。蓋亦不少矣。

補天柱。經俠頸。甲乙俠頸下有俠頸者。頭中分也。七字據下文甲乙爲是。馬云。當補足太陽膀胱經之天柱穴。此經乃挾於後之項頸者是也。志云。膀胱之津外濡空竅。液道開而泣不立。則液竭而濡空竅之精不能灌於目。而目不明矣。故命曰奪精。謂奪其外濡空竅之精也。當補膀胱經之天柱於挾頸間。以資津液上灌。蓋液隨氣行者也。

太息者止以伸出之。張云。太息者息長而大。卽嘆息也。約猶束縛也。憂愁思慮則氣抑不伸。而心系急。氣道約。約則滿悶於中。此嘆息之不容已也。

補手少陰止留之也。

張云。手少陰心經也。心主手厥陰經也。足少陽膽經也。助

木火之藏。則陽氣可舒。抑鬱可解。故皆宜留鍼補之。

涎下者止故涎下。

涎。甲乙作羨。下同。張云。足陽明之脈出於口。胃中有熱則蟲

動。胃緩故廉泉開而涎下。凡目之多淚。鼻之多涕。亦皆因熱而上。液之道開也。

有謂肺熱甚則鼻涕出者。義亦猶此。

補足少陰。

張云。腎爲胃關。而脈繫於舌。故當補之以壯水制火。則液有所主而

涎自止也。

耳中鳴者止故耳鳴。

張云。手足三陽三陰之脈。皆入耳中。故耳亦宗脈之所聚

也。陽明爲諸脈之海。故胃中空則宗脈虛。宗脈虛則陽氣不升而下溜。下溜則

上竭。輕則爲鳴。甚則爲聾矣。然少陽太盛。壅窒爲鳴者亦有之。但虛者漸而實

者暴。虛者多而實者少。其辨在有邪無邪耳。學者當推廣之。汪云。此論他書不

載。僅見於此。按。人夜臥之時。五官皆不用事。惟耳能聽。豈非以宗脈所聚。故能

有所警覺也乎。又人在母腹中。僅一血脈。聞雷霆火爆之聲。則驚而跳。此時五

官未備。而聞性已與外物相通。故楞嚴二十五圓通。獨重耳根。孔子亦言六十

而耳順。則耳之異於諸官也明矣。又云。即下文上氣不足。耳爲之苦鳴之義。

補客主人止交者也。張云。客主人足少陽經穴。爲手足少陽足陽明之會。手大

指爪甲上者。手太陰之少商穴。爲肺氣所出之井。故皆當補之以助其陽氣。

齧舌者。何氣使然。馬張志並云。缺岐伯曰。

脈氣輩至也。甲乙。輩作皆。吳本註云。輩疑誤。馬輩至作使然。張云。輩者類也。厥

逆走上則血湧氣騰。至生奇疾。所至之處。各有其部。如少陰之脈行舌本。少陽

之脈循耳頰。陽明之脈環唇口。故或爲腫脹。或爲怪癢。各因其處。隨而齧之。不

獨止於舌也。志云。腎藏之生氣。厥逆走上。與中焦所生之脈氣相輩而至。則舌

在齒之內。而反向外矣。唇在齒之外。而反向內矣。頰在齒之旁。而反向中矣。

凡此十二邪者。甲乙此下載大惑論。善忘善飢二條。以爲十四邪。豈皇甫氏以

意添之耶。

奇邪。張云。不同常疾。故曰奇邪。

若傾。張云。傾者。沉重不能支也。

胃使爲之變。腸爲之苦鳴。諸本。胃使作洩便。當改。但熊本作凌使。亦誤。張云。水

由氣化。故中氣不足。則洩便變常。而或爲黃赤。或爲短瀉。多有情慾勞倦過傷精氣而然。昧者概認爲火。鮮不誤矣。且中氣不足。則濁氣居之。故腸胃爲之苦鳴也。汪云。按內經無遺精白濁之文。但云出白洩。白淫洩。便變也。又云。水液渾濁。皆屬於熱。

爲痿厥。心悵。張云。痿。足萎弱也。厥。四肢清冷也。悵。悶也。下氣不足。則升降不交。故心氣不舒而爲悵悶。

補足外踝下留之。張云。此崑崙穴也。爲足太陽所行之經。凡於上中下氣虛之病。皆可留鍼補之。

治之奈何。張云。此下復問治法者。所以補上文之缺略也。

腎主爲欠。張云。上文未言屬腎。故此復明之。

肺主爲噦。張云。上文言噦出於胃。此言噦主於肺。蓋寒氣上逆而爲噦。氣病於胃而主於肺也。

喘者止瀉足少陰。甲乙。與作盛。張云。陰與陽絕。則陽不附陰。補陽瀉陰。則剛柔相濟。乖者和矣。

振寒者止外踝下留之。張云。諸治俱同上文。
刺足大指間止足外踝下留之。張本脫外字。張云。大指間上二寸。足厥陰之大
衝也。或曰足太陰之太白也。此與上文稍異。外踝下留之義如前。

師傳篇第二十九

諸本傳作傳。當改。又無篇字。

弗著於方。禮記中庸布在方策。註方板也。策簡也。

夫惟順而已矣。張云。順之爲用最是。醫家肯緊言不順則道不行。志不順則功
不成。其有必不可順者。亦未有不因順以相成也。嗚呼。能卷舒於順不順之間
者。非通變之士。有未足以與道也。

入國問俗止問所便。張云。禮曰。入國問禁。而此云問俗者。以五方風寒有殊。崇
尙有異。聖人必因其所宜而爲之治。故不曰禁而曰俗也。諱者忌也。人情有好
惡之偏。詞色有嫌疑之避。犯之者取憎。取憎則不相合。故入家當問諱。禮者儀
文也。交接有體。進止有度。失之者取輕。取輕則道不重。故上堂當問禮。便者相

宜也。有居處之宜否。有動靜之宜否。有陰陽之宜否。有寒熱之宜否。有情性之宜否。有味氣之宜否。臨病人而失其宜。施治必相左矣。故必問病人之所便。是皆取順之道也。簡案鄭註曲禮云。禁謂政教。俗謂常所行與所惡也。

便寒。便熱。張云。凡熱在中則治便於寒。寒在中則治便於熱。是皆所以順病

情也。

懸心。張云。胃火上炎。心血被燦而懸懸不寧也。

臍以上皮熱止如糜。樓氏綱目作臍以下。似是。張云。臍以上者胃與小腸之分也。故臍以上皮熱者。腸中亦熱也。出黃如糜者。以胃中濕熱之氣傳於小腸所致也。糜腐爛也。上二節皆熱證便寒之類。樓氏云。胃居臍上。故胃熱則臍以上熱。腸居臍下。故腸熱則臍已下熱。如肝膽居脅。肝膽熱則當脅亦熱。肺居胸背。肺熱則當胸背亦熱。腎居腰。腎熱則當腰亦熱。可類推也。

臍以下止飧泄。張云。臍以下皮寒者。以腸胃中寒也。胃中寒則不能運化而爲腹脹。腸中寒則陰氣留滯。不能泌別清濁而爲腸鳴飧泄。是皆寒證便熱之類。胃中寒止小腹痛脹。張云。上文言腹中寒者泄。而此言腸中熱者泄。所以有熱

泄寒泄之不同。而熱泄謂之腸垢。寒泄謂之鶩溏也。胃中熱則善消穀。故疾飢。腸中寒則陰氣聚結不行。故小腹切痛而脹。上二節皆當因其寒熱而隨所宜以調之者也。馬疾飢之疾。釋爲速。

胃欲寒飲。止治之何先。張云。胃中熱者欲寒飲。腸中寒者欲熱飲。緩急之治。當有先後。而喜惡之欲。難於兩從。且以貴人多任性。此順之所以難。而治之當有法也。從縱同。馬志本從作縱。後漢郭玉論。貴之有四難云。自用意而不任臣。一難也。將身不謹。二難也。骨節不強。不能使藥。三難也。好逸惡勞。四難也。乃與本節之言符矣。

春夏先治其標。止後治其標。馬云。春夏陽氣在外。病亦在外。故先治其後病之標。而後治其先病之本。秋冬陽氣在內。病亦在內。故先治其先病之本。而後治其後病之標。此治之者必有所先。不得以順其志。而可舍法以徇之也。張云。一曰春夏發生。宜先養氣以治標。秋冬收藏。宜先固精以治本。亦通。便其相逆者奈何。張云。謂於不可順之中。而復有不得不委曲。以便其情者也。淒愴。張云。寒甚淒涼之貌。

灼灼。說文。灼、炙也。

滄滄。張云。滄、寒也。簡案。此本於說文。逸周書云。天地之道有滄熱。

寒溫中適。止不致邪僻也。張云。適當也。寒熱適其中和。則元氣得以執持。邪僻

無由而致。是即用順之道也。僻。不正之謂。

本藏以身形止而後答乎。張云。本藏即前本經篇名。捫摸也。循摩也。言王公之

尊貴。誰可得而摩摸。將何所據而相答也。馬志。臑作臑。非。

非面部之閱也。馬云。非比面部易閱。

巨肩陷咽喉見其外。甲乙。喉作候。其作於馬張。凡巨肩陷咽者。肺之小大高下

堅脆偏正可候矣。大義見本藏篇。餘倣此。

骷骨。張作骷骨。馬云。骷音括。心爲臟腑之主。而氣之升降。其道在於缺盆。即其

髑髕之骨端。曰骷骨者。有於以形於外。則可以驗髑髕。而知其心之堅脆小大

高下偏正矣。張云。骷。廣雅曰。髑髕也。髑髕。即膝骨之名。髑髕。蔽心之骨。亦名鳩

尾。觀乎此而心之小大高下堅脆偏正可知矣。簡案。玉篇。髑。骨端也。張改骷。未

詳孰是。

脾者主爲衛。甲乙衛作胃。註九虛太素作衛。張云衛者藏府之護衛也。五癰津液別篇亦曰脾爲之衛。脾爲倉廩之官。職在轉輸。故曰使之迎糧。謂察其飲食及唇舌之善惡。別脾之吉凶可知也。

廣骸。甲乙註骸太素作胠。集韻張云骸骸骨也。廣骸者言骨骼之大。又脛骨曰骸。音鞋。簡案莊子遙逍遊百骸九竅。又德充符直寓六骸。疏手足首身。鼻隧。集韻隧與邃同。深遠也。

目下裹大止藏安且良矣。甲乙果作裹。張云果裹同。目下囊裹也。橫剛強也。在外掀露也。約固密也。藏居於中。形見於外。故舉身面之外狀。而可以候內之六府。然或身或面。又必上中下三停相等。庶藏府相安而得其善矣。前本藏篇以五藏之皮脈肉爪骨而候六府。其義與此稍異。所當互求。簡案馬以四時氣篇三焦約註之非也。五色篇曰面王以上者小腸也。面王以下者膀胱也。卽知鼻柱中央卽下焦之處也。又知六府之三焦正指下焦也。麻衣相法云三停平等。一生衣祿無虧。註自髮際至印堂爲上停。山根至準頭爲中停。人中至地閣爲下停。此面上之三停也。頭腰足爲身上三停也。古云面上三停額鼻閣。身上三

停足頭腰。乃知相家三停之說。原於本節。及骨度篇君子三折之義。

決氣篇第二十一

諸本無篇字。馬云。決論一氣六名之義。故名篇。志云。決。分也。決而和。故名篇。決氣。謂氣之分判爲六。而和合爲一也。

以爲一氣耳。樓氏云。精氣津液而脈六者。蓋精氣卽衛氣。津液血脈卽營血之異名。衛氣根於血。營血根於氣。故曰一氣也。

兩神相搏。止是謂精。馬云。易曰。男女構精。萬物化生。蓋當男女相構之時。兩神相合。而成所生男女之形。此精常先其身而生。有其精斯有其形。夫是之謂精也。張云。兩神。陰陽也。搏。交也。精。天一之水也。凡陰陽合而萬形成。無不先從精始。故曰常先身生。是謂精。卽本神篇曰。兩精相搏。謂之神。而此曰兩神相搏。合而成形。常先身生。是謂精。蓋彼言由精以化神。此言由神以化精。二者若乎不同。正以明陰陽之互用者。卽其合一之道也。

上焦開發。止是謂氣。張云。上焦。胸中也。開發。通達也。宣。布散也。氣者。人身之大

氣。名爲宗氣。亦名真氣。邪客篇曰。宗氣積於胸中。出於喉嚨。以貫心脈而行呼吸焉。刺節真邪論曰。真氣者所受於天。與穀氣並而充身也。營衛生會篇曰。人受氣於穀。穀入於胃。以傳於肺。五藏六府皆以受氣。故能薰膚充身澤毛。若霧露之溫潤。而溉養萬物者爲氣也。

腠理止是謂津。張云。津者陽之液。汗者津之泄也。湊理者皮膚之隙。溱溱、滋澤貌。

穀入氣滿止是謂液。張云。淖澤、濡潤也。液者陰之津。穀入於胃。其氣滿而化液。故淖澤而注於骨。凡骨屬動舉屈伸。則經脈流行而洩其澤。故內而補益腦髓。外而潤澤皮膚。皆謂之液。愚按。津液本爲同類。然亦有陰陽之分。蓋津者液之清者也。液者津之濁者也。津爲汗而走腠理。故屬陽。液注骨而補腦髓。故屬陰。觀五癰津液別篇曰。三焦出氣以溫肌肉。充皮膚爲其津。其留而不行者爲液。其義正與此合。

中焦受氣止是謂血。張云。中焦者並胃中出上焦之下。凡水穀之入。必先歸胃。故中焦受穀之氣。取穀之味。輸脾達藏。由黃白而漸變爲赤。以奉生身者。是謂

之血。

壅遏營氣止是謂脈。張云。壅遏者。隄防之謂。猶道路之有封疆。江河之有涯岸。俾營氣無所迴避。而必行其中者。是謂之脈。然則脈者。非氣非血。而所以通於氣血者也。志云。壅。培助也。遏。遮蔽也。避。違避也。言經脈壅蔽。榮氣行於脈中。晝夜環轉。無所違逆。是謂脈。潘氏續焰云。壅遏猶言擁迫。使入隧道。而無別道可避也。

耳聾。張云。腎藏精。耳者腎之竅。故精脫則耳聾。

目不明。志云。目之精明五色者。氣之華也。故氣脫者目不明。

汗大泄。張云。汗。陽津也。汗大泄者。津不脫。故曰亡陽。

液脫者止耳數鳴。張云。液所以注骨益腦而澤皮膚者。液脫則骨髓無以充。故

屈伸不利。而腦消脛痠。皮膚無以滋。故色枯而夭。液脫則陰虛。故耳鳴也。

天然不澤。張云。血之榮在色。故血脫者色白如鹽。天然不澤。謂枯濇無神也。

其脈空虛。此其候也。甲乙。其上有脈脫者三字。張云。脈貴有神。其脈空虛。即六

脫之候。簡案。本經。脫脈脫者三字當補。若不然。則六脫之候不備焉。

六氣者止爲大海也。張云。部主謂各部所主也。如腎主精。肺主氣。脾主津液。肝主血。心主脈也。貴賤善惡。以衰旺邪正言。如春夏則木火爲貴。秋冬則金水爲貴。而失時者爲賤也。六氣之得正者爲善。而太過不及者爲惡也。貴賤善惡。主各有時。故皆可爲常主。然六氣資於五穀。五穀運化於胃。是爲水穀之海。故胃氣爲藏府之本。馬云。此六氣者。成于五穀精微之氣。而胃則納五穀而成之。故胃又爲六氣之大海耳。

腸胃篇第二十一

諸本無篇字。簡案。內言腸胃長短大小。紆曲屈伸之度。故名篇。疑與後絕穀篇爲一篇。後人分爲二篇也。

長九分。口廣二寸半。張云。長。深也。廣。闊也。

會厭。張云。會厭在咽喉之上。乃所以分水穀。司呼吸。而不容其相混者也。憂恚無言云。會厭者。音聲之戶也。

咽門重十兩。張云。咽門。卽食喉也。其名曰咽。至長一尺六寸。乃並胃脘而言。四

十二難楊註。咽。嚥也。言司以嚥物也。又謂之嗌。言氣之流通阨要之處也。咽。爲胃之系也。本義十兩作十二兩。簡案一尺六寸下。難經有喉嚨重十二兩。廣二寸。長一尺二寸九節。十六字。恐本經脫之也。楊註。喉嚨空虛也。言其中空虛。可以通氣息焉。卽肺之系也。呼吸之道路。

胃紆曲屈伸之。張云。紆曲。曲折也。大言周圍之數。經言直過之數。餘準此。平人絕穀篇曰。其中之穀常留二斗。水一斗五升而滿。

小腸止長三丈三尺。難經甲乙作二尺。馬云。小腸上口。胃之下口。小腸後附于脊。從左環迴周疊。積其所注之物。以入於迴腸者。外附於臍上。迴運計環十六曲。大四寸。徑口八分。分之小半。卽半分也。其長三丈三尺。張云。其下口注於迴腸者。外附近於臍上一寸。當水分穴處是也。八分。分之小半。言八分之外。尙有如一分之少半也。餘倣此。志云。小半者。七分半也。簡案。史項羽紀。漢有天下大半。韋昭註云。凡數三分者。二爲太半。一爲小半。四十二難楊註亦云。三分有二。爲太半。有一爲小半。由此推之。分之少半者。三釐三毫有奇。寸小半者。三分三釐三毫不盡。寸之太半者。六分六釐六毫不盡也。則張註似是。

迴腸當臍止長二丈一尺。張云。迴腸大腸也。葉積如葉之積。亦疊積之義。大腸上口。卽小腸下口。當臍左旋而下積廣腸也。四十二難楊註云。大腸卽迴腸也。以其迴曲。因以名之。簡案。志云。徑一寸。寸之少半者。徑一寸五分也。恐非。廣腸傅脊止長二尺八寸。馬云。廣腸者。直腸也。廣腸附脊以受迴腸之物。左環葉在脊之上下盤。辟大八寸。徑二寸。寸之太半。則是二寸七分也。張云。廣腸大腸下節也。亦名直腸。直腸居後。繞脊而下。故曰傅脊。傅。布也。葉脊上下言。疊於脊之上下而至尾骶也。辟。闢同。以其最廣。故云辟大八寸。志云。廣腸肛門內之直腸。徑二寸。寸之太半者。徑二寸七分半也。簡案。傅脊。馬釋附脊。乃傅字之訛。張註難通。

腸胃所入至所出。張本。所作初。張云。此總結上文自口而入。自便而出之全數。三十二曲。合小腸大腸而言也。四十二難楊註云。據甲乙經言。腸胃凡長六丈四寸四分。所以與此不同。難經云。腸胃凡長五丈八尺四寸者。甲乙經從口至迴腸而數之。故長。此經從胃至腸而數之。故短。亦所以互相發明。非有謬也。丁曰。前腸胃徑圍大小不同。其言胃大一尺五寸。徑五寸者。卽是圍徑一也。小腸

徑八分。大二寸四分則是也。今言二寸半。卽分之少半。迴腸徑一寸半。卽大四寸五分。今言大四寸。卽少五分也。廣腸徑一寸半。卽大七寸五分。今言八寸。卽有剩五分也。其升斗寸尺者。先立其尺。然後造其升斗。秤兩皆以同身寸之爲法。以尺造斗。斗面闊一尺。底闊七寸。高四寸。俱厚三分。可容十升。凡以寸爲指節者。方一寸爲兩。十六兩爲斤。此制同身寸尺升斗之度。爲人之腸胃斤重長短之法也。

平人絕穀篇第二十一

精微慄悍滑疾。下焦下漑諸腸。甲乙作下漑泄諸小腸。張云。精微慄悍滑疾。言水穀之精氣也。下漑諸腸。言水穀之質粕也。

水六升三合合之太半。王文潔註四十二難云。分之少半。蓋八分半也。合之太半。共六升三合六七勺也。

迴腸大四寸。徑一寸寸之少半。徐靈胎經釋云。以圍三徑一之法約之。則大四寸者。徑當一寸三分分之少半。難經云。一寸半。疑誤。

廣腸止八分合之一。徐靈胎云。廣腸大腸以下至肛門。受穢滓之處。俗名臄腸。以其最廣。故曰廣腸。按廣腸止云受穀。而不及水。義最精細。蓋水穀入于大腸之時。已別泌精液。入於膀胱。惟糟粕傳入廣腸。使從大便出。故不云受水多少也。此義諸家之所未及。簡案王文潔評林云。九升三合八分合之一者。蓋言九升三合八勺一抄也。此說似不必然。當考。

五丈八尺四寸。張云。乃止合腸胃之數。非若前篇總計唇口咽門而言也。

九斗二升一合合之太半。四十二難作八斗七升六合八分合之一。徐靈胎云。靈平人絕穀篇云。九斗二升一合合之太半。乃爲合數。而此數則與上文不符。未知何故。或傳寫之誤。

血脈和則。諸本則作利。當改。

神者水穀之精氣也。志云。六節藏象論曰。五味入口。藏於腸胃。味有所藏。以養五氣。氣和而生。津液相成。神乃自生。故神者水穀之氣也。

日再後後二升半。四十三難作日再至。圍一行二升半。

七日而死者。馬一龍農說云。蓋此民之生。以食爲天。而無穀氣。七日死者。其天

絕也。王芳侯云。病人不飲食。七日不死者。米穀留積故也。蓋留積則爲病矣。簡案。三斗五升。兼水穀而爲言。則後亦兼大小溲而言也。若唯穀二斗。而大便一日五升。則四日而盡矣。知所謂絕穀者。必兼水飲而在其中也。漢食貨志云。今一夫挾五口食。人月一石半。又後漢南蠻傳。計人稟五升。註云。古升小。故曰五升也。則知人一日食五升也。而七日得三斗五升。則方合其數。而水飲不預焉。七日蓋以陰陽五行之數論之耳。七日不食。豈有死者乎。

海論篇第二十二

四海。書禹貢。四海會同。爾雅釋地。九夷、八狄、七戎、六蠻。謂之四海。

胃者水穀之海。止三里。張云。人受氣於水穀。水穀入口。藏於胃。以養五藏氣。故

五藏六府之氣味。皆出於胃。而胃爲水穀之海也。其胃氣運行之輪。上者在氣

街。卽氣衝穴。下者至三里。在膝下三寸。動脈篇曰。胃爲五藏六府之海。太陽

痿論曰。陽明者。五藏六府之海。主潤宗筋。

衝脈者。止上下廉。張云。此卽血海也。衝脈起於胞中。其前行者。並少陰之經。俠

臍上行。至胸中而散。其後行者。上循背裏。爲經絡之海。其上行者。出於頡顙。下行者出於足。故其輸上在於足太陽之大杼。下在於足陽明之巨虛。上下廉。顙肥瘦篇曰。夫衝脈者。五藏六府之海也。

膻中者。止人迎。張云。膻中。胸中也。肺之所居。諸氣者。皆屬於肺。是爲真氣。亦曰宗氣。宗氣積於胸中。出於喉嚨。以貫心脈。而行呼吸。故膻中爲之氣海。柱骨項後。天柱骨也。志憂無言論曰。頡顙者。分氣之所泄也。故氣海運行之輸。一在頡顙之後。卽柱骨之上下。謂督脈之痠門。大椎也。一在頡顙之前。謂足陽明之人迎也。

腦止風府。張云。凡骨之有髓。惟腦爲最巨。故諸髓皆屬於腦。而腦爲髓之海。蓋腦蓋骨也。卽督脈之顙會風府。亦督脈穴。此皆髓海之上下前後輸也。志云。蓋謂督脈之百會。督脈應天道之環轉覆蓋。故曰蓋。

氣海有餘者。馬云。有餘者。邪氣有餘而實也。不足者。正氣不足而虛也。下文倣此。

挽息。甲乙作挽急息。志云。膻中者。宗氣之所居。上出於喉。以司呼吸。故氣海有

餘者。氣滿胸中。氣息惋亂。氣上逆。故面赤也。

不足以言。張云。聲由氣發。氣不足則語言輕怯。不能出聲。脈要精微論曰。言而微。終日乃復言者。此奪氣也。

血海有餘。止不知其所病。張云。形以血充。故血有餘則常想其身大。怫怫鬱也。重滯不舒之貌。血不足則常想其身小。狹隘狹也。索然不廣之貌。此皆血海不調之爲病。病在血者。徐而不顯。故茫然不覺其所病。

自過其度。張云。自有過人之度。而無病也。志云。度。骨度也。簡案。上古天真論曰。天壽過其度。志註非是。

耳鳴。張云。以髓虛者精必衰。陰虛則耳鳴也。髓爲精類。精衰則氣去。而諸證以見矣。

審守其輪。止必敗。張云。審守其輪。謂審察其輪穴。如上文也。無犯其害。無盛盛。無虛虛也。志云。審其輪。則知其四海之通於經。而經俞之外通於氣也。調其虛實。則有餘不足自和矣。害謂經氣之逆。復則反逆爲順也。

五亂篇第二十四

諸本無篇字。張云。言一時血氣之錯亂。非宿疾有因之謂。氣本五行。故曰五亂。何謂相順。甲乙順下有而治二字。

清氣在陰止大惋。馬云。惋音悶。清氣宜升。當在於陽。反在於陰。濁氣宜降。當在於陰。而反在於陽。營氣陰性精專。固順宗氣以行於經隧之中。衛氣陽性慄悍。滑利。宜行於分肉之間。今晝未必行於陽經。夜未必行於陰經。其氣逆行。乃清濁相干。亂在胸中。是之謂大悶也。簡案。惋又作鞵。呂覽。胃充則中大鞵。是也。接手。甲乙接作按。

有道止身寶。馬云。道者脈路也。邪之來也。必有其道。則邪之去也。亦必有其道。審知其道而善去之。斯謂養身之寶。此四語。雖爲刺病而發。凡醫工能熟翫之。則治病必覓標本。用藥必覓經絡。真邪必審。補瀉不妄。乃爲醫家切要之法也。張云。道言所由。志云。有道以來者。謂相干之亂氣。有道以來。必有道以去。故審知其道。則能分理其陰陽清濁。而爲養身之寶。

心少陰心主之輪。馬云。手少陰心經之輪穴神門。手心主厥陰心包絡經之輪穴大陵。志不言俞穴

手太陰之榮。馬云。手太陰肺經榮穴魚際。
足少陰輸。馬云。足少陰腎經之輸穴太谿。張云。氣在肺而取腎者。以少陰脈貫
腎絡肺也。

取之足太陰止三里。馬云。足太陰脾經之輸穴太白。足陽明胃經之輸穴陷谷。
如刺之而邪氣不下。當取之足陽明胃經之三里。

取之天柱止足太陽榮輸。張云。天柱大杼俱足太陽經穴。不知不應也。當復取
其榮輸二穴。通谷束骨也。志云。上古以和爲知。

氣在於臂足止榮輸。張云。臂足之絡有血者。必先去其血。在手者取手。在足者
取足。手陽明之榮輸二間。三間也。手少陽之榮輸液門。中渚也。足陽明之榮輸。
內庭。陷谷也。足少陽之榮輸俠谿。臨泣也。

徐入徐出止相逆也。張云。凡行鍼補瀉。皆貴和緩。故當徐入徐出。在導氣復元
而已。然補者導其正氣。瀉者導其邪氣。總在保其精氣耳。故曰。補瀉無形。謂之
同精。言本篇之法。非爲有餘不足而設。特以亂氣相逆。但宜導治之如是耳。此
因常問補瀉。故復及之。以明其義也。

允乎哉。爾雅釋詁。允。信也。疏。謂誠實不欺也。

脹論篇第二十五

其脈大止陽爲腑。馬云。脈見於寸口。其脈大者。以邪氣有餘也。其脈堅者。以邪氣不散也。其脈濇者。以氣血澀滯也。故爲脹。然脈大而堅者爲陽脈。其脹在六腑。脈濇而堅者爲陰脈。其脹在五藏也。張云。大都洪大之脈。陰氣必衰。堅強之脈。胃氣必損。故大堅以濇。則病當爲脹。一曰。脈病在陰。則脹在藏。脈病在陽。則脹在府。亦通。

三者皆存焉。甲乙三作二是。志云。此病在氣而及於藏府血脈之有形。故三者皆存焉。

郭胸脅。甲乙郭作廓。張云。排擠於藏府之外。以胸脅爲郭。而居於皮膚之中。是卽脹之所舍。

匣匱之藏禁器。說文。匣。匱也。又匣匱也。載侗六書。故今通以藏之大者爲匱。次爲匣。小爲匱。簡案。禁器。蓋禁祕之器。

願聞其故。馬云。此處必闕。乃歧伯言。張志同。

藏府之郭也。甲乙。郭上有城字。張云。胸腹者。所以保障五內。故爲藏府之郭。

宮城。馬云。按黃帝時本紀。記其民不習僞。官不懷私。市不預價。城郭不閉。則此時有宮城矣。張云。膺中。胸中也。肺覆於上。膈膜障於下。爲清虛周密之宮。心主之所居也。故曰宮城。

胃之五竅者。閭里門戶也。張云。閭。巷門也。里。隣里也。周禮五家爲比。五比爲閭。

蓋二十五家爲閭也。風俗通曰。五家爲軌。十軌爲里。蓋五十家爲里也。胃之五竅。爲閭里門戶者。非言胃有五竅。正以上自胃脘。下至小腸大腸。皆屬於胃。故曰閭里門戶。如咽門。賁門。幽門。闌門。魄門。皆胃氣之所行也。故總屬胃之五竅。廉泉。玉英。馬云。卽玉堂。俱任脈經穴。

營氣循脈。止工在疾瀉。甲乙。並脈作並血脈。循分。作循分肉。三里上有取字。注云。靈樞作營氣循脈爲脈脹。衛氣並脈循分肉爲膚脹。一下。一本作分。下同。樓氏以此三十九字。移下文黃帝曰善。何以解惑之上。云。原誤在病各有形之下。黃帝曰。願聞之上。有三里而瀉之上。當有脫簡。甲乙云。凡五藏六府之脹。皆取

三里。三里者。脹之要穴也。張云。清者爲營。營在脈中。其氣精專。未卽致脹。濁者爲衛。衛行脈外。其氣慄疾滑利。而行於分肉之間。故必出衛氣之逆。而後病及於營。則爲脈脹。是以凡病脹者。皆發於衛氣也。衛氣逆而並於脈。復循分肉之間。故爲膚脹。三里足陽明經穴。陽明爲五藏六府之海。而主肌肉。故脹在肌膚者。當以鍼瀉之。一下三下。謂一次再次三次也。蓋邪有遠近。故瀉有難易耳。

肺脹。金匱要略云。上氣喘而躁者。屬肺脹。又云。肺脹欬而上氣。煩躁而喘。脈浮者。心下有水氣。簡案本節肺脹。蓋謂腫脹中屬肺者。與金匱所論不同。

央央然。張云。困苦貌。

濯濯。張云。腸鳴水聲也。馬云。按邪氣臟腑病形篇。有大腸者。諸證與此同。

氣癰。張云。膀胱氣閉。小水不通也。

輕輕然。甲乙作殼殼然。

久塞其空。馬云。虛則補之。其穴空。皆正氣充塞。志云。塞其空者。外無使經脈膚腠疎空。內使藏府之神氣充足。自無厥逆之患矣。此良工治未病也。張氏醫通云。按諸脹統言無問虛實。工在疾瀉。次云補虛瀉實。神歸其室。二說相左。其義

何居。原夫諸脹之因。良由衛氣僭逆。故宜疾瀉以下其氣。氣下則脹消矣。衛爲水穀之悍氣。常行脈外。不能入於脈。今以僭逆過甚。乃并居營分而入於脈。則爲脈脹。衛氣竝脈循分肉間。則爲膚脹。故昭揭於藏府諸脹之前。且言凡此諸脹。其道在一。故其治總不越鍼三里。以疾瀉之也。明知逆順者。知胃逆之甚與不甚也。鍼數不失者。隨近遠之一下三下也。

然後厥氣在下。甲乙後作而

乃合爲脹。甲乙合作舍。

合之於真。三合而得。張云。不得其真。所以生惑。脹雖由於衛氣。然有合於血脈之中者。在經脈也。有合於藏者。在陰分也。有合於府者。在陽分也。三合既明。得其真矣。志云。元真之氣。通會於腠理。與營衛合并而充行於形身者也。故營衛二氣。合之於真。元三合而得其厥逆之因矣。簡案。卽上文三者皆存焉之義。不下者。張云。脹不退也。

陷於肉育而中氣穴者也。張云。上文云。一下三下者。言鍼當必陷於肉育。亦必中於氣穴。然後可以取效也。張註痺論育膜云。育者。凡腔腹肉理之間。上下空

隙之處。皆謂之盲。不獨以胸膈爲言。姚氏云。按金匱玉函曰。腠者。是三焦通會元真之處。理者是皮膚藏府之文理也。夫藏府之文理。乃藏府募原之肉理。而肉理之中有脈系。衛氣陷於盲膜。而入於脈絡。故當取之氣穴。王芳侯云。按素問有氣府論。氣穴論。總屬手足三陰三陽之經脈。而分府與穴者。謂府者藏也。壓遏血氣之藏於內也。穴者窟也。氣從此而出入者也。

必更其道。張云。三而不下。必未得其所也。故當更穴再刺之。

必審其脉。張云。脣瘍曰脉。蓋脹之微甚。必見於脣。故當審之於此。以察其虛實。然脉字未妥。必脈字誤也。簡案。脉又作𦛳。卽診同。難經本義。劉仁木序。脉。脉深淺是也。

五癰津液別篇第三十六

馬云。別。彼劣切。內論五液而病爲水脹。則必爲癰。故名篇。張云。五液者。陰精之總稱也。本篇以溺、汗、泣、唾、水。故名曰五。宣明五氣篇曰。五藏化液。心爲汗。肺爲涕。肝爲淚。脾爲涎。腎爲唾。是爲五液。決氣篇曰。精、氣、津、液、血、脈。其辨有六。又道

家曰。涕、唾、精、津、汗、血、液。其名則七。皆無非五液之屬耳。志云。水穀所生之津液。各走其道。別而爲五。如五道癰閉。則爲水脹。五別者。爲汗、爲溺、爲唾、爲淚、爲髓。五癰者。液不滲於腦而下流。陰陽氣道不通。四海閉塞。三焦不瀉。而津液不化。水穀留於下焦。不得滲於膀胱。則水溢而爲水脹。因以名篇。上章論氣脹之因。此章論水脹之因。得其因則知所以治矣。簡案。本篇末云。此津液五別之順逆也。甲乙載本篇文。亦云津液五別。此云五癰。未詳所取義。疑文字差訛。爲溺與氣。馬云。天寒則腠理閉。內之氣與濕俱不行。其水下留於膀胱。則爲前溺與後氣耳。

各走其道。張云。五常四海。各因經以受水穀之氣味。故津液隨化而各走其道。其流而不行者。甲乙流作留。張云。周流於血脈之間。而不散行於外。注於藏府。益於精髓而爲之液。志云。流者淖澤。注於骨。補益腦髓。灌精而濡空竅者也。聚沫則痛。張云。或爲寒邪所感。則液凝留於肌肉之間。故汁沫聚而爲痛。簡案。與周痺同義。爲溺其氣。張云。腠理閉密。則氣不外泄。故氣化爲水。水必就下。故留於膀胱。然

水則氣也。水聚則氣生。氣化則水注。故爲溺與氣。志云。氣者膀胱爲州都之官。津液藏焉。氣化而出者爲溺。藏於膀胱者。化生太陽之氣。簡案。氣未詳何氣。馬爲失氣。近是見前。

五藏六府止。腎爲之主外。

張云。此二節言津液之爲涕泣也。心總五藏六府。爲

精神之主。故耳目肺肝脾腎皆聽命於心。是以耳之聽。目之視。無不由乎心也。肺朝百脈而主治節。故爲心之相。肝主謀慮決斷。故爲心之將。脾主肌肉而護養藏府。故爲心之衛。腎主骨而成立其形體。故爲心之主外也。

故五藏六府止。泣出矣。

甲乙。與肺作急。肺似是泣。作涎。張云。心爲藏府之主。故

五藏之系皆入於心。心之總系復上貫於肺。通於喉而息由以出。故心悲則系急而肺葉舉。液卽隨之而上溢。然心系與肺本不常舉。故有乍上乍下。當其氣舉而上。則爲欬爲泣也。凡人之泣甚而繼以嗽者。正以氣并於上。而奔遏於肺耳。按口問篇曰。心者五藏六府之主也。目者宗脈之所聚也。上液之道也。口鼻者氣之門戶也。故悲哀愁憂則心動。心動則五藏六府皆搖。搖則宗脈感。液道通。故涕泣出焉。

中熱止故唾出。張云。此津液之爲唾也。蟲爲濕熱所化。常居腸中。胃熱則消穀中空。蟲行就食。故或上或下。動作於腸胃之間。充郭者。縱滿之謂。腸郭則胃緩胃緩則氣逆上行。涎隨而溢。故多唾也。按宣明五氣篇曰。腎爲唾而出曰胃爲唾。是胃之與腎。皆主爲唾。蓋土鬱之唾在胃。水泛之唾在腎也。和合而爲膏者。膏諸本作高。但趙府本吳本同此。馬云。當作膏。張直改作膏。註云。此津液之爲精髓也。膏脂膏也。簡案。志以高字釋之。義不通。陰陽不和止脛痠。甲乙。虛故作虛則。腰背作腰脊。張云。陰陽不和則精氣俱病。氣病則不攝。精病則不守。精氣不相統攝。故液溢於下。而流泄於陰竅。精髓皆減。輪泄過度。則真陰日虛。故爲腰痛脛痠等病。此勞瘵之所由作也。陰陽氣道止爲水脹。下瀉諸本作不瀉。此字誤。當改。張云。此津液之爲水脹也。三焦爲決瀆之官。膀胱爲津液之府。氣不化則水不行。所以三焦不能瀉。膀胱不能滲而腫脹也。知病所由。故治此皆當以氣化爲主。試觀水潦爲災。使非太陽照臨。則陰凝終不能散。泥濘終不能乾。能知此義。則知陰陽氣化之道矣。此津液五別之逆順也。張云。陰陽和則五液皆精而充實於內。陰陽不和則五

精皆泄而流溢於外。此其所謂逆順也。

五閱五使第二十七

馬云。內有五閱以觀五氣。及五氣爲五藏之使。故名。說文云。閱。察也。

刺有五官止五藏之使也。

張云。刺法當知藏氣。知藏氣當於五官五閱而察之。

五官如下文。鼻者肺之官也。閱。外候也。使。所使也。副。配合也。五藏藏於中。五官見於外。內外相應。故爲五藏之閱。

令可爲常止。必當治裏。

張云。可爲常者。常行之法。五藏之脈。察於氣口。五藏之

色。察於明堂。明堂者鼻也。色應其時。乃其常也。然色見於外而病在內。是爲經氣入藏。故當治裏。

闕庭必張。止壽中百歲。

馬云。闕者眉間也。庭者顏也。卽首面也。𪔐。𪔐必開而張。

乃立明堂以閱之。明堂者鼻也。其明堂廣大而爲蕃爲蔽者。又見於外。蓋頰側謂之蕃。耳門謂之蔽。耳四周之壁。旣方。地角之基。又高。引垂向外。五色又順。平博廣大。壽當中百歲也。張云。張。布列也。壁。牆壁也。基。骨骼也。引垂居外。謂明顯。

開豁也。此於五色之外而言其都位之隆厚也。形色皆佳乃爲壽徵。故中百歲。治不亂也。中宜也。堪也。志云。引垂居外者。邊陸在外。爲中土之保障也。

見此者止可苦以鍼。張云。若此之人。是爲血氣充實。形色堅固。故刺之則病已。而可苦以鍼也。然則血氣內虛。形色外弱者。其不宜用鍼可知。緻音致。密也。

五官。張云。官者職守之謂。所以司呼吸。辨顏色。納水穀。別滋味。聽聲音者也。鼻張。蔣氏啓微云。人將死則鼻柱曲縮。故孔則張大上向。又云。周禮疾醫以五

色五氣。眡其死生。量之以九竅之變。其斯之謂乎。

皆青。甲乙皆作目。

顴赤。蔣氏啓微曰。神將去矣。

顴與顏黑。蔣氏啓微云。土邪來干。故色黑黃。色現顴顏。腎水將絕。反乘心火也。

簡案。蔣以黃帝之黃字。接上句釋之。誤。

五脈安出止如何。馬云。五常之脈。安所從出。五藏之色。安所從見。其常色見者。而又至於危。皆帝之所疑也。張云。安出安見。言脈色安然無恙也。常色殆者。謂色本如常而身亦危也。此又何如其故。

五官不辨止。况加疾哉。將氏啓微云。色脈俱安。平人也。有病則死。蓋有故焉。五官者。目辨色。鼻辨臭。口辨穀。舌辨味。耳辨聲。若不能辨。臟氣不全也。闕庭眉額之間。清陽之位。若不開張。陽氣薄矣。明堂。鼻也。鼻位中央而屬脾。司呼吸而主肺。若其部小。脾肺氣衰也。腎爲先天之本。其官在耳。蔽爲耳門。蕃爲頰側。牆基爲耳邊。角爲耳上角。垂爲耳垂珠。皆腎家部分。若卑低窄小。角珠向外。先天之氣素薄。若是雖無病苦。亦難以全生。况加之疾乎。望家讀此。凡病人諸部狹小者。雖平常殆莫輕治之。簡案。埤其牆。牆下無基。乃上文方壁高基之反。垂角去外。乃上文引垂居外之反。當與上文馬張註參考。府藏之在中也。止各如其度也。張云。府藏居于腹中。各有左右上下之次舍。而面部所應之色。亦如其度。如五色篇所謂庭者首面。闕者咽喉之類。皆是也。

逆順肥瘦篇第二十八

應如失而據。未有堅然者也。馬云。若有所失。而據守難堅。張云。言隨應而解。若無堅據之難破者也。志云。謂道之幽遠難尋。堅確也。楊氏曰。失堅者。卽顏子所

謂鑽之彌堅。瞻之在前。忽焉在後之意。

檢押。

張云。規則也。前楊雄傳。蠡迪檢押。註云。檢押猶隱括也。動言由檢押也。

平水。

馬云。萬物之平。莫過于水。故曰平水。

逆順之常也。

志云。楊氏曰。規矩方圓。天地之象也。逆順者。地氣左遷。天道右旋。

也不用工力者。造化之自然也。

臨深決水。止行之逆順也。

馬云。能循其法。譬之臨深決水。循掘決衝。而水易竭。

經可通也。何也。正以人之氣有滑澁。血有清濁。行有逆順。皆有自然之妙故耳。

張云。水有通塞。氣有滑澁。血有清濁。行有逆順。決水通經。皆因其勢而利導之。

耳。宜通宜塞。必順其宜。是得自然之道也。簡案。掘窟通。戟國策。掘門。註。掘卽窟。

古字通。

各有數乎。

馬云。各有刺鍼之數也。

年質壯大。

簡案。年質壯大之謂。

廣肩腋止。

多益其數也。志云。廣肩腋者。廣闊于四旁也。項乃太陽之所主。項肉

薄而皮厚黑色者。太陽之水氣盛也。唇乃脾土之外候。臨臨然者。土氣厚大也。

黑者水之色。血黑以濁者。精水之重濁也。氣滯以遲者。肌肉厚而氣道滯也。夫太過則能與。不及則貪取。貪於取與者。不得中和之道。過猶不及也。張云。臨臨下垂貌。唇厚質濁之謂。多益其數。即久留也。

肉廉廉然止而疾之。馬云。廉薄也。疾速也。張云。薄唇輕言。肉瘦氣少也。若此者刺不宜過。恐其脫損氣血。故必淺入其鍼而速去之也。志云。廉廉瘦潔貌。簡案。廉廉然。瘦臞而見骨骼。廉稜也。

刺常人止無失常數也。張云。常人者。不瘦不肥之人也。視其白黑者。白色多清。宜同瘦人。黑色多濁。宜同肥人。而調其數也。其端正敦厚者。是即常人之度。當調以常數。刺鍼深淺常數出經水篇

刺壯士真骨止淺而疾之。馬本。監監作堅堅。張云。壯士之骨多堅剛。故曰真骨。監監堅固貌。壯士之辨有二。若堅肉緩節。不好動而安重者。必氣滯血濁。此宜深刺久留。同肥人之數也。若勁急易發者。必氣滑血清。此宜淺刺疾去之。同瘦人之數也。志云。監監者。卓立而不倚也。其人重濁。則氣滯血濁。其人輕勁。則氣滑血清。蓋元真者。乃混然之炁。已生之後。而有輕重高下之分焉。簡案。勁字馬

亦爲輕之義。似是。

嬰兒。志云。此言嬰兒未得天真充盛。其肉脆而血少氣弱也。襁褓乳養曰嬰。簡案。劉熙釋名云。人始生曰嬰兒。胸前曰嬰。抱之。嬰前乳養之。故曰嬰。一曰女曰嬰。男曰孫。

血清氣濁。止經可通也。馬云。氣濁之濁當作滑。註云。血清氣濁者。疾瀉之而邪氣遂竭。猶之臨深淵以決放其水。不用功力而水可竭也。血濁氣滯者。疾瀉之而經脈可通。猶之循其所掘之處。仍用力以并掘之。而水可通也。皆指瀉法而言。而自然之妙。寓其中矣。張云。血清氣滑者。猶臨深決水。泄之最易。宜從緩治可也。若疾瀉之。必致真氣皆竭矣。血濁氣滯者。猶循掘決衝。必藉人力。但疾瀉之。其經可通也。簡案。張註是。

手之三陰止走腹。志云。此言手足陰陽之脈。上下外內逆順而行。應地之經水也。三陰三陽之走。卽二卷經脈之行。不必細註。簡案。馬張引經脈篇詳釋之。今從志義。

少陰之脈。獨下行何也。張云。足之三陰。從足走腹。皆自下而上。獨少陰之脈。若

有下行者。乃衝脈也。詳如下文。

出於頄顙。張云。其上行者。輸在於大杼。足太陽經也。故出頄顙。志云。頄顙者。鼻之內竅。上通天氣。簡案。五音五味篇云。衝脈任脈。皆起於胞中。上循脊裏。爲經絡之海。其浮而外者。循腹右上行。會於咽喉。別而絡唇口。頄顙即在咽喉。此其義也。

灌諸精。甲乙。精作陰。

注少陰之大絡。馬云。腎經之大絡曰大鍾。

並少陰之經。滲三陰。張云。自少陰以滲及肝脾二經。是爲三陰。此其所以下行也。

出跗屬下。張云。跗屬。足掌屬也。滲諸絡而溫肌肉。動輸篇作注諸絡以溫足脛。

上三節與動輸篇大同。簡案。馬云。出于跗上。屬于下之湧泉。誤矣。跗屬亦見骨度篇。

故別絡結止。厥則寒矣。張云。衝脈爲十二經之海。故能溫肌肉。溫足脛。皆衝脈之氣也。若衝脈之絡。因邪而結。則跗上之經。不動而爲厥。爲寒者。亦衝脈之所

致也。

以言導之止逆順之行也。張云。何以明者。恐人因厥而疑畏也。故先導以言。次切其脈。其有素所必動。而今則非者。如衝陽、太谿、太衝等脈。當動不動。乃可知其不動者爲逆。動者爲順。而其厥逆微甚。可以明矣。

血絡論第三十九

奇邪。張云。卽繆刺論所論奇病也。在絡不在經。行無常苦。故曰奇邪。血絡。志云。血絡者。外之絡脈。孫脈。見於皮膚之間。血氣有所留積。則失其外內出入之機。

血少黑。甲乙。少。作出。是。

蒼蒼者。甲乙。者。上有然字。是。

煩悅。諸本悅作悵。此本誤。當改。

脫氣則仆。張云。氣雖盛而血則虛者。若瀉其氣。則陰陽俱脫。故爲仆倒。久則爲腫。志云。其不新飲者。身中有水。久而爲腫。蓋言血乃水穀之津液所化。

若不新飲而出爲汗者。乃身中之水也。簡案。此答上文半爲汗者之問也。腫。乃水腫之謂。

氣先行故腫。簡案。此答上文發鍼而腫者之問也。腫乃鍼痕腫起之謂。與上節異義。

刺之血出多色不變。甲乙無血出多色四字。簡案。此答上文。而色不變。而煩悵者之問也。乃血出多三字衍文。

故煩悵。張本。悵。作悵。

陰陽俱有餘。張云。經絡之病。俱有餘。

相之奈何。馬云。相視也。

血脈者止各如其度。甲乙無者字。則而。作刺而。馬云。此言視血絡之法也。則。側同。必側其鍼。以迎而瀉之。志云。盛堅橫以赤者。血盛于脈中也。上下無常處者。血氣之流行也。小者如鍼。留血之在孫絡也。大者如筋。留血之在經隧也。數者。血脈出入之度數。張云。若失其數。而反其法。則爲仆爲脫。爲虛爲腫等證。各如刺度以相應也。

肉著。馬云。著。着同。張云。肉著者。吸著於鍼也。鍼入而熱。肉必附之。故緊澹難轉而堅不可拔也。

陰陽清濁篇第四十

諸本無篇字。馬云。陰陽者。陰經陽經也。陰經受清氣。陽經受濁氣。故名篇。

夫一人者止其合爲一耳。張云。察之一人。亦有亂氣。况天下乎。故推于一人。卽可以知天下。然則人已血氣本不一。而不一之理則一也。

受穀者濁。受氣者清。馬云。凡人身之氣。始時受穀氣者。六府也。其腑爲濁。繼而穀氣化爲精微之氣。從上而出。則受此精微之氣者。五藏也。其藏爲清。張云。人身之氣有二。曰清氣。曰濁氣。濁氣者。穀氣也。故曰受穀者濁。清氣者。天氣也。故曰受氣者清。二者總稱真氣。刺節真邪篇曰。真氣者所受於天。與穀氣并而充身也。五味篇曰。天地之精氣。其大數常出三入一。故穀不入半日則氣衰。一日則氣少矣。是指入者爲天氣。出者爲穀氣。

清者注陰。止命曰亂氣。甲乙作清而濁者。下行於胃。是。張云。喉主天氣。故天之

清氣。自喉而注陰。陰者止藏也。咽主地氣。故穀之濁氣。自咽而注陽。陽者六府也。濁之清者。自內而出。故上行。清之濁者。自外而入。故下行。一上一下。氣必交并。二者相合。而一有不正。則亂氣出乎其中矣。汪云。本經俱言陽清陰濁。此言陰清陽濁者。蓋以藏陰而府陽。藏清而府濁也。

濁者有清。清者有濁。甲乙二者當作中。

氣之大別。止內精於海。張云。大別言大概之分別也。上文以天氣穀氣分清濁。而此言清中之濁。濁中之清。其所行復有不同也。清者上升。故注於肺。濁者下降。故走於胃。然而濁中有清。故胃之清氣。上出於口。以通呼吸津液。清中有濁。故肺之濁氣。下注於經。以爲血脈營衛。而其積氣之所。乃在氣海間也。上氣海在臚中。下氣海在丹田。

何太陽濁甚乎。諸本無太字。甲乙濁作獨。

手太陽止獨受其濁。張云。手太陽小腸也。小腸居胃之下。承受胃中水穀。清濁未分。穢污所出。雖諸陽皆濁。而此其濁之濁者也。故曰獨受陽之濁。手太陰肺也。肺者五藏六府之蓋也。爲清氣之所注。雖諸陰皆清。而此其清之清者也。故

曰獨受陰之清。其清者上走空竅。此卽上文胃之清氣。上出於口。肺之濁氣。下注於經之義。足太陰脾也。胃司受納水穀。而脾受其氣以爲運化。所以獨受其濁。而爲清中之濁也。志云。空竅者。皮毛之汗空也。手太陰主周身之氣。走手空竅。以司呼吸開闔。應天之道也。小腸受盛糟粕。濟泌別汁。化而爲赤。下行於十二經脈。應地之道也。脾爲倉廩之官。主輸運胃府水穀之精汁。故諸陰皆清。而足太陰獨受其濁。

清者其氣滑。止調之也。張云。此又以鍼下之氣。言清濁陰陽也。清者氣滑。鍼利於速。濁者氣澹。鍼利於遲。陰者在裏。故宜深而留之。陽者在表。故宜淺而疾之。其或清中有濁。濁中有清。乃爲清濁相干。當察其孰微孰甚。而酌其數以調之也。志云。以數調之。與逆順篇之無失常數同義。簡案。逆順肥瘦篇曰。血濁氣澹者。深而留之。血清氣滑者。淺而疾之。與本節之義不同。馬張以表裏解之。似牽強焉。豈本節陰陽字互誤耶。

陰陽繫日月篇第四十一

諸本無篇字。馬云。日者卽曆書之十日也。月者卽曆書之一月也。天與人之陰陽和合而足經應月。手經應日。故名篇。

腰以上爲天。止故在上者爲陽。張云。日爲陽精。故日主火。月爲陰精。故月生於水。日爲陽。陽數五。五者中數之奇也。二五爲十。故旬有十日。而紀日者。所以作十干也。月爲陰。陰數六。六者中數之偶也。二六一十二。故歲有十二月。而紀月者。所以作十二支也。共合於人。則腰以上爲天。腰以下爲地。手在腰之上。故屬陽。而左右共十指。所以應十日也。足在腰之下。故屬陰。而左右共十二經。所以應十二月也。

寅者正月之生陽也。止故曰厥陰。張云。此言十二支爲陰。足亦爲陰。故足經以應十二月也。然一歲之中。又上半年爲陽。故合於足之六陽。下半年爲陰。故合於足之六陰。人之兩足。亦有陰陽之分。則左爲陽。右爲陰。以上下半年之陰陽。而合於人之兩足。則正二三爲陽中之陽。陽之進也。故正月謂之生陽。陽先於左而後於右。故正月主左足之少陽。二月主左足之太陽。三月主左足之陽明。四五六爲陽中之陰。陽漸退。陰漸生也。故四月主右足之陽明。五月主右足

之太陽。六月主右足之少陽。然則一歲之陽會於上半年之辰巳二月。是爲兩陽合於前。故曰陽明。陽明者言陽盛之極也。七八九爲陰中之陰。陰之進也。故七月謂之生陰。陰先於右而後於左。故七月主右足之少陰。八月主右足之太陰。九月主右足之厥陰。十月十一月十二月爲陰中之陽。陰漸退。陽漸生也。故十月主左足之厥陰。十一月主左足之太陰。十二月主左足之少陰。然則一歲之陰會於一半年之戌亥兩月。是爲兩陰交盡。故曰厥陰。厥者盡也。案原見王合陰極於是也。此總計一歲陰陽之盛衰。故正與六合。二與五合。三與四合。而陽明合於前也。七與十二合。八與十一合。九與十合。而厥陰合於後也。非如六氣厥陰主風木。陽明主燥金者之謂。志云。脈解篇曰。正月太陽寅。寅太陽也。厥陰者辰也。陽明者午也。少陽者申也。少陰者戌也。太陰者子也。而本篇又以寅末主少陽。卯午主太陽。辰巳主陽明。申丑主少陰。酉子主太陰。戌亥主厥陰。經脈別論以肝木主春。心火主夏。脾土主長夏。肺金主秋。腎水主冬。木火土金水。此後天之五行也。

甲主左手之少陽。止壬生左手之太陰。張云。此言十干爲陽。手亦爲陽。故手經

以應十日也。十日之中。主前者水火土爲陽。居後者金水爲陰。陽以應陽經。陰以應陰經。亦如足之與月也。故甲主左手之少陽。乙主左手之太陽。丙主左手之陽明。己主右手之少陽。戊主右手之太陽。丁主右手之陽明。十干之火。在於丙丁。此兩火并合。故爲陽明也。自己以後。則庚辛壬癸。俱金水爲陰。故庚主右手之少陰。辛主右手之太陰。癸主左手之少陰。壬主左手之太陰。第足言厥陰。而手不言者。蓋足以歲言。歲氣有六。手以旬言。旬惟五行而已。且手厥陰者。心包絡也。其藏附心。故不言耳。

故足之陽者。止腰以下者爲陰。張云。此卽兩儀四象之道。陰中無太陽。陽中無太陰。故足爲陰。而陰中之陽。惟少陽耳。陰中之陰。惟太陰也。手爲陽。陽中之陰。惟少陰耳。陽中之陽。則太陽耳。故以腰之上下分陰陽。而手配十干。足配十二支。而三陰三陽。各有所屬焉。可見腰以上者。陽中亦有陰。腰以下者。陰中亦有陽也。

其於五藏也。止腎爲陰中之太陰。張云。五藏以心肺爲陽。故居膈上而屬手經。肝脾腎爲陰。故居膈下而屬足經。然陰陽之中。又有陰陽之分。亦如上節手足

之義。故金匱真言論曰。陽中之陽心也。陽中之陰肺也。陰中之陰腎也。陰中之陽肝也。陰中之至陰脾也。義與此同。

正月二月止無刺左足之陰。張云。人氣所在。不可以刺。恐傷其王氣也。按本篇但言人氣在足之刺忌。而不言手者。蓋言足之十二支。則手之十干可類推矣。故甲乙丙在左手之少陽太陽陽明。己戊丁在右手之少陽太陽陽明。庚辛在右手之少陰太陰。癸壬在左手之少陰太陰。皆不可以刺也。

此天地之陰陽也。止此之謂也。張云。天地之陰陽。言變化之多也。夫干支手足者。分上下也。左右少太者。辨盛衰也。今甲爲天下之首。故當主左手之少陽。非四時五行之次。厥陰風水之列也。且夫陰陽之道。有名無形。可以十。可以百。可以千。可以萬。左右逢源。無非其道。故不可以執一論之。馬云。按數之可十四句。又見素問陰陽離合論。五運行大論。朱濟公有名無形者。以無形而合有形也。

病傳篇第四十一

馬云。篇內大氣入藏。先發於何臟。何日傳何藏。卽素問病傳論之所謂病傳也。

故以病傳名篇。然素問以論標本病傳爲一篇。本經以病本論標本。以病傳論病之所傳。分爲二篇。

導引行氣。簡案。巢源有蝦蟇行氣。

喬摩。甲乙作按摩。馬云。喬。蹻同。

飲藥之一者可獨守耶。甲乙無之字。簡案。據甲乙藥下句。義尤明顯。

諸方者止萬物畢者也。張云。謂當因人所宜以施治。是衆人各有其方也。人得

其一。則萬變之道可畢矣。移精變氣論曰。治之極於一。卽此謂也。

頭移之過。馬云。大抵內經謂病爲有過。

其如且醒。諸本且作日。此字誤。當改下同。甲乙作旦亦通。

彼而服之。馬云。果能佩而服之。則神自生。而與道俱成。

可著於竹帛。不可傳於子孫。馬云。可著於竹帛。傳之天下後世。蓋上達必由心

悟。可以待其人而後行也。雖子孫亦不可傳之。猶梓匠輪輿。能使人規矩。不能

使人巧。故父不得以私諸子也。張云。昭乎如醒。道之明也。窘乎如瞑。察之難也。

著之竹帛。則澤及於人。傳之子孫。則道私於己。故不可也。

瘖乎。諸本作瘖乎。此字誤。當改。

折毛發理。志云。毛髮折而腠理開。開則邪從毛髮入。入則抵深而入於腠理。是以正氣橫傾。

血脈傳溜。甲乙。溜。作留。志云。傳流於血脈而入藏。則傷神。

大氣入藏。腹痛下淫。馬云。大邪入藏。而腹痛下傳。誠有易死難生者。張云。大氣。大邪之氣也。凡邪之中人。瘖乎其無聲。不可得而聞也。漠乎其無形。不可得而見也。至其絕則爲折毛發理。正氣橫傾等證。故有死無生也。

病先發於心。止夏日中。張云。病發於心而得於肺。火乘金也。三日而金復乘木。故傳之肝也。五日而木復乘土。故傳之脾也。再三日而邪氣不退。其甚則死。冬月夜半。水王之極也。夏月日中。火王之極也。心火畏水。故冬則死於夜半。陽邪亢極。故夏則死於日中。蓋衰極亦死。盛極亦死。有所偏勝。則有所偏絕也。五行之氣。無不皆然。下文之義。皆倣此。馬云。素問標本病傳論言病。本篇言臟。其實病卽臟之病也。

病先發於肺。止夏日出。張云。自肺而肝。自肝而脾。皆傳所勝也。自脾而胃。表裏

相傳也。肺邪王於申酉。故冬則死於日入。金氣絕於寅卯。故夏則死於日出。楊元如云。按止言冬夏而不言春秋者。四時之氣。總屬寒暑之往來。夜半日中。陰陽之分於子午也。日出日入。陰陽之離於卯酉也。病傳之一三五日者。乃天之奇數。蓋五藏生於地之五行。而本於天干之所化。簡案。病傳日數。未詳本於何義。楊說難通。

病先發於肝。止夏蚤食。張云。此肝木傳土。而土邪復傳水藏也。水受傷者金勝則危。故冬畏日。入肝發病者。木衰則劇。故夏畏蚤食時也。馬云。冬之日入在申。以金旺木衰。故冬死於日入。夏之早食在卯。以木旺亦不能扶。故夏死於早食也。

病先發於脾。止夏晏食。張云。此土邪乘水而表裏俱相傳也。人定在亥。而土病於冬者畏之。寒水反能侮土也。晏食在巳。而脾病於夏者畏之。以戊己王鄉。而合邪爲患也。楊元如云。腎膀胱者。膀胱附於脊背之腎筋也。是以三日而之腎膀胱。則背脊筋痛。病傳篇小便閉。人定在寅。水旺而土絕也。夏之晏食在亥。水泛而土敗也。馬云。冬之人定在亥。以土不勝水。故冬死於人定。夏之晏食在寅。

以木來剋土。故夏死於晏食也。簡案、晏、玉篇晚也。淮南天文訓。日至於桑野。是謂晏食。蓋以理推之。人定在亥。晏食在戌。見標本病傳高註

病先發於胃。止夏日昞。張云。此土邪傳水。而水復傳火。故自膀胱以及於心也。標本病傳論曰。冬夜半後丑也。夏日昞未也。皆土王之時。故胃病逢之。氣極則敗。志云。昞音笛。日昞也。

病先發於腎。止夏早晡。早、馬張志作晏。他本並作早。簡案、據標本病傳論作晏。爲是。張云。此水病乘火。則表裏皆相傳也。大晨、辰刻也。爲水之庫。晏晡、戌時也。土能伐水。故病發於腎者。不能出乎此也。馬云。冬之大明在寅末。夏之晏晡以向昏。土能剋水。故冬死於大晨。而夏死於晏晡也。

病先發於膀胱。止夏下晡。張云。此亦水火二藏。自表而裏之相傳也。冬之鷄鳴在丑。陰之極也。夏之下晡在未。水所長也。膀胱爲水府。故其盛極衰極。皆能死。志云。冬鷄鳴。夏下晡。卽上節大晨晏晡之時也。按五藏相傳。而有膀胱胃府者。胃居中央。爲水穀之海。乃五藏之生原。太陽爲諸陽主氣也。簡案、甲乙合本篇。及標本病傳論。成篇當參攷。

諸病以次相傳止乃可刺也。志云。玉機真藏論曰。五藏相通。移皆有次。五藏有病。則各傳其所勝。病之且死。心先傳行。至其所不勝。病乃死。故如是者。乃逆傳其所勝。皆有死期。不可刺也。如間一藏者。乃心傳之肝。肺傳之脾。子行乘母也。間二藏者。心傳之脾。肺傳之腎。乃母行乘子。子母之氣。互相資生者也。間三藏者。心傳之腎。肺傳之心。從所不勝來者。爲微邪也。按五藏間傳止有間三而無間四。所謂間四藏者。以藏傳之府。而府復傳之於他藏。蓋府亦可以名藏也。馬云。難經五十三難。七傳者死。間藏者生。與此篇大義同。

淫邪發夢篇第四十三

諸本無篇字。馬云。內有淫邪泮衍。使人臥不得安而發夢。故名篇。

淫邪泮衍。張云。言奇邪爲夢。變幻無窮也。簡案。泮散也。詩。邯風。迨冰未泮。

正邪從外襲內。止喜夢。反淫。千金作及淫。張云。正邪者。非正風之謂。凡陰陽勞逸之感於外。聲色嗜慾之動於內。但有干於身心者。皆謂之正邪。亦無非從外襲內者也。惟其變態恍惚。未有定舍。故內淫於藏。則於營衛魂魄。無所不亂。因

令人隨所感而爲夢。

下甚則夢隨。盛饑則夢取。甲乙。下甚。作下盛。盛饑作甚饑。馬云。甚當作盛。盛當作甚。

肺氣盛止飛揚。張云。肺在志爲憂。故夢恐懼哭泣。肺主氣。故夢飛揚。

身體重不舉。甲乙。重下有手足二字。

兩解不屬。張云。腰爲腎之府。故若腰脊不相連屬。

凡此十二盛者。馬云。凡此十二盛者。在府則有餘於外。在藏則有餘於內。凡有夢至時。卽知其邪之在何藏府。遂用鍼以瀉之。其邪可立已矣。蓋府夢瀉府。藏夢瀉藏也。

厥氣客於心。志云。夫邪之所湊。其正必虛。上章論邪氣之有餘。此論正氣之不

足。厥氣者虛氣。厥逆於藏府之間。客者薄於藏府之外也。

壞屋風雨。張云。脾屬土。其主濕也。

夢遊行。張云。膀胱爲足之太陽經。屬三陽之表也。馬云。以膀胱經徧行頭項背腰胛足也。

夢田野。馬云。以大腸爲傳導之官。其曲折廣大。似田野也。志云。田野者。水穀之所生也。大腸爲傳導之官。主受水穀之餘。濟泌別汁。止夢見田野者。大腸之氣虛也。

聚邑衝衢。甲乙。衝衢。作行街。馬云。夢會聚之邑居。或衝要之道衢。以小腸爲受盛之官。其物之所聚。似邑衢也。簡案。衝。說文。通道也。與街同義。氣衝。一名氣街。可證。

自剗。張云。膽主決斷。其氣剛也。剗。音枯。剖腹也。

窳苑中。千金作池渠窳。張云。窳。窳同。志云。窳。音教。地藏也。簡案。考工記。困窳。倉城註。穿地曰窳。音教。窳。說文。陷也。窳。音烏爪切。音窪。凹也。苑。疑字誤。

拜起。甲乙。起作跪。

客於胞臚。則夢洩便。甲乙。洩便。作洩便利。張云。胞。洩脬也。臚。大腸也。在前則夢洩。在後則夢便。志云。客於胞。則夢洩前溺。客於臚。腸則夢後便。

凡此十五不足者。道藏本。正脈本。十五作有數。馬云。凡此十五不足者。在府則不足於內。在藏則不足於外。凡有夢至時。卽知其邪之在何藏府。遂用鍼以補。

之。其邪可立已矣。蓋府夢補藏。藏夢補府也。簡案。此篇論夢。與素問脈要精微論。方盛衰論。及列子穆王篇少異。當參攷。

順氣一日分爲四時篇第四十四

夫百病止得藏而有名。馬云。夫百病必始於外感內傷。故燥濕寒暑風雨者。外感也。陰陽喜怒飲食居處者。內傷也。邪氣相合於藏而病形成。得其分藏而病名別。張云。氣合而有形。脈證可據也。得藏而有名。表裏可察也。

旦慧晝安。夕加夜甚。春秋繁露云。病者至夜而病愈甚。出同類相動篇。

春生夏長止故甚也。張云。春之生。陽氣升也。夏之長。陽氣盛也。秋之收。陽氣降也。冬之藏。陽氣伏也。是氣之常。皆以陽氣爲言也。天地之交。四時之序。惟陰陽升降而盡之矣。自子之後。太陽從左而升。升則爲陽。自午之後。太陽從右而降。降則爲陰。大而一歲。小而一日。無不皆然。故一日亦分四時也。朝時太陽在寅卯。自下而上。在人應之。陽氣正升。故病氣衰而旦慧。日中太陽在巳午。自東而中。在人應之。陽氣正盛。故能勝邪而晝安。夕時太陽在申酉。由中而昃。在人應

之。陽氣始衰。故邪氣漸盛。而暮加重。夜半太陽在戌亥。自上而降。在人應之。陽氣伏藏。邪氣正盛。故夜則甚。蓋邪氣之輕重。由於正氣之盛衰。正氣者陽氣也。升則從陽。從陽則生。降則從陰。從陰則死。天人之氣。一而已矣。

其時有反者何也。止逆者爲癰。獨主甚病。諸本作獨主其病。此本誤。當改。馬云。帝疑病有旦晝。或加或甚。而夕夜或慧或安者。故伯言此乃藏氣獨主其病。而不應一日分爲四時之氣也。如脾病不能勝旦之木。肺病不能勝晝之火。肝病不能勝夕之金。心病不能勝夜之水。故爲加爲甚也。若人之藏氣。能勝時之氣。如肺氣能勝旦之木。腎氣能勝晝之火。心氣能勝夕之金。脾氣能勝夜之水。故至晝慧旦安也。治之者。能順其時。如脾病不能勝旦之木。則補脾而瀉肝。肺病不能勝晝之火。則補肺而瀉心。肝病不能勝夕之金。則補肝而瀉肺。心病不能勝夜之水。則補心而瀉腎。斯病可與期也。彼粗工者。則逆之而已。惡足以知此。五藏有五變。止以應五時。志云。五藏有五變者。有五時五行五音五色之變異。五變有五輪者。一藏之中。有春刺榮。夏刺輪。長夏刺經。秋刺合。冬刺井之五輪。故五五有二十五輪。以應五時也。

肝爲牡藏。張云。肝屬木。爲陰中之少陽。故曰牡藏。
心爲牡藏。張云。心屬火。爲陽中之太陽。故曰牡藏。
脾爲牝藏。張云。脾屬土。爲陰中之至陰。故曰牝藏。
肺爲牝藏。張云。肺屬金。爲陽中之少陰。故曰牝藏。
腎爲牝藏。張云。腎屬水。爲陰中之太陰。故曰牝藏。按五藏配合五行。而惟肝心

爲牡藏。脾肺腎皆爲牝藏。蓋木火爲陽。土金水皆爲陰也。

黃帝曰。以主五輪奈何。馬云。缺。岐伯曰。張志同。

藏主冬。止秋刺合。張云。五藏主藏。其氣應冬。井之氣深。亦應於冬。故凡病之在
藏者。當取各經之井穴也。五色蕃華。其氣應春。榮穴氣微。亦應乎春。故凡病見
於色者。當取各經之榮也。五時長養。其氣應夏。輸穴氣盛。亦應於夏。故凡病之
時作時止者。當取各經之輸也。五音繁盛。氣應長夏。經穴正盛。亦應長夏。故凡
病在聲音者。當取各經之經也。五味成熟。以養五藏。其氣應秋。合穴氣斂。亦應
於秋。故凡經滿而血者。病在胃。及因飲食內傷者。當取各種之合也。按本篇五
時之刺。以應五輪者。冬刺井。春刺榮。夏刺輸。長夏刺經。秋刺合者。以井應冬。榮

應春。輸應夏。經應長夏。合應秋也。如本輸四時氣水熱穴等論所載。皆同。不可易者。考之六十五難曰。井者東方春。合者北方冬也。七十四難曰。經言春刺井。夏刺榮。季夏刺俞。秋刺經。冬刺合。皆與本經不合。必難經之誤也。當以本經爲正。不可不辨。

以經合之。張云。上文止言五藏五輸。以應五時。而不及六府之原者。蓋原合於經。不復應時。如長夏之刺經。則原在其中。應其數矣。是卽六府之六輸也。按本輸篇所載。六府之原。在九針十二原篇。卽謂之腧。故六十六難曰。以腧爲原也。後世鍼灸諸書宗之。皆言陽經之腧卽爲原。故治腧卽所以治原。陰經之腧并於原。故治原卽所以治輸。今此節云。以經合之。以應其數。然則經原腧三穴相隣。經亦可以代原矣。

經滿而血者。病在胃。甲乙注。經作絡。胃作胸。志云。肺與陽明主秋金之令。飲入於胃。上輸於肺。食氣於胃。淫精於脈。脈氣流經。經氣歸於肺。肺朝百脈。輸精於皮毛。毛脈合精。行氣於肺。而通於四藏。是入胃之飲食。由肺氣通調輸布。而生此榮衛血脈。故經滿而血者。病在胃。飲食不節者。肺氣不能轉輸而得病也。按。

靈素經中。凡論五藏必兼論胃府。以胃爲五藏之生原也。肺與陽明並主秋令。此章以府合藏。而藏合於四時。五行味主秋。則秋令所主之藏府。皆繫於中矣。簡案。以陽明配秋。蓋出於運氣。疑非經旨。此節馬張不釋。姑仍志註。是謂五病也。諸本病作變。此依張本。誤當改。

外揣篇第四十五

馬云。內有司。內揣外。故名篇。說文云。揣。量也。六書統云。凡稱量忖度。皆曰揣。授其調。張云。調。法度也。言頗得其詳也。

夫九鍼者。止可乎。張云。始於一。終於九者。盡天地之大數也。針數應之。故小則無內。大則無外。深則無下。高則無上。其於天道人事。四時之變。無所不合。故散之則雜如毫毛。約之則渾束爲一。一者欲得其要也。

夫治國者。止爲一乎。張云。至大至小。至淺至深。無不有道存焉。故治國者有道。治鍼亦有道。必知乎道。乃可萬變而爲一矣。動搖則應知。張云。有動則有應。有應則可知。惟其至明。故能盡得其情。

合而察之。切而驗之。見而得之。馬云。合陰陽而察之。切陰陽而驗之。見陰陽而得之。張云。合而察之。參合陰陽而詳察也。切而驗之。從其切要而辨證也。故可見可得。如清水明鏡之無所失也。

五音不彰。止影之似形。張云。五音五色見於外。因藏氣而彰明也。五藏之氣藏於內。因形聲而發露也。外之不彰不明者。知內之波蕩也。卽如鼓非桴也。得桴而後鳴響。非聲也。得聲而後應影。非形也。得形而後見。是皆內外相襲而然。襲因也。馬云。五藏在人身者如水波蕩然紊亂無紀。

故遠者止弗敢使泄也。張云。揣推測也。司主也。遠者主外。近者主內。察其遠能知其近。察其內能知其外。病變雖多。莫能蔽吾之明矣。內外遠近。無所不知。以其明之至也。陰陽之道。盡於此矣。天地雖大。又安能出於是哉。馬云。人身之音與色。是之謂遠。可以言外也。而卽外可以揣五藏之在內者。人身之五藏。是之謂近。可以言內也。而卽內可以揣音與色之在外者。此乃陰陽之極。天地之祕。蓋不可以輕泄之乎。刺節真邪論。及素問靈蘭秘典論。皆藏此室。簡案。司。伺。通。漢灌夫傳。外后亦已使侯司。

五變篇第四十六

諸本無篇字。馬云。末節有五變之紀。故名篇。

百疾之始期也。廣韻云。期限也。

避者得無殆。張云。殆。危也。天非求人。而人自犯之。所以有少病病多者。亦在乎

人之慎與不慎耳。

斧斤。釋名云。斧。甫也。甫。始也。凡將器。始用斧伐木。已乃制之也。斤。斲同。釋名云。

所以平滅斧迹也。

木之陰陽。志云。陰陽者。木之枝幹皮肉也。簡案。周禮考工記。凡斬穀之道。必矩

其陰陽。陽也者。稊理而堅。陰也者。疏理而柔。

夫木之蚤花。止况於人乎。張云。此言木之凋殘。各有所因。以方人之疾病。亦無

不有所致之也。萎。音威。蕘。枯也。鮮。音烟。物不潰。音會。壞爛也。漉。音鹿。水濕貌。杭

音兀。木之無枝者也。馬云。濕腐爲漉。

故常爲病也。張云。木有堅脆。所以傷有輕重。人有堅脆。所以病有微甚。故雖同

時遇風而有受有不受。此病之所以異也。

風厥漉汗。甲乙作風灑灑汗出。馬云。素問陰陽別論。評熱病論。皆有風厥。素問瘧論及本經逆順篇。皆言無刺漉漉之汗。則風厥者其汗必漉漉然也。朱長春云。此言皮不緻密。肉理羸疎。致風邪厥逆於肉。而爲漉漉之汗。蓋津液充於皮膚之間。皮潰理疎。則津洩而爲汗矣。

腠肉不堅。止此言其渾然者。甲乙。腠作腠。肉理羸疎四字。作肉不堅膚粗五字。疎下有也字。此言以下六字。無無分理者。諸本理下更有理字。馬云。理者之理。當作衍。張因刪之。此本仍張本。馬云。腠腸之上。膝後曲處爲腠。乃委中穴所在也。其肉不堅。而無分理者。其理必粗。粗理而皮不堅緻。則一身之腠理必疎。所以善病風厥也。此乃言其肉之渾然者。則皮必密。理不疎。尙何病風之有。簡案。甲乙作腠爲是。以腠肉侯通身之肌肉。見本藏等論。諸家以腠釋之非也。渾然卽無分理之謂。馬反爲理不疎之義。志亦爲渾然汗出。並誤。

五藏皆柔弱。者止肌肉弱者也。甲乙。必下無有字。衝作衡。註云。太素逆留作留。積又甲乙。臄皮充肌。作膚皮充脹。志云。消瘴者。瘴熱而消渴消瘦也。邪氣藏府

篇曰。五藏之脈微小爲消痺。蓋五藏主藏精者也。五藏皆柔弱。則津液竭而善病消痺矣。夫形體者。五藏之外合也。薄皮膚而肌肉弱。則五藏皆柔弱矣。夫柔弱者必有剛強。謂形質弱而性氣剛也。故此人皮膚薄而目堅固以深者。其氣有長衝直揚之勢。其心剛。剛則多怒。怒則氣上逆。而血積於胸中。馬云素問生氣通天論曰大怒則形氣絕而血菀於上。氣逆留則充塞於肌肉。血畜積則脈道不行。血氣留積。轉而爲熱。熱則消肌膚。故爲消痺。此言其人暴剛而肌肉弱者也。蓋肌肉弱則五藏皆柔。暴剛則多怒而氣上逆矣。張云。目堅固而視直揚者。其心必剛。衝者目光突露之謂。臆。寬同。簡案。衝作衡。似是。論勇篇亦云。勇士者目深。以固。長衝直揚是也。前王莽傳。肝衡厲色。振揚武怒。註。眉上曰衡。肝衡。舉目揚眉也。又蔡邕釋誨。揚衡含笑。臆。字書體也。又與臆同義。難叶。

小骨弱肉者。善病寒熱。張云。骨屬腎。肉屬脾。皆至陰之所在也。陰不足。則陽邪易以入之。故善病寒熱。

顴骨者止故善病寒熱也。甲乙。殆。作怡。志云。夫腎主骨。顴者腎之外候也。故顴骨爲骨之本。顴大則周身之骨皆大。顴小則知其骨小也。咽者肉之指標也。懦

懦柔弱也。臂薄者股肱之大肉不豐也。地色者地閣之色。殆不與天庭同色。此土氣之卑污也。髓者骨之充也。骨小則其髓不滿矣。夫在外者皮膚爲陽。筋骨爲陰。骨小皮薄。則陰陽兩虛矣。陽虛則生寒。陰虛則發熱。故其人骨小皮薄者。善病寒熱也。張云。懦、懦、糯。軟三音。簡案。寒熱謂虛勞寒熱。內經言寒熱者皆然。蠱理止各視其部。甲乙無者各二字。部上有三字。張云。肉不堅。則風寒濕邪易以入也。人之上下左右虛實。自有不同。故當各視其部。

病腸中積聚者止大聚乃起。甲乙乃傷作乃作。稍至作稍止。馬云。惡者猶俗云不好也。朱永年云。此言善病腸中積聚者。以腸胃之惡也。夫皮膚薄而氣不充。身澤毛肉不堅。而津液不能淖澤。如此則腸胃惡。蓋津液血氣。腸胃之所生也。惡則邪氣留止。而或積聚。乃傷脾胃之間。若再飲食之寒溫不節。邪氣稍至。卽畜積而大聚乃起。夫腸乃肺之合。而主皮主氣。胃乃脾之合。而主肉主津。故皮膚薄而肉不堅。則氣不充而津液不淖澤矣。氣不充而液不澤。則皮毛開而腠理疎。疎則邪氣留止。漸溜於腸澤之間。而成積聚矣。馬云。大義詳見。簡案。馬云。其肉不堅而反爲淖澤。淖澤者推之則移也。此以淖澤爲柔脆之義也。張云。淖

澤者濕滯多也。攷內經中淖澤多見諸篇。然未見爲柔脆之義。若依張說。而爲濕滯多。則與皮膚薄而不澤相反。故朱帶堅上不學而讀。更添一不字而釋之。義覺分曉。

先立其年止五變之紀也。張云。先立其年。則五運六氣各有所主。故知其時。凡病遇生王則時之高也。故可以起。起言愈也。如逢衰剋。則時之下也。病當危殆矣。六元正紀大論亦曰。先立其年。以明其氣。雖非衰剋陷下之時。而年有所衝。則氣有所通。其病亦因而起。此非上文之所謂起也。如水火相衝。火當畏水。金木相衝。木當畏金。然火勝則水亦病。木勝則金亦病。故有以金形之人。而反病於丁壬年者。有以木形之人。而反病於甲巳年者。是謂因形生病。五變之紀也。簡案。本節諸家並以運氣家之言而解之。然運氣之說。昉於唐以後。乃不可以彼解此。必別有義之所存。俟攷。

本藏篇第四十七

諸本無篇字。馬云。內推本藏府吉凶善惡。故名篇。

奉生而周於性命者也。張云。奉、養也。周、給也。人身以血氣爲本。精神爲用。合是

四者。以奉生而性命周全矣。

經脈者。張云。經脈者卽營養之道。營、運也。濡、潤也。營行脈中。故主於裏而利筋

骨。溫分內。張云。肉有分理。故云分肉。衛行脈外。故主表而司皮毛之開闔。

御精神。故魂魄適寒溫。張云。御、統御也。適、調變也。

營覆陰陽。張云。覆、包藏也。

精神專直。張云。專直如易繫所謂其靜也專。其動也直。言其專一而正也。無以相倚也。張云。倚、偏也。一曰當作異。

參天地。測陰陽而運四時。運、諸本作連。唯志作運。張云。副、配也。連、通也。化五節。張云。應五行之節序而爲之變化也。

凡此二十五者各不同。甲乙四下有變字。各下更有各字。

心小則安止無守司也。甲乙邪弗能傷。註太素云。外邪不能傷。又易傷於邪。註太素亦作外邪。又楊上善云。心藏言神有八變。後四藏但言藏變。不言神變者。

以神爲魂魄意之主。言其神變則四藏可知。故略而不言也。張云。心小則怯。故必多憂。大則不固。故邪易傷之。高則滿於肺而竅多不利。下則陽氣抑而神必不揚。心脆者火必易動。偏傾者不得其中。此其所以各有病也。志云。肺者心之蓋。故心高則滿於肺中。在心主言。在肺主聲。滿則心肺之竅閉塞。故悶而善忘。難開以言也。心脆則善病消痺熱中。按邪氣藏府篇。五藏脈微小爲消痺。蓋五藏主藏精者也。五藏脆弱。則津弱微薄。故皆成消痺。

肺小則少飲止胸偏痛也。甲乙無喝字。肩息作喘息。居貴作逼貴。易傷。註。一云。易傷於熱。喘息鼻衄。張云。喘喝。氣喘聲急也。肩息。欬聳肩喘息而欬也。居當作苦。肺下則氣道不利。故苦於貴迫而脅下痛也。志云。貴乃胃脘之貴門。在胃之上口。下則肺居貴間。而胃脘迫肺。血脈不通。故脅下痛。肺傷者。肺痿也。簡案。張改居作苦。以貴爲奔之義。非也。當依甲乙作逼貴。仍志註爲貴門。以前後文例推之。肺小則下。恐脫安字。

肝小則藏安。止脅下痛也。甲乙無藏字。下脾腎並同。苦作善。切作加。挽作急。脅下痛也。之痛上有偏字。馬云。支別者。上奔迫切。脅下多悶。張云。上支貴切。謂肝

經上行之支脈貫膈迫切。故脅爲悞悶。爲息貫喘息也。志云。肝居胃之左。故大則逼胃。而胃腕上迫於咽也。肝在膈之下。故大則苦於膈中。且脅下痛。肝脈貫膈上注肺。故高則上支貫切。脅悞爲息貫。簡案。支非支別之謂。王冰註六元正紀支痛云。支。拄傍也。脅字句。此謂上支拄於貫門。切迫於脅下。而爲息貫者。肝高而上逼於肺也。史有肺肝相附語。亦恐近焉。經筋篇及五十六難。並以息貫爲肺病。此肝病及肺也。

脾小則藏安。止善脹也。甲乙。善滿作瘕瘕。張云。湊塞也。眇。脅下軟肉處也。音秒。季脅。小肋也。簡案。湊訓塞。未見所據。說文聚也。

腎小則藏安。止人之所苦常病也。甲乙。腎大則註云。一本云耳聾或鳴。汗出不可以俛仰。註。一云背急綴耳膿血出。或生肉塞。志云。夫腰脊者。身之大關節也。故腰痛。背脊痛。腰尻痛。皆不可以俯仰。腎附於腰脊間。故病諸痛也。狐疝者。偏有大小。時時上下。狐乃陰獸。善變化而藏。睪丸上下。如狐之出入無時。此腎藏之疝也。張云。五變者。曰小大。曰高下。曰堅脆。曰端正。曰偏傾也。人有五藏。藏有五變。是爲二十五變。人所苦於常病也。

赤色。小理者。止心偏傾也。甲乙心下堅無下字。是乃與下文心脆對。志云。小理者。肌肉之文理細密。粗理者。肉理粗疎。大肉。脂。五藏之所生也。故候肉理之粗細。即知藏形之大小。髑髏。胸下蔽骨也。簡案。赤色二字。該下文粗理者無髑髏者而言。次節白色青色並同。

巨節反膺。止肺偏傾也。甲乙註反。一作大。甲乙疎。作竦。註。一作欹。馬云。疎當作竦。張云。胸前兩旁爲膺。胸突而向外者。是爲反膺。肩高胸突。其喉必縮。是爲陷喉。合腋。張脅者。腋斂。脅開也。脅偏疎者。脅骨欹斜而不密也。

廣胸反骹。止肝端正。甲乙兔作脆。膺作脅。並是。張云。脛骨近足之細處曰骹。今詳此反骹。兔骹以候肝。似以脅下之骨爲骹也。反骹者。脅骨高而張也。兔骹者。脅骨低合如兔也。志云。兔者。胸脅交分之扁骨。內膈前連於胸之鳩尾。旁連於脅。後連於脊之十一椎。肝在膈之下。故廣胸反骹者。肝高合脅。兔骹者。肝下。兔者。骨之藏伏也。肝脈下循於腹之章門。上循於膺之期門。在內者從肝別貫膈。故膺腹好相得者。肝端正。簡案。攷字書骹無胸骨之義。張志以意釋之。然於原文極切。今從之。

揚脣者。張云。脾氣通於口。其榮在脣。故脾之善惡。體於脣而可知也。

高耳者。張云。腎氣通於耳。故腎之善惡。驗於耳而可知也。

持則安。減則病也。張云。凡以上諸變。使能因其偏而善爲持守。則可獲安。若少有損減。則不免於病矣。

猶不能減也。甲乙。減作感。簡案。王冰註真至要。感邪而生病也。云外有其氣而內惡之。中外不喜。因而遂病。是謂感也。

邪之舍也。止反覆言語也。甲乙。苦燋作善焦。人平作人卒。卒字接張云。五藏六府。所以藏精神水穀者也。一有不和。邪乃居之。故曰邪之舍也。不可以爲人平。謂其心邪多昧。便佞不可化也。簡案。平作卒。爲是。

肺合大腸。止腠理毫毛其應。張云。肺本合皮。而大腸亦應之。心本合脈。而小腸亦應之。膽胃皆然。故表裏之氣相同也。惟是腎本合骨。而此云三焦膀胱者。腠理毫毛其應何也。如五癰津液別篇曰。三焦出氣。以溫肌肉。充皮毛。此其所以應腠理毫毛也。簡案。甲乙云。腎之應毫毛。於義爲錯。此不考耳。本輸篇曰。三焦者。中瀆之府也。水道出焉。屬膀胱。蓋三焦膀胱。但是指下焦膀胱。膀胱爲太陽

經主周身之表。腎與膀胱合。所以應腠理也。馬云。左腎合膀胱。右腎合三焦。恐非也。

皮肉不相離者。張云。堅實之謂。志云。上文以藏合府。而府應形。此以藏合形。而形合府。皆陰陽外內交互之妙用。

心應脈。止小腸結。張云。心與小腸爲表裏。心應脈。故小腸府狀。亦可因脈而知也。然脈行皮肉之中。何以知其厚薄。但察其皮肉。即可知也。冲虛也。諸陽經脈。言脈之浮淺而外見者也。紆屈盤曲不舒之謂。

脾應肉。止上管約不利也。甲乙。無小裏。累作無小裏。繫標緊多少裏。累作多少裏。繫馬云。亦裏作裏。張云。麼細薄也。約不舒也。少裏累之義未詳。高志齋謂揣其腠肉。而少有累然結實者之謂。簡案。博雅。麼微也。裏作裏。義自明。

無約者。簡案。約紋也。

膽結也。張云。膽氣不舒之謂。

腎應骨。止膀胱結也。張云。腎與膀胱爲表裏。而三焦亦合於腎。故上文曰。腎合三焦膀胱。腠理毫毛其應。所以三焦膀胱之狀。可因腠理毫毛而知也。倪氏云。

太陽之氣主皮毛。三焦之氣通腠理。是以視皮膚腠理之厚薄。則內應於三焦膀胱矣。又津液隨三焦之氣以溫肌肉。充皮膚。三焦者。少陽之氣也。本經云。熏膚充身澤毛。是謂氣。是以皮毛皆應於三焦膀胱。朱永年曰。經云。谿谷屬骨。是肌肉之屬於骨也。又曰。脾生肉。肉生肺。肺生皮毛。是骨肉皮毛交相資生者也。故曰。腎應骨。密理厚皮者。三焦膀胱厚。視其外應。止知所病矣。張云。外形既明。內藏可察。病亦因而可知矣。所謂病者。如上文二十五變之類。皆是也。

靈樞識

日本 丹波元簡廉夫著
鄞縣 曹炳章赤電校

卷五

禁服篇第四十八

馬云。服事也。詩大雅板篇。有我言維服。內論脈有關格。宜用灸刺藥法。故名篇。志云。篇名禁服者。誠其佩服而禁其輕洩也。又云。首篇有禁服二字。因以名篇。簡案。篇首云。旦暮勒服之。又云。此先師之所禁。志後說爲是。

近者編絕久者簡垢。張云。六十篇古經數也。今失其傳。編絕簡垢。卽韋編三絕之謂。垢。塵污也。蓋古時無紙。書於竹簡。以熟皮編之。故曰韋編。簡案。說文。編。次簡也。史孔子世家。讀易韋編三絕。前儒林傳註。編。所以聯次簡也。爾雅疏。簡。竹簡也。古未有紙。載文於簡。謂之簡札。

褊淺。史記禮書褊陋之說入焉而嘆。註褊狹也。

自強於學若細子。簡案強勉也。勤也。謂自勉強若細子然。未能渾束爲一也。坐私傳之也。簡案坐字未詳。蓋謂於其坐私傳之也。

割臂歃血。曲禮疏。割牲左耳。盛以珠盤。又取血盛以玉敦。用血爲盟書。書成乃歃血。讀書說文。盟者以血塗口。傍曰歃血。淮南齊俗訓。胡人彈骨。越人齧骨。中國歃血。所由各異。其於信一也。

齋宿。簡案宿與肅通。禮祭統先期旬有一日。宮宰宿夫人。註宿讀爲肅。戒也。

正陽。簡案正午也。禮祭義。殷人祭其陽。註陽謂日中時也。

凡刺之理。止血盡不殆矣。馬云。凡刺之理六句。見前經脈篇。張云。經脈爲始。必先明經絡也。營其所行。營行有終始也。知其度量。脈度有短長也。內刺五藏。外刺六府。分表裏出入也。衛氣者陽氣也。衛外而爲固者也。陽氣不固。則衛氣失常。而邪從衛入。乃生疾病。故爲百病母。瀉實則虛。補虛則實。故虛實乃止。病在血者。調之絡。邪血去盡。則不殆矣。

夫約方者。止則神與弗俱。張云。約者要也。約方。約囊。其道同也。囊滿弗約。則輸

泄而傾。方成弗約。則不切於用。蓋雜則不精也。易曰。精義入神。以致用也。不得其精。焉能入神。有方無約。即無神也。故曰神與弗俱。所謂約者。即前外揣篇。渾束爲一之義。

弗滿而約之。張云。滿言欲博。約言欲精。弗滿而約之。謂亦有不由博學而可得其捷徑者否也。故曰願爲下村。

寸口主中。止名曰平人。張云。太陰行氣於藏。故寸口主中。陽明行氣於府。故人迎主外。人迎寸口。一表一裏也。故往來相應。欲其大小齊等。若引繩之勻者。是爲和調之脈。然人迎主陽。故必於春夏微大。寸口主陰。故必於秋冬微大。乃謂之平人也。簡案馬志。並以左右寸口。爲人迎氣口釋之。失古義矣。

代則乍甚乍間。張云。此言人迎脈也。乍甚乍間。即下文乍痛乍止之謂。志云。乍痛乍止者。病在血氣之交。或在氣或在脈。有交相更代之義。故脈代也。

緊痛止名曰經刺。按甲乙張馬忘作旦。是張云。緊則爲痛痺。故當取分肉。代因血氣不調。故當取血絡。且飲調和之藥。脈陷下不起者。有寒滯。故宜灸之。若不因血氣之盛虛。而病有留於經絡者。則當隨經所在。或飲藥。或灸刺。以取之也。

人迎四倍者止以驗其藏府之病。張云。脈之偏盛至於四倍者。乃爲關格不治之證。若一倍、二倍、三倍。不過爲病。而但有輕重之分耳。故當審其致病之本末。察其寒熱藏府而施之治也。

病在足厥陰止在手心主。張云。人迎寸口相爲表裏。故上文云。人迎一倍。病在足少陽。此云寸口一倍。病在足厥陰。膽與肝爲表裏也。一倍而躁。爲人迎在手少陽。寸口在手心主三焦包絡。人表裏也。凡後二倍三倍。表裏皆然。

盛則脹滿止出糜。少氣溺色變。張云。此言寸口脈也。盛則外實中虛。故爲脹滿。寒中食不化。虛則真陰不足。故爲熱中出糜。少氣溺色變。糜。謂泄瀉糜爛之物。緊則先刺止以經取之。甲乙。徒作從。馬志本取之下。有名曰經刺四字。張云。緊則爲寒。故宜先刺後灸。欲其經易通。寒易去也。脈陷下者。以寒著於血。而血結爲滯。故宜灸之也。代則取血絡。及不盛不虛。義見上文。馬云。徒灸之徒。但也。志云。夫痛痺在於分腠之氣。分腠者。皮膚藏府之肉理。故病在陽者。取之分肉。病在陰者。先刺而後灸之。蓋灸者。所以啓在內在下之氣也。代則氣分之邪交於脈絡。故先取血絡。而後飲藥以調之。

可傳於大數。馬云。大數大義。具本經絡始篇。張云。營、經脈也。輸、榮輸也。大數、大法也。卽經脈、本輸終始、禁服等篇之義。

大數曰止無勞也。甲乙作大曰盛則從瀉。小曰虛則從補。緊則從灸刺之。且飲藥陷下則從灸之。亦曰作亦用。大以弱作代一字。簡案。依甲乙改字。義太明晰。與上文相貫串。馬云。以經取之。則取陽經者。不取陰經。取陰經者。不取陽經。此之謂經治。其飲藥灸刺三者。亦可兼行也。且其脈急者。可加導引之功。或脈大而弱者。則當主於安靜。雖有用力。不至大勞也。此乃大法之所在。卽約方之要者。而外揣渾束爲一之義盡矣。張云。經取之。卽所謂經治者。或飲藥。或灸刺。皆可隨經所宜而治也。脈急者。邪盛也。宜設法引去之。脈大以弱者。陰不足也。宜安靜以養陰。用力無勞也。

五色篇第四十九

小子。張云。諸臣之中。惟雷公獨少。故自稱小子。庭者。顏也。止壽必中百歲。張云。顏爲額角。卽天庭也。蕃蔽者。屏蔽四旁。卽藩籬

之義。十步之外而骨骼明顯。其方大豐隆可知。故能壽終百歲。蓋五色之決。不獨於明堂也。馬云。此節大義與前五閱五使篇第二節相同。

明堂骨高止惡得無辨乎。張云。肺心肝脾之候。皆在鼻中。六府之候。皆在四旁。故一曰次於中央。一曰挾其兩側。下極居兩目之中心之部也。心爲君主。故曰王宮。惟五藏和平而安於胸中。則其正色自致。病色不見。明堂必然清潤。此五官之所以有辨也。

其不辨者。張云。不辨者。色失常度而變易難辨也。

各出其邪部止不死矣。諸本邪作色。當改。張云。五色之見。各有其部。惟其部骨弱陷之處。然後易於受邪。而不免於病矣。若其色部雖有變見。但得彼此生王。互相乘襲。而無剋賊之見者。雖病甚不死。志云。乘襲者。子襲母氣也。如心部見黃。肝部見赤。肺部見黑。腎部見青。此子之氣色。乘襲於母部。雖病甚不死。蓋從子以洩其母病也。

官五色奈何。甲乙作五官具五色何也。是。

外內皆在焉。止其病益甚在外。張云。益甚言進。方衰言退也。外內皆在。表裏俱

當察也。脈口者。太陰藏脈也。故曰在中而主五藏。人迎者。陽明府脈也。故曰在外而主六府。脈口滑小緊沉者。陰分之邪盛也。人迎太緊以浮者。陽分之邪盛也。故病皆益甚。

其脈口浮滑者。止日進在外。張云。脈口爲陰。浮滑者。以陽加陰。故病日進。人迎爲陽。沉滑者。陽邪漸退。故病日損。損減也。脈口人迎。經分表裏。故其沉滑浮滑。而病日進者。有在內。在外之辨也。

脈之浮沉。止其病易已。張云。人迎寸口之脈。其浮沉大小相等者。非偏於陰。則偏於陽。故病難已。按禁服篇曰。春夏人迎微大。秋冬寸口微大。如是者。命曰平人。則義有可知矣。病在藏者。在六陰也。陰本當沉。而大爲有神。有神者。陰氣充也。故易已。若沉而細小。則真陰衰而爲逆矣。病在府者。在六陽也。陽病得陽脈者。爲順。故浮而大者。病易已。若或浮小。亦逆候也。

人迎盛堅者。止傷於食。甲乙二堅字並作緊。張云。人迎主表。脈盛而堅者。寒傷三陽也。是爲外感。氣口主裏。脈盛而堅者。食傷三陰也。是爲內傷。此古有之法也。今則止用寸口診法。不爲不妙。然本無以左右分內外之說。自王叔和以來。

謬以左爲人迎。右爲氣口。其失表裏之義久矣。

其色麤止病方已。甲乙以明下有者爲間三字。沉天作沉聖。李云。麤者。明爽之義。沉天者。晦滯之義。言色貴明爽。若晦滯者。爲病甚也。色上行者。濁氣方升。故病甚。下行者。濁氣色退。故病已。簡案。甲乙。麤以明者。爲間。義自明。

五色有藏部止反者。益甚。志云。藏部。藏府之分部也。五藏次於中央。爲內部。六府挾其兩側。爲外部。色從外部走內部者。外因之病。從外走內也。其色從內走外者。內因之病。從內走外也。蓋府爲陽而主外。藏爲陰而主內也。故病生於內者。先治其陰。後治其陽。反者益甚。其病生於陽者。先治其外。後治其內。反者益甚也。

其脈滑大止可變而已。馬云。旣觀其色。又觀其脈。方爲詳審。其脈滑而帶大。帶代。帶長者。皆陽脈也。乃爲病從外來。其外證目有所妄見。志有所妄惡。乃陽氣之并於外也。卽當先治其陽。後治其陰。使之變焉。而病已矣。卽此而推。則其脈濇而帶小。帶代。帶短者。皆陰脈也。乃爲病從內來。其內證而目有所見。志有所獨處。乃陰氣之并於內也。卽當先治其陰。後治其陽。使之變焉。而病亦已矣。

常候闕中。止言其病。甲乙作當候眉間。張云。闕中。眉間也。風病在陽。皮毛受之。故色薄而澤。痺病在陰。肉骨受之。故色冲而濁。冲深也。至如厥逆。病起四支。則病在下。而色亦見於地。地者面之下部也。此其常候。故可因其色以言其病。李云。地者相家所謂地閣。卽巨分巨屈之處也。

大氣入於藏。止察色以言其時。張云。大氣大邪之氣也。大邪之入者。未有不由元氣大虛。而後邪得襲之。故致卒死。如母指者。成塊成條。聚而不散也。此爲最凶之色。赤者固不佳。而黑者爲尤甚。皆卒死之色也。察色以言時。謂五色有衰王。部位有剋賊。色藏部位。辨察明而時可知也。李云。大氣者。大邪之氣也。如水色見於火部。火色見於金部之類。此元氣大虛。賊邪已至。雖不病。必卒然而死矣。形如母指。最凶之色。赤者出於顙。顙者應在肩。亦爲肺部。火色剋金。病雖愈。必卒死。天庭處於最高。黑者干之。是腎絕矣。雖不病。必卒死也。樓氏云。赤色出兩顙。卽脈訣所謂暴病如粧。不久居者是也。馬云。拇指。足大指也。簡案。說文。拇。將指也。易咸卦疏。足大指也。庭者首面也。甲乙。庭作顏。張云。庭者顏也。相家謂之天庭。天庭最高。色見於此。

者。上應首面之疾。

闕上者咽喉也。甲乙。闕上。作眉間以上。張云。闕在眉心。闕上者。眉心之上也。其

位亦高。故應咽喉之疾。

闕中者肺也。甲乙。闕中。作眉間以中。張云。闕中。眉心也。中部之最高者。故應肺。

蔣示吉云。即中正。

下極者心也。張云。下極者。兩目之間。相家謂之山根。心居肺之下。故下極應心。

蔣示吉云。即印堂。

直下者肝也。肝左者膽也。馬云。肝之左即爲膽。則在鼻挾顴之間矣。張云。下極

之下爲鼻柱。相家謂之年壽。肝在心之下。故直下應肝。膽附於肝之短葉。故肝

左應膽。而在年壽之左右也。蔣示吉云。膽在肝之短葉間。屬木。位東南面行令。

膽位在左。故山根之左。膽之部分。

下者脾也。方上者胃也。馬云。肝之下爲脾。方者鼻隧也。面王者。鼻心之端也。鼻

隧之上。即迎香之上。爲胃。張云。年壽之下者。相家謂之準頭。是爲面王。亦曰明

堂。準頭屬土。居面之中央。故以應脾。準頭兩旁爲方上。即迎香之上。鼻隧是也。

相家謂之蘭臺廷尉。脾與胃爲表裏。脾居中而胃居外。故方上應胃。蔣示吉云。胃者脾之府。爲陽。陽居上。故脾之方上。胃之部分。方始也。始上於脾。脾胃相爲表裏。言其相去不遠也。簡案據上文。五藏次於中央。六府挾其兩側。蔣說恐非也。

中央者大腸也。止臍也。馬云。胃之外爲大腸。乃正顴之下。大腸之外爲腎。則大腸爲中央。而胃與腎所以挾大腸也。張云。中央者面之中央。謂迎香之外。顴骨之下。大腸之應也。挾大腸者。頰之上也。四藏皆一。惟腎有兩。四藏居腹。惟腎附脊。故四藏次言中央。而腎獨應於兩頰。腎與臍對。故當腎之下應臍。

面王以上者止子處也。甲乙子。上有字。字下並同。似是。張云。面王。鼻準也。小腸爲府。應挾兩側。故面王之上。兩顴之內。小腸之應也。面王以下者。人中也是。爲膀胱子處之應。子處。子宮也。凡人人中平淺而無髭者。多無子。是正子處之應。以上皆五藏六府之應也。李云。婦人亦以人中深長者善產育。蔣示吉云。方書曰。準頭黃者小便難。師傳篇曰。鼻孔在外。膀胱漏泄。下文曰。男子色見於面王。爲少腹痛。下爲卵痛。其圓直爲莖痛。若女子當爲膀胱子處之病。

顴者肩也。止膺乳也。張云。此下復言肢節之應也。顴爲骨之本。而居中部之上。故以應肩。臂接乎肩。故顴後以應臂。手接乎臂。故臂下者手也。目內眥上者。闕下兩旁也。胸兩旁高處爲膺。膺乳者。應胸前也。蔣示吉云。目內眥。目之近山根處。卽精明穴。足太陽經所起。朱晦庵中庸註曰。膺。胸也。胸乳間部分。候於目內眥。

挾繩止膝臄也。張云。頰之外曰繩。身之後爲背。故背應於挾繩之上。牙車。牙床也。牙車以下主下郭。故以應股。中央兩牙車之中央也。脛接於膝。足接於脛。以次而下也。巨分者。口旁大紋處也。股裏者。股之內側也。巨屈。頰下曲骨也。膝臄。膝蓋骨也。此蓋統指膝部而言。蔣示吉云。繩耳邊也。耳邊如繩突起。故曰繩。馬氏曰。頰外爲繩。義未當也。凡部分明堂爲內。耳旁爲外。臟腑爲內。膺乳次之。臂背爲外。挾近也。故近耳邊直上之部分。所以候背之病。牙車卽頰車穴。在耳前陷中。凡人身在上者肩背。在下者股膝。故背部之下頰車。頰車之下。所以候股。巨分者。巨之爲言大也。上下齒床大分處。以候股裏。齒床司開合。亦猶股裏任屈伸也。上下唇大爲屈轉。交接處是地倉穴。以候膝臄。唇爲語言飲食之門戶。

亦猶膝臚爲屈伸奔走之關節。俱動而不休。故應候。

各有部分。止謂之良工。甲乙澤天作澤聖。下天字並同。張云。部分既定。陰陽乃明。陽勝者陰必衰。當助其陰以和之。陰勝者陽必衰。當助其陽以和之。陰陽之用。無往不任。知其盛衰。萬舉萬當矣。陽從左。陰從右。左右者。陰陽之道路也。故能別左右。是謂大道。男女異位者。男子左爲逆。右爲從。女子右爲逆。左爲從。故曰陰陽。陰陽旣辨。又必能察其潤澤枯夭。以決善惡之幾。庶足謂之良工也。

沉濁爲內。止爲皮不仁。甲乙浮澤作浮清。李云。色之浮濁晦滯者爲裏。色之浮澤光明者爲表。凡五色之見於面者。可因是而測其病矣。痛甚卽青黑之極也。寒甚白之極也。志云。風乃天之陽邪。故色見黃赤。痛爲陰痺。故色見青黑。色白爲寒。色黃而膏潤爲癰膿。赤甚者爲留血。痛在筋骨。故甚則爲拘攣。寒傷皮膚。故甚爲皮不仁。

察其散搏。以知遠近。馬云。察其色之散而可以知病之近。若搏聚則久矣。搏、團同。

積神於心。止乃知新故。馬云。積神氣於己心。而病之爲己往。爲今病者。皆能知。

之。故相視氣色。不能至於精微者。不知病之爲是爲非。惟屬意專心。而無所搖奪。則凡病之爲新爲故者。洞然也。

色明不麤。止聚未成也。李云。麤者顯也。言色之光明不顯。但見沉滯枯夭。病必甚也。若雖不明澤。而不至於沉夭者。病必不甚也。駒馬之小者。未裝鞍轡。散而不聚也。譬色之散而無定者。病亦散而無堅積聚也。卽有痛者。不過因無形之氣耳。

腎乘心。止皆如是。張云。水邪剋火。腎乘心也。腎邪乘心。心先病於中。而腎色則應於外。如以下極。而見黑色者是也。不惟心腎。諸藏皆然。凡肝部見肺色。肺部見心色。腎部見脾色。脾部見肝色。及六府之相剋者。其色皆如是也。

男子色在於面王。止癘陰之屬也。李云。面王下應有上字。面王上爲小腸。下爲膀胱子處。卵者畢丸也。圖直指人中。水溝穴也。人中有邊。圖而直者。故人中色見主陰莖作痛。在人中上半者。曰高。爲莖根痛。在人中下半者。爲莖頭痛。凡此皆狐疝癘陰之屬也。癘卽癰也。馬云。圖圓同簡案。馬志。本首之解。不明晰。李則本於張註。更加詳。故從之。

女子在於面王止不潔。甲乙子下有色字。馬云。女子之色在面王。當爲膀胱經及姪子處之有病。卽胞絡宮也。其氣色散者爲痛而不至成聚。若氣色搏聚不散。則成聚而不止於痛。然其聚之在內者。或方或圓。或左或右。各如其外色之形耳。若其色隨而下行。至於尾氈。則其病之在下者。當有浸淫之物。素問痿論謂之白淫潤澤如膏之狀者在也。不然。則爲暴食間。卽出不潔之物耳。何也。其下行之勢。內外一致也。張云。或暴因飲食。卽下見不潔。蓋兼前後而言也。氈當氈。音底。尻臀之間也。李云。面王下宜有下字。面王上爲人中。主膀胱子處。色散爲痛。無形之氣滯也。色搏爲聚。有形之血凝也。積之或方或圓。或左或右。各如其外見之形。若其色從下行而至尾氈。則爲浸淫帶濁。有潤如膏之物。此症多因暴食不潔所致。不潔猶言不節。非污穢之謂也。或多食冷物。或多食熱物。一切非宜之物皆是也。志云。其色潤如膏狀者。爲暴食不潔之物。蓋府爲陽而主外。主納水穀。傳導糟粕。是以外受風寒。或內傷飲食。皆爲病府。而色見於府部也。簡案。不潔未知孰是。李不節之解。似不穩當。

左爲左止所指者也。志云。色見於左。則爲病在左。色見於右。則爲病在右。其所

見之色。或聚或散。皆斜而不端。其搏聚之面色。所謂如指者也。張云。凡色有斜而聚散不端者。病之所在也。故但察面色所指之處。而病可知矣。簡案。指志爲前節母指之義。非也。

皆端滿有別鄉。止在面王爲不日。別目。諸本作別鄉。當改。甲乙馬志。亦大。作赤大。甲乙不日。作不月。馬云。別者異也。別鄉者。卽分部也。所謂色者。卽青黑赤白黃之色。皆端正盈滿。各有分部。假如心色主赤。小腸亦赤。其色如榆莢之大。在面王之部。則是小腸有病。非止於一日也。張云。正色凡五。皆宜端滿。端。謂無斜。滿。謂充足。有別鄉。言方位時日。各有所主之正向也。別鄉赤者。又言正向之外。而有斜色之見也。赤如榆莢。見於面王。非其位也。不當見而見者。非其時也。是爲不日。不日者。失其常度之謂。此單舉赤色爲喻。而五色之繆見者。皆可類推矣。李云。端者正色也。滿者充潤也。別鄉猶言他鄉。卽別部位也。如赤者心色。應見於兩目之間。是其本鄉。今見於面王。是別鄉矣。不日者。不日而愈也。火色見於土位。是其相生之鄉也。志云。大如榆莢者。血分之聚色。卽如拇指之狀也。不日者。不終日而卒死也。此言五藏之病色。見於本部。五藏之死色。見於別鄉。如

心受外淫之邪而卒死者。其色見於面王。心受內因之病而卒死者。其色出於顴。皆非心藏之本部。但在藏者。其色端滿而不斜。在府者。其色斜而不端。此藏府死生之有別也。簡案本節諸註紛紜不一如此。今依甲乙不日作不月。連上文女子在於面王之章。俱爲女子之義。則似義稍通。

其色上銳止在左右如法。張云。凡邪隨色見。各有所向。而尖銳之處。卽其乘虛所進之方。故上銳者。以首面正氣之空虛。而邪則乘之上向也。下銳亦然。其在左在右。皆同此法。李同。

以五色命藏。止腎合骨也。甲乙作肝合筋。青當筋。心合脈。赤當脈。脾合肉。黃當肉。肺合皮。白當皮。腎合骨。墨當骨。張云。此總結上文而言五色五藏之配合。如青屬肝。肝合筋。凡色青筋病者。卽爲肝邪。而察其所見之部。以參酌其病情。諸藏之吉凶。可倣如而類推矣。

論勇篇第五十

諸本無篇字。

帝問何急。張云。急者先也。

春青風止各不同形。甲乙青風作溫風。是張云。春之青風得木氣。夏之陽風得火氣。秋之涼風得金氣。冬之寒風得水氣。凡此四時之風。各有所王。有所王則有所制。故其所病各不同形也。

黃色薄皮止不勝冬之虛風也。張云。黃者土之色。黃色薄皮弱肉者。脾氣不足也。故不勝春木之虛風而爲病。白者金之色。白色薄皮弱肉者。肺氣不足也。故不勝夏火之虛風而爲病。青者木之色。青色薄皮弱肉者。肝氣不足也。故不勝秋金之虛風而爲病。赤者火之色。赤色薄皮弱肉者。心氣不足也。故不勝冬水之虛風而爲病。志云。皮膚腠理之間。五藏元真之所通會。是以薄皮弱肉。則藏真之氣虛矣。五藏之氣虛。則不能勝四時之虛風。虛風者。虛鄉不正之邪風也。黑色而皮厚止。外內皆然。乃病。張云。黑者水之色。黑色而皮薄肉不堅。及色時變而不一者。腎氣不足也。故不勝長夏土令之虛風而爲病。若黑色而皮厚肉堅者。雖遇長夏之虛風。亦不能病。但既感於風。又感於寒。是爲重感。既傷於內。又傷於外。是爲外內俱傷。乃不免於病也。然則黑色而皮肉堅者。誠有異於他

色之易病者矣。志云。外內皆然。乃病。謂外受天之寒邪。內傷腎藏之水氣。傷寒小青龍真武湯證。卽此義也。

夫人之忍痛止願聞其故。張註。一本無悸字。變更。一本作變化。今諸本與一本同。張云。此問能忍痛與不能忍痛者。非由勇怯而然也。夫勇士之氣剛。而有不能忍痛者。見難雖不恐。而見痛則退矣。怯士之氣餒。而有能忍痛者。聞難則恐。而遇痛不動也。又若勇而忍痛者也。見難與痛。皆不懼怯。而不忍痛者。見難與痛。則目轉眩。旋面盼驚顧。甚至失言變色。莫知死生。此四者之異。各有所由然也。簡案。盼音係。說文。恨觀貌。於義難叶。疑是眄訛。眄音麵。表視也。班固敘傳。虞卿以顧眄而捐相印。又馬援據鞍顧眄。卽與張義符。

勇士者止毛起而面倉。張云。目者五藏六府之精也。目深。以因藏氣之堅也。長衡闊大也。卽從衡之意。直揚視直而光露也。三焦理橫。凡剛急者肉必橫。柔緩者肉必縱也。其心端直者。剛勇之氣也。大以堅滿以傍者。傍卽傍開之謂。過於人之常度也。怒則氣盛而胸張。皆裂而目揚者。勇者之肝膽強。肝氣上衝也。毛起者。肝血外溢也。面蒼者。肝色外見也。此皆勇士之由然。然則勇怯之異。其由

於肝膽者爲多。故肝曰將軍之官。而取決於膽。簡案長衡直揚五變篇。衡作衝。當考彼篇史刺客傳註。燕丹子云。田光曰。夏扶血勇之人。怒而面赤。宋意脈勇之人。怒而面青。武陽骨勇之人。怒而面白。光所知荆軻神勇之人。怒而色不變。與本節之旨異。

怯士者止故不能久怒。

諸本三焦理縱作其焦理縱。張云減當作緘。封藏之謂。

目大不緘者。神氣不堅也。陰陽相失者。血氣易亂也。卽轉盼驚顧之意。其焦理縱者。肉理不橫也。鬲駝短小者。其心卑小。而甘出人下也。肝系緩者。不急也。膽不滿而縱者。汁少形長也。腸胃挺者。曲折少也。脅下空者。肝氣不實也。此其肝膽不充。氣不能滿。以故旋怒旋衰。是皆怯士之由然。簡案其焦理縱。馬云內之三焦紋理則縱。今考焦理卽腠理。亦作騰理。見歲露篇等而上文有三焦理橫之語。蓋三焦理亦是腠理之謂。張以肉理橫釋之。似是。

酒者水穀之精。止名曰酒悖也。張云慄急也。悍猛也。酒之性熱氣悍。故能脹胃。浮肝。上氣壯膽。方其醉也。則神爲之惑。性爲之亂。自比於勇。而不知避。及其氣散肝平。乃知自悔。是因酒之所使。而作爲悖逆。故曰酒悖。馬云蓋酒爲水穀之

精熟穀之液。此語又見營衛生會篇。

背腧篇第五十一

諸本無篇字。

胸中大腧。在杼骨之端。馬張志。胸作背。是馬云。五藏之俞。皆在於背。故背中大腧。在杼骨之端。大腧者大杼穴也。去中行督脈經大椎穴左右各開一寸半。肺腧在三焦之間。止乃其腧也。馬云。焦當作顛。後世作椎。腧俞輪通用。張云。焦卽椎之義。指脊骨之節間也。古謂之焦。亦謂之顛。後世作椎。此自大腧至腎腧左右各相去脊中一寸五分。故云挾脊相去三寸所也。愚謂諸焦字義。非專指骨節爲言。蓋謂藏氣自節間而出。以行於肉理脈絡之分。凡自上至下。皆可言焦。所以三焦之義。本以上中下通體爲言。固可因此而知彼也。按其處應中而痛解。所以驗取穴之法也。但按其腧穴之處。必痛而且解。卽其所也。解痠軟解散之謂。志云。先言大杼者。乃項後大骨之端。督脈循於脊骨之第一椎也。問五藏而言三焦之腧俞者。五藏之氣。皆從內腧而出。故曰七節之旁。中有小心。中

膈者皆爲傷中。其病雖愈。不過一歲必死。簡案。張焦字之解。殆屬傅會。張亦至晚年。知其不允。當詳見質疑錄。三焦有幾章。

介按。唐氏謂三焦之根。起於腎中。腎系貫脊通髓。名曰命門。故曰三焦根於命門。從命門而發出膜網。是生脅下之兩大板油。又生臍上之網油。又曰臍下之氣。上於肺而爲呼吸。並外達皮毛。爲衛氣。夫唐氏之言如是。則肺膈在三焦之間。此語信而有徵也。

灸之則可止。須其火滅也。張云。此言五藏之膈。但可灸而不可刺也。不惟鍼有補瀉。而灸亦有補瀉。凡欲以火補者。勿吹其火。致令疾速。必待其從容自滅可也。凡欲以火瀉者。必疾吹其火。欲其迅速。卽傳易其艾。須其火之速滅可也。此用火補瀉之法。高武鍼灸聚英云。按血氣形志篇載五藏俞刺。而此云可灸不可灸。故滄州翁謂素問非出於一時之言。非成於一人之手。焦當作椎。又按華陀傳。彭城樊阿。皆從陀學。凡醫咸言背及胸藏之間。不可妄鍼。鍼之不過四分。而阿鍼背入一二寸。巨闕胸藏。乃五六寸。而病皆瘳。是知素問立言致謹之道。而明醫縱橫變化。不拘於常法。而卒與法會矣。

衛氣篇第五十一

諸本無篇字。馬云。內所論不止衛氣。止有其浮氣之不循經者爲衛氣一句。今以名篇者。揭衛氣之爲要耳。

五藏者。止亭亭淳淳乎。甲乙作其氣內循於五藏。馬云。人有五藏。精神魂魄。賴之以藏。人有六府。水穀等物。賴之以化。六府爲表。其氣內連於五藏。而外則絡於支節。人有三焦。宗氣積於上焦。營氣出於中焦。衛氣出於下焦。下焦之氣。升於中焦。以達於上焦。而生此衛氣。衛氣陽性慄悍。行於皮膚分肉之間。乃浮而在外者也。故曰其浮氣之不循經者爲衛氣。營衛生會篇云。衛在脈外。中焦之氣。降於下焦。而生此營氣。營氣陰性精專。隨宗氣以行於經隧之中。故曰其精氣之行於經者爲營氣。營在脈中。衛氣晝行於陽經。夜行於陰經。營氣由肺經以行於十二經。陰陽相隨。外內相貫。如環無端。運行不息。亭亭乎何其理之高且虛也。淳淳乎何其理之渾且微也。張云。亭。釋名曰。停也。淳。廣韻曰。清也。享。亭淳淳乎。言停集雖多而不亂也。志云。合天地之亭毒。乃陰陽之化淳。亭亭淳淳。孰能窮之。簡案。前

西域傳。註。水止曰亭。莊子則陽篇疏。淳淳、流動貌。志以老子亭毒。及其民淳淳。釋之。恐非也。

知六府之氣街者。止無惑於天下。甲乙。六府。作六經。無契字。石。作實。王志亦張

云。街。猶道也。契。合也。紹。繼也。門戶。出入之要地也。六府主表。皆屬陽經。知六府往來之氣街者。可以解其結聚。凡脈絡之相合相繼。自表自內。皆得其要。故曰契紹於門戶。石。猶實也。標本。本末也。知本知末。則雖天下之廣。何所不知。故可無惑於天下。馬云。能知六府之氣往來有街。非氣有往來之街。見下文。必能知所解所結。所契所紹之門戶也。契者。合也。志云。知六府之氣街。則知血氣之結於脈內者。解而通之。脈內之血氣。與脈外之氣血。相合相繼而行。則知出於氣街之門戶矣。簡案。甲乙為是。解結紹契。諸註未明晰。

足大陽之本。止目也。馬云。足大陽膀胱經之本。在於足外跟以上五寸中。即附陽穴。附陽本在外踝上三寸。今日跟上五寸。則跟下其標在於兩絡命門。命門者。目也。即睛明穴。睛明左右有二。故曰兩絡。按本經根結篇言大陽根於志云。標者。猶樹之梢杪。絕而出於絡外之徑路也。本者。猶木之根幹。經脈之血氣。從

此而出也。

足少陽之本止耳也。

甲乙註千金云。窗籠者。耳前上下脈。以手按之動者是也。

馬云。足少陽膽經之本在竅陰之間。足第四指端去爪甲如韭葉標在窗籠之前。窗籠者耳

也。即聽宮穴。根結篇同

足少陰之本止兩脈也。

千金無上字。三寸作二寸。馬云。足少陰腎經之本。在內

踝下上三寸中。即交信穴。其標在於背腎俞穴。與舌下兩脈。據根結篇。當是廉

泉穴也。于湧泉結于少陰起張云。內踝下上三寸中。踝下一寸。照海也。踝上二寸。

復溜。交信也。簡案。據千金內踝下二寸。考甲乙等無穴。疑是下字衍。三寸作二

寸。為是復溜。交信。並在內踝上二寸。止隔一條筋。踝上三寸亦無穴。

足厥陰之本止在背膕也。

馬云。足厥陰肝經之本。在行間上五寸。所疑是中封

穴。標在背之肝俞穴。根結篇云厥陰根於大敦結於玉英

足陽明之本止頰挾頰顙也。

甲乙頰上有上字。無挾字。註云。九卷云。標在人迎。

頰上挾頰顙。馬云。足陽明胃經之本在厲兌。標在人迎。頰挾頰顙也。陽明根于

厲兌結于頰大者鉗耳也張云。厲兌。在足次指端。人迎。在頰下挾結喉旁也。志云。頰顙者。

鼻之上竅。以收洞涕者也。

足太陰之本止舌本也。

馬云。足太陰脾經之本。在中封前上四寸之中。疑是三

陰交穴。標在背之脾膈。與舌本廉泉穴也。

根結篇云。太陰根于隱白。結于太倉。張云。中封足厥陰

經穴。前上四寸之中。當是三陰交也。背膈。即脾膈。舌本。舌根也。

手太陽之本止一寸也。

甲乙註千金云。命門在心上一寸。千金原文。一寸作三

寸。馬云。手太陽小腸經之本。在手外踝之後。疑養標在命門之上。一寸。疑是督

門上。即十三椎。應樞張云。命門之上。一寸。當是睛明穴。上一寸。蓋睛明為手足太陽之會

也。簡案。馬以命門為十四椎。非。

手少陽之本止外眥也。

馬云。手少陽三焦經之本。在手小指之四指間上二寸。

當是腋

門穴。標在耳後之上角。

當是絲

張云。耳後上角。當是角孫穴。下外眥。當是絲

竹空也。

手陽明之本止合鉗上也。

馬云。手陽明大腸經之本。在肘骨中。

當是曲上至別

陽。標在顏下。合於鉗上。

疑是胃經

張云。別陽義未詳。手陽明上挾鼻孔。故標在

顏下。顏額庭也。鉗上。即根結篇鉗耳之義。謂脈由足陽明大迎之次。夾耳之兩

旁也。

手太陰之本止腋內動也。馬云。手太陰肺經之本。在寸口之中。即太淵穴。標在

腋內動脈。即中府穴。張云。腋內動脈。天府穴也。

手少陰之本止背膂也。馬云。手少陰心經之本。在銳骨之端。即神門穴。標在背

之心俞穴。

手心主之本止下三寸也。甲乙無二寸中三字。馬云。手心主。即手厥陰心包絡

經之本。在掌後兩筋之間。即內關穴。標在腋下三寸。即天池穴。簡案。一下字恐剩文。

凡候此若止引而起之。甲乙。石作實。馬云。石當作實。張云。此諸經之標本上下。

各有所候。在下爲本。本虛則厥。元陽下衰也。下盛則熱。邪熱在下也。在上爲標。上虛則眩。清陽不升也。上盛則熱痛。邪火上熾也。石實也。絕而止之。謂實者可瀉。當決結其根而止其病也。引而起之。謂虛者宜補。當導助其氣而振其衰也。請言氣街止脛氣有街。馬云。首節帝言知六府之氣街者。能知解結契紹於門戶。故以四街言之。本經動輸篇有街者路也。張云。此四街者。乃胸腹頭脛之氣。

所聚所行之道路。故謂之氣街。上文言各經有標本。此下言諸部有氣聚之所也。

故氣在頭者止踝上以下。

張云。諸髓者。皆屬於腦。乃至高之氣所聚。此頭之氣

街也。胸之兩旁爲膺。氣在胸之前者止之膺。謂陽明少陰經分也。胸之後者在背俞。謂自十一椎膈膜之上。足太陽經諸藏之俞。皆爲胸之氣街也。腹之背俞。謂自十一椎膈膜以下。太陽經諸藏之膈。皆是也。其行於前者則衝脈。並少陰之經。行於腹與臍之左右動脈。即育俞、天樞等穴。皆爲腹之氣街也。止之於氣街。謂足陽明經穴。即氣衝也。承山足太陽經穴。以及踝之上下。亦皆足之氣街也。志云。止盡也。止之於腦者。言頭氣之街。絡脈盡於腦也。簡案。志註。非。

取此者止予之。

諸本在九。作在久。此本誤。當改甲乙作久。存之。馬云。凡取此四

街。宜用以九鍼論第七之毫鍼。必先按其處。而爲時既久。其氣應手。乃以鍼刺之。志云。毫鍼微細之鍼。取氣之出於皮毛者也。按之在久者。候氣之至也。所治者止難已也。甲乙治作刺。積下無痛字。張云。凡此者。皆四街所治之病。又若以新感之積。知痛而可移者。乃血氣所及。無固結之形也。故治之易已。若其

不痛。及堅硬如石不動者。其積結已深。此非毫鍼能治矣。志云。曰暴曰新。非久積也。謂血氣之偕行而各有所阻也。

訥痛篇第五十二

諸本無篇字。

已然。諸本作亦然。

美骨。甲乙作善骨。張云。美骨者。骨強之謂。

多熱者止難已。張云。多熱者。病在陽分。故易已。多寒者。病在陰分。故難已。

故其瘦而薄胃者。甲乙無故字。胃字似是。張云。若肉瘦而胃薄者。氣血本屬不足。安能勝毒藥也。

天年篇第五十四

諸本無篇字。馬云。內以百歲爲論。故名篇。

以母爲基。以父爲楫。馬云。方其始生。賴母以爲之基。坤道成物也。賴父母爲之

楯。陽氣以爲捍衛也。張云。基址也。楯材具也。人之生也。合父母之精而有其身。父得乾之陽。母得坤之陰。陽一而施。陰兩而承。故以母爲基。以父爲楯。譬之稼穡者。必得其地。乃施以種。種優地優。肖由乎父。種停地劣。變成乎母。地種皆得。而陰陽失序者。雖育無成也。故三者相合而象。變斯無窮矣。夫地者基也。種者楯也。陰陽精氣者神也。知乎此。則知人生之所以然矣。簡案。楯說文闌檻也。王逸云。縱曰欄。橫曰楯。今階除木勾欄是也。馬解爲捍衛。蓋本於此。張以爲材具。未見所由。

失神者死。得神者生也。馬云。素問移精變氣論云。得神者昌。失神者亡。簡案。莊子云。人之生也。聚則爲生。散則爲死。

五藏堅固。止故能長久。張云。堅固者不易損。和調者不易亂。解利者可無留滯。緻密者可免中傷。營衛之行。不失其常者。經脈和也。吸呼微徐。氣以度行者。三焦治也。六府化穀。津液布揚。則藏府和平。精神充暢。故能長久而多壽也。使道隧止百歲乃得終。馬志本隧作隊。馬云。隊隧同。使道者水溝也。俗云。其隊道以長面之地部爲基。耳爲蔽爲牆。乃高以方。營衛之氣。皆已通調。而面之三

里。卽三部也。俗傳皆已聳起。其骨高。其肉滿。所以百歲乃得終也。張云。禮記百歲謂之期頤。使道指七竅而言。謂五藏所使之道路。如肺氣通於鼻。肝氣通於目。脾氣通於口。心氣通於舌。腎氣通於耳。是卽五官之道路也。玩深邃貌。基牆指面部而言。骨骼爲基。蕃蔽爲牆。見五色篇。凡營衛部里。及骨高肉滿若此者。卽致壽之道。志云。使道者。血脈之道路。本輪篇之所謂間使之道。蓋心包絡之主血脈也。隊行列也。長者環轉之無端也。此言血氣充足。循序而流通也。土基高以方者。肌肉厚而充於四體也。脈道流長。肌肉高厚。則營衛通調矣。三部者。形身之上中下。三里者。手足陽明之脈。皆起發而平等也。骨高者。少陰之氣足也。肉滿者。陽明之氣盛也。如此者。壽之徵也。簡案。本篇三家異義。然熟考經文。馬註爲允當。

好走 好趨。馬云。趨者較走更疾矣。步者較趨更緩矣。張云。天地之氣。陽主乎升。升則向生。陰主乎降。降則向死。故幼年之氣在下者。亦自下而升也。志云。此言人之生長。從陰而生。自下而上。故曰其氣在下。好走。好趨。好步者。春夏生動之氣也。方盛衰論曰。老從上。少從下。簡案。說文。走。趨也。又趨。走也。釋名曰。疾趨

曰走。又疾行曰趨。此乃走疾而趨徐。馬註誤。

好步。張云。盛滿則不輕捷。故好步矣。

四十歲止好坐。甲乙頽作刷。馬云。坐者較步似倦矣。張云。天地消長之道。物極必變。盛極必衰。日中則昃。月盈則虧。人當四十。陰氣已半。故髮頗斑白。而平盛不搖。好坐者。衰之漸也。

五十歲止目始不明。志云。人之衰老。從上而下。自陽而陰。故肝始衰而心。心而脾。脾而肺。肺而腎。好坐好臥者。秋冬收藏之氣也。

六十歲止獨居而終矣。甲乙苦作善。馬志亦作善皮膚枯。作皮膚始枯。故四肢不舉。魄離。作魂魄離散。四藏作藏。乃萎枯終矣。作終盡矣。馬云。至五十歲以後。則肝生心。心生脾。脾生肺。肺生腎者。每十歲而日衰。故五十歲肝膽衰。六十歲心氣衰。七十歲脾氣衰。八十歲肺氣衰。九十歲腎氣衰。百歲五臟俱衰。善憂悲者。以心主於憂也。好臥者。衛氣不精也。魄離散。以肺藏魄者。失其故處也。言善誤。肺主言也。腎氣焦者。水竭則焦也。張云。魄離者。形體衰敗也。腎氣焦者。真陰虧竭也。此與上古天真論。女盡七七。男盡八八。互相發明。彼以七八言者。言陰陽之

限數。此以十言者。言人生之全數。然則人之氣數。固有定期。而長短不齊者。有出於稟受。有因於人爲。故惟智者。不以人欲害其天真。以自然之道。養自然之壽。而善終其天年。此聖智之所同也。

使道不長。空外以張。喘息暴疾。馬云。水溝不長。較之使道。隊以長者異也。其鼻孔向外而張。鼻爲肺竅。肺氣泄矣。師傳篇云。鼻孔又肺主氣。今肺氣不足。故喘息而爲暴疾也。張云。喘息者。氣促。暴疾者。易傷。皆非延壽之徵也。簡案。喘息暴疾。謂喘息之氣。卒暴疾速也。

其肉不石。張云。石。堅也。

數中風寒止相引。張云。數中風寒。表易犯也。血氣虛。中不足也。脈不通。經絡多

滯也。故致真邪易於相攻。然正本拒邪。正氣不足。邪反隨之而入。故曰相引。

故中壽而盡也。張云。凡此形體血氣。既已異於上壽。則其中壽而盡。固有所由。

此先天之稟受然也。夫人生器局。既稟於有生之初。則其一定之數。似不可以人力強者。第稟得其全。而養能合道。必將更壽。稟失其全。而養復違和。能無更夭。故知之者。下可以希中。中可以希上。不知者。上僅得其次。次僅得其下矣。所

謂天定則能勝人。人定亦能勝天也。夫稟受者先天也。修養者後天也。先天責在父母。後天責在吾心。

逆順篇第五十五

諸本無篇字。馬云。內論氣有逆順。用鍼者當順治。不可逆治。故名篇。

氣之逆順者。止五行也。張云。人與天地相參。與日月相應。其陰陽升降盛衰之氣。當其位而和者爲順。不當其位而乖者爲逆。

脈之盛衰者。張云。以有力無力言。故可以候血氣之虛實。

刺之大約者。張云。三刺義具如下文。又若明知病之可刺者。以其實邪在經也。

如脈度篇所謂盛者瀉之。虛者飲藥以補之是也。與其未可刺者。謂有所避忌也。如終始篇所謂新內新勞已飽已饑。大驚大恐者勿刺。及八正神明論所謂天忌。五禁篇所謂五禁之類。皆是也。與其已不可刺者。言敗壞無及也。如本神篇所謂五者已傷。鍼不可以治之也。凡此三者。皆本節切近之義。

兵法曰。馬云。逢逢之氣。勢來迫而甚盛者也。堂堂之陣。陣方整而甚衆者也。故

無迎者。當避其來銳耳。無擊者。當擊其情歸耳。志云。夫戰。勇氣也。一鼓作氣。再而衰。三而竭。是以無迎逢逢之氣。無擊堂堂之陣。俟其氣衰。轍亂。然後擊之。無有不克者矣。簡案。孫子云。無邀整整之兵。無擊堂堂之陳。註。堂堂。廣大也。逢逢。鼓聲。詩。大雅。鼙鼓逢逢。是也。

刺法曰。馬云。三句及下方其盛也。四句。又見素問瘧論。熇。音靠。詩板篇。多將熇熇。朱註云。熇。盛也。張云。熇熇。熱之甚也。漉漉。汗之多也。渾渾。虛實未辨也。病與脈相逆。形證陰陽不合也。是皆未可刺者也。

上工止與脈相逆者也。甲乙。未盛。作未成。襲者也。盛者也。並無也字。張云。未生者。治其幾也。未盛者。治其萌也。已衰者。知其有隙可乘也。是皆可刺者也。刺其方襲者。不避來銳也。與其形之盛者。見其外不知其內也。病之與脈相逆者。逆有微甚。微逆者。防有所傷。未可刺也。甚逆者。陰陽相離。形氣相失。已不可刺也。醫不達此而強刺之。未有不僨事者矣。故曰下工。

故曰方其盛也止大昌。張云。盛邪當瀉。何懼毀傷。正恐邪之所湊。其氣必虛。攻邪未去。正氣先奪耳。故曰方其盛也。勿敢毀傷。病既已衰。可無刺矣。不知邪氣

似平。病本方固。乘勢拔之。易爲力也。故曰刺其已衰。事必大昌。馬云。按此節與瘧論皆言邪氣甚盛。發爲甚寒甚熱之際。不可輕刺。正以病勢與脈氣相逆。然則用藥者。亦當先用藥於寒熱未至之先。不分外感內傷之寒熱。皆當如此。若邪氣方盛而用藥。則寒藥反助其寒。熱藥反助其熱。不能解病而適以增病矣。醫者不可不知也。

上工治未病不治已病。馬云。二句又見素問四氣調神論。

五味篇第五十六

諸本無篇字。

胃者止以次傳下。馬云。水穀皆入於胃。五藏六府皆稟氣於胃。卽營衛生會篇所謂人受氣於穀。穀入於胃。以傳於肺。五藏六府皆以受氣也。其曰穀氣。津液已行。營衛大通。乃化糟粕。以次傳下。卽營衛生會篇所謂水穀者。常并居於胃中。成糟粕而俱下於大腸。而成下焦。滲而俱下。濟泌別汁。循下焦而滲入於膀胱也。張云。玉版篇曰。胃者水穀氣血之海也。氣味之正者。莫如水穀。水穀入胃。

以養五藏。故藏府者。皆稟氣於胃。而胃爲五藏六府之本。五藏嗜欲不同。各有所喜。故五味之走。亦各有先。然既有所先。必有所後。而生剋佐使。五藏皆有相涉矣。至真要大論言五味各有先入。義與此同。人受氣於穀。故穀氣入於營衛。其糟粕之質。降爲便溺。以次下傳。而出於大腸膀胱之竅。

穀始入於胃。止吸則入。甲乙喉咽作喉嚨。是馬云搏音團。周禮矢人凡相筭。欲生而搏。張云。穀之精氣。先出於胃。卽中焦也。而後至上下兩焦。以溉五藏之至也。溉。灌注也。兩行言清者入營。營行脈中。濁者入衛。衛行脈外。故營主血而濡於內。衛主氣而布於外。以分營衛之道。大氣宗氣也。搏聚也。循由也。氣海卽上氣海。一名膻中。居於膈上。蓋人有三氣。營氣出於中焦。衛氣出於下焦。宗氣積於上焦。出於肺。由喉嚨而爲呼吸出入。故曰氣海。

天地之精氣。止氣少。馬云。穀化之精氣。呼則出之。天地之精氣。吸則入之。其大數。穀化之精氣。出之者三分。則天地之精氣。入之者一分。惟其出多入少。半日不再用穀。則穀化之精氣衰。至一日則氣少。故晁錯曰。民生一日不再食。則饑者。正此意也。任允謙云。天食人以五氣。地食人以五味。穀入於胃。化其精微。有

五氣五味。故爲天地之精氣。五穀入於胃也。其糟粕津液宗氣。分爲三隧。故其大數常出三入一。蓋所謂所入者穀。而所出者乃化糟粕。以次傳下。其津液溉五藏而生營衛。其宗氣積於胸中。以司呼吸。其所出者。三分之隧道。故穀不入。半日則氣衰。一日則氣少矣。簡案。張義與馬同。今攷經文。任氏所解。似得其旨。子華子曰。天之精氣大數。常出三而入一。其在人呼出也。吸入也。一之謂尊。二之謂耦。三之謂化。精氣以三成。與本節文稍同而義異。

杭米。藏氣法時論作粳米。張云。杭俗作粳。

黃黍。張云。黍糯小米也。可以釀酒。北人呼爲黃米。又曰黍子。此五穀之味合五行者。

各有所宜。所言五色者。諸本宜下更有五宜二字。唯馬志本並無之。言作謂。所謂五色者一句。接下節。

脾病者。張云。此下言藏病所宜之味也。脾屬土。甘入脾。故宜用此甘物。

心病者。張云。心屬火。苦入心。故宜用此苦物。

腎病者。甲乙無黃卷二字。張云。大豆黃卷。大豆芽也。腎屬水。鹹入腎。故宜用此。

鹹物。

肝病者。

張云。肝屬木。酸入肝。故宜用此酸物。

肺病者。

張云。肺屬金。辛入肺。故宜用此辛物。此上五節。與五藏生成論之五合。

宣明五氣篇之五入者。意同。皆用本藏之味。以治本藏之病也。

五禁。

張云。辛味屬金。能剋肝木。此下五節。當與宣明五氣篇。辛走氣。氣病無多。

食辛等義參看。鹹味屬水。能剋心火。酸味屬木。能剋脾土。甘味屬土。能剋腎水。

苦味屬火。能剋肺金。

肝色青。

張云。此下言藏氣所宜之味也。藏氣法時論曰。肝苦急。急食甘以緩之。

卽此意也。此下五節。仍與藏氣法時論後文相同。

心色赤。

張云。藏氣法時論曰。心苦緩。急食酸以收之。

脾色黃。

張云。啓玄子云。究斯宜食。乃調利機關之義也。腎爲胃關。脾與胃合。故

假鹹桑葉以利其關。關利而胃氣乃行。胃行而脾氣方化。故脾之宜味。與他藏

不同。藏氣法時論曰。脾苦濕。急食苦以燥之。

肺色白。

張云。藏氣法時論曰。肺苦氣上逆。急食苦以泄之。

腎色黑。張云。藏氣法時論曰。腎苦燥。急食辛以潤之。開腠理致津液通氣也。

水脹篇第五十七

諸本無篇字。

水始起也。止此其候也。馬云。病方起時。目之下為窠。俗云其微有所腫。如新臥起之狀。大抵人之臥起者。其目窠上必腫也。頸脈即人迎穴也。此脈動於頸而欬動於內。在陰股則冷。在足脛則腫。在上腹則大。以手按其腹。則隨手而起。如裹水狀。此水病已成。而可驗者也。按素問陰陽別論云。三陰結謂之水。啓玄子則氣化為水。又按本經五癰津液篇有云。五穀之精氣和而合。而為膏者。內滲入於骨空。補益腦髓。而下流於陰股。陰陽不和。則使液溢而下流於陰。髓液皆減。而不下。過度則虛。虛故腰背痛。而脛痠。陰陽氣道不通。四海閉塞。三焦不瀉。津液不化。水穀并於腸胃之中。別於迴腸。留於下焦。不得滲膀胱。則下焦脹。水溢則為水脹。又按論疾診尺篇言。風水膚脹。視人之目窠上微腫。如新臥起狀。其頸脈動。時欬。按其手足。胷而不起。則當知隨手而起。為有水。無風。胷而不起。為水也。張云。陽明之脈。自人迎下循腹裏。而水邪乘之。故為頸脈動。水之標在肺。故為時欬。陰股間寒。足脛腫。腹乃太陰邪始於陰分也。瘰癧同。凡按水囊者。必隨手而起。故病水者亦若是。以上皆水腫之候。簡案。平人氣象論曰。頸脈動

喘疾欬曰水。目窠微腫。如臥蠶起之狀曰水。亦與本節及論疾診尺篇文同。不謂之人迎而謂頸脈者。非診之而始知其動之疾。以其望而知頸脈之疾也。膚脹者止此其候也。甲乙鑿鑿作殷殷。張云。鑿鑿鼓聲也。寒氣客於皮膚之間者。陽氣不行。病在氣分。故有聲若鼓。氣本無形。故不堅。氣無所不至。故腹大。身盡腫。若因於水。則有水處腫。無水處不腫。此爲可辨。然有水則皮澤而薄。無水則皮厚。寒氣在膚腠之間。按散之。則不能猝聚。故盲而不起。腹色不變。卽皮厚故也。愚按此上兩條云。以手按其腹。隨手而起者屬水。盲而不起者屬氣。此固然也。然按氣囊者。亦隨手而起。又水在肌肉之中。按而散之。猝不能聚。如按糟囊者。亦盲而不起。故未可以起與不起爲水氣的辨。但當察其皮厚色蒼。或一身盡腫。或自上而下者。多屬氣。若皮薄色澤。或腫有分界。或自下而上者。多屬水也。簡案論疾診尺篇云。按其手足上。盲而不起者。風水膚脹也。亦與本節同。又金匱要略云。皮水其脈亦浮。外證跗腫。按之沒指。不惡風。又云。按其手足上。陷而不起者。風水。巢源云。燥水謂水氣溢於皮膚。因令腫滿。以指畫肉上。則隱隱成文字者。名曰燥水。以指畫肉上。隨畫隨散。不成文字者。名曰濕水。由此推

之。膚脹，卽金匱所謂皮水。風水，巢源所謂燥水也。然脹不可拘起與不起之說。當爲實驗之言也。殷玉篇，物皮空也。鑿字亦从鼓从空。蓋中空之義。諸註爲鼓聲。豈有不堅而有聲之理乎。

腹脹止此其候也。馬云：鼓脹與膚脹等。不言按之起與不起。當亦是不起者。惟其腹筋起者爲辨。又按素問腹中論，黃帝曰：有病心腹滿，旦食則不能暮食，名爲何病。岐伯曰：名爲鼓脹。治之以雞矢醴。一劑知，二劑已。此方果有奇驗云。李云：鼓脹、膚脹，大同小異。祇以色蒼黃、腹筋起爲別耳。

腸覃止此其候也。甲乙：癖作瘕。瘕，作息。離藏作離歲。月三字。諸本唯作離歲。獨志改作離藏。張云：覃，延布而深也。寒氣與衛氣相搏，則稽積不行，留於腸外，有所繫着，故癖積起。瘕肉生病，日以成矣。瘕肉，惡肉也。離歲，越歲也。寒邪客於腸外，不在胞中，故無妨於月事。其非血病可知。蓋由汁沫所聚而生。此腸覃之候也。簡案：覃義未詳。蓋此與蕈同。慈在切。唐韻：菌生木上。又玉篇：蕈，地菌也。腸中垢滓，凝聚生瘕肉，猶濕氣蒸鬱生蕈於土木，故謂腸覃。正字通：方書，鼻，臃曰瘕肉。亦謂之瘕菌。鼻通息，故從息。瘕菌乃與腸覃之義符。但以鼻息釋瘕者，誤說。

文。瘕。寄肉也。卽生息一肉之義。甲乙作息。肉可證。離歲。歷歲也。離訓歷。見詩小雅小宛疏。腸覃治方。陣氏三因有烏喙丸。羅氏衛生寶鑑有晞露丸。見晁丸等。當並考。

石瘕。止可導而下。甲乙。下下有之字。張云。𧈧。凝敗之血也。子門閉塞。則𧈧血留止。其堅如石。故曰石瘕。月事不以時下。惟女子有之也。故可以導血之劑下之。按篇首帝有石水之問。而此下無答。必闕失也。考之陰陽別論曰。陰陽結邪。多陰少陽。曰石水。少腹腫。其義卽此。簡案。說文。𧈧。凝血也。五藏生成篇。赤如𧈧血死是也。導。謂坐導藥。其病在胞中。故用坐藥以導下之。張註非。

先瀉其脹之血絡。止去其血絡也。甲乙。脹。作腹後。血絡。作血脈。張云。先瀉其脹之血絡。謂無論虛實。凡有血絡之外見者。必先瀉之。而後因虛實以調其經也。刺去其血絡。卽重明先瀉之義。按本篇自水而下所言者。凡六證。而此獨以二證之刺爲問者。蓋水俞五十七穴。已詳於水熱穴論。故不必再問。此云膚脹鼓脹者。蓋兼五證而統言之。辭雖簡而意則該也。

賊風篇第五十八

諸本無篇字。甲乙名四時賊風邪氣大論篇。

賊風邪氣止其故何也。張云。賊者傷害之名。凡四時不正之氣。皆謂之賊風邪氣。詳歲露篇。室穴者。古人多穴居也。非不離賊風邪氣。言雖避風邪。而亦有病者何也。張氏醫通云。按痛風一證。靈樞謂之賊風。素問謂之痺。金匱名曰歷節。後世更名白虎歷節。多由風寒濕氣。乘虛襲於經絡。氣血凝滯所致。近世邪說盛行。而名之曰箭風。風毒腫潰。乃謂之曰箭袋。禁絕一切湯藥。恣行艾熨針挑。此雖靈樞刺布衣之法。而藥熨之方。世絕不聞。使既病之肌肉。復受無辜之痛楚。奈何。懵懂無知。甘受其惑。良可慨夫。

此皆嘗止閉而不通。張云。凡此五者。皆如下文之所謂故邪也。

其開而止爲寒痺。甲乙無其開二字。遇上有適字。馬云。及其腠理開。而或遇風寒。則血氣凝結。與濕氣惡血等之故。邪相襲。如春秋齊師襲莒之襲則爲寒痺。卽痺論之所謂寒氣勝者。爲痛痺也。張云。其開者。謂冒露於風寒也。故邪在前。風寒繼之。二者相值。則血氣凝結。故爲寒痺。簡案。據甲乙考之。馬註爲是。其有熱止有因加而發焉。張云。其或有因熱汗出而受風者。雖非賊風邪氣。亦

爲外感。必有因加而發者。謂因於故而加以新也。新故合邪。故病發矣。此亦有故邪止。故似鬼神。甲乙搏作薄。馬云。人有濕氣惡血等之故邪。留而未發。因病人素所不知。因而偶有所觸。或好或惡。則血氣內亂。故邪與新志相搏。遂爾爲病。此其所從來者甚微。非見聞之所能及。故人不知其故。而以鬼神爲疑。乃似鬼神而非鬼神也。志云。此病氣而不病形。故視之不見。聽之勿聞。若有似乎鬼神。

其祝而已者。止可祝而已也。甲乙。祝下並有由字。病之以從生。病上有百字。張云。祝者巫祝之屬。卽祝由也。勝者。凡百病五行之道。必有所以勝之者。然必先知其病所從生之由。而後以勝法勝之。則可移精變氣。祛其邪矣。病有藥石所不及。非此不可者。惟先巫知之。故可祝而已也。然則先巫用祝之妙。正不在祝。其機在勝之而已。王弘義云。上古有十三科。祝由乃其一也。先巫者。言上古之能祝由而愈病者。謂之巫醫。故古之鑿字從巫。非與師巫之賤役比也。南人有言曰。人而無恆。不可以作巫醫。卽上古祝而已病之醫。非醫巫之有二也。簡案。十三科。昉於元言。上古者誤。

介按、吳鞠通曰。按祝由二字。出自素問。祝、告也。由、病之所從出也。近時以巫家爲祝由科。並列於十三科之中。內經謂信巫不信醫不治。巫豈可列之醫科中哉。吾謂凡治內傷者。必先祝由詳告。以病之所由來。使病人知之。而不敢再犯。又必細體變風變雅。曲察勞人思婦之隱情。婉言以開導之。莊言以振驚之。危言以悚懼之。必使之心悅誠服。而後可以奏效如神。

衛氣失常篇第五十九

諸本無篇字。

衛氣之留於腹中。止何以去之。

甲乙腹中作脈中。肢脅作搯。簡案與脅無胃字。

馬志。搯作稽。是張云。衛氣者。水穀之悍氣也。其氣循皮膚之中。分肉之間。熏於肓膜。散於胸腹。此衛氣之常也。失其常則隨邪內陷。留於腹中。稽積不行。而苑蘊爲病。故禁腹篇曰。衛氣爲百病母也。

大迎天突喉中。甲乙道藏趙府元本正脈脹本。大。作人。張云。積於上者爲喘呼逆息。故當瀉之於上。人迎足陽明經穴。大突喉中。俱任脈穴。喉中卽廉泉也。

三里與氣街。張云積於腹中者。當瀉其下。三里、氣街俱足陽明經穴。馬云。對胸中而言。故謂腹爲下。

季脅之下一寸。甲乙云。季脅之下深一寸。馬云。卽足厥陰肝經章門穴。簡案。脈經云。脾以胃合爲府。合於中焦脾胃之間。名曰章門。在季脅前一寸半。與馬註符。

雞足取之。樓氏云。正入一鍼。左右斜入二鍼。如雞足。足三爪也。張云。謂攢而刺之也。卽官鍼篇合谷刺之謂。志云。以足緩伸緩縮。如雞足之踐地。蓋以疎陽明之經脈。以通衛氣之所出也。簡案。志註非是。

大而弦急。止不可刺也。甲乙。弦作強。腹皮急作腹皮絞。張云。脈大而弦急。陰虛而真藏見也。絕不至者。營氣脫也。腹皮急甚者。中和氣絕。而脾元敗也。不宜刺矣。

色起兩眉。張云。兩眉者闕中也。其應主肺。故病在皮。

病在肌肉。張云。脾氣通於脣。故病在肌肉。營氣濡然者。諸本濡作濡。馬云。欲知血氣有病。當觀之於營氣。但營氣無形。而

濡然多汗。則知病之在血氣也。張云。濡。濕也。營。本無形。若膚腠之汗。肌肉之脹。二便之泄利。皆濡然之謂。其病在營。則氣血濡也。玉篇濡大雨也。

病在筋。張云。目爲肝之竅。肝主筋也。

病在骨。張云。耳爲腎之竅。腎主骨也。

皮之部。輸於四末。張云。病在皮者。在陽分也。陽受氣於四末。以其皮淺氣浮也。故皮之部。輸於四末。

肉之柱。張云。病在肌肉。當治其柱。柱者。膈之屬也。堅厚之肉。多在手足三陽分肉間。以肉主於脾。而脾主四支也。足少陰之經。自足心循內踝。後人足跟以上。膈肉出。膈內廉。上股肉後廉。會於尻臀貫脊。其肉俱厚。故亦爲肉之柱。

血氣之輸。張云。病在血氣。當治其輸。輸於諸絡。謂諸經之絡穴也。氣血留居。則經絡壅盛。故當取之。

筋部止候病所在。張云。病在筋者。不必分其陰陽左右。但當隨病所在而治之。骨之屬者。止益腦髓者也。甲乙。上益字作液。下益字作溢。是張云。病在骨之屬者。當治骨空。以益其髓。髓者骨之充也。故益髓卽所以治骨。簡案。屬者跗屬之。

屬。見骨度篇兩骨相交之處。十二關節皆是。是所以受液而溢腦髓者。故骨病當求其所屬而取之。

各在其處。馬云。取穴以刺之者。亦惟於皮肉氣血筋骨。各視其處。

間者小之止。故曰上工。甲乙小作少。是張云。間者病輕。故用鍼宜淺宜小。甚者病重。故用鍼宜深宜衆。病變無窮。能隨其變而調治得宜者。故曰上工。

大小寒溫。馬云。大小者。身之大小也。寒溫者。身寒暖也。

人年五十止爲小。馬云。十八已上六歲已上之上字。俱當作下。王弘義云。數始於一。成於三。三而兩之爲六。三而三之成九。十八者。二九之數也。二十者。陰陽之生數始也。五十者。五行之生數終也。簡案。千金引小品方云。凡人年六歲已上爲小。十六歲已上爲少。三十歲已上爲壯。五十歲已上爲老。由此考之。已上不必已下之誤。

腠肉堅止不相離者肉。甲乙。腠作腠。肥作脂。張。腠作腠。註云。肥者。卽下文所謂脂也。腠肉。肉之聚處也。此言偉壯之人。而有脂膏肉三者之異。脂者緊而滿。故下文曰。肉緊身小。膏者澤而大。故下文曰。肉淖垂腴。皮肉連實。而上下相應者。

曰肉。故下文曰。身體容大。志云。腠理者。肌肉之文理。如豕之精肉。條分而有理。路理中之白膜曰脂肉。外連皮之肥肉曰肥。膏者。卽肥之脂膏。謂如豕肉之紅白相間。而有數層者爲膏。簡案韻會云。凝者曰脂。澤者曰膏。博雅云。人一月而膏二月而脂。又漢五行志。在人腹中肥而包裹心者脂也。經文皮之滿緩。可以證其凝與否也。馬云。膏者油也。脂者骨中髓也。誤。

膏者止羸理者寒。甲乙。細理者熱之熱。作和非。張云。淖柔而潤也。膏者肉淖。脂者肉堅。若其寒熱。則羸理者皆寒。細理者皆熱。志云。粗理者。衛氣外洩。故身寒。細理者。衛氣收藏。故身熱。

膏者多氣。止其身收小。張云。縱寬縱也。腴。脂肥也。膏者縱腹垂腴。脂者其身收小。是膏肥於脂也。肉爲皮肉連實。自與脂膏者有間。志云。衛氣盛則腠理肥。是以膏者多氣。而皮縱緩。故能縱腹垂腴。腴者。臍下之少腹也。肉者。身體容大。此衛氣盛而滿於分肉也。脂者。其身收小。此衛氣深沉。不能充乎分肉。以致脂膜相連。而肌肉緊密。故其身收小也。簡案說文。腴。腹下肥也。又禮少儀註。腴。腹下也。通雅云。凡肉肥爽處曰腴。志直爲少腹。恐非也。

膏也多氣止故不能大。張云。膏者多氣。氣爲陽。故質熱而耐寒也。肉者多血。血養形。故形充而氣質平也。脂者血清而氣滑少。故不能大。若此三者。雖肥盛皆別於衆人。而脂者之氣血似不及乎膏肉也。愚按世傳肥白之人多氣虛。而此云膏者多氣。不無相左。若據余聞見之驗。則蒼瘦之氣虛者。固不減於肥白。是以不宜膠柱也。

泉人皮肉止。命曰衆人。張云。衆人者。言三者之外。衆多之常人也。其皮肉脂骨血氣各有品格。故不能相加。亦不能相多。而形體大小。皆相稱而已。余伯榮云。不能相加者。謂血氣和平。則皮肉脂膏不能相加於肥大也。血氣之浮沉淺深。各有常所。不能相多於肥肉間也。皮肉筋骨各自稱其身。故其形不大不小也。必先別其三形止不能大也。甲乙膏人下有者字。張云。三形既定。血氣旣明。則宜補宜瀉。自可勿失常經矣。是故膏人以下。此重言其詳也。

玉版篇第六十

馬云。末有著之玉版。以爲重寶。故名篇。素問有玉版論。亦著之玉版也。諸本無

篇字。

五兵者止其孰小乎。馬云。按管子曰。蚩尤受廬山之銅。而作五兵。則黃帝時即有五兵。一弓、二矢、三矛、四戈、五戟。一云東方矛、南方弩、中央劍、西方戈、北方鏃也。張云。五兵即五刃。刀、劍、矛、戟、矢也。五兵雖大。但備殺戮之用。置之死者也。小鍼雖小。能療萬民之病。保其生者也。夫天地之間。唯人最重。故爲天地之鎮。而治人之生。則又唯鍼最先。蓋鍼之爲用。從陽則上合乎天。從陰則下合乎地。從中則變化其間。而動合乎人。此鍼道之所以合乎三才。功非小補。較之五兵。其孰大孰小。爲可知矣。簡案。周禮。夏官司兵。掌五兵。鄭註。五兵者。戈、矢、戟、酋、矛、及。音殊。

兩熱相搏。甲乙兩作而搏。作薄。簡案。兩熱未詳。甲乙爲是。

聖人不能使化者止遭其已成也。張云。邪在天下則爲亂。邪在人身則爲病。及其已成。則雖聖人不能使之化。是以邪不可留也。譬之用兵者。必有夙教。必有定謀。而後可保其無危。人之治身。可素無調養之道乎。故惟聖人乃能自治於未形。愚者每遭其患矣。余伯榮云。按本經及素問論所生癰疽。多因於風寒外

邪。有傷榮衛。留積而成癰膿。此因內傷喜怒飲食。故曰不從天下。不從地出。其以形止奈何。諸本以作已。甲乙十六字作其已有形。膿已成。爲之奈何。十一字。

故聖人止爲其不予遭也。張云。此言兆庶之多。千古之邈。安得人人遭遇。以救其疾苦。故惟有著之竹帛。以遺教將來。正爲人之不予遭也。志云。聖人勿使已成。而明爲良方。著之竹帛。使後學之能者。踵而傳之。後世無有終時者。爲其不予遭而成十死一生之證也。遭遇也。言其已形而不予遭。膿已成而不予見。此癰生於藏府之間。而不與我見。乃多死少生之候也。

其已有膿血。止以小鍼治乎。甲乙無而後遭乎。不道之七字。以上有可字。簡案。據甲乙文義尤通。

以小治小者。止鍼鋒之所取也。甲乙治大者下。有其功大。以小治大者八字。害下有大字。鍼作鉞。張云。鍼少者功小。無濟於事。鍼大者多害。恐有所傷。故惟砭石及鉞鍼鋒鍼。皆可以取癰疽之膿血。簡案。原文義難通。得甲乙其旨甚晰。蓋以大治大。謂以砭石鉞鍼。取大膿血也。

以爲傷者止爲順矣。馬云。白眼屬肺。今反青。是肝邪侮所不勝。當爲肺氣衰也。黑眼者。卽眼之睛也。屬於肝。今反小。乃肝氣衰也。納藥而嘔。乃脾氣衰也。腹痛者邪甚。渴甚者火盛。肩屬手之三陽。項屬手足六陽及督脈經。今肩項不便。是陽盛陰虛也。音嘶者肺衰也。色脫者五藏衰也。志云。太陽爲諸陽主氣。肩項中不便。陽氣傷也。在心主言。心之合脈也。其榮色也。音嘶色脫。心藏傷也。犯此五逆者死。除此五者爲順矣。張云。寒熱病篇曰。五藏身有五部。伏兔一、腓二、背三、五藏之膺四、項五。此五部有癰疽者死。是亦五逆之屬也。內納同。嘶音西。聲破損也。巢源云。凡破癰潰膿之後。有逆有順云云。是爲五逆。皆死候。諸病。志云。謂凡病多生於榮衛血氣之不調。非獨癰膿也。腹脹身熱止五逆也。張云。身熱脈大。而加以腹脹。表裏之邪俱盛也。是爲一逆也。腹鳴而滿。四肢清冷而兼後泄。陰證也。脈不宜大而大者。脈證相反。是爲二逆。鼻衄在陰。脈大爲陽。陽實陰虛。是爲三逆。咳而溲血。脫形者。正氣已衰。脈小而急者。邪氣仍在。邪正不能相當。是爲四逆。脫形身熱。真陰衛虧。而火猶不靖也。其脈細小疾數。正邪盛正衰之候。是爲五逆。

不過十五日而死矣。張云。一節之更。時移氣易。客強主弱。則不能勝。故不過十

五日而死。

其腹大脹止是五逆也。甲乙。脈搏作喘一字。張云。此下言五逆之急證也。腹大

脹者。最忌中虛。若見四肢清冷而脫形泄甚者。脾元敗而陽氣去也。故爲一逆也。腹脹便血。陰病也。脈大時絕。孤陽將脫也。故爲二逆。欬而洩血者。氣血俱病。形肉脫者。敗在脾。脈搏者。真藏也。敗在胃氣。故爲三逆。嘔血胸滿引於背者。藏氣連乎背也。脈見細小疾數。則真元大虧矣。故爲四逆。上爲嘔欬。中爲脹滿。下爲飧泄。三焦俱病。而脈至於絕者。有邪無正也。故爲五逆。

不及一時而死。馬云。一時者一周時也。乃一日之意。張云。不及一時。謂不能周

一日之時也。

是謂逆治。張云。病不可治而強治之。非惟無益。適以資害。是謂逆治。

甚駿。張云。駿大也。簡案。詩商頌。爲下國駿厖。毛傳。駿大也。

二十八會。馬云。手足十二經。左右相同。共有二十四脈。加以兩躋督任。共爲二十八會也。

能殺生人。不能起死者也。

簡案、外臺明堂序云。經脈陰陽。各隨其類。故湯藥攻

其內。以灸攻其外。則病無所逃。知火艾之切。過半於湯藥矣。其鍼法古來以爲深奧。今人卒不可解。經云。鍼能殺生人。不能起死人。若欲錄之。恐傷性命。今並不錄此。依本節之義而立言也。玉函經總例云。鍼能殺生人。亦能起死人。亦同。其如刀劍止。猶可知矣。張云。言不善用鍼者。徒能殺生人。不能起死者。正如其以刀劍加人。則死。以酒飲人。則醉。此理之必然。自不待診而可知者也。人之所受氣者。止奪之而已矣。馬云。試觀海之行雲氣者。本於地氣。上爲雲。而後雲氣行於天之下也。胃之有氣血。本於穀氣所化。而後血氣行於十二經之隧也。是經隧者。誠爲五藏六府之大脈絡耳。迎其氣之來。而有以奪之。則能殺生人矣。

上下有數乎。止奪其天氣者也。

張云。上下。謂手足經也。五里。手陽明經穴。此節

指手之五里。卽經隧之要害。若迎而奪之。則藏氣敗絕。必致中道而止。且一藏之氣。大約五至而已。鍼凡五往以迎之。則一藏之氣已盡。若奪至二十五至。則五藏之輸氣皆竭。乃殺生人。此所謂奪其天真之氣也。氣穴論云。大禁二十五。

在天府下五寸。卽此之謂。志云。至者迎其氣之至也。往者追其氣之行也。故五至而迎其五藏之氣至卽已。若五往而追之。則五藏之氣盡洩於外矣。

非能絕其命。而傾其壽者也。張云。不知刺禁。所以殺人。鍼非絕人之命。傾人之壽者也。志云。非由命之自絕。壽之自絕。實所以殺生人也。

闕門止死於堂上。馬云。吾窺門而見其刺。其人當死於家中。吾入門而見其刺。其人當死於堂上。死之最易。又如。是耶。張云。門卽生氣通天等論。所謂氣門之門也。闕門而刺。言猶淺也。淺者害遲。故死於家中。入門而刺。言其深也。深則害速。故死於堂上。志云。闕者。窺俟其所出也。門首。衛氣篇之所謂契紹之門戶。乃氣血從孫絡而出於皮膚之門也。故俟其氣之出門而刺之者。稍緩而死於家中。入門而逆刺於絡內者。卽死於醫者之堂上也。夫天氣一日一夜。遶地環轉一周。逆則不過一周而死。况鍼刺之傷乎。簡案。三家所取義各異。未知孰是。

五禁篇第六十一

諸本無篇字。馬云。內有五禁、五奪、五過、五逆、九宜等法。然以五禁爲首。故名篇。

五過。張云。補之過度。資其邪氣。瀉之過度。竭其正氣。是五過也。

介按。疏五過論曰。不知病情。治之一過也。不知補瀉。治之二過也。工不知診。治之三過也。病不能醫。治之四過也。醫不能明。治之五過也。

甲乙曰。自乘止。是謂五禁。馬云。天干之應人身。頭爲甲乙。肩喉爲丙丁。戊己爲手足。四支合辰戌丑未之四季。庚辛應股膝。壬癸應足脛。故凡天干自乘之日。皆無刺之。發矇振埃。俱刺法名目。見本經刺節真邪篇。張云。日自乘者。言其日之所直也。簡案。據刺節真邪篇。發矇之刺。治耳目之病。即頭面之病。振埃之刺。治欬喘胸滿。肩息上氣等之病。即肩喉兼全之病。去爪之刺。刺關節脈絡四肢之病。即瀉脾土之水。

是五奪也。張云。此五奪者。皆元氣之大虛者也。若再瀉之。必置於殆。不惟鍼刺。用藥亦然。

熱病脈靜。止是謂五逆也。甲乙無下血衄三字。張云。熱病脈靜。陽證得陰脈也。汗已出。脈躁盛。真陰敗竭也。病泄脈宜靜。而反洪大者。孤陽邪勝也。着痺破胭。身熱而脈偏絕者。元有所脫也。淫而奪形。身熱下血衄者。精血去而亡陰發熱。

也。寒熱奪形。而脈堅搏者。脾陰大傷。而真藏見也。凡此五逆者。皆陰虛之病。故本神篇曰。陰虛則無氣。無氣則死矣。是皆不可刺者也。馬云。其身熱脈宜洪盛。今已偏絕。蓋偏則一手全無。絕則二手全無也。淫者好淫也。志云。淫者酷虐之邪。奪形者。邪傷形也。如但熱不寒之瘧氣。內藏於心。而外淫於分肉之間。令人消爍肌肉。簡案。馬偏絕及淫字之解。恐非也。傷寒論云。脈陰陽俱盛。大汗出。不解者死。成氏註云。若汗出不解。則邪氣內勝。正氣外脫。故死。內經云。汗出而脈尚躁盛者死。千金云。熱病已得汗。脈尚躁盛。此陽脈之極也。死。

動輸篇第六十一

諸本無篇字。馬云。內論手太陰、足少陰、足陽明之俞穴。獨動不休。故名篇。經脈十二止何也。甲乙作經脈十二。而手太陰之脈獨動不休。何也。無足少陰陽明五字。張云。手足之脈共十二經。然惟手太陰、足少陰、足陽明三經獨多動脈。而三經之脈則手太陰之太淵、足少陰之太谿、足陽明上則人迎。下則衝陽。皆動之尤甚者也。

是明胃脈也。止故動而不止。甲乙是作足陽二字是也。志云。是明胃脈者。謂宗氣榮氣衛氣。皆胃府水穀之所生也。清氣者宗氣也。積於胸中。上注於肺。肺氣從手太陰之經而行於十二經脈。其行也以息往來。故人一呼脈動而行三寸。一吸脈再動而行三寸。呼吸定息。脈行六寸。呼吸不已。故動而不止。是以十二經中皆有動脈也。

上十焉息。止不知其極。甲乙十八俱作出字。馬云。上之從息而行者。可擬十分。下之伏於臟內者。可擬八分。但不知其何道而來。何道而還。罔有抵極。張云。寸口手太陰脈也。上下言進退之勢也。十八喻盛衰之形也。焉何也。息生長也。上十焉息。言脈之進也。其氣盛。何所來而生也。下八焉伏。言脈之退也。其氣衰。何所去而伏也。此其往還之道。真若有難窮其極者。志云。上十焉息者。謂胃府所生之清氣。如弓弩之發盡。過於寸口。以應呼吸定息。下八焉伏者。謂胃府所生之榮氣。如水之下岸。流溢於中。而伏於胞內。簡案三家之解。未知孰是。但張註似稍義通。然不如甲乙改十八作出字之尤明晰也。

氣之離藏也。止故其行微。張云。凡脈氣之內發於藏。外達於經。其卒然如弓弩

之發。如水之下岸。言其勁銳之氣。不可遏也。然強弩之末。其力必柔。急流之末。其勢必緩。故脈由寸口以上魚際。盛而反衰。其餘氣以衰散之勢而逆上。故其行微。此脈氣之盛衰。所以不等也。

胃氣上注於肺。止別走於陽明者也。

甲乙頤作頤。張云。胃氣上注於肺。而其悍

氣之上頭者。循咽喉上行。從眼系入絡腦。出頤下。會於足少陽之客主人。以及牙車。乃合於陽明之本經。并下人迎之動脈。此內為胃氣之所發。而外為陽明之動也。牙車即曲牙。當是頰車也。簡案牙車之義詳出經脈篇頰車註

故陰陽上下止相傾者病。

張云。此云陰陽上下者。統上文手太陰而言也。蓋胃

氣上注於肺。本出一原。雖胃為陽明脈。上出於人迎。肺為太陰脈。下出於寸口。而其氣本相貫。故彼此之動。其應若一也。然人迎屬府為陽。陽病則陽脈宜大。而反小者。為逆。寸口屬藏為陰。陰病則陰脈宜小而反大者。為逆。故四時氣篇曰。氣口候陰。人迎候陽也。汪云。言陰陽動靜。當如引繩平等。所謂脈有胃氣者。生也。若相傾則病矣。馬註。作引繩以相傾。謬。簡案。五色篇云。脈之浮沉。及人迎與寸口氣小大等者。病難已。馬蓋依此以引繩為病脈歟。張志然而禁服篇云。

寸口主中。人迎主外。兩者相應。俱往俱來。若引繩大小齊等。春夏人迎微大。秋冬寸口微大。如是者名曰平人。知是汪註得其旨矣。

衝脈者止此脈之常動者也。甲乙入足下無入字。入踝下有內字。溫足脛。脛作跗。張云。足少陰之脈動者。以衝脈與之並行也。衝脈亦十二經之海。與少陰之絡同起於腎下。出於足陽明之氣衝。循陰股。臍中。內踝等處。以入足下。其別者邪出屬跗上。注諸絡以溫足脛。此太谿等脈。所以常動不已也。汪云。按諸篇俱言衝脈上衝。惟此篇及順逆肥瘦論言衝脈並腎脈下行。簡案。仲景取寸口跗陽太谿。卽手太陰足陽明足少陰之脈也。

榮衛之行也。甲乙作衛氣之行也。

氣何由還。張云。榮衛之行。陰陽有度。若邪氣居之。則其運行之道宜相失也。又何能往還不絕。因問其故。

夫四末止此之謂也。張云。四末四支也。十二經皆終始於四支。故曰陰陽之會而爲氣之大絡也。然大絡雖會於四支。復有氣行之徑路。謂之四街。衛氣篇頭有街凡邪之中人。多在大絡。故絡絕則徑通。及邪已行而四未解。彼絕此通。氣從

而合。迴還轉輸。何能相失。此所以如環無端。莫知其紀也。馬云。此四街。爲榮衛二氣之經路。故大絡雖或阻絕。而徑路則自相通。彼逢邪氣大寒之時。手足固嘗懈惰。及懈惰已畢而少解。則二氣復從而合。相輸如環。尙何相失之有哉。

五味論篇第六十三

趙府正脈道藏熊本無篇字。志本無論篇二字。

酸入於胃。止故癢。甲乙無以收上之兩焦六字。膀胱下有之胞二字。馬云。酸之氣味滯澁而收斂。既入於胃之中脘。則上兩焦。卽上中二焦也。其氣味弗遽能出入。乃留於胃中。久則胃中和溫而下注膀胱。膀胱爲胞之室。胞在其中。其體薄。其氣懦。得此酸味。則縮而且絀。所以約而不通。水道不行而爲癢也。張云。絀不分也。約束也。癢。小水不利也。味過於酸。則上之兩焦弗能出入。若留於胃中。則爲吞酸等疾。若胃中溫和不留。則下注膀胱。膀胱得酸則縮。故爲癢也。愚按。胞。溲脬也。類纂曰。膀胱者。胞之室。王安道又有胞居膀胱之室之說。甚屬不經。夫胞卽膀胱。膀胱卽胞也。焉得復有一物耶。簡案。懦。音儒。說文。駑弱也。又音軟。

又作慥。玉篇。弱也。縮縮。馬云。連讀爲是。說文。新附字。繾繾不相離也。又釋名。繾繾束縛也。張註。縮下爲句。非。

陰者止走筋矣。甲乙終下有聚字。張云。陰者。陰器也。積筋者。宗筋之所聚也。肝主筋。其味酸。故內爲膀胱之癰。而外走肝經之筋也。又宣明五氣篇曰。酸走筋。筋病無多食酸。

鹹入於胃止走血矣。甲乙注於脈則血氣走之。作注於諸脈。脈者血之所走也。十一字。則凝凝則作則血涖則胃中汁以下八字。無又走血矣。下有腎合三焦。血脈雖屬肝心。而爲中焦之道。故鹹入而走血矣。四句。張云。血爲水化。鹹亦屬水。鹹與血相得。故走注血脈。若味過於鹹。則血凝而結。水液注之。則津竭而渴。然血脈必化於中焦。故鹹入中焦而走血。又宣明五氣篇曰。鹹走血。血病無多食鹹。簡案。鹹入於胃。其氣上走中焦。又上文云。酸入於胃云云。上之兩焦。弗能出入。此似胃與中焦所指各異。然考下文辛入於胃。苦入於胃。甘入於胃。每章必有此一句。則殆似章首標識。故云胃。云中焦。云兩焦。宜無異義。前註未疑及之。錄以俟考。

辛入於胃止與汗俱出。甲乙薰之。作熏至營衛四字。洞心。註云洞。一作熅。馬云。辛入於胃。其氣必走於上焦。上焦者。受氣而運諸陽者也。故辛味既走於上焦。則不得不走於氣耳。如薑韭者。氣味之辛者也。衛氣由下焦而生。亦必出而行於分肉之間。所以不時受此辛味之氣也。惟此薑韭之氣。久留心下。則物在心下。而氣薰於上焦。上焦氣湊。心內似空。故多食辛者。必洞心也。且此辛氣與心中之氣。相得而俱行。辛入則汗必出。汗之出者。以氣之出也。其心安得而不洞。宣明五氣篇云。辛走氣。氣病無多食辛。張云。洞心。透心若空也。甲乙註千金云。辛入胃而走氣。與氣俱出。故氣盛。

苦入於胃止。知其走骨也。甲乙下脘下有下脘者三字。變上有氣字。復出下有必齧疏三字。馬云。苦入於胃。而胃中五穀之氣。皆不能勝此苦味。故苦入下脘。則上中下焦之氣皆閉而不通。遂使五穀在胃者。氣味不知所以變而爲嘔也。况齒者。乃骨之所終。故苦入則走骨。走骨則走齒。今入而復出者。卽從齒出也。宣明五氣篇云。苦走骨。骨病無多食苦。志云。苦乃火味。故入於下而復出於上。以其性下泄而上涌也。簡案。變嘔卽嘔變。佛典有變吐之文。可以證焉。張云。其

變爲嘔。非也。入而復出。未詳。據甲乙。乃似苦味之氣入而復出。爲齒齬黑疏豁之義。

甘入於胃。止故甘走肉。甲乙。弱小。作弱少。留於胃中者。者上有甘字。潤下無者字。挽作悶。其氣外通於肉以下。作其氣通於皮。故曰甘走皮。皮者肉之餘。蓋皮雖屬肺。與肉連體。故甘潤肌肉並皮也。三十二字。蟲。馬本作蠱。註。蠱作蟲。張云。甘性柔緩。故其氣弱小。不能至於上焦。味過於甘。則與穀氣留於胃中。令人柔潤而緩。久則甘從濕化。致生諸蟲。蟲動於胃。甘緩於中。心當挽矣。挽。悶也。甘入脾。脾主肉。故甘走肉。宣明五氣篇曰。甘走肉。肉病無多食甘。

陰陽二十五人篇第六十四

諸本無篇字。

伯高曰。甲乙作少師。張云。按本節引通天篇少師之答。而此云伯高者。豈少師即伯高之別稱耶。無考矣。

不離於五。張云。由陰陽而化五行。所以天地萬物之理。總不離五。而人身之相

應者亦惟此耳。

故五五止從外知內。

張云。五行之中。又各有五。如下文以五行之人。而又分左

之上下。右之上下。是爲五矣。五而五之。計有二十五人也。然此言五行之詳。非若通天篇所謂太陽、少陽、太陰、少陰、和平五態而已。故曰陰陽之人不與焉。又不合於衆者五也。別而以候。欲別其外而知其內也。簡案馬云。計有二十五人之式。而彼陰陽和平之人不與也。此政讀爲式。

遵循。簡案。逡巡同。莊子。至樂作蹲循。通雅云。古人不惟借聲見形。義近者時牽率書之。故循以借逡。又以借巡耳。

本形之人止佗佗然。甲乙無似於蒼帝其爲人七字。下同。此例肩下有平字。馬云。比者擬議之謂。蓋以人而擬角。故謂之曰比。此言木形人有五。有全偏之分也。木形之人。木氣之全者也。下文四股則偏矣。木主東方。其音角。其色蒼。故木形之人。當比之上角。似於上天之蒼帝。色蒼者。木之色蒼也。頭小者。木之巔小也。面長者。木之體長也。肩背大者。木之枝葉繁生。其近肩之所闊大也。身直者。木之體直也。小手足者。木之枝細而根之分生者小也。此自其體而言耳。好有

才者。木隨用而可以成材也。力少者。木必易搖也。言多憂而外勞於事者。木不能靜也。耐春夏者。木以春夏而茂盛也。不耐秋冬者。木以秋冬而彫落也。此自其性而言耳。故秋冬有感於邪。則病易生。肝經屬起厥陰。爲根幹。故足厥陰經之分肉。形體佗佗然。有安重之義。案詩經國風君子偕老篇云委委佗佗朱註云雍容自得之貌張云足厥陰肝木之經也。肝主筋。爲罷極之本。故曰佗佗然。佗佗。筋柔遲重之貌。足厥陰爲木之藏。足少陽爲木之府。此言藏而下言府者。蓋以厥陰少陽爲表裏。而藏爲府之主耳。故首云。上角厥陰者。總言木形之全也。後云大角、左角、鈇角、判角、少陽者。分言木形之詳也。茲於上角而分左右。左右而又分上下。正以明陰陽之中。復有陰陽也。餘準此志云。佗佗。美也。如木之美材也。

大角之人。止遺遺然。甲乙註。一曰左角。張云。稟五形之偏者各四。曰左之上下。右之上下。而此言木形之左上者。是謂大角之人也。其形之見於外者。屬於左足少陽之經。如下文所謂足少陽之上。氣血盛則通髻美。良以及血氣多少等辨。正合此大角之人也。遺遺。柔退貌。愚按。通天篇有云。太陰之人。少陰之人。太陽之人。少陽之人。陰陽和平之人。凡五人者。其態不同。是統言大體而分其陰

陽五態也。此以木火土金水五形之人。而復各分其左右上下。是於各形之中。而又悉其太少之義耳。總皆發明稟賦之異。而示人以變化之不同也。馬云。遺然者。如有所遺失。然行之不驟而馴也。簡案。馬註不允。志云。遺遺。謙下之態。如枝葉之下垂也。亦恐非是。

左角之人。止隨隨然。甲乙作右角。張云。左角。一云少角。隨隨。從順貌。下文云。足少陽之下。血氣盛則脰毛美長者。正合此少角之人。而此言其右之下也。餘倣此。

欽角之人。止推推然。甲乙。推推。作鳩鳩。張云。一曰右角角形。而並於右足少陽之上者。是謂右角之人。此卽言其右之上也。推推。前進貌。志云。大謂之欽。卽太角也。大角之人。比於左足少陽。欽角之人。比於右足少陽。推推。上進之態。如枝葉之上達也。簡案。廣韻。欽。音大。義同。然則欽角乃與上文大角何別。上文大角。據甲乙作左角。近是。

判角之人。止括括然。正脈。甲乙。括括。作括括。張云。判。半也。應在大角之下者。是謂判角之人。而屬於左足少陽之下。卽言其左之下也。括括。方正貌。凡此遺遺。

隨隨、推推、括括者。皆所以表木形之象。志云。括括、正直之態。如木體之挺直也。火形之人止核核然。甲乙無似於赤帝其爲人七字。核核、作竅竅。簡案疑是覆似矧。諸本作胛。常改。馬云。此言火形之人有全偏之分也。火主南方。其音徵。其色赤。故火形之人似於上天之赤帝。胛者。脊肉也。廣胛者。火之中勢熾而廣大也。面銳頭小者。火之炎上者。必銳且小也。好肩背髀腹者。火之自下而上。漸大而狹。故謂之好也。手足小者。火之旁及者。勢小也。行安地者。火必着地而起也。疾心者。火勢猛也。行搖肩者。火之勢搖也。背肉滿者。卽廣胛之義也。有氣者。火有氣勢也。此自其體而言耳。輕財者。火性易發而不聚也。少信者。火性不常也。多慮而見事明者。火性明通而旁燭也。好顏者。火色光明也。急心者。火心急也。不壽暴死者。火勢不久也。耐春夏者。火令行於暑時也。不耐秋冬者。火畏水也。此自其性而言耳。故秋冬有感於邪。則病易生。手少陰心經屬火。其經脈穴道之行於分部者。若核核然。有真實之義。下文言手太陽小腸經者。以心與小腸爲表裏耳。張云。核核然。火不得散而結聚爲形也。質徵之人止肌肌然。甲乙質作太。張云。一曰質之人。一曰大徵。以徵形而應於

左之上。是謂大徵之人。而屬於左手太陽之上也。肌肌、膚淺貌。此下詳義同前。木形註中。馬云。肌肌、肌肉充滿之義也。

少徵之人止慆慆然。張云。應右徵之下者。是謂少徵之人。而屬於右手太陽之下也。慆慆、不反貌。又多疑也。馬云。慆、音滔。詩經東山篇有慆慆不歸。朱註以慆慆爲久意。今此當作滔滔。從水爲宜。又云。滔滔者饒洽之意也。志云。慆慆、喜悅之態。簡案。說文。慆、說也。玉篇。喜也。志正本此。

右徵之人止鮫鮫然。張云。以徵形而屬於右手太陽之上。是謂右徵之人。鮫鮫、踴躍貌。

質判之人止支支頤頤然。甲乙。質判、作判徵。支支下有然字。頤頤然、作熙熙然。張云。此居質徵之下。故曰質判。而屬於左手太陽之下。判、亦半之義也。支支、枝離貌。頤頤、自得貌。凡此肌肌之類者。皆所以表火形之象。馬云。支支者。支持之義。頤頤者。垂下之義也。志云。支支頤頤。上下之相應也。

土形之人止敦敦然。甲乙無似於上古黃帝六字。馬云。此言土形之人。有全偏之分也。中央主土。其音宮。其色黃。故土形之人。比於上宮。似於上古之黃帝。曰

上古者。以別於本帝也。色黃者。土之色黃也。面圓者。土之體圓也。頭大者。土之體平也。肩背美者。土之體厚也。腹大者。土之體闊大也。股脛美者。土之體肥也。小手足者。土本大亦可以小也。多肉者。土主肉也。上下相稱者。土自上而下。其體如一也。行安地者。體安重也。舉足浮者。土揚之則浮也。此自其體而言耳。安心者。土不輕動也。好利人者。土以生物爲德也。不喜權勢。善附人者。土能容垢納污。不棄賤趨貴也。耐秋冬者。土喜滋潤也。不耐春夏者。土畏亢燥也。故春夏有感於邪。則病易生。此自其性而言耳。足太陰者。脾經也。其經脈穴道所行之分部。皆敦敦然。有敦重之義。猶五常政大論所謂敦阜也。下文言足陽明胃經者。以脾與胃爲表裏耳。張云。美股脛。土主四支也。小手足。盛在中也。舉足浮大。氣舉之也。敦敦。重實貌。

大宮之人。止婉婉然。張云。以宮形而應於左之上。是謂大宮之人。而屬於左足陽明之上也。婉婉。委順貌。此下詳義同前木形註中。馬云。婉婉者。有委曲之義也。

加宮之人。止坎坎然。甲乙作𤑔𤑔然。音注。一曰坎坎然。張云。應在大宮之下者。

是謂加宮之人。而屬於左足陽明之下也。坎坎深固貌。馬云。坎坎者。亦持重之義也。仇汝霖云。加宮者右宮也。蓋西北之地高厚而多山岳。故曰加宮。

少宮之人。止樞樞然。張云。應在太宮之右。故曰少宮之人。而屬於右足陽明之上也。樞樞圓轉貌。馬云。樞樞者。有拘守之義也。志云。如樞轉之持重。土之體也。左宮之人。止兀兀然。張云。詳此義。當是右宮之人。故屬於右足陽明之下也。兀兀獨立不動貌。凡此婉婉之類者。皆所以表土形之象也。志云。兀兀不動貌。如平陸之安夷也。

金形之人。止敦敦然。甲乙無似於白帝四字。馬云。此言金形之人。有全偏之分也。西方主金。其音商。其色白。故金形之人。比於上商。似於上天之白帝。面方者。金之體方也。色白者。金之色白也。曰頭。曰肩背。曰腹。俱小者。金體沉重而不浮大也。手足小如骨發踵外者。金之旁生者必小。而其足跟之外。如另有小骨發於踵外也。骨輕者。金無骨。故其骨則輕也。身清廉者。金之體冷而廉靜。不染他污也。此自其體而言耳。急心者。金性至急也。靜悍者。金之性不動則靜。動之則悍也。善爲吏者。金主肅殺有威也。耐秋冬者。金令王於涼寒之候也。不耐春夏

者。金畏火也。故春夏有感於邪。則病易生。此自其性而言耳。手太陰肺經屬金。凡其經脈穴道所行之分部。當敦敦然有敦重之義也。足敦敦然皆下文言手陽明大腸經者。以肺與大腸爲表裏耳。張云。敦敦堅實貌。手足太陰皆曰敦敦。而義稍不同。金堅土重也。志云。善爲吏者。有斧斷之才也。

鈇商之人止廉廉然。甲乙鈇作太。張云。鈇亦大也。左右之上。俱可言鈇。故上文云。鈇角者。比於右足少陽之上。此鈇商者。比於左手陽明之上也。廉廉稜角貌。此下詳義同前木形註中。志云。廉廉如金之潔而不污。

左商之人止脫脫然。諸本作右商之人。馬云。右商之人。疑是左商之人。張云。詳此當是右手陽明。庶與右商之人相屬。脫脫蕭灑貌。馬云。脫脫無累之義。志云。脫脫如金之堅白。涅而不淄。

太商之人止監監然。甲乙太商作左商。馬云。左商之人。當是右商之人也。監監然有所制也。張云。詳此當是左手陽明。庶與左商之人相屬。監監多察貌。志云。監監如金之鑒而明察也。

少商之人止嚴嚴然。張云。應左右之下者。是謂少商之人。而屬於右手陽明之

下也。嚴嚴、莊重貌。凡此廉廉之類者。皆所以表金形之象也。馬云。嚴嚴然不敢肆也。

水形之人止汗汗然。甲乙無似於黑帝四字。面不平註。一作曲面。廉頤作廣頤。戮上有殆字。汗汗作汙汙。志亦作汗汗。皆諸本作背。當改。馬云。此言水形之人。有全偏之分也。北方主水。其音羽。其色黑。故水形之人。比於上羽。似於上天之黑帝。色黑者水之色黑也。面不平者。水上有波也。頭大者。水面不銳也。頤廉有角者。水流四達也。肩小者。水之自高而瀉下者。其高處不大也。腹大者。水之腹大而善藏物也。手足動及發行必搖身者。水流而達也。下尻長者。水流必長也。背延延然者。亦長意也。此自其體而言耳。不敬畏者。水決而不可遏也。善欺給者。水性不實也。戮死者。水滅體消也。耐秋冬者。水以秋冬不虧也。不耐春夏者。水以火而沸也。此自其性而言耳。故春夏有感於邪。則病易生。足少陰腎經屬水。故其經脈分部。皆汗汗然。如有所依著也。下文言足太陽膀胱經者。以腎與膀胱爲表裏耳。張云。大腹容物如海也。不敬畏。任性趨下。不向上也。戮死。水無恆情。故多厄也。汗汗。濡潤也。志云。汗汗然者。卑下之態。如川澤之納污也。仇汝

霖云。五行五音。上應五星。故曰似於蒼帝者。上應歲星也。似於白帝者。上應太白也。

太羽之人止頰頰然。張云。以水形而應於右之上者。是謂太羽之人。而屬於右足太陽之上也。頰頰得色貌。此下詳義同前木形註中。馬云。頰頰然者。其盈滿如兩頰也。志云。頰頰然者。謂太陽在上。如有俠輔而尊貴也。

少羽之人止紆紆然。張云。應在左之下者。是謂少羽之人。而屬於左足太陽之下也。紆紆曲折貌。馬云。紆紆然者。有周旋之義也。志云。紆紆。紆洄之態。如水之洄旋也。

衆之爲人止潔潔然。馬云。衆之爲人未詳。意潔潔然者。獨行之義也。張云。衆常也。一曰加之人。應在右之下者。曰衆之爲人。而屬於右足太陽之下也。潔潔。清淨貌。諸形皆言太少。而此獨曰衆。意者水形多變。而此獨潔潔。故可同於衆也。志云。衆羽之人。比於右足太陽。潔潔如水之清潔也。曰衆之爲人者。謂居海濱平陸之大衆。如水之在下。而形體清潔也。

桎之爲人止安安然。馬云。桎之爲人未詳。意水形之人。爲戮死曰桎者。受桎梏

之人也。安安然者。自如之義。

張云。桎、窳同。局窳不通之義。

桎音質。說文足。桎也。徐曰。在足曰桎。

在手曰桎。又窳也。莊子達生篇其靈臺一而不桎。

居左之上者曰桎之為人。而屬於左足。太陽之上也。

安安定靜貌。諸不言桎。而此獨言者。蓋以水性雖流而爲器所局。則安然不動。

故云桎也。凡此頰頰之類者。皆所以表水形之象也。志云。桎之爲人者。謂居崗

陵山谷之人民。如山之在上。安然而不動也。蓋水性動而不靜。故水形之人動

手足發行搖身。如居於高陵山谷之中。受加宮之所勝制。則手足如桎梏而安

然不動矣。倪仲宣云。不曰左羽右羽。而曰衆之爲人。桎之爲人。此卽以衆桎而

爲左右也。倪仲玉云。水形之人。豈應桎梏而戮死耶。經義淵微。聖辭古樸。非覃

思精粹。豈易疏也。簡案。衆羽桎羽。見五音五味篇。

五形之人。止相欺者是也。馬云。此總結上文五行之人。有二十五等之異者。乃

衆人之難辨而易欺者也。張云。形分爲五。而又分爲二十五。稟賦旣偏。則不免

強弱勝負之相欺。故惟不偏不易。而鍾天地之正氣者。斯爲陰陽和平之人。是

以有聖跖賢愚之別也。楊慎云。相法出於黃帝。雖不能通其詳。其大旨可知矣。

乃知此術不始於左傳。荀子所載。唐舉管輅之所師。當出於此。出升菴外集

形勝色止富貴大樂。甲乙惑作害。馬云。人有形勝色者。如木形人而黃色現也。有色勝形者。如本形人而白色現也。但此等之人。不以本形之本色相見。而有他色來見。至其形色相勝之時。值有年忌相加。則感之而病。倘有疎失。則甚可憂矣。如得本形本色相得者。其年當富貴大樂也。張云。勝時年者。如木王土衰。而又逢丁壬之木運。或東方之干支。或厥陰氣候之類。值其王氣相加而感之。則病矣。既病而再有疎失。乃可憂也。簡案。張以運氣釋之。恐非經旨。至其勝時下句。

凡年忌止是謂年忌。甲乙凡年忌下上之人大忌。作凡人之大忌五字。似是。張云。此言年忌始於七歲。以至六十一歲。皆遞加九年者。蓋以七為陽之少。九為陽之老。陽數極於九而極必變。故自七歲以後。凡遇九年。皆為年忌。馬云。凡所謂年忌者。乃各經下上之人。大忌其常加也。如太角之人。比是於左足少陽之上。判角之人。比於左足少陽之下。屬木之人也。簡案。相勝之時下句。

足陽明之上止兩吻多畫。甲乙髯美髯短髯少及無髯之髯俱作鬚。漢書高祖紀師古註在頤曰鬚。血少氣多。作血多氣少。氣少血多。作氣多血少。張云。此下言手足三

陽之外候也。足陽明胃經之脈。行於上體者。循鼻外。挾口環脣。故此經氣血之盛衰。皆形見於口。傍之髯也。吻。口角也。畫紋也。陽明血氣不充。兩吻故多紋。畫簡案。漢周亞夫從理入口而餓死。其理略同。

足陽明之下止足痺。甲乙足指作足大指。馬云。痲音祝。釋文云。手足中寒瘡也。張云。足陽明之脈。行於下體者。由歸來至氣街。陰陽總宗筋之會。會於氣街。而陽明爲之長。故形見於下毛。而或有至胸至臍也。行則善高舉足者。因其血多。蓋四支皆稟氣於胃。足受血而能步也。足指少肉。足善寒者。因其氣少。蓋四支者。諸陽之本。陽氣不足。則指少肉而善寒也。血少氣多。則浮見於外。故下體肉分多爲寒腫也。悴。憔悴也。足陽明爲五藏六府之海。主潤宗筋。束骨而利機關也。今氣血俱少於下。故爲痿厥。足痺等病。樓云。下毛。陰毛也。簡案。痲音劓。說文。中寒腫。玉篇。手足中寒瘡也。前趙充國傳。手足皸痲。足少陽膽經之脈。行於上體者。抵於頰下頰車。故其氣血之盛衰。必形見於鬚髯也。在頤曰鬚。在頰曰髯。志云。通髯美者。俗名連鬚鬚也。

善痺骨痛爪枯也。張云。此皆筋骨之病。以少陽厥陰爲表裏而肝主筋也。

足少陽之下止無肉。張云。足少陽之脈行於下體者。出膝外廉下外轉骨外輔之前。故其形見者。皆在足之外側。

足太陽之上止美色。甲乙面多少理。作面多小理。張云。足太陽膀胱之脈行於上體者。起於目內眥。其筋之支者。下顏結於鼻。故其氣血之盛衰。皆形見於眉面之間也。志云。毫毛者。眉中之長毛。因血氣盛而生長。惡眉者。無華彩而枯瘁也。少理當作小理。而多小理者。多細小之紋理。蓋氣少而不能充潤皮膚也。

足太陽之下止踵下痛。張云。足太陽經之行於下體者。從後廉下合腠中。貫腠內。出外踝之後。結於踵。故其形見爲病。皆在足之跟踵也。

手陽明之上止無髭。甲乙無髭。上有善轉筋三字。張云。手陽明大腸之脈行於上體者。挾口交人中。上挾鼻孔。故其氣血之盛衰。必形見於髭也。在口上曰髭。在口下曰鬚。

手陽明之下止以寒。張云。手陽明之行於下體者。上臑外前廉。下近於腋。且陽明太陰爲表裏。而太陰之脈出腋下。故腋下毛美。手魚肉者。大指本節後厚肉。

也。本經之脈起次指出合谷。故形見於此。

手少陽之上止惡色。張云。手少陽三焦之脈行於上體者。出耳前後。至目銳眦。故其血氣之盛衰。皆見於眉耳之間。

手少陽之下止多脈。甲乙。捲作拳。張云。手少陽之脈行於下體者。起名指端。循手腕。出臂外上肘。故其形見若此。志云。蓋手少陽之血氣。循手表腕。盛則皮緩肉淖。故善於捲握也。多脈者。皮肉瘦而脈絡多外見也。

手太陽之上止惡色。甲乙。有多鬚無有字。鬚作髯。惡色作黑色。張云。手太陽小腸之脈行於上體者。循頰上頸。斜絡於顴。故其血氣之盛衰。皆形見於鬚面之間也。

手太陽之下止以寒。張云。手太陽之脈行於下體者。循手外側上腕。故其形見者如此。按本篇首言五形者。以藏爲主而言其稟。此言六陽者。以府爲表而言其形。稟質相合。象變斯具矣。此所以有左右上下之分也。

有約乎止。可以知逆順矣。張云。約。度也。此言足太陽一經之盛衰。而他經之有餘不足。亦由是也。審察既明。而後調之。則不失其逆順矣。馬云。審察其形氣之

有餘不足。而盛則瀉之。虛則補之。可以知當補而補。當瀉而瀉之爲順。而反此則爲逆矣。志云。逆順者。皮膚經脈之血氣。交相逆順而行者也。知逆順之有餘不足。則知所以調之矣。仇汝霖云。脈字其字宜玩。蓋用脈字。以知足太陽之脈之氣血多少。加其字。以分別肥而澤者。乃諸陽之脈之血氣有餘也。

按其寸口止決之乃行。甲乙。濇作泣。張云。寸口在手太陰脈也。人迎在頭陽明脈也。太陰行氣於三陰。陽明行氣於三陽。故按其寸口人迎。而可以調陰陽也。禁服終始經脈等篇。所謂人迎脈口一盛二盛三盛等義。皆是也。切深也。循察也。經絡爲病。身必痛痺。甚則血氣不行。故脈道凝濇也。血脈凝濇。氣不至也。故當留鍼以補。而致其氣以溫之。致使之至也。決者開泄之謂。簡案王註。脈要精微論云。切謂以指切近於脈也。張訓深。兆馬註。甚則不行。云甚則不能起而行也。似是。

故曰止則而予之。甲乙。休作往。則而予之。作卽而取之。馬云。大凡病之氣有餘於上者。則病在上求之下。當鍼其穴之在下者。以導而下之。氣不足於上者。則仍刺其上穴。乃推其鍼而久留以休息之。候其氣至可也。如鍼已稽留。而氣尙

未至。必因而迎之。隨卽有以推之耳。凡此者。必先明於各經。經脈之隧。然後可持鍼以刺之。其間有寒熱相爭者。則導而行之。有氣鬱陳。宛陳素問湯液醪醴論有去宛陳莖自水積言本經首篇有宛陳則除之自結血言而血未結者。必側其鍼以刺之。同側鍼即臥鍼。予與同張云。休者留鍼以待氣也。稽留不至。言氣至之遲滯者。接之引之。而使其必來也。迎去聲。凡物來而接之則平聲。物未來而迎之使來則去聲。隧。道也。必明經脈之道路。而後能執持之也。其有寒熱不和者。因其偏而導去之。脈道雖有鬱陳。而血不結者。則其勢而予治之。則度也。必先明知二十五人。止刺約畢也。甲乙。則作別。刺上有則字也。作矣。張云。凡刺之道。須明血氣。故必知此二十五人之脈理而刺之。大約可以盡矣。

五音五味篇第六十五

馬云。內論人身合五音、五穀、五果、五畜等義。故名。

右徵與少徵。調右手太陽上。馬云。上下字必有缺。張云。此下十二條。并後九條。皆所以言六陽之表也。

左商與左徵。調左手陽明上。

馬云。以火人而調金部。未知其所謂也。

少徵與太宮。調左手陽明上。

馬云。以土人而調金部。未知其所謂也。張云。義似

不合。

右角與太角。調右足少陽下。

馬云。前篇太角之人。比於左足少陽。少陽之上。遺

遺然。而此以右代左。以下代上者。必有訛耳。志云。前章有左角而無右角。左右

二字有誤。

太徵與少徵。調左手太陽上。

馬云。前篇以少徵之人。比於右手太陽。太陽之下

惛惛然。而此以左代右。以上代下。必有誤耳。

衆羽與少羽。調右足太陽下。

馬云。前篇少羽之人。比於左足太陽。太陽之下紆

紆然。今以右代左者。必有訛耳。

少商與右商。調右手太陽下。

馬云。以金人而調火部。未知其所謂也。張云。義似

不合。

少宮與太宮。調右足陽明下。

馬云。前篇以太宮之人。比於左右陽明。陽明之上

婉婉然。今乃以右代左。亦爲異耳。

鈇商與上商。調右足陽明下。馬云。前篇以少商之人。比於右手陽明。陽明之下。嚴嚴然。又云。手陽明之下。血氣盛則腋下毛美。手魚肉以溫。氣血皆少。則手瘦以寒。此以上商而調右手陽明之下者是也。但前止有鈇商。少商。右商。左商。並無上商。非此之上爲誤。則彼之少爲誤也。張云。義似不合。

鈇商與上角。調左足太陽下。馬云。以金人而調水部。未知其所謂也。按據前所屬五音。而調各部。正承前篇末節言。先明二十五人之形。然後可以明經隧而調陰陽。故此卽二十五人之屬於五音者。而指其當調之所在也。但有以別音而互屬。則是太少左右上下陰陽等字。非前篇則此篇必有訛處。正以此書向無明註。而讀者不曉。錄者不慎。故不得改正之。愚欲據五行生剋大義。悉改正之。其說自明。但此經非比尋常。不敢妄更。姑俟後之君子。志云。按此節論調手足之三陽。有左右上下之相通者。有手太陽而調之手陽明者。有手陽明而調之手太陽者。有手陽明而調之足陽明者。有足厥陰而調之足太陽者。陰陽之血氣。各有分部。而調治錯綜。抑經氣之交通。或魯魚之舛誤。姑從臆見箋疏。以俟後賢參正。

上徵與右徵同止時夏。張云。此下五條言五藏之裏以合四時五色五味也。仇汝霖云。按前後二篇並無鍼刺二字。所謂調右手太陽上左足太陽下者。卽以此五味調之也。列左右上下者。分別二十五變之人。使後學觀形以知血氣之盛虛。非用五味之中而有上下之分也。如用調左手太陽上右手太陽下。總以麥穀羊畜調之也。書不盡言言不盡意。學者以意逆之。則得之矣。

太宮與上角同右足陽明上。馬云。太宮屬土。宜調足陽明胃土。而此又以上角之人。義不可曉。

左角與太角同左足陽明上。馬云。角乃木音。宜調木部。今足陽明屬土。而乃調之。義不可曉。張云。義似不合。

加宮與太宮同左足少陽上。馬云。加宮太宮屬土。而調足少陽之木。義不可曉。然太宮又重出矣。張云。義似不合。

質判與太宮同左手太陽下。馬云。質判屬火。宜調手太陽小腸經火。而太宮又附之。義不可曉。且重出。

太羽與太角同右足太陽上。馬云。太羽屬水。宜調右足太陽膀胱經水。而太角

屬木附之。義不可曉。

太角與太宮同。右足少陽上。馬云。太角爲木。宜調足少陽膽經木。而太宮屬土附之。義不可曉。右按以宮調胃土。以羽調膀胱水等義。固以五行相屬。其間以別音之人互入。必是手足左右上下陰陽字面多訛。今以此九項而與前十二項相配。有重者如左手陽明上。右足太陽下。右足陽明下。左手陽明上。有缺者如右足少陽上。左足少陽下。右手陽明上。左足太陽上。右足陽明上。此必由重者差訛。故致有缺者不全也。俟後之君子正之。張云。按此篇乃承前篇陰陽二十五人而詳明其五行相屬之義。但前節言調者十二條。後節言同者九條。總計言角者十二。徵者六。宮者八。商者八。羽者七。有重者如左手陽明上。右足太陽下。右足陽明下。有缺者如左手陽明下。右手陽明上。右手陽明下。左足太陽上。左足陽明下。且有以別音互入。而復不合於表裏左右五行之序者。此或以古文深諱。向無明註。讀者不明。錄者不慎。而左右上下太少五音之間。極易差錯。愈傳愈謬。是以義多難曉。不敢強解。姑存其文。以俟後之君子再正。簡案。志順文詮釋。其義較明。然未免牽強。故不敢收其說。

右微止少羽。左角宮。馬本志本無角字。似是。張云。此上五條。結上文而總記五音之目也。五音各五。是爲二十五人之數。

婦人無鬚者。馬云。前篇言氣血盛則鬚美長。今婦人無鬚。豈無氣血乎。

衝脈任脈止生毫毛。甲乙。背作脊。腹下無右字。澹滲。作滲灌。張云。胞者子宮是也。此男女藏精之所。皆得稱爲子宮。惟女子於此受孕。因名曰胞。然衝任督脈皆起於此。所謂一原而三歧也。衝任陰陽也。故循腹右上行。然左乳之下。則有胃之大絡。此正左陽右陰相配之妙也。

以其數脫血也。甲乙。作以其月水下。數脫血。任衝並傷故也。張云。數脫血。謂血不留。而月事以時下也。衝任爲血之海。鬚爲血之餘。血不足。則衝任之脈不榮於口。而鬚不生矣。

士人有傷於陰。止故鬚不生。甲乙。無士字。馬云。士人有傷於陰器。而陰器絕而不起。亦不能復有所用。其鬚之生者自若。惟宮者陰器既傷。而鬚獨不生。帝之所以疑也。伯言。士人雖有傷於陰器。其宗筋未嘗去。而衝脈未嘗傷也。彼宮者不然。所以血一瀉而不復。其所傷之處。皮膚內結。衝任之脈。不榮於上之口唇。

故鬚焉得而生也。張云。陰不用者。陽痿不舉也。志云。宗筋者前陰也。簡案。士人壯而傷其宗筋者。其鬚猶不去。宮者少小時去其勢。故鬚不生。勢。陰丸也。此言宗筋亦指陰丸。絕而不起。謂陰莖萎弱也。

天官。張云。謂身為男子。而終身無鬚。若天生之宦官然。故曰天官。志云。天官者。謂之天閹。不生前陰。即有而小縮。不挺不長。不能與陰交而生子。此先天所生之不足也。簡案。沈氏筆談云。鬚屬腎。稟水氣。故下生。男子腎氣外行。上為鬚。下為勢。故女子宮者無勢。則亦無鬚。而眉髮無異於男子。則知不屬腎也。此與本節之旨異也。又輟耕錄云。世有男子。雖娶婦而終身無嗣育者。謂之天閹。世俗則命之曰黃門。晉海西公嘗有此疾。北齊李庶生而天閹。按黃帝鍼經云云。大般若經載五種黃門云。梵言扇半釋迦。周禮閹人。鄭註云。閹。真氣藏者。李時珍本草人傀條五不男。天犍漏怯變也。天者陽痿不用。古云天官是也。犍者陽勢闕去。寺人是也。漏者精寒不固。常自遺漏也。怯者舉而不強。或見敵不興也。變者體兼男女。俗名二形。

若日月之光影。止萬物之精。張云。日月有光。見影可識。音聲有應。聞響可知。惟

聖人者。能明物理之精。故因此可以知彼。因外可以知內也。

此其時然也。志云。此論人歸於天道。而合於天之四時。又無分手與足也。簡案。此一句。馬張不釋。難通。

夫人之常數。止天之常數也。馬云。按此又見素問血氣形志論。本經九鍼論。但厥陰常多血少氣。太陰常多氣少血。有不同耳。大義當以素問爲的。

百病始生篇第六十六

夫百病之始生也。止不可勝數。張云。百病始生。無非外感內傷。而復有上中下之分也。喜怒不節。五志病也。內傷於藏。故起於陰。清濕襲虛。陰邪之在表也。故起於下。風雨襲虛。陽邪之在表也。故起於上。受病之始。只此三部。至其浸淫流洩。則變有不可勝數矣。

先師。張云。先進之稱也。

風雨寒熱。止分爲三員。甲乙。相得。作相搏。肉堅。作肉間。員。作真。馬云。上文言風雨寒暑清濕。而此曰風雨寒熱。又曰疾風暴雨。辭不同而均之。爲外感也。然此

諸外感者。不得天之虛邪。則不能傷人也。虛邪見本篇九又不得之人之木虛。亦不能傷人也。此以天之虛。人身形之虛。兩虛相得。所以諸邪得以客其形耳。若天有實風。九宮入風篇以從其所居人有實氣。則兩實相逢。衆人肉所必不容其形矣。三員猶言三部也。蓋人身大體。自縱而言之。則以上中下爲三部。自橫而言之。則以在表在裏半表半裏爲三部。故謂之上下中外之三員也。張云。三員如下文虛邪之中人。病因表也。積聚之已成。病因內也。情慾之傷藏。病在陰也。卽內外三部之謂。志云。此論風雨傷上。下節論情濕傷下。末節論喜怒傷中。而分爲三員也。簡案。據有一外字。張註爲是。員數也。故馬註爲部。是故止故皮膚痛。甲乙抵作稍。張云。此下言陽邪傳舍之次也。邪之中人。必由表入裏。始於皮膚。表虛則皮膚緩。故邪得乘之。邪在表則毛髮豎立。因而淅然。寒邪傷衛。則血氣凝滯。故皮膚爲痛。凡寒邪所襲之處。必多酸痛。察係何經。則在陰在陽。或深或淺。從可知矣。診表證者。當先乎此也。此下百病始生之義。與皮部論大同。

留而不去。止大經乃代。甲乙。其痛之時息。作其病時痛時息。張云。邪在皮毛。當

治於外。留而不去。其入漸深。則傳舍於絡脈。絡淺於經。故痛於肌肉之間。若肌肉之痛。時漸止息。是邪將去。絡而深。大經代受之矣。簡案馬以代爲脈代中止之義。非也。志云。大經者。經隧也。經隧者。五藏六府之大絡也。蓋大經卽經脈對絡而謂之大經。志註恐誤。

留而不去。止喜驚。張云。絡浮而淺。經隱而深。邪氣自絡入經。猶爲在表。故洒淅惡寒。然經氣連藏。故又喜驚也。

留而不去。止乃強。甲乙。四肢則肢節痛。作四節卽痛四字。張云。凡諸輸穴。皆經氣聚會之處。其所留止。必在關節谿谷之間。故邪氣自經傳舍於輸。則六經爲之不通。而肢節腰脊爲痛爲強也。

留而不去。止身痛。張云。伏衝之脈。卽衝脈之在脊者。以其最深。故曰伏衝。歲露篇曰。入脊內。注於伏衝之脈。是也。邪自經輸。留而不去。深入於此。故爲體重身痛等病。簡案。伏衝之脈。卽瘡論伏膂之脈。馬以伏膂之脈。爲下文所謂膂筋。誤。留而不去。止漉出麋。張云。邪氣自經入藏。則傳舍於腸胃。而爲奔嚮腹脹之病。寒則澄澈清冷。水穀不分。故爲腸鳴飧泄。食不化熱。則溺垢下注。故爲漉爲麋。

以麋穢如泥也。簡案、麋、糜古通用。乃麋爛也。溏出麋。蓋謂腸垢赤白滯下之屬。張註似爲麋鹿之屎。恐非也。馬則云。麋者穀之不化也。志同。則與上文飧泄何別。誤尤甚。

留而不去。止息而成積。馬云。募原之間者。卽皮裏膜外也。張云。腸胃之外。募原之間。謂皮裏膜外也。是皆隱蔽曲折之所。氣血不易流通。若邪氣留著於中。則止息成積。如瘡疔之屬也。志云。募原者。腸胃外之膏膜。樓氏綱目。從是故虛邪之中人也。至舍於腸胃之外。募原之間。爲一節。註云。已上數端。皆邪氣襲虛。留而不解去。以次相傳。未曾留著。無有定所。若留著而有定所。則不能傳矣。所謂留著者。當如下文法云。

或著孫脈。止不可勝論。甲乙。孫脈。作孫絡。志云。伏衝者。伏行於腹之衝脈。募原者。腸胃之脂膜也。膂筋者。附於脊膂之筋。緩筋者。循於腹內之筋也。此數者在於腸胃之前後左右。邪隨著而爲積。邪之淫洩。不可勝數也。簡案。張云。募原如手太陰中府爲募。太淵爲原之類也。緩筋。支別之柔筋也。此說不可從。志註爲是。蓋緩筋卽宗筋也。王氏痿論註云。橫骨上下齊兩傍豎筋。正宗筋也。此可以

證下文云。其著於緩筋也。似陽明之積。乃與痿論衝脈者。經脈之海也。主滲灌谿谷。與陽明合於宗筋相符。

臂手止。故時切痛。甲乙。臂手作擘乎。注云。擘音句。作拘。腸胃之間。之間作外。無水字。膜上有腹字。無張字。張云。凡絡脈之細小者。皆孫絡也。句拘也。邪著孫絡成積者。其積能往來上下。蓋積在大腸小腸之絡。皆屬手經。其絡浮而淺。緩而不急。不能句積而留止之。故移行於腸胃之間。若有水則湊滲注灌。濯濯有聲。若有寒。則爲脹滿及雷鳴。相引時爲切痛。簡案。臂手作擘。於義易通。

其著於陽明之經。止益小。張云。足陽明經。挾臍下行。故其爲積則挾臍而居也。陽明屬胃。受水穀之氣。故飽則大。饑則小。

其著於緩筋也。止饑則安。張云。緩筋在肌肉之間。故似陽明之積。飽則肉壅。故痛。肌則氣退。故安。志云。緩筋者。經於腹內之筋。故有似乎陽明之積。飽則脹。故痛。肌則止而安也。

其著於腸胃之募原也。止饑則痛。張云。腸胃募原。痛連緩筋。飽則內充外舒。故安。饑則反是。故痛。志云。募原者。腸胃之膏膜。飽則津液滲潤於外。故安。饑則乾。

躁故痛也。

其著於伏衝之脈者止如湯沃之狀。

張云。伏衝義如前。其上行者循背裏。絡於

督脈。其下行者注少陰之大絡。出於氣街。循陰股內廉入腠中。故揣摩按於腹。

改今則應手而動。若起其手則熱氣上行於兩股間。此邪著伏衝之驗也。馬云。

以手揣摩其積。應手而動。舉手則熱氣下於兩股間。簡案。舉痛論曰。寒氣客於

衝脈。則脈不通。則氣因之。故喘動應手矣。乃此之義也。

其著於脅筋止按之不得。張云。脅呂同。脊骨也。脊內之筋曰脅筋。故在腸胃之

後。饑則腸空。故積可見。飽則腸滿蔽之。故積不可見。按之亦不可得也。

其著於輪之脈者止孔竅乾壅。張云。輪脈者。所以通血氣。若閉塞不通。則津液

乾壅如此。志云。輪之脈者。轉輸津液之脈。藏府之大絡也。胃府水穀之精。從胃

之大絡而注於藏府之大絡。從藏府之大絡而出於皮膚。故積著於輪之脈。則

脈道閉塞不通。津液不下。而皮毛之化竅乾塞也。此邪氣之從外而內。從上而

下。以成其積也。

此邪氣之從外入內。從上下也。

張云。此總結上文邪氣之起於陽者。必自外而

內。從上而下也。樓云。此謂風雨襲陰之虛。病起於上而積生也。

厥乃成積也。甲乙厥下有止字。張云。此下言積之所以成也。

厥氣生足。挽止日以成積。甲乙二挽字作溢。張云。此言寒氣下逆之成積者。厥氣逆氣也。寒逆於下。故生足挽。謂肢節痛滯。不便利也。由脛寒而血氣凝滯。則寒氣自下而上。漸入腸胃。腸胃寒則陽氣不化。故爲臍脹。而腸外汁沫迫聚不散。則日以成積矣。

卒然多食飲止而積成矣。

張云。此言食飲起居失節之成積者也。卒然多食飲。

謂食不從緩。多而暴也。腸胃運化不及。則汁溢膜外。與血相傳。乃成食積。如嬰童痞疾之類是也。又或起居用力過度。致傷陰陽之絡。以動其血。瘀血得寒汁沫相聚於腸外。乃成血積。此必縱肆口腹。及舉動不慎者。多有之。馬云。如陽經之絡脈受傷。則血當外溢而爲衄。如陰經之絡脈受傷。則血當內溢而去後有血。志云。陽絡者上行之絡脈。陰絡者下行之脈絡。

卒然外中於寒。止積皆成矣。甲乙憂怒作憂恐。六輸作穴輸。蘊裏作蘊裏。滯滲作凝滯。張云。此言情志內傷。而挾寒成積者也。寒邪既中於外。憂怒復傷其內。

氣因寒逆。則六經之輪不通。煖氣不行。則陰血凝聚。血因氣逆而成積。此必情性乖戾者。多有之也。樓云。此謂清濕襲陰之虛。病起於下而成積也。簡案。甲乙六字裏字。並誤。

憂思傷心。止傷腎。甲乙浴下有水字。張云。傷心者病在陽。傷肺者病在氣。傷肝者病在血。傷脾者病在營衛。傷腎者病在真陰。凡傷藏者。皆病生於陰也。此節與下篇邪氣藏府病形論者大同。樓云。此謂喜怒傷藏。病起於陰也。風雨襲陰之虛。則病起於上而生積。清濕襲陰之虛。則病起於下而成積。此內外三部皆受病。其積方成矣。

毋逆天時。馬云。如春氣在肝。及月郭空滿之類。皆是也。

行鍼篇第六十七

王云。鍼上用行字。雲行雨施乎。時行物生乎。於此著想方得。百姓。志云。百姓者。天下之大衆。倪仲玉云。此篇論刺形。故提二形字。末結一形字。

發鍼。簡案下文云。鍼入而氣逆。乃知發鍼。卽下鍼之謂。

熇熇高高。甲乙作矯矯蒿蒿。馬云。熇熇而有上炎之勢。高高而無卑屈之心。張云。熇熇明盛貌。高高不屈貌。簡案詩大雅。多將熇熇。不可救藥。傳。熇熇然熾盛也。熇音耀。

舉足善高。志云。足三陽之在下也。

陽氣滑盛而揚。馬云。陽氣者。衛氣也。張云。心肺爲二陽之藏。陽氣滑盛而揚。故神易於動。志云。揚字含易散意。

多陽者。止神不能先行也。張云。光明爽朗。陽之德也。沉滯抑鬱。陰之性也。故多陽則多喜。多陰則多怒。然數怒者。頗有陰也。易解者。本乎陽也。陽中有陰。未免陽爲陰累。故其離合難。而神不能先行也。馬云。蓋以陽中有陰。則陽爲陰滯。初雖鍼入。而與陽合。又因陰滯而復相離。其神氣不能易動。而先鍼以行也。志云。心爲陽中之太陽。肝爲陰中之少陽。心主喜。肝主怒。心藏神。肝藏魂。魂隨神以往來者也。神動而氣先行者。神魂之相離也。重陽而頗有陰者。陰陽之相合也。陰陽之離合難。故神與魂合。則其神不能先行矣。上文曰。氣先行。此則曰。神不

能先行。蓋氣行則神行。神行則氣行。神氣之相隨也。夫行鍼者。貴在得神取氣。然而神有易動。氣有易往。是以數刺而病益甚者。反傷其神氣也。簡案。陰陽之離合難。諸說各異。未知孰是。蓋此陰陽離合論之離合。乃開闔樞之義。相逢。張云。相逢者。鍼入氣即至。言其應之速也。

其陰陽多止。故獨行也。張云。陰性遲緩。其氣內藏。故陰多於陽者。其鍼已出。氣乃隨後而獨行也。馬云。陰氣者。營氣也。陽氣者。衛氣也。下文同。簡案。馬註恐非。此人之多陰止。乃知也。張云。此亦陰滯。故氣往爲難。往至也。較之上節。則此爲更甚。徐振公云。此言陰中有陽之人。數刺而始知也。陰中有陽者。多陰而少陽。其氣沉而難於往來。故數刺乃知。此陰陽廝守於內也。二節言多陰少陽之人。有陰陽之相離者。有相守者。陰陽離合之道。行鍼者不可不知。鍼入而氣逆者。簡案。推上下文例。者下似脫其數刺病益甚者七字。其氣逆止無過焉。張云。逆從弗失。何至氣逆。補瀉得宜。何以病益甚。凡若此者。乃醫之所敗所失。非陰陽表裏形氣之過也。

上膈篇第六十八

諸本無篇字。

氣爲上膈者。甲乙。上膈下更有上膈二字。馬云。此言膈證。有上下之分。而尤詳下膈之義也。膈者。膈膜也。前齊鳩尾。後齊十一椎。所以遮隔濁氣。不使上熏心肺也。然有爲膈上之病者。乃氣使然。食飲一入。即時還出。有爲膈下之證者。乃蟲使然。食飲周時。始復外出。但帝明於上膈向昧於下膈。張云。晬時。周時也。愚按。上膈下膈。卽隔食證也。

喜怒不適。止邪氣居之。甲乙二流字俱作留。張云。凡傷胃氣。則陽虛而寒。汁流於腸中。蟲寒不行。則聚於下管。而腸胃充滿也。衛氣脾氣也。脾氣不能營運。故邪得聚而居之。

人食則蟲上食。止癰上皮膚熱。甲乙。卽而作沉。而其癰在外。作其癰在腕外者。並是。張云。癰。壅同。如論疾診尺篇曰。目窠微癰者。義亦猶此。蟲寒聞食。則喜而上求之。上則邪氣居之。而乘虛留聚。以致癰於下腕。要約不行。故食入晬時復出也。管之內外。卽言下腕也。邪伏於中。故熱見於皮肉之上。微按其癰。止穀乃下矣。甲乙。伍作互。鹹作酸。乃下下有鬲字。張云。察其氣所必

由以刺之也。先淺刺其傍氣所及之處。稍納其鍼而漸深之。以泄其流行之邪。然後還刺其所病之正穴。以拔其積聚之本。但宜至再三而止。不可過也。邪沉者深刺之。邪浮者淺刺之。刺後必熨以火。而日使之熱。則氣溫於內。而邪自潰散也。三相參爲參。五相伍爲伍。凡食息起居。必參伍宜否。守其禁以除內之。再傷又必恬憺無爲。以養其氣。則正氣乃行。而邪氣庶乎可散。蓋膈證最爲難愈。故當切戒如此。鹹從水化。可以潤下。軟堅。苦從火化。可以溫胃。故皆能下穀也。簡案甲乙以本篇爲邪氣聚於下脘。發內癰。次篇以胃脘癰之診。志註亦以癰如字釋之。今據其有癰上皮膚熱。及大癰乃潰等語而推之。則似因內癰而膈食者。蓋上文所謂上膈者。巢源諸書所論五膈之屬。病源五膈憂膈志膈氣膈寒膈飲膈所謂下膈食。啐時乃出。邪氣藏府病形篇云脾脈急甚爲膈中食飲入而還出後沃沫今膈證不必如此蓋古該而吐者。巢氏同春謂之同食病。卽本經所謂膈中上膈也。已因蟲與癰者。五膈等外。別是一種之膈證也。馬張癰讀爲壅。雖義稍通。其旨趣終未明晰。且張記治驗一則。乃尋常膈證。非本篇所載下膈證自別。志以癰爲內癰。然註文亦糊塗。故不可從也。醫說引鷄峰方云。噎膈病乃神意間氣也。勸令淨觀內外。將一

切用心力事。委之他人。服藥方見効。卽本節恬憺無爲之旨也。

憂志無言篇第六十九

諸本無篇字。馬云。人有憂與怒以無言。蓋有其由。故名篇。

何氣出行。甲乙出作不是。

咽喉。喉嚨。張云。人有二喉。一軟一硬。軟者居後。是謂咽喉。乃水穀之道。通於

六府者也。鞭者居前。是謂喉嚨。爲宗氣出入之道。所以行呼吸。通於五藏者也。

其在太陰陽明論。則單以軟者爲咽。鞭者爲喉。故曰喉主天氣。咽主地氣。

會厭。張云。會厭者。喉間之薄膜也。周圍會合。上連懸雍。咽喉食息之道。得以不

亂者。賴其遮厭。故謂之會厭。能開能闔。聲由以出。故謂之戶。汪云。氣喉之蔽。以

掩飲食。使不錯入氣喉。

音聲之扇也。志云。如戶扉之開合。故曰扇。簡案。說文。扇。扉也。

音聲之機也。馬云。猶弩之有機。

懸壅垂。張云。懸而下垂。俗謂之小舌。當氣道之衝。爲喉間要會。故謂之關。

頤頤。張云。頤、頸也。頤頤，卽頸中之喉頤。當咽喉之上。懸雍之後。張口可見者也。頤前有竅。息通於鼻。故爲分氣之所泄。志云。頤頤者。腭之上竅。口鼻之氣及涕唾。從此相通。故爲分氣之所洩。謂氣之從此而分出於口鼻者也。簡案。根結篇。張玉師註云。頤頤者。鼻之內竅。通於喉嚨。故頤頤不開。則涕淚不收。蓋頤頤諸註未詳。唯志所釋爲明備。但攷字書無其義。疑是吭噪。吭噪卽咽喉之謂。活人書釋頤頤者。懸壅兩旁肉也。未知何據。

橫骨。張云。卽喉上之軟骨也。下連心肺。故爲神氣所使。上連舌本。故主舉發舌機也。

鼻洞。張云。涕液流泄於鼻也。頤頤之竅不開。則清氣不行。清氣不行。則濁液聚而下出。由於分氣之失職也。簡案。鼻洞卽鼻淵。千金方引氣厥論。鼻淵作鼻洞。頤頤不開。甲乙開作閉。張云。頤頤之竅不開。則清氣不行。清氣不行。則濁液聚而下出。由於分氣之失職也。

疾薄。甲乙無疾字是。

重言也。甲乙也。下有所謂吃者。其言逆故重之十字。張云。重言。言語蹇澁之謂。

志云。口吃而期期也。

開闔不致。張云。不致不能也。寒氣客於會厭。則氣道不利。既不能發揚而高。又不能低抑而下。開闔俱有不便。故卒然失音。志云。厭不能發。謂不能開也。發不能下。謂不能闔也。

兩瀉其血脈。濁氣乃辟。馬云。必兩次瀉其血脈。則濁氣乃闕除矣。張云。兩瀉者。兩足俱刺也。足少陰之血脈。當是所注之膈穴。即太谿也。然人有虛勞失音者。觀此節之義。則亦無非屬乎腎經。但其所致有漸。與此卒然者不同。其治當分補瀉耳。辟。開也。志云。濁氣者。寒水之濁氣。辟除也。兩瀉其血脈者。謂脈道有兩歧。一通氣於舌本。一通精液於廉泉玉英。蓋足少陰主藏先天之精氣。而上通於空竅者也。簡案。兩瀉。謂兩次瀉天突之穴。經文義自分明。馬註爲是。天突。張云。天突爲陰維任脈之會。取之能治暴瘖。

靈樞識

日本 丹波元簡廉夫著
鄞縣 曹炳章赤電校

卷六

寒熱篇第七十

諸本無篇字。馬云。凡有瘰癧者。其病必發寒熱。故名篇。

寒熱瘰癧止不去者也。

馬云。瘰癧者瘡名。一名鼠瘻瘡。生於頸腋兩脈間。乃陽

明少陽兩經之所屬也。正以鼠瘻有寒熱之毒氣。留於其脈而不去耳。

流涎於其中人誤用之。所以毒氣感而生瘰癧。今鼠之頸腋多塊。其狀猶瘰癧。然後世有用貓製藥方者。亦所以勝其毒耳。大義又見後論。疾診尺篇中。張

云。瘰癧者。其狀累然。而歷貫上下也。故於頸腋之間。皆能有之。因其形如鼠穴。

塞其一。復穿其一。故又名爲鼠瘻。蓋以寒熱之毒。留於經脈。所以聯絡不止。一

曰結核。連續者爲瘰癧。形長如蜺蛤者爲馬刀。又曰脅肋下者爲馬刀。簡案。巢

源癰癰候云。此由風邪毒氣客於肌肉。隨虛處而停結爲癰癰。或如梅李棗核等。大小兩三相連。在皮間而時發寒熱是也。久則變膿潰成瘻也。又外臺集驗九種瘻。其二曰鼠瘻。始發於頸。無頭尾。如鼯鼠瘻核。時上時下。使人寒熱脫肉。此得之由食大鼠餘毒不去。其根在胃。狸骨主之。由此攷之。癰癰者未潰之稱。鼠瘻者已潰之名。說文瘻頸腫也其謂之鼠者。如鼯鼠跼於皮下狀也。淮南說山訓。狸頭愈鼠。王充論衡。人有鼠病。吞狸自愈。後世字書遂作瘻是也。瘻漏也。漏泄不止之謂。故名曰鼠瘻。其言食大鼠及鼠涎之毒者誕也。朱震亨云。瘻癰不作寒熱者可生。稍久轉爲潮熱者危。此言信然。

介按。小者爲癰。大者爲瘻。名色甚多。如項前爲痰癰。項後爲濕癰。左右兩側形軟。遇怒卽腫爲氣癰。堅硬筋縮爲筋癰。若連綿如貫珠者爲癰癰。至於鼠瘻。其形如鼠。又名鼠瘡。甚至瘡口已合。旁邊有眼。出膿不止。又有頸項生之不已。復從脚底而生。俗稱老鼠打洞。其症尤爲險惡。

毒氣。簡案。毒本作毒。說文云。毒。厚也。害人之草。往往而生。从草从毒。周禮云。聚毒藥。又以五毒攻之是也。書盤庚云。惟汝自生毒。禮。緇衣。小人毒其正。皆假以

惡害之義。此云毒氣。亦以邪惡之氣爲言。後世寒毒風毒之類。毒字皆本此。鼠瘻之本止易去也。張云。瘰癧必起於少陽。而後延及陽明二經。表裏相傳。乃至厥陰太陽。俱能爲病。大抵因鬱氣之積。食味之厚。或風熱之毒。結聚而成。故其所致之本。皆出於藏。而標則見乎頸腋之間也。若其毒之未甚。則但浮見脈中。尙未著於肌肉。以化膿血者。去之猶易。若其膿血既成。則爲力較難也。請從其本止三刺而已。樓氏云。從此經脈取藏府之本。以治瘰癧之末也。張云。謂去其致之之本。則外見之末。自可引而衰也。予與之鍼也。審按其道。審脈氣所由之道也。徐往徐來。卽補瀉之法。所謂徐而疾則實。疾而徐則虛也。小如麥者。其初起也。故一刺卽知其效。三刺其病可已。所以治在宜早。不可因小而忽之。

反其目止可治也。張云。目者。宗脈之所聚也。瞳子者。骨之精也。赤脈下貫瞳子。以邪毒之焰。深賊陰分而然。死之徵也。然脈見二三者。其氣散而緩。脈聚爲一者。其毒銳而專。此又死期遲速之有異也。又論疾診尺篇。言診寒熱者亦同此法。簡案。陳言三因方云。雖有此說。驗之病者。少有此證。亦難攷據。此往往是三

陽傳諸陰經方有之。若本藏發未必有此。學者知之。是實驗之說。殆可信據焉。

邪客篇第七十一

諸本無篇字。

目不瞑不臥出者。甲乙。作目不得眠者五字。攷下文答語。甲乙爲是。馬云。邪之感於人身。令人目不得瞑。或不臥而出於外者。張云。令人寐無從生。故云不臥出也。

五穀入於胃也。止行呼吸焉。

甲乙。心脈。作心肺。張云。宗氣。大氣也。隊。道也。糟粕

之道。出於下焦。津液之道。出於中焦。宗氣之道。出於上焦。故分爲三隧。喉嚨爲

肺之系。而下貫於心。故通宗氣而行呼吸。

營氣運行見營氣篇五十營篇
衛氣之義見痺論及經脈篇

夜行於陰。甲乙。陰下有其入於陰也一句。馬云。大義見衛氣行篇。

厥氣客於五藏六府。甲乙。厥。作邪。無六府二字。

陽氣盛則陽蹻陷。

甲乙。陷。作滿。樓氏云。陷當作滿。汪云。大惑論作陽氣滿則陽

蹻盛。盛字是。又曰。衛氣盛於陰。不得行於陽。則陰氣盛。陰氣盛。則陰蹻滿。陽氣

虛。故目閉也。徐振公引大惑論亦簡案。張云。陷者受傷之謂。非也。

補其不足。瀉其有餘。張云。此刺治之補瀉也。補其不足。即陰蹻所出足少陰之

照海也。瀉其有餘。即陽蹻所出足太陽之申脈也。若陰盛陽虛而多臥者。自當

補陽瀉陰矣。

飲以半夏湯。張云。謂既刺之後。仍當用藥以治之。凡不臥之證。有邪實者。多屬

外因。有營虛者。多屬內因。此半夏湯一法。蓋專為去邪者設耳。樓氏云。半夏湯

去飲之劑也。

所謂。甲乙謂作以簡案。壅塞。蓋水飲也。故以半夏湯決瀆之。

陰陽和得。甲乙作得和。

其湯方止三飲而已也。置甲乙作養。李云。千里流水。取其流長源遠。有疎通下

達之義也。揚之萬遍。令水珠盈溢。為甘瀾水。可以調和陰陽。炊以葦薪者。取其

火烈也。治半夏猶言製過半夏也。味辛性溫。能下氣化痰。用以為臣。張云。古今

量數不同。大約古之黍量一斗。合今之鐵斛數三升二合。然則云八升者。即今

之二升五合六勺。云五升者。即今之一升六合許耳。簡案。物氏度量考云。明今

一合七。火沸者先以火沸其水。而後置藥於中也。粳米、糯米、黍米之類。而粒小於黍。可以作酒。北人呼爲小黃米。其性味甘粘微涼。能養營補陰。半夏味辛性溫。能和胃散邪。除腹脹。目不得瞑。故並用之。粳米一升。約今之三合二勺。半夏五合。約今之一合六勺。炊至一升半。約今之四合八勺也。滓音子。祖也。汪云。半夏能和胃而通陰陽。今人率以爲燥而不敢用。誤矣。本草以粳爲糯米。疑是糯米。樓氏云。按本草粳米。卽所謂糯米也。王子接云。北地之膏粱茹粟也。李時珍云。火用陳蘆枯竹。取其不強。不損藥力也。出條又云。粳卽梁米之粘者。靈樞經。岐伯治陽盛陰虛。夜不得瞑。半夏湯中用之。取其益陰氣而利大腸也。大腸利則陽不盛矣。簡案。爾雅。粳。粘粟也。一名糯米。樓說非也。千金方治虛煩不眠。千里流水湯。三因方治膽寒。溫膽湯。俱祖世方耳。

天圓地方。張云。圓者徑一圍三。陽奇之數。方者徑一圍四。陰偶之數。人首屬陽居上。故圓而應天。人足屬陰居下。故方而應地。

地有九州。張云。九州者。荆、梁、雍、豫、徐、揚、青、兗、冀也。簡案。此本于禹貢。詳見素問識生氣通天論。

天有風雨。

張云。和風甘雨。天之喜。摧拉霖潰。天之怒。

天有六律。

張云。六律者。黃鐘、太簇、姑洗、蕤賓、夷則、無射。爲六陽律。大呂、夾鍾、仲

呂、林鐘、南呂、應鍾。爲六陰律。

天有十日。

張云。十日者。甲乙丙丁戊己庚辛壬癸。是謂天干。陰陽繫日月篇云。

腰以上爲天。腰以下爲地。故天爲陽。地爲陰。故足之十二經脈。以應十二月。月生於水。故在下者爲陰。手之十指。以應十日。日主火。故在上者爲陽。

辰有十二止。以抱人形。

張云。十二辰者。子丑寅卯辰巳午未申酉戌亥。是謂地支。故應人之足指。足指惟十。并莖垂爲十二。莖者宗筋也。垂者畢丸也。女子少

此二節。故能以抱人形。抱者懷胎之義。如西北稱伏鷄爲抱者是也。方見楊氏

人有肩膝。

張云。肩膝骨大而高。故以應山。

人有腋膕。

張云。腋膕深陷。故以應谷。

地有泉脈。

張云。泉脈出於地下。衛氣行於肉中。

地有草蕒。

張云。蕒。蕒。瑞草也。堯時生於庭。隨月彫榮。朔後一日莢生。望後一日莢落。歷得其分度。則蕒莢生。簡策。張註本於帝王世紀。然無毫毛獨應瑞草之

理。爾雅。薪蕒大薺。郭註。薺葉細。俗呼之曰老薺。李時珍云。薺與薪蕒一物也。但分大小二種耳。由此攷之。蓋薺之爲草。隨在易生。故草蕒乃對下文林木。謂地上衆草也。蕒蕒之蕒音冥。集註。仇汝霖亦以上古蕒草釋之。不可從。

人有牙齒。張云。齒牙疏朗。故象似列星。說文云。牙。牡齒也。一曰銳者爲牙。齊者爲齒。上古天真論。以女子三七。男子三八。則真牙生而長極。是以後生之大者爲牙也。女子七歲。男子八歲。齒更。是以前生之小者爲齒也。故男子八月生齒。八歲而齟。女子七月生齒。七歲而齟。齟。毀齒也。

高骨。張云。顴肩膝踝之類。

募筋。張云。募者筋脈聚畜之處。募音暮。簡案。募當作幕。幕。膜同。痿論。肝主身之筋膜。全元起註云。膜者人皮下肉上筋膜也。可以證矣。詳見素問識瘧論。

人有腠肉。張云。腠肉者。肉脂之聚處也。簡案。聚邑者。聚落邑里也。

十二筋。張云。四肢各三節。是爲十二節。簡案。陰陽別論云。十二月應十二脈。本篇上文云。十二脈應十二經水。

地有四時不生草。張云。地有不毛之地。人有不育之人。徐振公云。男子衝任不

盛。宗筋不成。則鬚不生。是以四時之草不生。以應人之無子。

縱舍。馬云。或縱鍼而不必持。或捨鍼而不復用。張云。縱。言從緩。舍。言弗用也。

扞皮。馬云。扞分其皮。以開其腠理。而入刺之也。張云。扞。說文。攴也。謂恐刺傷其皮。而開腠理。則奈之何也。簡案。扞。爲扞禦之義。於本文難通。張註亦迂。攷集韻。與擗同。以手伸物也。馬扞分之解。似略通。

焉至而出。止聞其方。張云。出止徐疾入。卽五輪之義。別離之處。言經絡之支別離合也。

手太陰之脈止屈折也。

甲乙。內屈。作內側。留。作溜。外屈上於本節之下。作外屈

本指以下。註云。一作本於上節。陰諸絡。作諸陰絡數脈。并註云。疑此處有缺文。馬云。屈。讀爲曲。壅骨。卽掌後高骨也。張云。此下二節。皆言五膺之屈折也。大指之端。少商井也。內屈循白肉際。至本節之後。大淵膺也。凡人身經脈陰陽。以紫白肉際爲界。紫者在外屬陽分。白者在內屬陰分。大概皆然。澹。水搖貌。脈至大淵而動。故曰留以澹也。從此外屈上於本節之下。內屈與諸陰絡會於魚際榮也。諸陰皆會於此。故數脈并注。其氣滑利。伏行掌後高骨之下。外屈出寸口而

行經渠經也。上至肘內廉。入於大筋之下。尺澤合也。乃由此內屈。臑陰入腋走肺。然肺經之脈。從藏走手爲順。此則從手數至藏。故爲順行逆數之屈折。簡案。澹馬志並爲澹滲諸經之義。恐非也。數脈并注。義自分明。甲乙註爲有缺文。誤。沈彤釋骨云。手大指本節後起骨曰壅骨。邪客篇云。云是壅骨。固在魚際旁寸口前。舊說謂卽掌後高骨。誤。

心主之脈止絡於心脈。甲乙心脈作心胞。馬志作心肺。非。張云中指之端中衝井也。內屈循中指以上掌中。勞宮榮也。伏行兩骨之間。外屈出兩筋之間。骨肉之際。大陵腧也。其氣滑利。上二寸外屈出行兩筋之間。間使經也。上至肘內廉入於小筋之下。留兩骨之會者。曲澤合也。由此上入胸中。內絡於心脈。乃手厥陰經。順行逆數之屈折。按本篇於十二經之屈折。獨言手太陰心主二經者。蓋欲引止下文少陰無腧之義。故單以膈上二經爲言耳。諸經屈折詳義已具經脈本輪等篇。故此不必詳也。

少陰心脈也。止故獨無腧焉。甲乙大主也。下有爲帝王三字。張云。手少陰心經也。手厥陰心包絡經也。經雖分二。藏實一原。但包絡在外爲心之衛。心爲五藏

六府之大主。乃精神之所居。其藏堅固。邪不可傷。傷及於心無不死者。故凡諸邪之在心者。皆在心外之包絡耳。然心爲君主之官。而包絡亦心所主。故稱爲心主。凡治病者。但治包絡之膻。卽所以治心也。故少陰一經。所以獨無膻焉。詳義出本輪篇。

少陰獨無膻者。止因天之序。甲乙。不病上有心字。外經下有脈字。張云。凡藏府經絡。有是藏則有是經。藏居於內。經行於外。心藏堅固居內。邪弗能容。而經則不能無病。故少陰經病者。當取掌後銳骨之端。卽神門膻也。其餘脈之出入。屈折餘疾。皆如手少陰心主之脈行者。言少陰心主之膻。其行相似。故曰本膻者。言少陰本經之膻。非上文皆在心包之謂也。然則邪在心包藏者。當治心主之膻。邪在少陰經者。當治本經之膻。因其虛實以取之。則邪氣去而真氣固。乃不失諸經天道之序也。按本膻篇。所載五藏五膻。六府六膻。獨手少陰經無膻。故此篇特以爲問。正欲明心爲大主。無客邪傷之義。然旣曰無膻。而此節復言取其經於掌後銳骨之端。及如心主脈行本輪等義。可見心藏無病。則治藏無膻。少陰經有病。則治經有膻。故甲乙經備載少陰之膻云。少衝爲井。少府爲榮。神

門爲膻。靈道爲經。少海爲合。於十二經之膻。始全其義。蓋本諸此。馬云。外經有病。獨取其掌後銳骨之端神門穴耳。其餘脈之出入曲折。所行之徐疾。皆如手厥陰心包絡之脈行也。故本經本輸篇。謂治手少陰者。卽治心包絡經。皆調其氣之虛實。疾徐以取之。是謂因邪氣所衝而瀉之。真氣衰而補之。如是者。則邪去而真固。有以循天道四時之序。簡案。少陰無膻云云。王砮三部九候論註引之云。靈樞經持鍼縱捨論曰。乃知古篇名與今本不同。

陰陽如一者。病難治。馬云。人迎氣口若一。則脈爲關格。病當難治。張云。表裏俱傷。血氣皆散者。是爲陰陽如一。刺之必反甚。當舍而勿鍼也。志云。皮膚筋骨之淺深。皆病也。

其本末尙熱者。病尙在。甲乙作察其本末上下。有熱者。病常在。馬云。胸腹爲本。四支爲末。凡本末尙熱者。其病尙在。張云。胸腹藏府爲本。經絡四支爲末。尙熱者。餘邪未盡也。宜從緩治。其病亦去者。可舍鍼也。

持其尺止寒熱痛痺。志云。邪氣藏府病形篇曰。脈滑者。尺之皮膚亦滑。脈濇者。尺之皮膚亦濇。故持其尺。察其尺膚之堅脆大小滑濇。以知皮膚分肉之寒熱。

燥濕也。五藏之血色見於目。因視目之五色。以知五藏。而決死生。蓋病在藏者。半死半生也。視其血絡。察其皮毛。以知痛痺之寒熱也。皮部論曰。凡十二經絡。脈者。皮之部也。其色多青則痛。多黑則痺。黃赤則熱。多白則寒。五色皆見。則寒熱也。

余未得其意也。張云。不惟病形輕重有縱舍。而持鍼之際。其進止退留。亦有縱舍。未得其詳。因而復問。

持鍼之道。止真氣得居。

甲乙。左指作左手。

趙熊道藏果作裏。同馬輔作轉。

邪下有

氣不二字。張云。持鍼之道。宜審而慎。必從和緩從容。庶可無誤。故欲端以正。安以靜。先知病之虛實。以施疾徐之法。左手執之。右手循之。必中其穴。無中其肉。而與肉果。果即裏也。瀉者欲端以正。補者必閉其膚。以手輔鍼。導引其氣。必使邪氣潰決而散。真氣得復而居。然後可以去鍼。此持鍼縱舍之道也。志云。無與肉果者。刺脈無傷肉也。簡案。甲乙改字。似是。

因其分肉止邪氣得去。馬云。所謂扞皮開腠理者。因其分肉之在何經而扞分其皮。以開其腠理而入刺之也。先以左手別其皮膚。然後右手微納其鍼。而徐

徐端正其鍼以入之。斯乃扞皮開腠理之法。其神氣自然不散。而邪氣乃得以去矣。

入虛。張云。卽五藏生成篇。所謂入谿也。是皆筋骨之隙。氣血之所流注者。故曰入虛。

肺心有邪。張云。人之五藏。惟肺與心居於膈上。其經屬手。脾肝腎俱在膈下。其經屬足。故肺心有邪。乘虛而聚。其氣必留於兩肘。在肺則尺澤。在心則少海之次。

肝有邪。張云。肝與膽合。其經自足而上。皆行脅腋之間。故肝邪乘虛而聚者。其氣當流於兩腋。卽期門、淵腋等穴之次。

脾有邪。張云。脾與胃合。其脈皆自脛股上出衝門。氣衝之間。故邪氣留髀髀間者。知爲脾經之病。

腎有邪。張云。腎與膀胱爲表裏。其經皆出膝後陰谷、委中之間。故邪氣留於兩脰者。知爲腎經之病。馬云。前四留字。俱當作流。簡案。肝獨作流。餘並作留。義俱通。

凡此八虛者止病攣也。甲乙。趙本。張本。病作疴。是張云。機樞機也。關要會處也。室猶房室也。凡此八者皆氣血之所由行也。正氣居之則爲用。邪氣居之則傷經絡機關而屈伸爲之不利。此八虛可候五藏也。簡案疴說文曲脊也。卽拘攣之義。

通天篇第七十二

諸本無篇字。馬云。內言人有五等。皆稟氣於天。故名篇。

心能備而行之乎。張云。謂賢聖之心。本異於人。其有能兼備陰陽者否也。

蓋有太陰之人止各不等。張云。太陰少陰太陽少陽者。非如經絡之三陰三陽也。蓋以天稟之純陰者曰太陰。多陰少陽者曰少陰。純陽者爲太陽。多陽少陰者爲少陽。并陰陽和平之人而分爲五態也。此雖以稟賦爲言。至於血氣疾病之變。則亦有純陰純陽。寒熱微甚。及陰陽和平之異也。故陽藏者偏宜於寒。陰藏者偏宜於熱。或先陽而後變爲陰者。或先陰而後變爲陽者。皆醫家不可不察也。

下齊湛湛。

甲乙齊作濟。馬云。內存陰險。外假謙虛。貌似下抑整齊。湛然無私也。

張云。湛湛。水澄貌。亦卑下自明之意。志云。湛湛清潔貌。下齊。謙下整齊。足恭之

態也。簡案。楚辭註。湛湛深貌。

好內而惡出。

馬云。內納同。好納而惡出者。有所得則喜。有所費則怒也。

心和而不發。

甲乙和作抑。張云。心和者。陰性柔也。不發者。陰多藏也。志云。陰柔

之性也。簡案。貪而不仁焉得有和。甲乙爲是。

動而後之。

甲乙之。作人志云。見人之舉動而後隨之。柔順之態也。

見人有亡常若有得。

趙氏云。少陰之人。少偏於陰。故少貪。然陰險之性。局量褊

淺。故常存賊害之心。利人之失而忌人之得也。張云。即幸災樂禍之謂。

心疾而無恩。

馬云。其心忌嫉而無恩。

于于。

馬云。于于無爭之意。張云。于于自足貌。出莊志同。

志發於四野。

馬云。事不畏人知也。趙氏云。放曠而肆志也。

舉措。說文。措。置也。易繫辭。舉而措之。

爲事如常自用。

馬云。爲事止庸常也。自用者。即中庸之所謂愚而好自用也。簡

案如而通。

常無悔。

甲乙無常字。悔作改。

諛諛好自貴。張云。諛諛審而又審也。小有聰明。因而自貴。簡案。玉篇。諛。審也。諛也。又諛。審也。後漢祭祀志。諛諛昭穆。尊卑之義。而集韻。諛。丁訂註。與諛同。此以諛諛爲一字可疑。

無爲懼懼止。或與不爭。

張云。心有所主。乃能不動。貧賤不能移。威武不能屈。是

無懼懼也。利欲不能入。富貴不能淫。是無欣欣也。君子之接人也。言忠信。行篤敬。雖蠻貊之邦行矣。是婉然從物也。聖人之道。爲而不爭。老子曰。以其不爭。故天下莫能與爭之。

謙謙。

甲乙作謙讓。馬云。易曰。謙尊而光。

譚而不治。馬云。無爲而治也。張云同。簡案。禮大戴。子張問入官修業。居久而譚。註。謂安縱也。

陽明脈小而太陽脈大。馬云。胃小。故陽明之脈小也。腸大。故手太陽小腸之脈大也。張云。此其多陰少陽者。以陽明爲五藏六府之海。小腸爲傳送之府。胃小

則藏貯少而氣必微少。腸大則傳送速而氣不畜。陽氣既少而又不畜。則多陰少陽矣。必當審察而善調之。然其氣少不能攝血。故多致血易脫。而氣易敗也。陽重脫者易狂。馬本志本陽作陰。易作陽。張云。陰氣既少而復瀉之。其陰必脫。故曰無脫其陰。而但可瀉其陽耳。然陰不足者。陽亦無根。若瀉之太過。則陽氣重脫。而脫陽者狂。甚至陰陽俱脫。則暴死不知人也。趙氏云。無脫其陰。而瀉其陽者。陽爲陰之固也。若陰氣重脫。則爲陽狂。陽氣生於陰中。陰重脫。則陽亦脫。陰陽皆脫。則爲暴死。潘楫醫燈續焰云。觀宣明五氣篇。生氣通天論。病能篇等。則狂病之爲重陽。陽實明矣。靈樞通天篇亦云。陽重脫易狂。脫非陽脫。言重井於陽分。而若與陰脫離也。簡案。腹中論曰。石之則陽氣虛。虛則狂。此陽脫未必不狂也。趙改陰字。潘脫離之解。未爲得焉。陽狂。史傳多爲佯狂之義。未知趙爲何之謂。

經小而絡大。止病不起也。甲乙多陽下有而字。中氣下有重字。張云。經脈深而屬陰。絡脈淺而屬陽。故少陽之人。多陽而絡大。少陰而經小也。血脈在中。氣絡在外。所當實其陰經。而瀉其陽絡。則身強矣。惟是少陽之人。尤以氣爲生。若瀉

之太過。以致氣脫而疾。則中氣乏而難於起矣。

安容儀。甲乙安下有其字。

審有餘不足。甲乙審下有其字。餘下有察其二字。

五態之人。尤不合於衆者也。張云。衆人者。卽前章陰陽二十五人之謂。與五態之人不同。故不合於衆也。

黹黹。馬云。甚黑。張云。色黑不明也。甲乙註云。黹音朕。簡案。說文。黹。桑甚之黑也。

集韻。直稔切。音朕。汚也。

忿然下意。張云。意念不揚也。卽上文下齊之謂。

臨臨。張云。臨下貌。馬云。長大之貌。

臃然未僂。張云。言膝臃若屈。而實非偃僂之疾也。

清然竊然。固以陰賊。馬云。清然者。言貌似清也。竊然者。消沮閉藏之貌。雖曰清

然。竊然。實以陰險。賊害爲心。卽上文所謂賊心者。而始有此態也。張云。清然者。

言似清也。竊然者。行如鼠雀也。固以陰賊者。殘賊之心。堅不可破也。

立而躁嶮。行而似伏。張云。立而躁嶮者。陰險之性。時多躁暴也。出沒無常。行而

似伏。嶮險同。簡案。不似太陰之純陰。故時有躁嶮之態也。

軒軒儲儲。反身折脰。馬云。車之向前曰軒。軒軒然者。猶俗云軒昂也。儲儲者。挺

然之意。若反其身而在後視之。則其脰似折。亦不檢之態也。張云。儲儲。畜積貌。

盈盈自得也。反身折脰。言仰腰挺腹。其脰似折也。

立則好仰。止常出於背。張云。立則好仰。志務高也。行則好搖。性多動也。志云。其

兩臂兩手常出於背者。謂常反挽其手於背。此皆輕倨傲慢之狀。無叉手掬恭

之貌也。

委委然。止皆曰君子。甲乙。愉愉。作袞袞。馬云。委委然。安重貌。詩君子偕老。章

隨然。不急遽也。顚顚然。尊嚴貌。詩卷阿篇。愉愉然。和悅也。論語云。愉。愉然。周

旋貌。禮云。周旋中矩。豆豆然。不亂貌。君子者。自聖人以至成德之士。皆可以君子

稱也。禮運云。此大君子者。未有不謹於禮者也。蓋指禹湯文武成。張云。委委。雍

容自得也。隨隨和光同塵也。志云。眊眊。目好貌。豆。有品也。蓋存乎人者。莫良

於眸子。胸中正。故眸子瞭然而美好也。簡案。委委。張本於詩。註為是。眊。玉篇。好

貌。正字通云。舊註音旋。目好貌。古通用。旋俗加目。字典引本經註云。目好貌。乃

志註也。

官能第七十三

馬云。官。任也。任其所能也。卽本篇第七節。雷公有官能之問。故名篇。
一紀。張云。彙言也。志云。紀。綱也。

司誦之。簡案。司主也。言帝自主誦之也。

血氣多少。馬云。大義見素問血氣形志篇。

行之逆順。

張云。陰氣從足上行。至頭而下行。循臂。陽氣從手上行。至頭而下行。

至足。故陽病者。上行極而下。陰病者。下行極而上。反者。皆謂之逆。

出入之合。

諸本云。合一作會。馬云。自表而之裏爲入。自裏而之表爲出。張云。經

氣自內而出。自外而入。俞有不同。

謀伐有過。

馬云。卽其犯病而爲有過者。則謀伐之。張云。知其出入。則可因過而

伐之也。

知解結。馬云。衛氣篇曰。能知解結。契紹於門戶。

氣門。馬云。卽氣穴也。素問明有氣穴論。凡穴皆可以氣穴稱。張云。卽經絡類。諸經標本氣街之義。一曰手經爲上。足經爲下。氣脈必由之處。是爲門戶。亦通簡案。生氣通天論云。氣門乃閉。王註。氣門謂玄府也。所以發泄經脈營衛之氣。故謂之氣門也。蓋本節所謂氣門。與此自異。姑仍馬註。

四海。馬云。本經海論云。膻中爲氣之海。衝脈爲血之海。胃爲水穀之海。腦爲髓之海。

寒熱淋露。馬云。或爲寒熱。或爲淋露。疑卽歲露篇之所謂遇歲露也。張云。淋於雨。露於風。邪感異處。當審其經也。志云。寒熱陰陽血氣也。淋露中焦所生之津液也。下經曰。中焦出氣如露。志又歲露篇注云。淋露寒熱者。汗出而爲寒。爲熱也。簡案。諸註未穩。當攷神農本經。及名醫別錄各藥主療。言淋露者數條。曰女子血閉。淋露下血。黃芩條崩中淋露。延胡索條洩痢淋露。厚朴條風邪淋露。狗脊條傷中淋露。白微并條多汗淋露。白膠條主淋露。木香條繆希雍狗脊疏云。氣血不足。則風邪乘虛客之也。淋露者。腎氣與帶脈衝任俱虛所致也。又厚朴疏云。淋露雖屬下焦爲病。然多因胃家濕熱下流。此爲下血淋露不已也。此說亦未允。蓋淋露與淋

瀝同義。謂如淋下露滴。病經久不止。肘後方云。尸注大略。使人寒熱淋瀝。怵怵
默默。不的知其所苦。醫說引鷄峰方作寒熱淋露。沉沉默默。外臺云。勞極之病。
吳楚謂之淋瀝。可以見耳。九宮八風篇。淋露寒熱。亦淋瀝寒熱之謂。
以輸異處。馬云。以其輸穴。必皆異處。當審於經。調其脈氣之往來。張云。邪感異
處。當審其經也。

左右肢脈。諸本脈。作絡。馬云。即前經脈篇。所謂其支者。其別者是也。志云。左注
右而右注左。左右上下。與經相干。布於四肢。出於絡脈。與脈外之氣血相會於
皮膚分肉間也。簡案。肢。即支字。馬註爲是。

虛與實鄰。知決而通之。馬云。若虛與實鄰。則知決虛實而通之。張云。鄰近也。近
則易疑。疑則以似爲是。冰炭相反矣。故當知決而通之。志云。虛與實鄰者。血與
氣之不和也。故決而通之。

犯而行之。趙府本張本。犯作把。正脈道藏熊本並云。犯。一作把。張云。邪客大絡
者。左注右。右注左。把而行之。即繆刺也。志云。左右不調者。人迎氣口之不調。故
當犯而行之。簡案。左爲人迎。右爲氣口。出於王叔和。而古無其說。志誤。

陰陽不奇。馬云。人身陰陽。諸經相爲配合。未嘗有奇行者。能知各經之所起。張云。奇。不偶也。不奇則和矣。故知起時。志云。陰陽不奇者。藏府陰陽。交相配合。十二經脈。交相貫通也。故知起時者。如乘秋則肺先受邪。乘春則肝先受邪之類也。

審於本末。止刺道畢矣。馬云。禁服篇云。審其本末。察其寒熱。又終始篇云。本末之寒溫之相守司也。張云。本末。標本也。寒熱陰陽也。所在三部九候之病脈處也。官任也。九鍼不同。各有所宜。能知以上之法而任用之。則刺道畢矣。

明於五輸。馬云。五藏有井榮俞經合之五俞。六府有井榮俞原經合之六俞。然六府之原并於俞。則皆可稱爲五俞也。徐疾者。鍼法也。小鍼解云。徐而疾則屈。疾而徐則伸。出入者。經脈往來也。折逆順之數。言陰與陽合於五行者。泛言陰陽分而爲五行也。五藏六府亦有所藏者。指人身有陰陽五行也。如肺爲陰。大腸爲陽。四時八風盡有陰陽者。指天道有陰陽五行也。官八風見九。各得其位。合於明堂各處色部者。言人身之面部。各得其五行之位。合於明堂及各處之色部也。其面部之分爲五藏六府者。可以察其身形之所痛。並見五。其色見於左右上下者。

可以知其何經之寒溫。張云。皮膚之寒者多陰。溫者多陽。滑者多實。澀者多虛。簡案。甲乙以知其所苦一句。接下文爲鍼法。

膈有上下止徐入之。甲乙無在字。稀作布。疎作涿。註。太素作希而疎之。書無亥字。

也。義難叶。

馬云。膈有上下。中心肺居於膈上。脾居於膈下。必知其病氣之所在。先得其經

脈之道。然後可以用鍼。稀者鍼之少也。疎者鍼之闊也。終始篇云。深者深入其

鍼也。留者久留其鍼也。

引而去之。張云。泄於下也。

視前痛者。馬云。視先痛者。常先取穴以刺之。所謂凡病必先治其本也。志云。視

身以前痛者。常先取之。

留而補之。張云。補中氣可以拒之。志云。候陽氣至而鍼下熱。補其陽以勝其寒

也。

從合瀉之。馬云。從合穴以瀉之。志云。合治內府。使寒邪從腸胃以瀉出之也。

上氣不足止積而從之。張云。推而揚之。引致其氣以補上也。積而從之。留鍼隨

氣以實下也。

火自當之。止下陵三里。馬云。若陰陽皆虛。而鍼所難用。則用火以灸之。又有厥

而寒甚。或骨廉下陷。或寒過於膝。則取下陵三里以補之。下陵三里穴即

陰絡所過。止火所治之。甲乙作火之所治。馬云。又有陰絡所過。爲寒留止。或寒

入於中。則必推其鍼而行以散之。又有經脈陷下者。則惟灸當之。經脈篇云陷

服篇云陷下則又有絡脈結而堅緊者。亦用灸以治之。

不知所苦。止鍼論畢矣。張云。寒邪在肌肉血脈之間。有不痛不仁。不知所苦者。

當灸兩躄之下。即足太陽申脈。足少陰照海二穴也。然男子數陽。女子數陰。見

篇若男陰女陽。則反用矣。故爲良工之所禁。調經論亦曰。病不知所痛。兩躄爲

上。與此法同。

用鍼之服。必有法則。馬云。此二句出入正神明論。服事也。詩小雅。六月篇云。共

武之服。大雅板篇云。我言維服。

上視天光。下司八正。馬云。上視天光。即入正神明論之所謂天寒無刺。天溫無

凝。月生無瀉。月滿無補。月郭空無治是也。下司八正。即入正神明論之所謂八

正者。所以候八風之虛邪以時至者也。出九宮篇簡案。司伺通。漢灌夫傳。亦已使

候司。

辟奇邪。

馬云。辟當作避。張云。辟避同。

觀百姓。

張云。兼人已而言也。簡案。漢宣帝紀。觀以珍寶。師古註。觀示也。

是得天之露止乃言鍼意。

張云。天之風雨不時者。皆謂之露。歲露論曰。故諸逢

其風而遇其雨者。命曰遇歲露焉。歲之虛者。乘年之衰。逢月之空。失時之和。因爲賊風所傷。是謂三虛。閔士先云。得天之露者。清邪中上。陽中霧露之氣也。簡案。閔說恐非也。乃言鍼意一句。馬志接下節亦非。

法於往古止若神髣髴。馬云。此節與八正神明論大義亦相同。

邪氣之中人也止莫知其情。止邪之中人也微。諸本止作正。此本誤。當改。張云。

邪氣言虛邪也。虛邪之中人也甚。故洒淅動形。正邪之中人也微。故但先見於色。而不知於身。此節與八正神明論互有發明。所當參閱。又此數句。與邪氣藏府病形論同。

是故上工之取氣止所取之處。馬云。八正神明論曰。上工救其萌芽。必先見三部九候之氣。盡調不敗而救之。故曰上工下工救其已成者。言不知三部九候

之相失。因病而敗之也。上工論氣不論形。所以預取其氣。而早救其萌芽。彼下工則反是矣。

瀉必用員。止氣出乃疾。

八正神明論。甲乙員。作方。馬云。遙。搖同。解。懈同。員。當作方。張云。員。流利也。切。直。迫病所也。迎。奪也。遙。搖同。用鍼員活而迎奪之。則氣出乃疾。故可以瀉。閔士先云。瀉必用圓者。圓活而轉之。其氣乃行也。

補必用方。止無志其神。

八正神明論。甲乙方。作員。馬云。方。當作員。張云。方。卽端正。

正安靜之謂。外引其皮。令當其門。察穴於肌表也。左引其樞。右推其膚。微旋而徐推之。用鍼之樞要也。必端以正。安以靜。堅心無懈。候氣之誠確也。欲微以留。氣下而疾出之。推其皮。蓋其外門。出鍼之防護也。離合真邪論曰。推真氣得存。閔其門令神氣存。真氣得存。故可以補。用鍼之要。無忘其神者。總結前文而言。小鍼解曰。上守神者。守人之血氣有餘不足。可補瀉也。按補瀉方員。義與八正神明論之文。似乎相反。然詳求其意。各有發明。不可謂其誤而忽也。

官能。閔士先云。官之爲言司也。言各因其所能而分任之。以司其事。故曰官能。蓋聖人欲得其人量材而官。授任而治。已不與於其間。而總司其成也。

可使傳論。張云。如開導勸戒。解疑辨正之屬。皆所謂傳論也。

語徐止兼諸方。張云。語徐者不苟。安靜者不亂。手巧者輕重疾徐有妙。心審諦

者。精思詳察無遺。故可勝是任。

緩節止行氣。張云。導引者。但欲運行血氣。而不欲有所傷也。故惟緩節柔筋而

心和調者。乃勝是任。其義可知。今見按摩之流。不知利害。專用剛強手法。極力

困人。開人關節。走人元氣。莫此爲甚。病者亦以謂法而所當然。卽有不堪勉強

忍受。多見強者致弱。弱者不起。非惟不能去病。而適以增害。用若輩者。不可不

爲知慎。

疾毒止咒病。張云。人之惡口毒舌者。亦由稟賦。諸無所利。而獨利於唾咒疾病。

爪苦止抑痺。張云。按積抑痺。亦上文導引行氣之屬。然積堅痺固。非爪苦手毒

者。不能破術。若相類而用有輕重也。

非其人勿傳。張云。氣交變大論曰。得其人不教。是謂失道。傳非其人。慢泄天寶。

手毒者止如故也。馬云。試以按龜之法。則其手之甘毒自別矣。蓋遇人之手有

兇有善。猶用味之甘苦。故卽以甘毒名之。毒卽苦也。張云。龜能運任脈。其息以

耳。而導引伏氣。所以靈而多壽。不易於死。故可用此以驗人手之毒與否。手甘者。非以味言。卽不毒之謂。簡案。邦俗云。苦手者弄蛇。蛇畏縮不敢嚙人。豈手毒之謂歟。

論疾診尺篇第七十四

諸本無篇字。

獨調其尺。馬云。邪氣藏府病形篇曰。脈急者。尺之皮膚亦急。脈緩者。尺之皮膚亦緩。脈小者。尺之皮膚亦減而少氣。脈大者。尺之皮膚亦貴而起。脈滑者。尺之皮膚亦滑。脈濇者。尺之皮膚亦濇。故善調尺者。不待於寸。蓋脈在內。肉在外。內外相應。故審其脈。驗其肉。而病形自定也。愚謂診人脈時。惟臂至尺澤可驗。難以周身知之。故止以尺言也。

視人之目窠上。止風水膚脹也。馬云。癰、壅同。窵、窵同。張云。目窠。目下臥蠶處也。癰、壅也。卽新起微腫狀。頸脈。人迎脈也。窵而不起。按之有窩也。是卽風水膚脹之外候。風水義見評熱病論。膚脹義見水脹篇。簡案。此一節。與診尺之義不相

干。疑是他篇錯簡。

尺膚滑其淖澤者。志云。津液淖澤於皮膚。故尺膚滑其淖澤者。知風在於皮膚。而鼓動其津液也。

解休。甲乙。休下有也字。張云。尺肉弱者。肌必消瘦。肉瘦陰虛。當爲解休。解休者。身體因倦。故欲安臥。簡案。安臥下句。

安臥脫肉者。寒熱不治。簡案。安臥脫肉。爲陰陽虧敗。乃寒熱虛勞之候也。故不治。諸註恐非。

澤脂。馬云。潤澤如脂膏者。真爲風也。張云。卽前淖澤之謂。風者陽氣。陽在肌膚。故滑而澤脂。

尺膚濇者。張云。尺膚濇者血少。血不能營。故爲風痺。

水洩飲也。脈經。洩作淡。張云。如枯魚之鱗。乾濇甚也。以脾土衰而肌肉消。水得乘之。是爲洩飲。又邪氣藏府病形篇云。肝脈濇甚爲溢飲。洩飲同。

尺膚熱甚。止病且出也。脈經。甲乙。病且作汗且。張云。尺膚熱者。其身必熱。脈盛躁者。陽邪有餘。故當爲溫病。若脈雖盛而兼滑者。是脈已不躁。而正氣將復。故

不久當愈。出漸愈之謂。簡案。病且作汗且義尤通。

尺膚寒者。甲乙其作甚小。作急。張云。膚寒脈小。陽氣衰也。故爲泄爲少氣。

尺膚炬然止亦寒熱也。脈經。炬作烜。甲乙。炬然作燒炙。人手四字。脈經。甲乙。久

大作久持。張云。炬然。火熱貌。或先熱而後寒。或先寒而後熱。皆寒熱往來之候。簡案。集韻。炬。束葦燒也。

肘所獨熱者。止胃中有寒。甲乙。肘後蠱。作肘後廉。馬云。人之手自曲池已上爲

肘。自曲池已下爲臂。肘在上。應腰以上。手臂在下。應腰已下。張云。肘臂轉之節也。肘前內廉也。手三陰之所行。故應於膺前。肘後外廉也。手太陽之所行。故應於肩背。肘下爲臂。臂在下。故應腰腹。肘後蠱以下三四寸。謂三里以下。內關以上之所。此陰分也。陰分有熱。故應腸中有蟲。掌中者三陰之所聚。故或熱或寒。皆應於腹中。魚上脈。青胃之寒也。經脈篇亦曰。胃中寒。手魚之脈多青矣。志云。肘所獨熱者。腰以上熱。手所獨熱者。腰以下熱。此診尺膚以候形身之上下。故與脈候之上下反其診也。肘前乃手厥陰之尺澤處。肘後乃手少陽之天井處。蓋以兩手下垂。上以候上。下以候下。前以候前。後以候後也。夫所謂肘所手所

者。論手臂之背面。臂中掌中魚上。乃手臂之正面。背面爲陽。故候形身之外。正面主陰。故候腰腹腸胃之內。卽尺外以候季脅。尺裏以候腹中之大義。精微論相同也。簡案。手所。卽下文所謂臂中肘後獨熱者。肩背熱。此乃與上文肘所獨熱者。腰以上熱義相同。而肘後羸以下三四寸。乃上文手所之地。後乃應背面。而云腸中有蟲。則似與上文所指上下前後相乖錯可疑。經脈篇云。胃中寒。手魚之脈多青矣。

尺炬然熱。立死。甲乙。脈經。作尺膚炬然熱。志云。尺炬然熱。人迎大者。三陽之氣偏盛也。故當主奪血。夫皮膚爲陽。血脈爲陰。尺堅大脈小甚者。陽盛而陰絕於外也。少氣。挽有加者。陽盛而陰絕於內也。簡案。脈經作尺緊。人迎脈小甚。則少氣。色白有加者。立死。此蓋與尺炬然熱者相反。陽絕之候。

目赤色者。止病在胸中。張云。五藏六府。目爲之候。故目之五色。各以其氣而見本藏之病。脾應中州。胸中者。脾肺之部也。志云。前節視目窠。以知皮膚之水。此節視目色。以知五藏之陰。皆從外以知內也。胸中。膈中也。黃色不可名者。色黃而有黑白青赤之間色也。病在胸中者。五藏之氣。皆從內膈而出。故所見之色。

若是。

診目痛止少陽病。

張云。足太陽經爲目上網。出經筋篇故赤脈從上下者。爲太陽病。

足陽明經爲目下網。

出經筋篇

故赤脈從下上者。爲陽明病。足少陽經外行於銳眥

之後。故從外走內者。爲少陽病也。

診寒熱止三歲死。

張云。此邪入陰分。而病爲寒熱者。當反其目以視之。中有赤

脈。形如紅線。下貫瞳子。因其多少。以知其死之遠近也。寒熱篇文與此同。但彼

專言瘰癧之毒發爲寒熱。此節單以寒熱爲言。理則同也。

診齩齒止在上下熱。

張云。齒痛曰齩。上齒屬手陽明大腸經。下齒屬足陽明胃

經。故按其陽脈之來有過者。必爲獨熱。其脈在左右上下。則病熱亦分左右上

下也。張云。其脈太過者。其經必獨熱。

診血脈止皆見者寒熱。志云。此以皮部之色。而知血脈之寒熱也。皮部論曰。凡

十二經脈者。皮之部也。其色多青則痛。多黑則痺。黃赤則熱。多白則寒。五色皆

見。則寒熱也。

身痛面色微黃止不嗜食。

馬云。平人氣象論云。溺黃赤。安臥者黃疸。已食如飢

者胃疸。張云。黃疸、黃病也。疸有陰陽。脈小而濇者爲陰疸。陰疸者。脾土弱也。故不嗜食。

人病止病難已也。張云。氣口候陰。人迎候陽。故春夏人迎微大。秋冬寸口微大。此陰陽表裏之分也。若寸口人迎大小浮沉相等者。非偏於陰。則偏於陽。此病之所以難已。五色篇與此稍同。

女子手少陰脈動甚者。妊子。馬云。此與平人氣象論所云相同。簡案。王註平人氣象云。蓋指心經之脈。卽神門穴也。其說甚善。馬張爲左寸。志爲兩手之少陰腎脈。並非古之義也。馬又以妊之爲男子。亦誤。

嬰兒病止必死。馬云。頭毛逆上。則血枯而不潤。如草之枯者相似。故以死擬之。然曰病。則無病之時。尤宜忌也。志云。嬰兒者。始生之兒。嬰兒之頭毛。從先天而生。毛髮者血之餘。少陰精血之所生也。髮復下垂。以應人之血氣。從下而升。復從顛而下。若髮上逆。是惟升而無降矣。升降息。故不免於死亡。千金云。小兒髮逆上。啼哭面暗色不變。是癰候。

耳間青脈起者。掣痛。脈經。掣作瘕。甲乙作瘕腹痛。張云。耳者少陽膽之經。青者

厥陰肝之色。肝膽本爲表裏。青主痛。肝主筋。故爲掣痛。馬云。爲身中牽掣而痛也。簡案。千金云。耳後完骨上有青絡盛。臥不靜。是癰候。青脈刺之。令血出也。以此推之。掣。瘕通。掣痛謂掣瘕。腹痛卽癰病之候也。

大便亦辨。止泄易已。脈經。甲乙赤作青。甲乙泄易已之泄。作者字。並是。馬云。辨。按海篇。辨得莧切。瓜瓠辨。則赤辨當作辨。張云。赤辨者。血穢成條成片也。赤辨。飧泄。火居血分。若脈小而手足寒。是爲相反。所以難已。若止於飧泄而無赤辨。非火證也。脈雖小而手足溫。以脾主四肢。而脾氣尙和。所以易已。辨當作辨。瓜。辨之類也。簡案。赤作青。爲是。蓋小兒有便青乳。辨完出者。卽青辨也。此虛寒之候。故手足寒難已。辨。說文。瓜中實也。當據馬註而改之。志云。辨別也。大便亦辨者。謂黃赤之間別也。義難通。

四時之變。止謂四時之序也。馬云。此節與素問陰陽應象大論。第九節大義相同。張云。陰陽之氣。極則必變。故寒極則生熱。熱極則生寒。此天地四時消長更勝之道也。痺音丹。卽溫熱之病。

刺節真邪篇第七十五

諸本無篇字。馬云前論刺有五節。後論有真氣有邪氣。故名篇。

二曰發矇。甲乙矇作蒙。下文並同。

振埃者。止相傾移也。張云。振埃者。猶振落塵埃。故取其外經。可以去陽病也。發矇者。猶開發矇瞶。故刺其府輪。可以去府病也。去爪者。猶脫去餘爪。故取關節肢絡。可以治血道不通之病也。徹衣者。猶徹去衣服。故當盡刺諸陽之奇輪也。解惑者。猶解其迷惑。故在盡知陰陽。調其虛實。可以移易其病也。志云。奇輪者。六府之別絡也。

憤瞋。甲乙作憤膜。是。志本同。

大氣逆上。志云。大氣。宗氣也。陽氣大逆。故憤瞋肩息。大氣逆上。故喘喝坐伏也。簡案。千金奔氣湯。治大氣上奔。胸膈中諸病。發時迫滿。短氣不得臥。劇者悵欲死。蓋此證也。

坐伏。馬云。坐伏不常。

病惡埃煙。餽不得息。甲乙。惡埃煙餽四字。作咽噎二字。是。張云。如埃如煙。餽不得息。餽古噎字。簡案。張註未允。當從甲乙玉篇。餽音噎。食不下也。說文。飯室也。

辨脈篇云。水得寒氣。冷必相搏。其人即餒。

天容。志云。手太陽小腸之經。刺之以通陽氣之逆。

窮䟽。馬云。窮屈胸痛。張云。䟽音屈。不伸也。志云。䟽者語塞也。

廉泉。馬云。係任脈經穴。志云。通腎藏之逆氣。

無過一里。甲乙作深無一里。註云。里字疑誤。馬云。無過人行一里。

發矇。馬云。禮仲尼燕居篇云。於太子昭然若發矇。註云。若目不明。爲人所發。而

有所見也。

於日中刺其聽宮。甲乙。日上有白字。馬云。手太陽小腸經之聽宮穴。張云。日中。

陽王氣行之時也。

中其眸子。張云。其脈與目相通。故能中其眸子。刺之而聲應於耳。乃其穴也。志

云。眸子耳中之珠。刺耳之聽宮。尙疾於發目之矇。是耳竅與目竅之相通也。簡

案。眸。說文。目童子也。孟子云。存乎人者。莫良於眸子。志以爲耳中之珠者何。

堅按其兩鼻竅而疾偃。張云。此驗聲之法也。刺其穴以手堅按鼻孔。而疾爲偃

臥。其聲則應於鍼也。志云。疾偃其聲。閉其口竅也。簡案。志註近是。蓋偃。歐通。歐。

怒腹也。又作軀。巢源有小兒軀啼候。玉篇。軀體。怒腹也。

此所謂止相得者也。馬云。此所謂彼雖弗見所爲而不必以有目以爲視。吾能見而取之。真有神明相得之妙也。張云。謂病無形見。有不必要相見而取者。真有神明相得之妙也。

刺節言去爪止津液之道也。甲乙。爪。作衣。下同。肢脛。作股肱。無管以二字。垂。作畢。張云。腰脊所以立身。故爲身之大關節。肢脛所以趨翔。故爲人之管。管。鍵也。莖垂者。前陰宗筋也。命門元氣盛衰。具見於此。故爲身中之機。精由此泄。故可以候陰精而爲津液之道也。志云。手足肢脛之骨節。人之管以趨翔。蓋津液淖澤於肢脛。則筋骨利而脛能步趨。肢能如翼之翔也。簡案。荀子儒效篇。聖人也者。道之管也。註。管。樞要也。

故飲食不節。止。命曰去爪。甲乙。溢。作流。血道。作水道。日大不休。作炁。不休息。常作裳。諸本不怵。作不休。此本誤。當改。張云。飲食不節。病在太陰陽明。喜怒不時。病在少陰厥陰。故其津液內溢。則下留於舉。爲日大不休。不可蔽匿等證。蓋卽癰疽之類。治之者。當察在何經。以取其關節肢絡。故命曰去爪者。猶去其贅疣。

也。舉音高。陰丸也。樓氏云。內經刺久癰疽共四法。其一節。此篇文所謂鉞石取舉囊中水液者是也。其法今世人亦多能之。舉丸囊大如斗者。中藏穢液。必有數升。信知此出古法也。鉞鉞如刀狀。馬云。榮然有水。凝畜不行。集韻云。榮。小水貌。

內熱相搏。甲乙作兩熱相薄。

外畏綿帛近止。又不可近席。甲乙作衣熱不可近身。身熱不可近席。

腊乾。甲乙作臘一字。註黃帝古鍼經作稿腊。檢字書臘字無考

飲食不讓美惡。甲乙作欲飲二字。張云。滋味不能辨也。

取之於其天府大杼止。疾於徹衣。甲乙稀作晞。張云。天府。手太陰經穴。大杼。中

膂俞。俱足太陽經穴。刺此皆可以去熱。又補足太陰脾經。手太陰肺經。以出其汗。熱去汗出而病除。其速有如徹衣。此蓋傷寒邪熱之類也。志云。或不必要盡刺諸陽之奇輸。取之於其天府大杼三瘡。使膀胱所藏之津液。外濡於皮毛。又刺太陽經之中膂。通津液。上滋於心藏。以去其熱。肺主皮毛。脾主爲胃行其津液。故當補足手太陰。以出其汗也。簡案。甲乙載之六經受病發熱。傷寒熱病篇。張

註有所據。

大風在身止甚於迷惑。

張云。風邪在身。血脈必虛。正不勝邪。故爲輕重傾側等

病。以其顛倒無常。故曰甚於迷惑。此卽中風之類也。馬云。其虛者爲不足而輕。其實者爲有餘而重。大體當傾側宛伏。雖四方上下。皆已反覆顛倒。簡案。宛鬱

同。甲乙載之陽受病發風篇。張註爲是。有容大者。有狹小者。甲乙無容字狹字。

五章。馬云。漢史約法三章。猶言五事也。張云。五條也。

痺熱。諸本作痺熱。張獨作痺誤。

凡刺癰邪止瀉之。

甲乙脆作越。過癰者。作遇癰所者四字。馬云。隴隆同。生氣通

天論。有日中而陽氣隆。本經營衛生會篇。作隴。古蓋隴隆互用。道去聲。此承上文而言。腫聚散亡之法也。凡刺癰邪。無迎其氣之來隆。所謂避其來銳者是也。如易風俗。如移性情相似。須緩以待之。若不得膿。則揉以脆之。導以行之。去其癰腫之鄉。彼當不安處所。乃自散亡矣。凡諸陰陽經之有病生癰者。取其本經之輸穴以瀉之。如手太陰輸穴太淵之類。張云。脆柔脆潰堅之謂。凡癰毒不化

則不得膿。故或托其內。或溫其外。或刺以鍼。或灸以艾。務化其毒。皆脆。道更行也。鄉向也。安留聚也。去其毒氣所向。不使安留處所。乃自消散矣。故於諸陰經陽經。但察其過於壅滯者。皆當取輸穴以瀉其銳氣。是即所謂去其鄉也。簡案。志云。氣壅而腫。非癰膿也。又云。脆道。肌肉之理路也。並非。

凡刺大邪。止刺諸陽分肉間。甲乙作凡刺大邪用鋒鍼。曰剽。作標。通。作道。肌肉上有於字。無親字。反其真。作乃自直道四字。張云。大邪實邪也。邪氣盛大。難以頓除。日促小之。自可漸去。去其有餘。實者虛矣。此釋上文。大者必去也。剽。砭刺也。通。病氣所由之道也。鍼無妄用。務中其邪。邪正脈色。必當親切審視。若以小作大。則反其真。盛大實邪。多在三陽。故宜刺諸陽分肉間。簡案。剽。砭刺也。出說文。

凡刺小邪。止刺分肉間。甲乙。日。作曰。費作貴。馬云。費。廢同。張云。小邪。虛邪也。虛邪補之。則正氣日大。而邪自退也。不足而補。乃可無害。若瀉其虛。斯不免矣。此釋上文小者益陽也。迎之界者。迎其氣行之所也。先補不足之經。後瀉有餘之經。邪去正復。則遠近之真氣盡至。邪氣不得外侵。則必費散無留矣。小邪隨在。

可刺。故但取分肉間也。志云。侵、漸進也。費用也。

凡刺熱邪止病乃已。甲乙。熱邪下有用鑱鍼三字。蒼作滄。開通、作開道。道下有平字。馬云。此承上文。而詳言痺熱消滅之法也。凡刺熱邪。其熱盛則神志外越。而意氣蒼茫。若出遊不歸。乃欲無病。當開闢之。張云。越、發揚也。蒼、卒疾也。出游、行散也。歸、還也。凡刺熱邪者。貴於速散。散而不復。乃無病矣。開通壅滯。辟其門戶。以熱邪之宜瀉也。簡案。蒼作滄。爲是。滄。說文。寒也。枚乘傳。欲湯之滄。一人吹之。百人揚之。無益也。刺熱邪。宜發越而滄之也。

凡刺寒邪止其氣存也。日以溫。甲乙。日。作曰。馬志。溫。作除。非。甲乙。來。作去。其氣。作真氣。張云。溫者溫其正氣也。徐往徐來。欲和緩也。致其神者。致其陽氣。則寒邪自除。此釋上文。寒痺益溫也。補其虛則門戶閉而氣不泄。故虛實可調。真氣可存。此邪寒之宜溫也。志云。上節論開闢門戶以去邪。此論門戶已閉乃存正。刺癰者止用毫鍼也。馬云。此承上文而言刺五邪之鍼。各有所宜用也。九鍼論。五曰鈹鍼。主大癰膿。兩熱爭者也。故此曰。刺癰者用鈹鍼。又四曰鋒鍼。主癰熱出氣。故此曰。刺大者用鋒鍼。又六曰圓利鍼。主取遠痺者也。故此曰。刺小者用

圓利鍼。一曰鑱鍼。主熱在頭身。故此曰刺熱者用鑱鍼。又七曰毫鍼。主寒熱。痛痺在絡。故此曰刺寒者用毫鍼。

介按。考癰疽刺法。其輕重徐疾。自有一定。在人心度量用之。不可亂施。蓋皮薄鍼深。反傷好肉。肉厚鍼淺。毒又難出。大抵腫高而輭者在肌肉。鍼四五分。腫下而堅者在筋脈。鍼六七分。腫平肉色不變者。附於骨也。宜鍼寸許。若毒生背腹肋脅等處。宜扁鍼斜入。以防透膜。鍼既透膿。視瘡口必有膿意如珠。斯時欲大開口。則將鍼斜出。欲小開口。則將鍼直出。所謂逆而奪之。順而取之也。

解論。張云。解結之論也。人與天地相參應。必知其道。斯可與言解結矣。

下有漸洳。上生葦蒲。張云。漸洳。伏泉也。下有漸洳。則上生葦蒲。內外之應。理所皆然。人之表裏。可察盛衰。亦猶是也。志云。漸洳。濡濕之地。葦蒲生於水中。其質柔弱。中抽堅莖。名曰蒲槌。內剛外柔。爲堅心之坎水。以比人之元陽。生於精水之中。故曰此所以知形氣之多少也。謂充於形中之氣。生於天一水中。知所秉之厚薄。則知氣有多少矣。簡案。志註甚鑿。以葦蒲爲一物。非也。然漸洳之解。爲是。洳。說文作溲。漸濕也。詩。魏風。彼汾沮洳。集韻。漸洳。濕貌也。

血氣減。甲乙減作盛。

熱則滋雨而在上。馬云。暑熱則地氣上蒸。而滋雨氣在於上。所以物之氣亦不在下而在上。其根荄當少汁。

治厥者止以解結者也。張云。此治厥之法。倘天時未溫。而必欲用鍼。則必藉火氣以熨調其經。凡掌腋肘脚項脊之間。皆谿谷大節之交會。故當熨之溫之。則火氣通而血脈行。然後視其病脈。淖澤者。衛氣浮也。故可刺而平之。堅緊者。邪氣實也。故當破而散之。厥逆除而宗氣下。乃可止鍼矣。結者邪之所聚。刺去其邪。卽解結之謂也。

用鍼之類。止弗能取之。甲乙留於海。作留積在海。張云。凡用鍼者。必在調氣。人受氣於穀。故氣積於胃。然氣義有三。曰營氣。曰衛氣。曰宗氣。清者爲營。營在脈中。濁者爲衛。衛在脈外。故各行其道也。宗氣。大氣也。大氣者。留止於上下之氣海。其下者。蓄於丹田。注足陽明之氣街。而下行於足。其上者。積於胸中。出於息道而爲呼吸。凡此三者。皆所謂氣。當各求其屬而調之者也。按氣街義如衛氣。街者能知解結。契紹厥者逆也。陰寒之氣也。厥逆在足。則陽道不行。故宗氣不於門戶當與此參閱。厥者逆也。陰寒之氣也。厥逆在足。則陽道不行。故宗氣不

下而血脈凝滯。不以火溫。不能取也。

視其應動者。乃後取之而下之。馬云。視其氣之來應而動者。然後取其穴而下鍼焉。斯可也。張云。視其氣之應手而動者。其微其甚。則虛實可知。然後用法取之。而氣自下矣。

六經調者。止解結也。甲乙。視而瀉之下。有通而決之一句。馬云。手足各有三陰三陽。謂之六經也。六經之脈各調和者。謂之不病。內有一經之脈。上實下虛而不通。此則足經之氣。厥逆而上。故上實而下虛。其在外必有橫絡之脈。盛加於大經之中。令其不通。乃視之可見者也。當視而瀉之。此亦所謂解結之法也。上寒下熱。止上之者也。甲乙註。一本合。作冷。張云。上寒下熱者。陽虛於上。而實於下也。當先刺項間。足太陽經大杼。天柱等穴。久當其鍼而補之。仍溫熨肩項之間。候其氣至。上熱與下相合。乃止其鍼。此所謂推其下者。而使之上也。上熱下寒。止下之者也。甲乙。陷之。作陷下。馬云。凡上熱下冷者。視其下脈之虛。而陷之於經絡者。補之。使上之氣下。乃止。此其熱在於上者。若引而下之。所謂引而下之之法也。

大熱徧身止散之者也。甲乙因其作因令。諸本切之作切推。馬志與此本同。甲乙作切推之下。至缺盆中。馬云。上文上寒下熱。上熱下寒。其熱非徧身者也。今大熱徧身。狂而聞見言語。以無爲有。則熱之極也。足陽明經多氣多血。爲五藏六府之海。故當視其足陽明之大絡取之。虛則補之。血而實者則瀉之。又必因病人偃臥之際。醫工居其頭前。以兩手各用大指食指共四指。挾其頸之動脈而按之。卽人迎大迎處也。又久而持之。又卷而切之下。至缺盆之中而後止。又如前法行之。候其熱去乃止。此所謂推而散之之法也。張云。蓋三陽在頭。故可獨取人迎而推散其熱也。卷捲同。

一脈。張云。猶言一經也。

真氣者。止充身也。甲乙穀上有水字。張云。真氣卽元氣也。氣在天者。受於鼻而喉主之。在水穀者。入於口而咽主之。然鍾於未生之初者。曰先天之氣。成於已生之後者。曰後天之氣。氣在陽分卽陽氣。在陰卽陰氣。在表曰衛氣。在裏曰營氣。在脾曰充氣。在胃曰胃氣。在上焦曰宗氣。在中焦曰中氣。在下焦曰元陰元陽之氣。皆無非其別名耳。

正氣者止非虛風也。甲乙無來非實風又五字。虛風註太素云。非災風也。志云。正氣者大塊噫氣。其名爲風。從一方來。非實風。又非虛風。此天地之正氣也。張云。從一方來。謂太一所居之方也。風得時之正者。是爲正風。然正風實風。本同。一方而此曰非實風者。以正風之來徐而和。故又曰正氣。實風之來暴而烈。故與虛風對言也。按歲露篇曰。諸所謂風者。皆發屋折樹木揚沙石。此虛風實風之謂也。

邪氣者。馬云。如冬居叶蟄之宮。而風自後來者是也。大義見歲露篇。

合而自去。甲乙無合字。張云。謂邪與正合而正勝之。故自去也。閔士先云。人秉天地之正氣所生。故天之正氣。與人之真氣相合。不能勝真氣者。合并之氣盛也。

洒淅。甲乙作悽索。張云。寒慄也。

陽勝者止搏於皮膚之間。張云。若與衛氣相搏。陽勝則熱。陰勝則寒。皆邪氣也。何獨曰寒則真氣去。去則虛。蓋氣屬陽。人以氣爲主。寒勝則陽虛。所重在氣也。陽氣既虛。則陰寒搏聚於皮膚之間矣。簡案。馬以陽經之氣勝陰經。陰經之氣

勝陽經釋之。且以寒則真氣去。去則虛云云。按下文爲行則爲癢之所因。並非也。

其氣外發止爲不仁。甲乙行上有微字。留上有氣字。搖氣注云。一本作淫氣。諸本爲痺。作則痺。馬志與原文同。張云。邪之在表者。其氣外發。或腠理開。則汗爲不斂。或毫毛動搖。則毛悴而敗。或氣往來行。則流而爲癢。或邪留不去。則痛而爲痺。若衛氣受傷。虛而不行。則不知痛癢。是謂不仁。簡案。張搖下句。然不若作淫氣。義易通。

虛邪偏容於身半。止脈偏痛。甲乙。虛作淫。容作客。簡案。中風偏枯之所因。的在於此。續命諸湯立方之旨。亦本於此。

骨蝕。馬云。骨有所損也。張云。其最深者。內傷於骨。是爲骨蝕。謂侵蝕及骨也。簡案。骨蝕未詳。豈謂多骨附骨等之疽歟。

有所疾前筋筋屈。甲乙無一筋字。樓氏云。前筋二字。衍文也。筋當作結。簡案。今從樓說。

筋溜。甲乙。溜作瘤。張云。有所疾前筋。謂疾有始於筋也。筋之初著於邪。則筋屈

不得伸。若久居其間而不退。則發爲筋溜。筋溜者。有所流注而結聚於筋也。卽贅瘤之屬。下倣此。簡案。劉熙釋名云。瘤。流也。血氣聚所生瘤腫也。陳氏外科正宗云。筋瘤者。堅而色紫。壘壘青筋。盤曲甚者。結若蚯蚓。

腸溜。甲乙作腸疽。註。腸。一本作瘍。張云。留而不反。則畜積於中。流注於腸胃之間。乃結爲腸溜。簡案。腸溜。他書未見。詳論其證者。俟攷。甲乙腸疽亦同。

昔瘤。張云。其有久者。必數歲而後成也。然其始也。按之雖柔。或上或下。已有所結。及其久也。氣漸歸之。津液留之。復中邪氣。則易於日甚。乃結爲昔瘤。昔瘤者。非一朝夕之謂。簡案。卽宿瘤也。

骨疽。張云。又有按之而堅者。其深中骨。是氣因於骨而然。骨與氣并。其結日大。名爲附骨疽也。簡案。骨疽不言有膿。此似指骨瘤而言。陳氏云。骨瘤者。形色紫黑。堅硬如石。疙瘩高起。推之不移。昂昂堅貼於骨。

肉疽。張云。又有結於肉中者。則宗氣歸之。宗大也。以陽明之氣爲言。邪留爲熱。則潰腐肌肉。故爲膿。無熱則結爲粉漿之屬。聚而不散。是爲肉疽。簡案。無膿而謂之肉疽。此亦似指肉瘤而言。陳氏云。肉瘤者。軟若綿。硬似鰻。皮色不變。不緊。

不寬。終年只似覆肝。

凡此數氣者。止有常名也。張云。雖有常名。而發無常處。無常處則形證亦無常矣。此所以變化無常也。樓氏云。此皆虛邪中人爲病。弗去而久留著。故積歲累月而成疽癰也。

衛氣行篇第七十六

諸本無篇字。

出入之合。甲乙合作會。馬云。或出陽經以入陰經。或出陰經以入陽經也。

日有十二辰。止陰主夜。張云。十二辰。卽十二支也。在月爲建。在日爲時。天象定者爲經。動者爲緯。子午當南北二極。居其所而不移。故爲經。卯酉常東升西降。列宿周旋無已。故爲緯。天分四面。曰東西南北。一面七星。如角亢氐房心尾箕。東方七宿也。斗牛女虛危室壁。北方七宿也。奎婁胃昂畢嘴參。西方七宿也。井鬼柳星張翼軫。南方七宿也。是爲四七二十八星。房在卯中。昂在酉中。故爲緯。虛在子中。張在午中。故爲經。自房至畢。其位在卯辰巳午未申。故屬陽而主晝。

自昴至尾。其位在酉戌亥子丑寅。故屬陰而主夜。

故衛氣之行止周於五歲。甲乙歲作藏。張云。衛氣之行於身者。一日一夜。凡五十周於身。天之陽主晝。陰主夜。人之陽主府。陰主藏。故衛氣晝則行於陽分。二十五周。夜則行於陰分。二十五周。陽分者。言表言府。陰分者。言裏言藏也。故夜則周於五藏。歲當作藏。誤也。志亦改作藏。

是故平旦陰盡止至小指之端。甲乙作陰氣盡。諸本足太陰作足太陽。此本誤。當改。張云。此下言衛氣晝行陽分。始於足太陽經。以周六府而及於腎經。是爲一周。太陽始於睛明。故出於目。然目者宗脈之所聚。凡五藏六府之精陽氣。皆上走於目而爲睛。故平旦陰盡。則陽氣至目而目張。目張則衛氣由睛明穴上頭循項下足太陽經之分。循背下行。以至足小指端之至陰穴也。

其散者止下至手小指之間外側。甲乙無銳眚二字。及間字。手太陰諸本作手太陽。當改。張云。散者散行者也。衛氣之行。不循經相傳。故始自目內眚而下於足太陽。其散者。自目銳眚而行於手太陽也。下至手小指之間外側。少澤穴也。其散者止。注小指次指之間。張云。此自太陽行於足手少陽也。目銳眚。足少陽

瞳子膠也。足小指次指之間。竅陰穴也。

以上循手少陽之分側止入五指之間。

甲乙。五指上有足字。樓氏云。分側二字。

衍文也。其下當有其散者三字。張云。分側當作外側。小指下當有次指二字。謂

手少陽關衝穴也。別者以上至耳者。此自少陽而行於手足陽明也。合於頷脈。

謂由承泣頰車之分。下注足陽明經。五指當作中指。謂厲兌穴也。

其散者止故爲一周。甲乙耳下下無一下字。樓氏云。下行陰分。下當作上。汪云。

大指當作次指。張云。手陽明之別者入耳。故從耳下行本經。大指下當有次指

二字。謂商陽穴也。其至於足也。以下者。自陽明入足心。出內踝者。由足少陰腎

經以下行陰分也。少陰之別爲躄脈。躄脈屬於目內眥。故復合於目。交於足太

陽之睛明穴。此衛氣晝行之序。自手足六陽而終於足少陰經。乃爲一周之數

也。愚按。衛氣之行。晝在陽分。然又兼足少陰腎經。方爲一周。考之邪客篇亦曰。

衛氣者。晝日行於陽。夜行於陰。嘗從足少陰之分。間行於五藏六府。然則無論

晝夜。皆不離於腎經者何也。蓋人之所本。惟精與氣。氣爲陽也。陽必生於陰。精

爲陰也。陰必生於陽。故營本屬陰。必從肺而下行。衛本屬陽。必從腎而上行。此

即衛出下焦之義。而腎屬水。水爲氣之本也。故上氣海在膻中。下氣海在丹田。而人之肺腎兩藏。所以爲陰陽生息之根本。

日行一舍。止與十分身之八。甲乙一周上有於身二字。張云。此下言衛氣運行之數也。天周二十八舍。而一日一周。人之衛氣。晝夜凡行五十周。以五十周爲實。而用二十八歸除之。則日行一舍。衛氣當行一周。與十分身之七分八釐五毫有奇爲正數。此言一周與十分身之八者。亦如天行過日一度。而猶有奇分也。奇分義見後。舍。即宿也。按太史公律書及天官等書。俱以二十八宿作二十八舍。曰舍者。爲七政之所舍也。

日行二舍。張云。日行二舍。人氣當行三周於身。與十分身之五分七釐一毫有奇爲正數。云十分身之六者。有奇分也。後倣此。

日行三舍。張云。人氣當行五周。與十分身之三分五釐七毫有奇爲正數。餘者爲奇分。

日行四舍。張云。人氣當行七周。與十分身之一分四釐二毫有奇爲正數。餘者爲奇分。

日行五舍。張云。人氣當行八周。與十分身之九分二釐八毫爲正數。餘者爲奇分。

日行六舍。張云。人氣當行十周。與十分身之七分一釐四毫有奇爲正數。餘者爲奇分。

日行七舍。樓氏云。在身二字。衍文。張云。人氣當行十二周。與十分身之四分九釐有奇爲正數。餘者爲奇分。此一面七星之數也。簡案。在身二字。諸本並有之。然推前後文例。必是衍文。

日行十四舍止。陰受氣矣。張本十分身之四字。作二註云。日行七舍爲半日。行十四舍。則自房至畢爲一晝。人氣當行二十五周爲正數。今凡日行一舍。人氣行一周。與十分身之八。則每舍當餘一釐四毫有奇爲奇分。合十四舍而計之。共得十分身之二。是爲一晝之奇分也。晝盡則陽盡。陽盡則陰受氣而爲夜矣。簡案。馬志於日行舍數。細分而釋之。然張註覺明備。故姑仍之。

爲周。甲乙周上有一字。張云。此言衛氣夜行陰分。以相尅爲序。故腎心肺肝脾。相傳爲一周。而復注於腎也。

行於陰藏。

甲乙陰藏作身一字。註一云陰藏。馬云。陰藏者。諸陰經也。

復合於目。

張云。衛氣行於陰分。二十五周則夜盡。夜盡則陰盡。陰盡則人氣復

出於目之睛明穴。而行於陽分。是爲晝夜五十周之度。

陰陽一日一夜止奇分不盡故也。

甲乙合有作舍於十分藏之二。作十分藏之

四。註云。一作二。上文十分藏之八。此言十分藏之四。疑有誤。簡案。上文如陽行

則云十分身之四。

張改作二。蓋依十分藏之二而改之。然則順文釋之。殆爲可疑。

以此推之。陽經陰

經宜無參差。甲乙作四。似是。張云。前日行十四舍。人氣行二十五周爲半日。凡

得奇分者十分身之二。故此一晝一夜。日行二十八舍。人氣行五十周。合有奇

分者。在身得十分身之四。在藏得十分藏之二。所謂奇分者。言氣有過度不盡

也。故人之起臥。亦有蚤晏不同耳。樓氏云。右衛氣之行。晝行陽。則目張而寤。夜

行陰。則目瞑而寐。謹案。此節言平旦陽氣之出目。而下行於手足三陽也。皆一

時分道並注。非有先後次第也。此經篇末。言水下一刻。人氣在太陽。水下二刻。

人氣在少陽。水下三刻。人氣在陽明。水下四刻。人氣在陰分者。則是先下太陽

究竟。然後下少陽。候少陽究竟。然後下陽明。候陽明究竟。方上行陰分。大與此

節矛盾。蓋衍文也。

不以期。甲乙作無已其是。

分有多少。馬云。春分後日長。秋分後日短。

以平旦爲紀。張云。陰陽所交之候也。

水下百刻。甲乙。水上有漏字。無下字。

在於三陽止在陰分而刺之。甲乙作病在於陽分。必先候其氣之加在於陽分

而刺之。病在於陰分。必先候其氣之加在於陰分而刺之。

水下一刻止在陰分。張云。此以平旦爲始也。太陽少陽陽明。俱兼手足兩經爲

言。陰分則單以足少陰經爲言。此衛氣行於陽分之一周也。

水下五刻止水下八刻。張云。此衛氣行於陽分二周也。

水下九刻止十二刻。張云。此衛氣行於陽分三周也。

水下十三刻止十六刻。張云。此衛氣行於陽分四周也。

水下十七刻止二十刻。張云。此衛氣行於陽分五周也。

水下二十一刻止二十四刻。張云。此衛氣行於陽分六周也。

水下二十五刻止。此半日之度也。甲乙作此少半日之度也。張云。水下二十五刻。計前數凡六周於身。而又兼足手太陽二經。此日行七舍。則半日之度也。按前數二十五刻。得周日四分之一。而衛氣之行止六周有奇。然則總計周日之數。惟二十五周於身。乃與五十周之義未合。意者水下一刻。人氣在太陽者二周。或以一刻作半刻。則正合全數。此中或有別解。惟後之君子再正。從房至畢止。日行半度。諸本作一十四舍。是當改甲乙作從房至畢一十四度。水下五十刻。半日之度也。從昴至心亦十四度。水下五十刻。終日之度也。張云。從房至畢十四舍爲陽。主一晝之度。水下當五十刻。從昴至心十四舍爲陰。主一夜之度。亦水下五十刻。晝夜百刻。日行共少天一度。故此一晝五十刻。日行於天者半度也。

迴行一舍止。七分刻之四。甲乙迴作日。七作十。註云。素問作七。張云。此言日度迴行一舍。則漏水當下三刻與七分刻之四。若以二十八歸除分百刻之數。則每舍當得三刻。與十分刻之五分七釐一毫四絲有奇。亦正與七分刻之四。毫忽無差也。此節乃約言二十八舍之總數。故不論宿度之有多寡也。

大要曰止天與地同紀。甲乙無日字也。下有則知二字。行三陽行上。行字作在。無下行字。天與地作與天地。馬云之字衍。大要曰日加於客宿之上。張云以日行之數加於宿度之上。則天運人氣皆可知矣。此總結上文而言。人與天地同其紀也。

紛紛盼盼。史云按太素音義。盼普巴切。字彙。盼音葩。引本經馬云紛紛然。盼盼然。氣雖似亂而有章。張云言於紛紜叢雜之中。而條理不亂也。故終而復始。晝夜循環無窮盡矣。

九宮八風篇第七十七

諸本無篇字。

太一止四十六日。張云太一北辰也。按西志曰中宮天極星。其一明者太一之常居也。案此出史記天官書蓋太者至尊之稱。一者萬數之始。為天元之主宰。故曰太一。即北極也。北極居中不動。而斗運於外。斗有七星。附者一星。自一至四為魁。自五至七為杓。斗杓旋指十二辰。以建時節。而北極統之。故曰北辰。故云太一運

璇璣以齊七政者。此之謂也。斗杓所指之辰。謂之月建。卽氣令所王之方。如冬至節月建在正北。故云太一居叶蟄之宮。叶蟄坎宮也。以周歲日數。分屬八宮。則每宮得四十六日。惟乾巽天門、地戶兩宮止四十五日。共紀三百六十六日。以盡一歲之數。後倣此。坎宮四十六日。主冬至、小寒、大寒三節。倪昌世云。坎宮名叶蟄者。冬令主蟄封藏。至一陽初動之時。蟄蟲始振。故名曰叶蟄。簡案。易乾鑿度云。太一取其數。以行九宮。鄭玄註云。太一者北辰神名。居其所曰大帝。行八卦日辰之間曰太一。或曰天一出入所遊息。紫宮之外。其星因以爲名。天一之行。猶天子巡狩方岳。人君亦從而巡省。每卒則復太一行八卦之宮。每四季乃入於中央。知是太一行九宮。其說出於緯書也。後漢黃香作九宮賦。

明日居天留。張云。明日卽上文四十六日之次日。謂起於四十七日也。後倣此。天留艮宮也。主立春、至雨水、驚蟄三節。其四十六日。太一之所移居也。連前共九十二日而止。倪云。艮宮名天留者。艮爲山。止而不動。因以爲名。

明日居倉門。張云。倉門震宮也。自九十三日起。當春分、清明、穀雨三節。共四十六日。至一百三十八日而止。倪云。震宮名倉門者。倉藏也。天地萬物之氣。收藏

至東方春令而始震動開闢故名倉門。

明日居陰洛。

諸本六作五。據上文張註。此本誤。當改。張云。陰洛。巽宮也。自一百

三十九日起。主立夏至小滿。芒種三節。共四十五日。至一百八十三日而止。倪

云。巽宮名陰洛者。洛書以二四爲肩。巽宮位居東南而主四月。因以爲名。

明日居天宮。

張云。天宮。離宮也。主夏至小暑大暑三節。共四十六日。至二百二

十九日而止。倪云。離宮名天宮者。日月麗天。主離明在上之象。因以爲名。

明日居玄委。

張云。玄委。坤宮也。主立秋至處暑白露三節。共四十六日。至二百

七十五日而止。倪云。坤宮名玄委者。坤爲地。玄幽遠也。委隨順也。地道幽遠柔

順。是以名之。

明日居倉果。

張云。倉果。兌宮也。主秋分至寒露霜降三節。共四十六日。至三百

二十一日而止。倪云。兌宮名倉果者。果實也。萬物至秋而收藏成實。是以名之。

明日居新洛。

諸本六作五。據上文張註。此本說當改。張云。新洛。乾宮也。主立冬

至小雪大雪三節。共四十五日。至三百六十六日。周一歲之全數而止。倪云。乾

宮名新洛者。新始也。洛書戴九履一。一乃乾之始也。此九宮之位。應於八方。四

時各隨時而命名也。

太一日遊止終而復始。馬云。其太乙所遊之日。假如冬至居叶蟄之宮。照圖數所在之日。從一處至九。冬至爲一。立秋爲二。春分爲三。立夏爲四。中央爲五。立冬爲六。秋分爲七。立春爲八。夏至爲九。復反於冬至之一。常如是輪之無已。終而復始。張云。此結上文而總其義也。太乙始於坎。終於乾。乃八宮之日也。八盡而九則復反於一。而循環無已矣。然河圖宮九。而此居惟八。蓋中宮爲太一所主。而臨御乎八宮者也。盧良侯云。此太一日遊於九宮也。數所在日者。以所在之宮數。至九日而復反於本宮也。如居叶蟄之宮。卽從叶蟄之一處。一日而至天留。二日而至倉門。三日而至陰洛。四日而至天宮。五日而至中宮。六日而至玄委。七日而至倉果。八日而至新洛。九日復反於叶蟄之宮。如居天留之宮。卽從天留數至九日。而復反於天留也。常如是無已。簡案。此與馬註異義。馬則依圖解之。似是。

太一移日止多汗。張云。移日。交節過宮日也。節之前後。必有風雨應之。若當其日而風雨和調則吉。故歲美民安少病也。汗當作旱。志同。風雨先期而至。其氣

有餘。故多雨。風雨後期而至。其氣不足。故多旱。

占在君。張云。冬至爲一歲之首。位在正北。君居宸極。南面而治。其象應之。故占在君。

占在相。張云。春分爲卯之中。位在正東。相特文衡。職司教化。其象應春。故占在相。

占在吏。張云。中宮屬土。王在四維。吏有分任。其象應之。故占在吏。簡案。上文太一所移之日。但入宮而無居中央招搖之日。似可疑。然鄭玄云。四季乃入中央。則四季每十八日在中宮也。張謂四維。蓋指四季而言。觀下文註而可見耳。

占在將。張云。秋分爲酉之中。位居正西。將在威武。職司殺伐。其象應秋。故占在將。

占在百姓。張云。夏至爲午之中。位在正南。兆民衆庶。如物蕃盛。其象應夏。故占在百姓。

五宮。馬云。東南西北中央也。張云。言所重者。在子午卯酉四正之節。及中宮之應。卽四季土王用事之日是也。

病風折樹木。志作疾風。註云。此太一出遊之第一日。卽移宮之第四十七日也。二至二分。乃陰陽離合之候。中宮乃占八風之時。是以遞居本宮之第一日。有變則占在君民將相也。疾風折木揚沙。暴戾之變氣也。張云。其病在風霾異常。折樹木揚沙石者。乃謂之變。否則非也。

所居之鄉止此之謂也。張云。所居者。太一所居之鄉也。如月建居子。風從北方來。冬氣之正也。月建居卯。風從東方來。春氣之正也。月建居午。風從南方來。夏氣之正也。月建居酉。風從西方來。秋氣之正也。四隅十二建。其氣皆然。氣得其正者。正氣王也。故曰實風。所以能生長養萬物。衝者對衝也。後者言其來之遠。遠則氣盛也。如太一居子。風從南方來。火反勝也。太一居卯。風從西方來。金勝木也。太一居午。風從北方來。水勝火也。太一居酉。風從東方來。木反勝也。氣失其正者。正氣不足。故曰虛風。所以能傷人而主殺主害。最當避也。馬云。按歲露篇。以太乙冬至居叶蟄宮。而風雨從南方來者爲虛風。立春之日。而風雨從西方來者爲虛風。則此篇所謂從後來者爲虛風。須知東以西與北爲後。南以北與東爲後。西以東與南爲後。北以南與西爲後也。

立於中宮。乃朝八風。

張云。此正以明太一卽北極也。蓋中不立。則方隅氣候皆

不得其正。故太一立於中宮。而斗建其外。然後可以朝八風。占吉凶。所謂北辰

北極。天之樞紐者。以此。樓氏云。中宮之日。立春。立夏。立秋。立冬。四日屬四維。中

央之土也。中宮當作五宮。簡案。白虎通云。八風者。所以象八卦。陽生於五。極於

九。五九四十五日變。變以爲風。陰合陽以生風也。蓋本篇之義。

大弱風。

張云。此下皆言虛風傷人之爲病。南方離火宮也。凡熱盛之方。風至必

微。故曰大弱風。其在於人。則火藏應之。內舍於心。外在於脈。其病爲熱。心病則

包絡在其中矣。

謀風。

張云。西南方坤土宮也。陰氣方生。陽氣猶盛。陰陽去就。若有所議。故曰謀

風。其在於人。則土藏應之。故內舍於脾。外在於肌。脾惡陰濕。故其氣主爲弱。

外在於肌。

甲乙肌下有肉字是。

剛風。

張云。西方兌金宮也。金氣剛勁。故曰剛風。其在於人。則金藏應之。內舍於

肺。外在於皮膚。其病氣主燥也。

折風。

張云。西北方乾金宮也。金主折傷。故曰折風。凡風氣傷人。南應在上。北應

在下。故此小腸手太陽經受病者。以小腸屬丙。爲下焦之火府。而乾亥虛風。其衝在巳也。然西方之金。其氣肅殺。北方之水。其氣慘冽。西北合氣。最伐生陽。故令人善暴死。

脈絕則溢。甲乙。溢作泄。

大剛風。張云。北方坎水宮也。氣寒則風烈。故曰大剛風。其在於人。則水藏應之。內舍於腎。外在於骨。肩背脊筋。足太陽經也。言腎則膀胱亦在其中。而病氣皆主寒也。

凶風。張云。東北方艮土宮也。陰氣未退。陽和未盛。故曰凶風。其在於人。則傷及大腸。以大腸屬庚。爲下焦之金府。而艮寅虛風。其衝在申也。兩脅腋骨下。大腸所近之位。肢節手陽明脈氣所及。

嬰兒風。張云。東方震木宮也。風生於東。故曰嬰兒風。其在於人。則本藏應之。故病舍於肝。外在筋紐。肝病則膽在其中矣。風本勝濕。而其氣反爲身濕者。以東南水鄉。濕氣所居。故東風多雨。濕徵可見矣。筋紐。簡案。紐筋所束也。說文。系也。一曰結而可解。博雅。束也。

弱風。張云。東南方巽。木宮也。氣煖則風柔。故曰弱風。東南濕勝。挾木侮土。故其傷人。則內舍於胃。外在肌肉。其病氣主體重也。簡案本篇八風。與呂覽淮南子所言各異。唯隋蕭吉五行大義引太公兵書云。坎名大剛風。乾名折風。兌名小剛風。艮名凶風。坤名謀風。巽名小弱風。震名嬰兒風。離名大弱風。大剛風者。太陰之氣好殺。故剛折風者。金強能摧折物也。小剛風者。亦金殺故也。凶風者。艮在鬼門凶害之所也。謀風者。坤爲地。太陰之本。多陰謀也。小弱風者。巽爲長女。故稱弱也。嬰兒風者。震爲長男。愛之故曰兒。大弱風者。離爲中女。又弱於長女也。大剛小剛客勝。大弱小弱主人勝。凶有凶害之事。謀有謀逆之人。折爲將死。嬰兒風主人強。此並兵家觀客主盛衰候風所從來也。

三虛相搏止爲痿。甲乙兩實一虛。作兩虛一實。張云。乘年之衰。逢月之空。失時之和。是謂三虛。兩實一虛。言三虛犯一。亦能爲病。其病則或因淋雨。或因露風。而爲寒熱。或犯其雨濕之地。而爲痿。皆一虛之爲病也。三虛見歲露論。

爲擊仆偏枯矣。馬云。擊仆者。如擊之而仆暈也。偏枯者。或左或右偏枯也。張云。擊仆爲風所擊而仆倒也。然必犯三虛。而後爲此病。則人之正氣實者。邪不能

傷可知矣。

九鍼論第七十八

馬云。篇內第一節。詳論九鍼。故名篇。自天忌至末。皆用鍼者之當知。故并及之。凡內經全書之論鍼者。皆不出此九鍼耳。真萬言一律也。

起黃鐘數焉。帝王世紀云。黃帝使伶倫於大夏之西。崑崙之陰。取竹解谷。其竅厚均者。斷兩節間。吹之以黃鐘之管。以象鳳鳴。雌雄各六。以定律呂。淮南子云。數始於一。一生三。三生萬物。故三月爲一時。三三如九。故黃鐘之律九寸。而宮音調因而以九之。九九八十一。黃鐘之數立焉。白虎通云。黃鐘何。黃中和之氣。鐘者動也。言陽於黃泉之下。動萬物也。張云。自一至九。九九八十一。而黃鐘之數起焉。黃鐘爲萬事之本。故鍼數亦應之。而用變無窮也。大其頭而銳其末。張云。鑱鍼必大其頭。鋒其末。蓋所用在淺。但欲出其陽邪耳。馬云。按此節九鍼。本經九鍼十二原篇。官鍼篇。素問鍼解篇。相同。二者地也。甲乙。此下有地者土也一句。

簞其身而員其末。

馬云。簞以竹爲之。其體直。故謂直爲簞。張云。員鍼如卵形。以

利導於分肉間。蓋恐過傷肌肉。以竭脾氣。故用不在銳。而主治分間之邪氣也。

令無得傷肉分。傷則氣得竭。

甲乙作以瀉肉分之氣。令不傷肌肉。則邪氣得竭。

瘤病。

甲乙作痼病。張云。瘤者留也。簡案。九鍼十二原。官鍼等篇。俱謂鋒鍼取痼

疾。又下文云。痼病竭明。是留乃痼之訛。當從甲乙。

音者冬夏之分。分於子午。

張云。五以法音。音者合五行而應天干。故有冬夏子

午之分。志云。五居九數之中。故主冬夏之分。分於子午。

如鼈。

鼈里之切。音釐。師古漢書註。毛之強曲者曰鼈。

星者人之七竅。

張云。七以法星。而合於人之七竅。舉七竅之大者言。則通身空

竅皆所主也。

所客於經。

甲乙。經字下有舍於絡三字。無下文舍於經絡四字。文意相貫。當從

之。

出鍼而養者也。

馬云。正氣因之而復其真。邪雖俱往。以出鍼而可以養其正氣。

不使之外洩也。

風者止爲深痺也。甲乙無八風二字。及理字。痺下有者字。馬云。人之手足。各有

股肱關節計八。今八正之虛風。二至二分四立爲八正合於東西即八風以傷

人。張云。九以法風。而合於人之股肱八節。言八節則通身骨節皆其屬也。

溜不能過於機關。馬云。其流不能過於機關大節。張云。凡淫邪流溢於肌體。爲

風爲水。不能過於關節而壅滯爲病者。必用大鍼以利機關之大氣。

爲之治鍼。甲乙鍼上有大字簡案。官鍼篇云。病水腫不能通關節者。取以大鍼。

知是大鍼。乃去水鍼也。

令小大如挺。趙府本。張本。小大。作尖一字。簡案。攷九鍼十二原篇。亦作尖。當改。

巾鍼。甲乙作布鍼。張云。按巾鍼。絮鍼。綦鍼等製。必古鍼名也。未詳其義。簡案。證

類本草。布鍼用縫布大鍼也。

寸半卒銳之。甲乙作半寸。張云。卒。尾也。此鍼身大。其近末約寸半許。而漸銳之。

共長一寸六分。主瀉去陽氣。故治熱在頭身。簡案。此鍼通計長一寸六分。其寸

半而卒銳之。則其餘有一分。豈有此理乎。不若當從甲乙作半寸。卒。暴也。此鍼

之製。長寸六分。其去末五分之所暴銳之。其刺淺而瀉表陽氣也。此說出本邦

前輩芳恂益。今從之。

筭其身而卯其鋒。張云。筭如竹筭也。卯員如卯銳也。此鍼直其身員其末。故但

治分間之氣。而不使傷其肌肉也。

按脈取氣。張云。九鍼十二原篇曰。按脈勿陷。以致其氣。蓋利於用補者也。

鋒鐵。張云。九鍼十二原篇云。刃三隅以發痼疾。蓋三稜者也。本篇言按其身者。

似或有誤。

兩熱爭者也。張云。言寒熱不調。兩氣相搏也。

綦鍼。博雅云。綦。綺綵也。

大小長短法也。張云。按以上九鍼之用。凡所取者。皆言有餘之實邪。則鍼不宜

於治虛也。

九野。張云。卽八卦九宮之位也。志云。九州之分野也。簡案。攷下文。張註爲是。

左足應立春。甲乙作左手。張云。此左足應艮宮。東北方也。立春後。東北節氣也。

寅丑二日。東北日辰也。故其氣皆應於艮宮。然乾坤艮巽。四隅之宮也。震兌坎離。四正之宮也。土王於四季。故四隅之宮。皆應戊己。而四正之宮。各有所王。後

倣此。

左脅應春分。甲乙脅作胸。張云。此左脅應震宮也。左脅正東方也。春分後正東節氣也。乙卯日東方之正也。故其氣皆相應。

左手應立夏。甲乙作左足。張云。此左手應巽宮。東南方也。立夏後東南節氣也。戊辰己巳東南日辰也。故其氣皆相應。

膺喉着頭應夏至。張云。胸前曰齊。齊喉首頭應離宮。正南方也。夏至後正南節氣也。丙午日南方之正也。故其氣皆相應。

右手應立秋。張云。此右手應坤宮。西南方也。立秋後西南節氣也。戊申己酉西南日辰也。故其氣皆相應。

右脅應秋分。甲乙脅作胸。張云。此右脅應兌宮。正西方也。秋分後正西節氣也。辛酉日西方之正也。故其氣皆相應。

右足應立冬。張云。此右足應乾宮。西北方也。立冬後西北節氣也。戊戌己亥西北日辰也。故其氣皆相應。倪仲玉云。氣從下而上。故左足應立春。右足應立冬者。氣復歸於下也。

腰尻下竅應冬至。張云。此腰尻下竅應坎宮。正北方也。冬至後。正北節氣也。壬子日。北方之正也。故其氣皆相應。

六府。膈下三藏應中州。甲乙。府下有及字。三作五。簡案三作五。恐傳寫之訛。張云。此膈下應中宮也。膈下腹中也。三藏。肝脾腎也。六府三藏俱在膈下腹中。故應中州。

其大禁。大禁止及諸戊己。甲乙作其口大禁。是張云。大禁者。在太乙所在之日。及諸戊己日。蓋戊己屬土。雖寄王於四季。而實爲中宮之辰。故其氣應。亦如太一出九宮八風篇。按太一如冬至居叶蟄宮四十六日。立春居天留宮四十六日之類是也。但彼止言八宮。而不及中宮。此節乃言中宮太一所在之日。意者於八宮太一數中。凡值四季土王用事之日。卽中宮太一之期也。惟博者正之。簡案。此卽與乾鑿度鄭註符矣。王云。遁甲經曰。六戊爲天門。六己爲地戶。故爲天忌。

凡此九者。張云。九。九宮也。正。正風也。八正卽八方正氣之所在。太一之謂也。八宮定。則八正之氣可候矣。

所主左右上下止。謂天忌日也。張云。天地八正之方。卽人身氣王之所。故所主

左右上下。凡身體有癰腫之處。勿以所直之日潰治之。恐其走泄元氣。以犯天忌不吉也。馬云。天忌見素問八正神明論。前官能篇。按後世鍼灸法。最忌九宮尻神。九部尻神。十二部尻神。此固當遵。簡案。癰疽逐日逐時之忌。見甲乙經癰疽篇。行年血忌患癰疽。見劉涓子鬼遺方。

形樂止是謂形。噤。諸本作喝。馬云。喝當作噤。按素問血氣形志論。與此節同。但彼曰病生於咽嗑者爲是。彼曰治之以百藥。此曰甘藥者是也。彼末句云。是謂五形志也。此節之末句有缺。簡案。筋脈。素問作經脈。似是。志云。喝當作囁。誤。

五臟氣止腎主欠。馬云。此與素問宣明五氣論同。

六腑氣止爲水。馬云。宣明五氣論。與此大同。

五味。馬云。與宣明五氣論亦同。但此多淡入胃一句。王遜云。淡附於甘。故淡入胃。

五并。畏。甲乙作飽。注。一作畏。馬云。與宣明五氣論亦同。但彼未有云。虛而相并者也。王遜云。肺在志爲憂。精氣并於肝則憂者。所勝之氣乘之也。多陽者多喜。心爲陽藏。精氣并之。故喜。經云。神有餘則笑不休。精氣并於肺。則肺舉而液上。

溢。液上溢則泣出而悲。腎在志爲恐。五精氣并之。其間有所勝之氣乘之。所不勝侮之。故恐。土氣灌於四藏。而四藏之精氣反并於脾。故畏。此因藏氣虛。而餘藏之精氣并之。皆爲病也。陰陽應象論曰。心在志爲喜。喜傷心。腎在志爲恐。恐傷腎。乃有餘而爲病。過猶不及也。

五惡。

馬云。與宣明五氣論同。

五液。

馬云。與宣明五氣論同。

五勞。

馬云。與宣明五氣論同。王遜云。勞。謂太過也。夫四體不勞。則血氣不行而

爲病。是以上古之民。形勞而不倦。蓋不可久而太過也。久視損神。故傷血。久臥則氣不行。故傷氣。脾喜運動。故久坐傷肉。久立則傷腰腎脛膝。故傷骨。行走罷極。則傷筋。是五勞而傷五藏所主之血氣筋骨也。

五走。

馬云。此卽宣明論之五味所禁。較此更詳。

五裁。

馬云。與宣明五氣論同。王遜云。裁者。酌其適中而不可多也。夫五味入口。

內養五藏。外濡形身。病則嗜食。故宜裁之。案素問作五禁

五發。

趙府道藏正脈熊本張本。陰病作以味。馬志本作陰病發於肉。簡案。宣明

五氣論。氣作肉。當以馬本爲正。張註。宣明五氣云。按九鍼論。尙有以味發於氣一句。蓋食入於陰。則長氣於陽。故味發於氣也。

五邪。甲乙及諸本。顛作癩。馬云。顛當作癩。喜當作善。此與宣明五氣論同。以陽氣上升。故項顛有疾。如頭痛眩暈等證也。志云。喜當作善。宣明五氣章曰。陰出之陽病善怒。

五藏。馬云。此與宣明五氣論同。但彼則腎止曰藏精。不及志。難經兼言腎藏精與志。故言有七腎之說。

五主。馬云。與宣明五氣論同。

陽明止出氣惡血也。馬云。此節與素問血氣形志論。本經五音五味篇。大同小異。當以素問爲的。此言陰陽合經。有血氣多少。故刺之者。凡多者則出之。少者則惡出之也。

歲露論篇第七十九

諸本無篇字。馬云。末以逢其風而遇其雨者。爲遇歲露。故名篇。

經言夏日傷暑止其病稍益至。甲乙至作早。諸本宴作晏。當改。馬云。按此節當與素問瘧論第三節參看。張云。瘧論云。二十五日下至髀骨。二十六日入於脊內。與此不同。蓋彼兼項骨爲言。此則單言脊椎也。伏衝之脈。彼作伏臂之脈。至字誤。瘧論云。益蚤者是。簡案。馬以至字按下節。非。

次日乃檣積而作焉。馬云。據瘧論云。其間日發者。由邪氣內薄於五藏。橫連募原也。其道遠。其氣深。其行遲。不能與衛氣俱行。不得皆出。故間日乃作也。此節當以瘧論參考。宜爲間日而發。故云然。否則上下不相蒙矣。

氣之所舍節則其府也。馬云。節字衍。按瘧論云云。邪氣之所舍則其府也。今此節不若素問之詳。必與彼參看始明。張云。衛氣之所應。瘧論作所發。所舍節言所舍之節也。

夫風之與止瘧乃作也。馬本。以時休作以時依。註云。依當作休。按瘧論云云。此節不若瘧論尤詳。當參看。張云。本篇兩搏字。瘧論俱作薄。

故有寒暑。甲乙故作因是。
八正虛邪。甲乙虛作風。

賊風邪氣之中人也。止徐以遲。甲乙內極病。作內亟也。其病人也。作疾其病人也。張云。此言賊風邪氣。亦能傷人。又有非入正虛邪之謂者。凡四時乖戾不正之氣。是爲賊風邪氣。非如太一所居。入正虛邪之有常候。此則發無定期。亦無定位。故曰。不得以時也。然其中人。必因膚腠之開。乃得深入。深則內病極。故其病人也。卒暴。若因其閉。雖中必淺。淺而不去。其邪必留。亦致於病。但徐遲耳。其故常有時也。甲乙其故。作固一字。張云。此謂平居無事之時。其腠理之開閉。緩急。而致卒病者。亦各有其故。蓋因於時氣耳。

人與天地相參也。止其病人也。卒暴。張云。緻密也。郄。閉也。縱。寬也。人與天地日月相參應。而此獨言月言水者。正以人身之形質屬陰。故上應於月。下應於水也。夫地本屬陰。而西北則陰中之陰。東南則陰中之陽。故地之體。西北高。東南下。月滿則海水西盛者。陰得其位。陰之實也。在人應之。則血氣亦實。故邪風不能深入。月郭空則海水東盛者。陰失其位。陰之衰也。在人應之。則血氣亦虛。故邪風得以深入。而爲卒暴之病。煙垢。膩垢如煙也。血實則體肥。故膩垢着於肌膚。表之固也。血虛則肌瘦。故膩垢剝落。類乎風消。表之虛也。此所以皆關於衛

氣却隙同志云。理者肌肉之文理。乃三焦通會之處。故曰焦理煙垢者。火土之餘也。三焦主火。肌肉主土。故焦理薄則煙垢落。謂肌肉減。腠理開則肌腠之氣亦消散也。簡案下篇云。上膻中膻。故志爲三焦會通之理也。

乘年之衰。止工友爲羸。甲乙和下有人氣。乏少四字。張云。乘年之衰。如陰年歲氣不及。邪反勝之。及補遺刺法本病二論。所謂司天失守等義是也。逢月之空。如入正神明論曰。月始生則血氣始精。衛氣始行。及上文月滿則海水西盛。月郭空則海水東盛等義是也。失時之和。如春不溫。夏不熱。秋不涼。冬不寒。客主不和者是也。三虛在天。又必因人之虛。氣有失守。乃易犯之。故爲賊風所傷。而致暴死暴病。使知調攝避忌。則邪不能害。故曰乘曰逢曰失者。蓋兼人事爲言也。簡案。乘年之虛。諸家並以運氣家之言解之。此恐不然。必別有說。聊記候識者。

兩邪相搏。經氣結代者矣。張云。冬至中之。立春又中之。此兩邪也。邪留而不去。故曰結。當其令而非其氣。故曰代。觀陰陽應象大論曰。冬傷於寒。春必溫病。卽此之調也。簡案。馬云。人之經氣相結。而代脈見矣。非也。

命曰遇歲露。張云。歲露即前章淋露之義。歲則兼平時也。上二節言虛風之傷人。此一節又言賊風邪氣之傷人。而歲氣之多邪者。尤爲民之多病也。志云。風者天之氣。雨者天之露。故諸逢其風而遇其雨者。命曰遇歲露焉。簡案。志註義長。沈存中筆談云。十一月中遇東南風。謂之歲露。有大毒。若饑感其氣。則開年著溫病。蓋本於本節之義立說者。

正月朔日。張云。此下言歲候之占。重在元旦也。元旦爲孟春之首。發生之初。志云。正月朔日。候四時之歲氣者。以建寅之月爲歲首。人生於寅也。簡案。元旦占八風。見漢書天文志。

平旦北風行。民病多者。熊本馬本風字下句。馬志。病多作病死。

旱鄉。漢書天文志。南方謂旱鄉。

白骨將。志本將字接下句。

天寒而風。甲乙作大寒疾風。

蟻傷。馬張俱云。蟻殘同。簡案。檢字書蟻字無攷。史熊亦缺。

二月丑止多暴死。張云。二三四月。以陽王之時。而丑日不風。戌日不溫。巳日不

暑。陰氣勝而陽不達也。故民多病。十月以陰王之時。而申日不寒。陽氣勝而陰不藏也。故民多暴死。

諸所謂風者。張云。此釋上文諸所謂風者。必其異常若是。乃爲凶兆。否則不當概論。

大惑論篇第八十

諸本無篇字。

清冷之臺。止何氣使然。甲乙作青霄之臺。自上作自止。張云。臺之高者其氣寒。故曰清冷之臺。凡人登高博望。目見非常之處。無不神魂驚蕩。而心生眩惑。故特借此以問其由然也。

上注於目而爲之精。精之窠爲眼。甲乙。窠作裏。馬云。精。睛同。張云。爲之精。爲精明之用也。窠者。窩穴之謂。眼者。目之總稱。五藏六府之精氣。皆上注於目。故眼爲精之窠。而五色具焉。志云。精。精明也。窠。藏也。簡案。脈要精微論云。夫精明者。所以視萬物。別白黑。審短長。以長爲短。以白爲黑。如是則精衰矣。是也。馬註誤。

瞳子。張云。眸子也。骨之精主於腎。腎屬水。其色玄。故瞳子內明而色正黑。簡案。

慧琳一切經音義云。睛者。珠子也。纂韻云。眼黑睛也。古人呼爲眸子。俗謂之目。

瞳子。亦曰目瞳人也。論文謂之眼根。銀海精微云。瞳人爲水輪。屬腎水是也。

黑眼。張云。黑眼。黑珠也。筋之精主於肝。肝色青。故其色淺於瞳子。簡案。銀海精

微云。黑睛爲風輪。屬肝木是也。

血之精爲絡其窠。甲乙。絡其窠。作其絡。馬云。心主血。血之精爲絡。所以絡其窠

也。簡案。其窠。張志接下句云。窠氣者。言目窠之氣。非也。銀海精微云。大小皆爲

血輪。屬心火是也。

白眼。甲乙。白作睛。馬云。肺主氣。氣之精爲白眼。簡案。銀海精微云。白爲氣輪。屬

肺金是也。

爲約束。張云。約束。眼胞也。能開能闔。爲肌肉之精。主於脾也。志云。約束者。目之

上下網。肌肉之精爲約束。脾之精也。

裹擷止出於項中。甲乙。擷作契。張云。擷。交結切。以衣衽收物謂之擷。脾屬土。所

以藏物。故裹擷筋骨血氣四藏之精。而并爲目系。以上出於腦項之間。簡案。擷。

韻會。奚結切。音絮。將取也。又與顙同。以衣貯物。而扱其衽也。張註本於此。今攷顙、顙通。顙說文結也。一切經音義云。顙賢結反。以絲縛繒染之。解絲成文曰顙。乃結束之義也。銀海精微云。上下胞臉爲肉輪。屬脾土是也。馬云。後世五輪之說。似是而不典。當以此義爲正。攷銀海精微等所載五輪之說。乃與本節之旨不相詭。不可爲之典也。但八廓之說。無所見於古經。

故邪中於項止見兩物。甲乙項因作頭目。邪其精。其精所中。不相比也。十一字。作邪中之精。則其精所中者。不相比。不相比十六字。千金方亦作邪中其睛。則其睛所中者。不相比。則睛散。張云。前邪字邪氣也。後邪字與斜同。邪氣中於風府。天柱之間。乘其虛則入腦連目。目系急則目眩睛斜。故左右之脈。互有緩急。視歧失正。則兩睛之所中於物者。不相比類。而各異其見。是以視一爲兩也。此承帝問而先發邪氣之中人者如此。以明下文之目見非常者。亦猶外邪之屬耳。志云。比周密也。邪其精。其精爲邪所中。則不相比密而精散矣。簡案。經文恐有脫誤。註亦似牽強。當以甲乙爲正。許氏本事方云。荀牧仲項年常謂予曰。有人視一物爲兩。醫者作肝氣有餘。故見一爲二。教服補肝藥。皆不驗。此何疾也。

予曰。孫真人云云。睛散則歧。故見兩物也。令服驅風入腦藥。得愈。所常營也。張本無也字。

陰陽合傳而精明也。甲乙傳作揣。志云。陰乃肝腎。陽乃心肺。故陰陽相合。傳於目而爲精明也。

神精亂而不轉。甲乙作神分精亂而不揣。

東苑。馬云。清冷之臺。東苑之所有也。

心有所喜止甚者爲惑。甲乙感作惑。張云。偶爲遊樂。心所喜血。忽逢奇異。神則惡之。夫神有所惡。則志有不隨。喜惡相感於卒然。故精氣爲亂。去之則神移。神移則復矣。間者言其未甚也。亦足相迷。况其甚者。能無惑乎。

上氣不足止故善忘也。張云。下氣有餘。對上氣不足而言。非謂下之真實也。心肺虛於上。營衛留於下。則神氣不能相周。故爲善忘。陽衰於上之兆也。

精氣并於脾止故不嗜食也。甲乙寒作塞。簡案。諸註順文詮釋。義殆難通。豈有胃熱而胃脘寒之理乎。當以甲乙爲正。蓋胃熱故善饑。胃脘寒故不嗜食。

衛氣不得入於陰止故目不瞑矣。張云。衛氣晝行於陽。夜行於陰。行陽則寤。行

陰則寐。此其常也。若病而失常。則或留於陰。或留於陽。留則陰陽有所偏勝。有偏勝則有偏虛。而寤寐亦失常矣。志云。陰蹻陽蹻並會於足太陽之睛明。衛氣行陽行陰。皆從目以出入。故曰目者。營衛魂魄之所常營也。衛氣留於陰。止故目閉也。甲乙留作行。行作入。張云。此言因病而目有不能開視。及病而多寐者。以衛氣留於陰分。陰蹻滿而陽氣虛耳。觀寒熱病篇曰。陰蹻陽蹻。陰陽相交。陽入陰。陰出陽。交於目內眥。陽氣盛則瞑目。陰氣盛則瞑目。卽此上文兩節之義。

此人腸胃大止。故多臥矣。甲乙濕作澀。更有澀則二字。下濕字亦作澀。不精。註一作不清。馬本。衛氣作胃氣。誤。張云。解利也。腸胃大則陰道迂遠。肉理濕滯不利。今人有飽食之後。卽欲瞑者。正以水穀之悍氣。暴實於中。則衛氣盛於陰分。而精陽之氣。有不能勝之耳。世俗但呼爲脾倦。而不知其有由然也。故少瞑焉。甲乙瞑作臥。

其非常經也。張云。言其變也。蓋以明邪氣之所致然者。邪氣留於上。騰止卒然多臥焉。張云。騰焦同。邪氣居於上焦。而加之飲食。則衛

氣留閉於中。不能外達陽分。故猝然多臥。然有因病而不能瞑者。蓋以邪客於藏。則格拒衛氣。不得內歸陰分耳。

治此諸邪。馬云。自大惑論善忘已下七項。張云。統言本論八證也。

先其藏府。止定乃取之。志云。先其藏府者。先調其五藏六府之精氣神志。誅其小過者。去其微邪也。後調其氣者。調其營衛也。必先知其形志之苦樂。定其灸刺熨引。甘藥醪醴以取之。蓋志者精神魂魄志意也。形者營衛血氣之所營也。故志苦則傷神。形勞則傷精氣矣。

癰疽篇第八十一

諸本無篇字。

黃帝曰。劉涓子鬼遺方作九江黃父問於歧伯。千金翼作九江黃父相癰疽論。黃帝問於歧伯曰。

上焦出氣。張云。宗氣也。宗氣出於喉嚨而行呼吸。其以溫分肉。養骨節。通腠理者。是衛氣化於宗氣也。

中焦出氣如露。

甲乙。露。作霧。是。張云。營氣也。其於陰陽已張。因息乃行。是營氣

化於宗氣也。

變化而赤爲血。

甲乙。作赤而。似是。

皆盈。

甲乙。皆上更是絡脈二字。千金翼同。

從虛去實。

止補則有餘。

從虛去虛。

甲乙作從實。是。

馬云。其實者則從虛之之法。

以去其實。所以瀉則不足而爲虛也。蓋疾去其鍼。則邪氣減矣。若久留其鍼。先

後如一。斯則從實之之法。以去其虛。所以補則有餘而爲實也。

形氣乃持。

甲乙作神氣。千金翼作形神。張云。持。定也。

草薺。

馬本。志本。甲乙。鬼遺方。薺。作蕒。千金翼作蘆。史音薺。魚飢切。張云。音宜薺。

莧草。鹿葱也。簡案。玉篇。莧。本作宜男。鹿葱也。然邪客篇。地有草蕒。此薺當蕒。

誤。

衛氣歸之。不得復反。

志云。歸。當也。榮血留泣不行。則衛氣亦還轉。而不得復反

其故道。故癰腫也。潘氏續焰云。言衛氣因以留聚。而不復返於平常流行之故

道也。

不當骨空。止不相榮。千金翼。骨空下更有骨空二字。甲乙作髓消不當骨空。不得泄瀉。則筋骨枯空。枯空則筋骨肌肉不相親。志云。骨空者。節之交也。癰腫不當骨空之處。則骨中之邪熱。不得泄瀉矣。潘氏云。骨空骨中之細孔。如髮眼者。所以通血液之滲灌。簡案。髓充骨空。今髓消而不當骨空。骨空無髓之可泄瀉。則筋骨枯矣。志註恐誤。

與忌日名。外臺作與期日。無名字。

歧伯曰。鬼遺方。千金翼。外臺。引集驗。曰字下有略說癰疽之極者八十種一句。癰發於嗑中。名曰猛疽。止三日已。合。千金翼作含。外臺注。一云無冷食。志云。嗑乃肺之上營。呼吸出入之門。發於嗑中。其勢甚猛。故名猛疽。若膿不瀉而塞嗑。則呼吸不通。不待半日而死矣。張云。豕膏。即猪脂之煉淨者也。觀萬氏方。有治肺熱暴瘡者。用猪脂一斤。煉過。入白蜜一斤。再煉少頃。濾淨冷定。不時挑服一匙。即愈。若無疾服之。最能潤肺潤腸。即是豕膏之屬。簡案。太陰陽明論云。喉主天氣。嗑主地氣。史倉公傳云。飲食下嗑。說文。嗑。咽也。此嗑爲食道。然本文言塞咽半日死。則嗑爲氣道明矣。王氏準繩云。結喉癰。一名喉癰。靈樞名曰猛疽。以

其勢毒猛烈可畏也。此以喉外結喉上爲噎也。按衛生寶鑑有砭刺腫上出紫黑血用桔梗甘草連翹黍粘黃芩升麻防風等藥醫治猛疽。按此乃似指喉內壅腫爲猛當參攷。

發於頸名曰天疽。巢源天作掖。淵腋作掖淵。千金翼其癰作其疽。天李本作天。外臺註太素經曰項前曰頸。李云天疽者在天柱也。俗名對口。潘氏云外在頸而內則入腋熏肺以其最上故曰天。準繩頸癰乃天疽。簡案天疽發於兩耳後左右頸上。志云頸乃手足少陽陽明血氣循行之分部是也。蓋其毒烈使人橫夭。故名天疽也。陳氏正宗云天疽銳毒生於耳後一寸三分致命之處。左爲天疽。天者妖變之物也。故屬於肝木。右爲銳毒。銳者利也。鋒利之器。屬於肺金是也。對口卽腦疽。與此自別。

名曰腦爍。其色不樂。千金翼留項作流項。鬼遺方爍作燥。千金翼作腦爍疽。註樂一作除。潘云爍消爍也。烈火熔金之謂。腦被其熱。爍亦加之。煩心者腎毒傳心也。志云陽氣大發者三陽之氣并發也。三陽者太陽也。太陽經脈入於腦出於項。故陽氣大發留於項。名曰腦爍。張云色有不樂傷乎心也。痛如刺以鍼毒

之銳也。煩心者。邪犯其藏也。簡案。準繩以鬼遺方。腦疽。爲腦爍。

發於肩及臑。名曰疵癰。止遲。炳之。

鬼遺方作雌疽。甲乙作疵疽。甲乙。千金翼。外

臺。遲。作逆。巢源。肩作轉。遲。作燉。張云。肩髃下軟白肉處曰臑。此非要害之所。故

不及五藏。遲疾也。炳。艾炷也。謂宜速灸以除之也。志云。肩臑乃肺之部分。故令

人汗出至足。此癰生浮淺。如疵之在皮毛。故名疵癰。而不害五藏。遲。快也。速。炳

治之。則毒隨氣而散矣。

燉玉篇火威貌

名曰米疽。止勿裹之。

千金翼。米作朱。砭之。作啓之。志云。米者言其小也。治之以

砭石者。癰亦浮淺也。毒氣在於皮膚之間。六日則氣已周而來復。故已勿裹之

者。使毒氣外洩也。張云。砭石欲細者。恐傷肉也。欲長者。用在深也。故宜疎不宜

密。薛氏外科心法云。腋疽一名米疽。又名疣疽。發於肘腋窩正中。初起之時。其

形如核。由肝脾二經。憂思恚怒。氣凝血滯而成。腋癰又名夾肢癰。李云。豕膏者。

卽猪油煎當歸。以蠟收者也。

馬刀挾纓。

千金翼。其癰作其疽。按上節而爲一節。甲乙。纓作癰。外臺註太素經

曰。頸前曰纓。張云。此卽瘰癧也。挾纓。經脈篇作俠癭。欲急治者。恐遲則傷人也。

潘云。馬刀蛤蠣之屬。癰形似之。挾纓者。發於結纓之處。大迎之下頸側也。二癰。一在腋。一在頸。常相連絡。故俗名歷串。簡案。李志並云。纓當作癭。非也。嬰癭从广者。

井疽。李云。井者喻其深而惡也。發於胸者。近犯心王。治之宜蚤。準繩云。心窩生疽。初起如黃豆。肉色不變。名曰井疽。又名穿心冷癰。申氏啓玄云。井疽又名心漏疽。又名穿心毒。最爲難治。

甘疽。色青。其狀如穀實。藟藟。巢源。藟藟。作瓠瓜。鬼遺方作萎瓜。史音藟藟。古括樓字。馬云。穀木名。李云。膺逼近在乳上也。穴名膺窗。足陽明胃之脈也。土味甘。故曰甘疽。薛氏云。此疽生於乳上肉高聳處。屬肺經中府穴之下。無論左右。皆由憂思氣結而成。簡案。穀。去下从木音構。考本草楮實亦名穀。實大如彈丸。青綠色。至六七月。漸深紅色。乃成熟。馬註爲是。張志及潘俱爲米穀之義。殊不知穀。穀字自別也。志云。死後出膿者。謂至將死之候。然後出膿而死。此卽乳岩石癰之證也。出膿之解。近是其爲乳岩石癰者。恐非也。

敗疵。止灸之。巢源。千金翼。外臺。敗疵。作改訾。巢源又云。癰發女子陰傍。名曰改

皆疽。久不治。其中生息肉。如赤小豆麻黍也。翼外臺。灸之。作久之。李云。脅者肝之部也。婦人多鬱怒。故患此瘡。潘云。亦乳串之類。

劉陵薊草根。止至足已。甲乙。根下有及赤松子根五字。外臺。薊。作連。草下有及字。千金翼。一升。作一斗。馬云。薊。今之連翹也。張云。薊。芰也。薊。連翹也。二草之根。俱能解毒。故各用一升。大約古之一升。得今之三合有零。以水一斗六升。煮取三升。俱折數類此。李云。乘其熱而強飲之。復厚衣坐於熱湯之釜。薰蒸取汗。汗出至足乃透。已者愈也。簡案。薊。說文。芰也。玉篇。薊。薊同。故張志以爲菱。然據外臺馬註爲是。

發於股脛。名曰股脛疽。止三十日死矣。巢源。上脛字作陽股。脛疽。作兌疽。甲乙。搏骨。作薄於骨。鬼遺方。巢源作附骨。張云。股脛。大股也。狀不甚變。言外形不顯也。癰膿搏骨。言膿著於骨。卽今人之所謂貼骨癰也。毒盛而深。能下蝕三陰陽明之大經。故不爲急治。則死矣。胡公弼云。貼骨癰。卽附骨疽。生大腿外側骨上。高不見高。腫不見紅。痛深至骨者是也。簡案。下文有發於股陰。名曰赤施。知是發於股脛。當是股陽。樓引劉涓子作股陽。今本作股陽明。準繩以此爲伏兔發。

銳疽。張云。尻尾骨骹也。穴名長強。爲督脈之絡。一名氣之陰郄。故不治則死。潘云。尾骨盡處而尖銳。故名。簡案。顧氏瘍醫大全。以此爲鵠口疽。正宗云。鵠口疽發在尾間之穴。

高骨頭尖初起形似魚胞久則突如鵠嘴

赤施。甲乙。巢源。千金翼。外臺。施作弛。鬼遺方作赤旋疽。張云。股陰。大股內側也。當足太陰箕門。血海。及足厥陰五里。陰包之間。皆陰氣所聚之處。故不治則死。若兩股俱病。則傷陰之極。其死尤速。志云。股陰者。足三陰之部分也。以火毒而施於陰部。故名曰赤施。潘氏云。股陰。足太陰厥陰二經所過之處。火毒傷陰之甚。則發此。曰赤施者。謂赤火之施發耳。準繩以此爲股陰疽。

疵癰。鬼遺方作雌疽。甲乙。巢源。千金翼作疵疽。甲乙。千金翼如堅石。作而堅者。其柔。作其色異柔。鬼遺方作須以手緩柔之乃破。外臺作其柔色異。志云。膝者筋之會。足少陽之分也。色不變者。色與皮膚相同而不赤也。其狀如大癰而色不變者。毒在外內之間也。如堅石者。石之則死。毒氣入於內也。須其柔而石之者。生。毒氣出於外也。余伯榮曰。堅石者。毒氣尚未透發。柔則發於外矣。故有外內死生之分焉。薛氏心法云。膝癰生膝蓋。色紅焮腫疼痛。屬氣血實。疵疽亦

生在膝蓋。腫大如癰。其色不變。寒熱往來。屬氣血虛。和輒爲順。堅硬如石者逆。兩膝俱生。屬敗證。不可治也。簡案。準繩一名鶴膝風。一名鼓槌風。恐誤。

諸癰疽之發於節。止三十日死。甲乙三十。作四十。馬云。節者關節也。其節之外廉爲陽。內廉爲陰。張云。諸節者。神氣之所遊行出入也。皆不宜有癰毒之患。若其相應。則發於上而應於下。發於左而應於右。其害尤甚。爲不可治。然發於三陽之分者。毒淺在府。其死稍緩。發於三陰之分者。毒深在藏。不能出一月也。志云。百日死者。日之終也。三十日者。月之終也。簡案。外臺註云。丈夫陽器曰陽。婦人陰器曰陰。樓氏云。陽謂諸節之背。陰謂諸節之臍。郤間。劉涓子云。應者內發透外也。數說未穩。張註得其旨矣。

兔齧其狀赤至骨。巢源作兔齧疽。甲乙。千金翼作其狀如赤豆。志云。齧音業。噬也。準繩云。足跟疽。又名兔齧。其狀如兔齧。故名。簡案。此生於脛而爲足跟疽之名誤也。顧氏大全脛疽門。引本篇爲是。

走緩止數石。其輪而止。鬼遺方。緩作緩。千金翼。外臺作數灸而止。千金翼無內踝之內字。志云。癰疽之變。有病因於內而毒氣走於外者。有腫見於外而毒氣

走於內者。此邪留於脈而不行。故名曰走緩。張云。數石其輪。砭其所腫之處也。準繩云。足內踝生疽。名曰鞋帶癰。簡案。作數灸而止。近是。

寒熱不死。志云。蓋足少陰秉先天之水火。故能爲寒爲熱也。簡案。爲寒熱而不死者。其義可疑。志註欠詳。馬張無解。

四淫其狀大癰。鬼遺方。大作如張云。陽受氣於四末。而大癰淫於其間。陽毒之極盛也。時氣移易。則真陰日敗。故逾三月而死。簡案。顧氏大全。於足發背門列此證。覺不穩焉。

厲癰止不消輒益。千金翼。厲作癘。如字。甲乙。千金翼。外臺作從。巢源。鬼遺方無。志云。此寒邪客於足陽明之脈而爲癰也。足陽明之脈。起於足大指次指之厲兌。故發於足傍。名曰厲癰。閔士先云。初如小指。其狀腫而長。乃邪在經絡之形也。衛氣歸之。則圓而墳起矣。李云。去其黑者。而猶不消。反益大焉。則百日必死矣。簡案。志。厲字之解。始爲傳會焉。其言發於足傍。則初從小指發可知耳。如字必誤。當依甲乙等作從。

脫癰止斬之。甲乙。鬼遺方。癰作疽。斬下有去字。張云。六經原膻。皆在於足。所以

癰發於足者。多爲凶候。至於足指。又皆六井所出。而癰色赤黑。其毒尤甚。若無
衰退之狀。則急當斬去其指。庶得保生。否則毒氣連藏。必至死矣。陳氏正宗云。
脫疽者。外腐而內壞也。凡患此者。多生手足。初生如粟。一點黃泡。其皮猶如煮
熟紅棗。黑色侵漫相傳。五指傳遍。上至脚面。疼如湯潑。火燃。其形骨枯筋縱。其
穢異香難解。其命仙方難活。孫真人曰。在肉則割。在指則切。卽此病也。

不則死矣。馬云。不。否同。

腐則爲膿。甲乙。腐上有肉字。

不能陷骨髓。甲乙。重骨髓二字。

淳盛。甲乙。千金翼。淳作純。

陷肌膚筋髓枯。志本。膚作肉。甲乙。枯作骨肉二字。是。

上之皮夭以堅。止此其候也。甲乙。夭下有瘀字。張云。夭以色言。黑暗不澤也。此

卽皮色之狀。可以辨其淺深矣。李云。夭者。色枯暗也。牛皮喻其厚也。澤者。光亮
也。癰字從壅。疽字從沮。總是氣血稽留。營衛不通之症。大而淺者爲癰。六府受
傷。可無大患。深而惡者爲疽。五藏受傷。大可憂畏。治之者。顧可緩乎。顧可忽乎。

簡案癰疽二證。以陰陽深淺輕重分之耳。而考上文諸篇。癰疽互稱。亦似無大分別。後世精要諸書。二寸至五寸爲癰。五寸至一尺爲疽之類。皆謬說也。

靈樞識終

靈樞識 卷六 癰疽篇第八十一

跋

古人治病。有鍼砭灸焫也。有按摩導引也。有祝由禁咒也。有湯液服啜也。有金石熨烙也。而近世治病。除丸散膏丹以外。惟注重於湯劑而已。如遇病在經絡筋骨。勢難奏其速效也。且善於鍼灸者。今亦寥若晨星矣。宜乎徐洄溪之言曰。內經治病之法。鍼灸爲本。而佐之以砭石熨浴導引按摩酒醴等法。病各有宜。缺一不可。蓋服藥之功。入腸胃而氣四達。未嘗不能行於臟腑經絡。若邪在筋骨肌肉之中。則病屬有形。藥之氣味。不能奏功也。故必用鍼灸等法。即從病之所在。調其血氣。逐其風寒。爲實而可據也。今丹波廉夫君。以異國之人。亦能鑑及於斯。而勤求古訓。博採衆法。觀其靈樞識之註釋。詳徵博引。既參吾國前賢之名論。復採難經詩經禮記左傳等書。以註解字義。即天文地理。亦瞭如指掌。嘉惠醫林。厥功甚偉。但鍼刺固宜候其呼吸而行。疾徐補瀉之法。即鍼之淺深。又分四時之不同。如春氣在毛。夏氣在皮膚。秋氣在肌肉。冬氣在筋骨。故有春夏刺淺。秋冬刺深之異。而其尤要者。在於神志專一。手法精嚴。經云。神在秋毫。屬意病者。審視血脈。刺之無殆。

跋

右先祖考所撰靈樞識六卷。向僅行鈔本。我先君深憾其傳之不遠。將爲刊本。以公於世。乃與信先兄謀。命信琰從家所藏稿本。重加訂正。未及付梓。而先君先兄不幸後先卽世。不肖等以菲材猥忝先職。恆恐是舉之荏苒不果。無以仰奉先志。會醫黌新開活字局。遂俾千賀久徵余語瑞信及信嗣子元和等。更相讎校。從活字刷印。裝成數部帙。庶乎與素問識並行。均爲讀此經者之津筏。雖未能若板本之精善。而抑亦先君先兄表章遺書之意歟。蓋嘗考之。此經與太素經互相參對。旨義較然。不假旁引曲證者有之。從前諸家之說。更似駢拇枝指者有之。惜當日其書仍未出。俾其出先祖考在日。其所辨訂補正。宜何如也。刻已告竣。併附著斯言。使後學有考焉。

文久癸亥仲秋

孫元琰拜手謹誌